

186



chi l'a pi 'd fil farà pi 'd teila

Ex libris

LUIGI FIRPO

26. 5. 3.

FIRPO

2748

BIBLIOTECA NAZIONALE
TORINO





VI

THRASYMENVS

siue

ANTHOLOGIAE

Illustrium Exemplorum

Decades Duæ

Senior

M. ANTONIVS BONCIARIVS

dictauerat

Iunior collegit atque vulgauit.

Cum Priuilegio Summi Pontificis.



IN AVGVSTA PERVSIA,
Apud Angelum Bartolum.

Superiorum concessu. M.DC.XLI.



S. D. N.
VRBANO
VIII.
PONT. OPT. MAX.



Inter non pauca ingenij monumenta, quæ moriens inedita M. Antonius Bonciarius noster natura Patruus, institutione Patrens optimus, omni nobis chariora censu reliquit, CENTVRIA est ILLVSTRIVM EXEMPLO- RVM, non magis, argumento, ad formandos mores, quàm stylo ad linguam erudiendam, idoneorum. Est huic lucubrationi (cuius, nunc quintam Partem, reliquas mox daturi, in lucem proferimus) nomen THRASY-

MENVVS siue ANTHOLOGIA :
Iure vtrumque, nam EXEMPLA
ipsa , tum ex Colloquio Sapien-
tium Virorum Auctor accepit ,
qui Dipnosophistarum more re-
petito, ad Thrasymenum ea nar-
rasse perhibentur : tum ex vario-
rum Scriptorum voluminibus ,
tamquam ex arcolis , veluti flo-
sculos quosdam ipse collegit : &
in hoc libello, quasi in calathisco,
non inconcinnè composuit Tibi ,
haud dubiè, P. B. ni Mors obsti-
tisset, oblaturus. Et fanè cuinam
iustius deberetur THRASYME-
NVS, quàm illi, qui eiusdem flu-
ctus latè olim stagnantes, & cir-
cumiectis, non modo agris, sed
Pagis etiam atque Oppidis stra-
gem meditantes (fossa qua sese
egerere solebat, repurgata) com-
pescuit, ingenti Accolarum bono,
qui, quoad Thrasymenus fluere
non desinet, tamdiu singulare hoc
in

in se promeritum prædicabunt?
Cui potius FLORES suos famu-
lari pateretur Bonciarius, quàm
APIBVS, quæ non nisi selectissi-
mos libare solent? Neque vero,
quod nostris nunc manibus por-
rigantur, verendum est, ne Tibi
P. B. minus bene oleant. amasti
Patrum nostrum, dum vixit:
tanti eum facere videbaris, quan-
tum ipse non audebat optare: il-
le contra colebat Te tamquam
omnis politioris litteraturæ, &
humanæ diuinæque Sapientiæ
Oraculum: nunc autem vt Dei in
Terris Vicarium, religiosè vene-
raretur; nimis timidi essemus; si
Hominem veteri Tibi clientela
addictissimum, ad Tuos in præ-
sentia beatissimos Pedes, prouo-
lutum, non speraremus excipien-
dum perhumaniter. Nobis cer-
te, qui sponte sua venturum, ad-
ducimus, gloriosissimum futu-

rum est, atque omni patrimonio
pretiosius; si M. Antonij obse-
quentissimæ erga Te voluntatis
Hæredes non indignos iudicaue-
ris, qui ad nonnullam eius Pro-
uidentia partem pertineant, qua
Mundum vniuersum arctè con-
plecteris, & non minus exornas
meritis, quàm regis Imperio.

SANCTITATIS TVÆ

Humillimi ac deuotissimi subditi
M. Antonius & } Bonciarij fratres
Bernardinus

Ad

Ad
VRBANVM VIII.
PONT. OPT. MAX.

In Posthumam Thrasymeni editionem
M. Antonij Bonciarij.

Impetijs deuicta tuis qua cesserat olim,
Suppliciter dominos alluit unda pedes.
Vt quæ coarctato fluxit Tibi gurgite, sperat
Ex imis per Te surgere posse vadis.
Ac simul emissis liceat decurrere limphis,
Et pelagus fiet, qui fuit ante Lacus.
Hactenus angusta sonnit praconia ripa,
Latior in laudes iam Thrasymenus erit.

Felix Verducciolus.



Ad

THRASYMENV M.

Feruebas tumidè clauso truculentior astu,
Edemito placidas aquore sternis aquas,
Prouocat auspicijs idem, qui presserat olim,
PRINCEPS, ille tui frana tenoris habet.
Sic fidos repetis Thrasym. ne coercite fines,
Sic fluis immenso vastior Oceano.
At te siuè tenent seu laxant littora, fluctus
Eui. plausus, DOMINO concinit unda suo.

Idem.





LIBRARY OF THE
UNIVERSITY OF CHICAGO

LIBRARY OF THE
UNIVERSITY OF CHICAGO



MINVS POS
NON IPSI
HOMERVS APPELLATVS
M. ANT. BONCIARIUS A. I. LIPSIO ITALUS

OCVLORVM HIC LVCE CASSVS
MVSARVM OCVLVS VIXIT
HINC
PERVSIA IACTAT HOMERVM SVVM
OCVLOS IN COELVM
TRANSTVLIT FAMA
GEMINAM AD PORTVM GLORIÆ
NAVIGANTIBVS CYNOSVRAM
TV VERO GAVDE
ANTONI
NVNQVAM DE TE NON RECTE
LOQVETVR
ERVDITA MORTALITAS,
QVÆ A TE ARTEM HABET RECTE
LOQVENDI.

Collegium Romanum Societatis IESV
hoc Elogio Bonciarium honestavit
Anno Domini MDLXXL.



Præfatio IN EXEMPLA *Ad Lectorem.*



Vt aui me operæpretium
esse facturum, si quæ nam
occafio ad hæc fcriben-
da me impuliffet, initio
aperirem paulò altiùs nar-
ratione repetita. Olim
igitur valdè adolefcens,
vel potiùs puer cum decreffem fub Au-
tunnum exire rufficatum, & mentem ftu-
dijs grauioribus fatigatam ita recreare
apricando, difcurfando, liberiùs agendo;
vt tamen longiùs ab amœnioribus Mufis
non difcederem: cœpi fedulò cogitare ac
reputare cum animo, quos nam mecum
exportarem libellos, vnde ingenuam, li-
beralem, & illis aptam temporibus volu-
ptatem haurire poffem; fuper cetera va-
riam, iucundam, non onerofam, non in-
fructuofam. Proinde veterum latinorum,
velut militum, vel potiùs Ducum numero
inito, & fingulorum copijs antè oculos ex-
pofitis; intento animo luftraui vniuerfos.
Et dico nè an non dico, mihi quid accide-
rit? in altero audax, in altero mendax cui-
quam potero videri. At dicendum tamen:

quoniam incoepi, quoniam ad rem. Ex tanto veterum numero Scriptorum, qui rem Latinam perennibus ingenij monumentis exornarunt, nè vnus quidem reperi- tus mihi est, qui meo desiderio, meique votis ad plenum responderet. Id quò com- modiùs ordiner, certiùsque constituerem, proposui apud animum seriem ordinem- que Scriptorum, qui hoc in genere mihi prodesse, atque ad rem meam posse facere videbantur Oratores, Historici, Poetæ, Philosophi, Theologi, Polyhistores, & Phi- lologi omnes: ad hæc Collectores dicto- rum, apophthegmatum, exemplorum. Primùm Ciceronem in omni genere per- fectum, eiusque singularia opera expende- re coepi. Orationes pleræque grauissimæ, vt quæ in Verrem, quæ in Catilinam, quæ pro Muræna, pro Plancio, pro Roscio, pro Lege Agraria, de Haruspicum responsis, aliæque generis eiusdem. Nonnullæ dica- ces, maledicæ, atque (vt mihi semper vi- sæ sunt) parùm liberales. illa etiam pro- cax, & Auctoris vel dignitate, vel ætate indigna, quam plerique in Cœlum ferunt, Secunda in Marcum Antonium. Quædam honestiore ac magis (vt sic dixerim) ciuili argumento, vt pro Archia, pro Marcello, pro Ligario, pro Rege Deiotaro, pro Pom- peio; vniuersæ autem (quis tam impudens, vt negare audeat?) excultæ, laboratæ, in- geniosæ, vberes, efficaces, vehementes; Philippicæ antè alias, quibus vnà exclu- dere

dere conatus videtur & Antonium & Demosthenem . at singulæ tamen propter quas causas iure commendantur , & in summo pretio habentur ; propter easdem , minùs aptæ sunt rusticanti , & remittere ingenium , non intendere volenti . De libris Oratorijs , in quibus benè dicendi , & de Philosophicis , in quibus benè viuendi præcepta traduntur , idem planè iudicium feras . nec dissimile de illis , in quibus contra Epicurū fines Bonorum , Malorūque constituit , vel de illis , in quibus originem , naturam , vim Deorum scrutatur ; vtilia omnia & cognitu dignissima quippequæ linguam acuiunt , mores formant , pectus instruunt , exornantque . At nos isthæc erudita & grauiā per reliquum annum , dies noctelque in scholis molimur . illæ sunt feriæ Autunnales ingenio partim reficiendo ab æstiuis laboribus , partim muniendo ad hiemales vigilias destinatæ . Inter Epistolas ad Trebatium , & ad Petum legas quasdam huic temporī , & huic negotio accommodatas . lepidis salibus , & ingeniosis argutijs respersæ sunt . pauculæ illæ tamen , ac iam nimis vulgatæ . Dialogi supersunt Lælius & Cato , vt ciuilibus maximèque vtilibus abūdantes præceptis ad amicitiam excolendam , & senectutem iucundè traducendam : ita minimè illorum aut locorum , aut temporum .

Dixi de Cicerone verbosius . Non iniuria opinor . quanto hic est supra ceteros ,

PRÆFATIO

tantò examen requirebat & accuratius, &
 magis exquisitum. Sequuntur Historici,
 quorum aliqui nimium breues, nimium
 concisi, Valerius; Iustinus, L. Florus; alij
 plus nimio longiores, & rerum quarum-
 cumque minuti scrutatores, Sallustius, Li-
 uius, Suetonius, Cornelius Tacitus. vtri-
 que autem seueriora & magis austera,
 quàm illi dies perpeti queant voluptati,
 ac genio dicati. Poetas censeat aliquis
 futuros fuisse ad rem vehementer accom-
 modatos. nam siue rerum belli domique
 gestarum lectione caperemur; siue nos de-
 licia lususque amatorij blandius allice-
 rent, suauius tenerent; siue demum elatos
 terris ad se sidera inuitarent, & Coelestes
 raperent orbes: esse in Græcis Homerum,
 Hesiodum, Aratum, Theognidem socios-
 que, præter illam Baccho & Musis dicatam
 Epigrammatum cohortem; esse in Latinis
 Virgilium, Lucretium, Manilium, Ponta-
 num, præter illum Veneris triumphatum,
 aliosque argutijs non lasciuia minores, vs-
 que ad ipsum nequitia infelicem Magi-
 strum; esse denique in nostratibus Etruscis
 Orlandos, Gotfredos, Pastoridos, & cum
 Lesbia Luras, cum Corinna, cum Cin-
 thya, cum Lycoride certantes Phyllin,
 Clorin, Amaryllin, aliasque sub Flora, sub
 Arnide, sub Thetide latentes amicas. Ve-
 rissima ista sunt, & communi expertem
 sensu putauerim, qui poetarum in primis
 Etruscorum, & ad Lyram canentium sua-
 uitate

uitate non afficitur. hac præsertim tempe-
state, in qua ego quidem sic habeo persua-
sum, & video plerosque acrioris iudicij;
Viros idem mecum sentire, Italicam Poe-
sim eousque prouectam, quousque olim
sub Augusto Latinam: vt iam quò progre-
di vlteriùs, vel quò extolli sublimiùs possit,
non ferè relictum esse videatur. Solem
ipsum censeas esse superuectam cum Mar-
tis proelia, & Iouis imperia, & Saturni
tempora cantatum accedit. Iam pudeat
Apollinem, vel si faciat, Coriariani facere
putetur, si nouos Marfyas certare secum
paratos multare singulos velit, omnesque
auferre corporum vaginas.

Verùm enimuero plurima sunt, & pau-
cula tamen, eaque potiora hic quidem
tangenda, per quæ Poetas planè vniuersos
ad ingenuam animi recreationem minùs
aptos, & antea censuimus, & postea sumus
experti. Primum multi etiam eruditi, Na-
turæ quodam impulsu ab isto genere inge-
nij recreandi penitus abhorrent. Deinde
latinas epulas easque suauiter, at non ad
luxum conditas. in præsens requirimus.
Græca vulgò non satis coquunt: duriora
sunt, quàm vel conficere dentes, vel subi-
gere stomachi queant. Vulgaria Etrusca,
si sunt molliùs concinnata facilè respuunt
quibus cor, & ingenium sapit. nec minùs
Catulliana, Tibulliana, horum similia odio
sunt, quàm nostratia huius generis, iam
(pro Superi) foediora magis timenda.

Latini supersunt , ex quibus Heroici graues , Satyrici dicaces, Elegiaci molles, Dithyrambi , Pæanes , Lyrici omnes partim breues , atque concisi , partim (Seneca teste) inanes , mendaces , assentatorij . Postremo poetica omnia suboscuro , & difficilia (de Latinis potissimum loquor) ideoque potius in bibliotecis intento animo discutienda, & euoluenda, quam per otium in agro , sub pergula , super prato , ad fluminis ripam , siue ad fontem aquæ salientis canenda . Huc accedit, quòd nos quidem huiusmodi quærimus relaxandi animi rationem, quæ cum aliqua utilitate, ac fructu coniuncta sit, non ex qua tantum voluptas hauriatur . Poetæ autem plerique omnem ingenij vim conferunt ad animos sensuum titillatione mulcendos , pauculi ad rectè formandos, aut in melius mutandos , utinam non multi ad deprauandos , corruppendosque, in quos alius inuehendi dabitur locus . Præsens caput de Poetis claudat versus Horatianus , ut eum lepidè Vir doctus mutabat ,

Delectare volunt , vel delectare Poeta

Non simul & iucunda, & idonea dicere vita,
Iam quemadmodum ex poetis nuda voluptas , ita à Philosophis nuda veritas petitur . Vnde à diuersis, & planè contrarijs causis ad liberalem animi remissionem idonei non sunt . Vnus est Boetij liber de Consolatione Philosophiæ , cui hoc in genere , plurimum reor esse tribuendum :
adeo

adeò lepidis ac suauibus Numeris temperat austeritatem tristitiamque præceptorum. In stylo aliquid desiderem, in argumento propemodum nihil. Tantum ad consolandos animos ægritudine aliquando laborantes, quàm ad refouenda ingenia studiorum laboribus fatigata, & exhausta videtur esse accommodatior. Sequuntur Exemplorum Collectores, varijs titulis res penitus easdem, & idem prorsus venditantes argumentum, Cæsarius, Cantipratanus, Fulgosius, Brusonius, Eborensis, Pomaria, Hortuli, Prata, Flores, Fructus Sanctorum, & quod nuper prodijt Grande Speculum Exemplorum, quod castigauit, ampliavit, & in communes locos digessit (ita titulus præfert) innominatus Iesuita. In quibus singulis paucissima offendas, quæ non ab alijs ante occupata, vel post repetita inueniantur. Pontificem excipio Magnum Gregorium, qui vt pleraque temporum suorum, testata & probata omnia memorat, ita nullius superiorum arculas reuellit, aut scrinia compilauit: spoliatus ipse à posterioribus, imò à quibusdam & deprauatus in foedum modum. Ex his autem vniuersis, atque horum simillimis relatoribus, certè non exigua ad Lectorem utilitas manat. nec utilitatem planè omnis destituit voluptas: porro hæc euenta historica sunt, & *Historia* (inquit Plinius) *quoquo modo scripta delectat*. Verumtamen ad eam quam quærimus recreatio-

neni ac remissioneni ingenij liberalem, haud nimium conferre nobis videntur. Primum breuia sunt, ideoque cum citò effluant, citò desinant, minimùm afficiunt legentem. Secundò pleraque omnia inquinatè ac barbarè scripta sunt. certè omnia inornatè, communiter, triuialiter. vt nullam ingenuo Viro delectationem, inò aliqua risum, aliqua stomachum commoueant. Tertiò nullæ inter narrandum sententiæ, nulli aculei animos feriunt, suscitant, informant. frigidam, ieiunam, eneclam, planè mortuam dicas esse orationem. Quartò reperias identidem multa, extra propositum, aduersus decorem, contra veritatem. hoc nos extremum non semel deprehēdimus, nec refellere fuit tanti. Agnoscēt facilè Historiarum seu veterum, seu recentium haud penitus rudes. Quintò casus per se ipsi maximam partem triti atque communes. minimum continent nouitatis, varietatis, admirationis. Denique omnibus dicendi artificijs carent: vt etiam si rara, inusitata, & sua sponte miranda referrentur; tamen sermonis imperitia, rerum perturbatio, & ordinis peruersitas omnem adimeret legēdi voluptatem. Quod magis miratus sum, alij ab alijs mutuantes, & in sua scripta referentes, & pro suis venditantes; tamen eisdem dicendi, & scribendi vitijs non carent. apud quoscumque illa legas eodem modo inepta sunt, eundem sermonis habitum & formam.

mani gerentium.

Quid tu autem? dicet aliquis. Omnia ne videris tibi affecutus, quæ in istis desideras ornamenta & commoda narrandi? Nequaquam: sed certè vt assequerer omni studio contendere cum quidam nè voluisse quidem videantur non ineptissimè dicere. Fors nobilibus ingenijs hæc nostra iter aperuerint, & viam commostrauerint meliora, quàm ego fecerim, aut facere potuerim moliendi: Quorum causa non pigebit referre, quid mihi vsu venerit huiusmodi scriptionem meditati, & quorum tandem exemplum sequi studuerim in *Exemplis* conscribendis. Eram in ea cogitatione, quam supra exposui, librorum veterum, nouorumque lustrandorum, si qui ad rem meam facere viderentur, cupienti. Autumnales ferias cum ingenua, nec penitus infructuosa voluptate consumi: cum ad nianum venire quos nunquam antea pellegeram ex Græcis Lucianus, Heliodorus, Erastus, alij tales; ex Latinis Petronius, Apuleius, Marcianus Capella; ex vulgaribus præsertim Hispani nonnulli, quorum nec nomina ponere libet: insulsi ac stolidi sunt: denique vnus ex Etruscis Ioannes Boccacius, qui petulantis lasciuiae reus cum multis annos in vinculis esset habitus, ad extremum viuicomburio damnatus, Cruscantium deprecatione veniam impetrauit: cum eo tamen, vt longo post exilio in patriam reuocaretur,

bulga prius ac receptaculo libidinum per-
fosso, & multis toto corpore quâ grandio-
ribus, quâ minoribus iniustis notis. Græ-
cos merè nugaces, ac tantum fabulones
cum stomacho reieci. Ex Latinis Asinus
Appuleianus rudere non dicere visus; &
Marciana Capella balare, non cantare aut
loqui. pauculas verò, quas recensent fa-
bellas, illarum similes censeas licet, quas
anacula blatterat propter ignem, pensa-
puellis distribuens. vnâ non Asininam.
Asinus refert, iam puto in hominem reuer-
sus, quam certatim diripuerunt Fabulatores.
Arbitrum impuræ puritatis, & castæ impu-
ditiæ non iniuria Iustus accusat. licet
antea illum vel fortuna, vel tempus acer-
rimè multauerint, ex dorsuatum vix adhuc
spirantem. ille se, si reuiuisceret, credo non
agnosceret, alium quempiam putaret.
Boccaccius supererat, cum quo iterum re-
stituto, tanta me familiaritate coniunxi,
vt per totum illius anni Autumnum, cete-
ris intermissis auctoribus, illi propemo-
dum vni operam dederim. Nec sanè ad
eam rem, quam quærebam, videbar mihi
alium posse inuenire magis opportunum:
si tantummodo quædam adessent, & quæ-
dam abessent, quæ mox ostendam. Abesse
adhuc voluissem, quæ non penitus erat
sublata, nec (vt ego arbitror) auferri po-
tuerat, historia salua, omnem verborum,
ac rerum turpitudinem, quæ morum ca-
stitatem, puritatemque inficere possit.

Adesse

Adeffe autem , quo illa omnia exponerentur , idioma latinum . Latinum cum dico , Boccaccianum penitus excludo agreste , vulgare , fennibarbarum . quale videlicet adhibitum videmus in Geneologia , & alijs opusculis , quæ Lectorẽ emptoremue non inuenirent , nisi latinam etrusca veste mutassent . Proinde venerat in mentem mihi ex centum fabulis legere circiter triginta honestiores melioresque (nec enim fore plures videbam , fortè nec tam multas) easque in latinum transferre sermonem . Fecissemque haud dubiè , nisi temporis progressu sperassem mihi ter totidem *Exempla* historica ex frequenti tum lectione , tum auditione suppeditatum iri : & ea forsitan Boccaccianis non vno veritatis , sed altero & alterò iucunditatis , varietatis , admirationis , & utilitatis nomine præferenda . Id quod fuerim consecutus necnè , aliorum volo esse iudicium . Ego certè confiteor , me quantum temporis , atque operæ non dicam impetrare , sed partim surripere , partim extorquere potuerim ab infirma valetudine , ab assidua docendi occupatione , ab alijs etiam studijs obeundis , quorum & necessitas , & specimen apparet , id propenodum omnè ad hanc cogitationem curamque contulisse . Non dico autem , mi Lector , non dico : quod si dicerem disertè mentirer : plurimum mihi temporis fuisse consumptum in his quoquo modo digerendis ,

atque in litteras mittendis : non dico : norunt qui mihi à studijs , quique à calamo sunt , quorum fidem appello ; Si non vna hieme , nihil interim toleminibus remissis totas dictavi *Narrationes* quinquaginta : sed in his ipsis alijsque plus totidem , quas habeo in *Aduersaria* relatas inuestigandis , atque adeò venandis per incorrupta rerum gestarum monumenta , quasi per saltus , & nemora historicorum , molestia ingens & pertinax labor fuit exantlandus .
Reliqua desiderantur .



Introductio

AD NARRATIONEM

EXEMPLORVM.



*V*estio fuit inter Sapientes, quæ ab antiquissimis ducta temporibus ad hoc usque seculum, ætatemque peruenit: Vtrum sit in commune difficilius, secundam nē an aduersam ferre fortunam. Et pro aduersa contra secundam, stare videntur rationes non solum fortes, & graues; Verum etiam ita perspicue, ac sensui patentes, ut nonnulli admirati sint, rem huiusmodi per se apertam, & cuique facilem introspectu, vocari a magnis viris in controuersiam. Propterea quod cum difficilia sint ad tolerandum ea omnia, quæ sensum doloris creant, illa minùs, quæ minorem, illa magis, quæ maiorem: ista trium generum esse nobis videntur; Prima, quæ animum angunt; Secunda, quæ corpus affligunt; Tertia, quæ in externis posita sunt, & nos aliqua vel voluptate, vel cōmoditate defraudant. Primi generis exempla sunt Timor, Tristitia, Mœror, Indignatio, Iracundia, & cetera affectiones, quibus mens torquetur, & inquietatur. Secundi generis sunt Sectio, Vstio, Excarnificatio: ad hæc Podagra, Chiragra, Dolor laterum, Dolor dentium, Dolor oculorum, cum longa febrium, & morborum cohorte. Quamquam

enim non propriè corpus isthac dicitur pati, sed anima in corpore, atque per corpus: tamen ista subtilia philosophis relinquentes, aduersa corporis appellamus, quacumque in ipsum corpus grassantur, & sunt per carnis coniunctionem animo molesta. Tertiij generis hac videntur posse assignari. Orbitas liberum, parentum, cognatorum, amicorum: ad hac Inopia, Solitudo, Inimicitia, Infamia, Obrectatio, Infectatio, cetera generis eiusdem. Per qua licet afflicterentur nunc animus, nunc corpus, nunc utrumque: tamen quia extra nos sunt, vocantur externa. Huiusmodi autem omnia (sicut ego existimo) ad duo capita referuntur; Bonum quod amittimus, Malum quod incurrimus. Bona sunt, idest talia vulgò putantur (& nos isthac decidimus cum vulgò) Sanitas corporis, Ingenium, Memoria, Pulchritudo, Diuitia, Clientela, Imperium, Honor, Voluptas, quorum ammissio (quacumque id ex causa fiat) Aduersitas vocatur. Mala sunt (eodem modo accepta) Valetudinis infirmitas, Ingenij tarditas, Obliviositas, Cæcitas, Inopia, Infamia, Seruitus, Ægrotudo, quorum recursio, atque perpeffio pariter Aduersitas vocatur. Deinde quid alia persequor? nomen ipsum, quo hac vulgò appellantur, satis ostendit quam isthac, & qualia sint, de quibus inducta disputatio est, ac per se ipsum sinè alijs argumentis dirimit, deciditque controuersiam. Sic enim instituo argumentationem. Si Aduersa vocantur quacumque aduersus animi nostri cupidinem obueniunt; utique per nos ipsi cognoscimus, qua isthac sint, & cognoscimus, certumque

certumque habemus ea tantum esse fugienda ; quoniam dura, & perpeſſu aſpera ſunt. E contrario, ſi ſecunda, & proſpera vocantur, quaecumque nobis ex voto ſuccedunt ; hoc pariter planum, atque perſpicuum eſt unicuique inditum eſſe natura, ut hac tantum ſibi expetat, & conſequi labore, quoniam iucunda, & optabilia ſunt.

Verum enimvero dicat aliquis: Aliud eſt fugere aduerſam fortunam, quam nemo non fugit; & cupere ſecundam, quam nemo non cupit: aliud utramque moderato animo ferre, quod propoſita Quaestionis caput eſt. Audio inquam, ſed ne id quidem poſſe ambigi videtur, aut cadere in controuerſiam ullo pacto. Propterea quod quae aduerſa ſunt, ea proprie dicimur pati, quoniam ſecum dolores, & incommoda portant, ut Egeſtatem, ut Inualitudinem, ut cetera huiusmodi, quae autem ſecunda, & proſpera ſunt, ut Firma valetudo, Ampla vectigalia, Dignitas honeſtior, & alia huiusmodi, quae voluptatem afferunt, non ea proprie dicimur pati, ſed ijs frui, & delectari. Sublata igitur omnis quaestio videtur: ſiquidem tantummodo aduerſam fortunam patimur, ſecundam aded non patimur, ut eam diſcarpere, & haurire videamur cum voluptate. Propterea quia in aduerſis ſerendis magno pondere grauamur, ideſt angimur, affligimur, peſſum deſcimus. in ſecundis autem quid ſimile? ſubleuamur, extollimur, delectamur. Contra ſi quem aliqua calamitas oppreſſerit, hunc ſubleuare, atque ſuſtollere conamur conſolando. Quis enim ad familiarem amicum ita ſcripſerit? Venie-

Vehementer doleo quòd optimè valeas ; quòd strenuè iter confeceris ; quòd sospes in patriam fueris reuersus ; denique quòd studijs, amicis, propinquis in summa felicitate perfruaris . *Quis non potius ob ista singula , & alia huiusmodi amico gratuletur ? Condolere, ac nos tamquam socios agritudinis præbere illis solemus, qui graui morbo, qui egestate, qui solitudine, aliove infortunio laborant . Patet igitur in Aduersis esse opus patientia, in Secundis non esse . Confirmat hanc rationem usus, & consuetudo precandi superos, quam sapientissimi, & optimi viri nos docent, & Ecclesia cantat, recantatque . David, & Salomon in primis ; apud quos centies inuenias rogari Numen cœleste, ut misérias respiciat, ærumnasque mortalium quibus sustinendis sinè diuina ope non sufficit humana imbecillitas . Contrà nusquam iubemur (quòd ego meminerim, & sciam) petere à Deo, ut elusiones, exustionesque terrarum, ut pestes, ut naufragia, ut annonæ difficultates, aliaque tristitia nobis largiatur, in beneficij loco suscepturis . potius æternum singula ista, & longissimè gentium amandari vouemus .*

Igitur quacumque dolorem, mœrorem, & animi agritudinem creant ; idest cuiusquemodi aduersa perpeßu difficilia, & ad ferendum grauia putantur . Secunda verò, & prospera unde ad corpus voluptas, ad animum tranquillitas, ad verumque commoditas, & quies manat, quis unquam difficilia, imò quis non facillima, & suauissima censeat haud dico equidem ad sufferendum (quod hic vocabulum minùs quadrat ,

sed ad gustandum ac persruendum? Tamen hoc neutiquam dubitare fas est quod initio propositum nobis fuit, rem facere magis difficilem, atque arduam, qui Prosperam fortunam, quam qui Aduersam didicit ferre moderatè. At enim Video inquires ferri aduersam fortunam, prospera verò quemadmodum feratur non video, & id prius velim mihi explicari quàm ingredimur, aut ultrà prosequimur disputationem. Rectè: non enim scire possumus esse aliquid vel facilius, vel difficilius, nisi hoc aliquid quale sit antea sciamus. Ferre igitur Fortunam, vel Prosperam, vel Aduersam, hoc significat, Retinere in utraque constantiam, & se inuictum præbere tam aduersus beneficia indulgentis, quàm aduersus iniurias persequentis Fortune. Porro in illis periculum est ne insolescas, & astimes te supra te: in his contrà ne animum despondeas, & præceps ruas in desperationem. Optimè autem fert utramque Fortunam, qui nec Secundis rebus extollitur, aut inflatur, nec Aduersis deprimitur, aut frangitur, sed tam in istis, quàm in illis eundem animi statum, vitæque (ut sic dixerim) tenorem conseruat. Nunc rogo ex duobus utrum est difficilius? Aliter vulgus, aliter Sapiens respondebit. Ex vulgo neminem inuenias, quin se fortissimum putet ad quæuis pondera sustinenda quæ fors ridens imponat honesta, quæstiosa. Dicamus ingenuè: Quis nostrum est non dico Sapientium, aut Principum, sed saltem Ciuium, ac mediocrum Virorum, cui non facilè videatur ferre Prioratū, Episcopatum, Cardinalatum, Pontificatum? cui non è contrariorem perpeßit difficillimam sese ostendit, si fortè
incurratur.

*incurratur exilium, orbitas, egestas? & fallimur tamen: cum per illa difficilius, & impeditius, ideòque rariùs; per hac autem planiùs, faciliùs, expeditiùs, & ideo frequentiùs ad virtutem tendatur, cum virtute vivatur. Id ego in prasens quadruplici ratione, non dicam probabo, sed probare contendam, Iudicibus acriore iudicio pradi-
tis iudicium relinquens. Prima ducitur ratio ex auctoritate Sapientium, Secunda ex ingenta humanis animis propensione natura, Tertia ex Virorum maximè illustrium exemplis, Quarta denique ab experimentis, quæ in quotidiana consuetudine cernuntur.*

Iam ut à primo partitionis capite ordiamur, Secundæ res (inquit Sallustius) Sapientum animos fatigant. Tantùm abest, ut mediocres quidam, atque vulgares homines temperare sibi queant, quibus-cum fortuna egerit, agatque liberaliùs. Ut propterea Xenophon verè ille quidem, ac sapienter, sed penè incassum mortales obtestari consueffet. Cum tranquillè, ac placidè res fluerent, tum maximè Deos colendos, eisque gratias agendas; ut postea faciles, ac benevolos haberemus, ubi tempestas ingrueret calamitatum. Hæc Xenophon. Cuius consiliùm vulgò homines pervertunt, quibus in summa felicitate, ac fortuna indulgentia, incredibilis Superum obliuio est. contrà ubi quicquam aduersi, vel minùs ex voto contingat; ibi Cælum, ac Cœlites recordantur à quibus veniam, à quibus persugium implorant. Sordidissima quadrupedum imitati, quæ pyris ex alta arbore cadentibus ventrem saginant, ad pastorem

storem ingerentem nè respiciunt quidem. Vbi autem capiti malleus impingitur, ibi primum attollere rictum, & grunnitu lenire mactantem conantur. Nec ab historico, aut Philosopho longum recedit Vir singulari Sapientia praeclitus, & Ecclesiae columen Sanctus Doctor Augustinus. Verba eius haec sunt. Magnae, inquit, Virtutis est cum felicitate luctari, nè sic alliciat, ut corrumpat, neue ipsa subuertat felicitas. Magnae inquam virtutis cum felicitate luctari, magnae felicitatis est à felicitate non vinci. Adde, inquit Boetius, quod felicissimi cuiusque, delicatissimus sensus est, & nisi ad nutum cuncta suppetant omnis aduersitatis insolens, minimis quibusque proster nitur. Adeò perexigua sunt, quae fortunatissimis summam beatitudinis detrahunt. Quamobrem Plus, inquit, reor hominibus Aduersam, quam Prosperam prodesse Fortunam. Haec enim specie felicitatis cum videtur blanda mentitur: illa semper vera est, cum se instabilem mutatione demonstrat. Ut ab altera falli, ab altera instrui, & erudiri videamur. Iam, inquit Seneca, Cum omnia, quae modum excefferint noceant; periculosissima Felicitatis intemperantia est, quae in vanas mentem imagines euocat. Super his illud mihi Tullianum ad rem facere, ac magnum momentum afferre secum videtur ad animos permouendos, docendosque frugalem, ac sobriam mediocritatem. Fortuna, inquit, ut medicus ignarus multos excoecauit. non autem ipsa

ipsa fortuna cœca est, sed eos cœcos plerumque efficit, quos complexa est. *Iuxta veterem parœmiam* : FORTVNA quos extollit, infatuat. Cum contrà Sacrarum etiam litterarum testimoniis, Aduersitas animum luxuriantem, & per incerta vagantem recolligat, & compotem sui redditum à rebus caducis ad contemplationem reducat aeternam.

Ratio autem cur ista sic euenirent mihi meditati, & cum animo reputanti, hæc serè succurrebat, ut iam Secundum partitionis caput ordiamur. Natura comparatum est, quæ tristitia sunt, & perpeſſu acerba, cum aut corpori, aut animo incidunt; ea foras trudere, ac propellere conemur. Ergo ad hanc quasi pugnam mens armatur, & stipata undique fortibus anima facultatibus, hostem inuadit. Ex hoc autem certamine animationis compos, alterutrum consequitur, ut vel aduersis profligatis, & longè summotis ad prospera redeat; vel certè, ut si vincere illa non queat ipsum se vincat, moderatè ac leniter ferendo. Id voluntati faciliè persuadent reliquæ Sorores in unum coactæ: tum ad vim repellendam si possint; tum ad consilium dandum si non possint. Ac mens quidem humana ruentibus in se aduersis, quasi fluctibus tempeſtatum, primo impetu tota concutitur, nec in turbido aut videt, aut cogitat Cœlum: mox ubi spatium dato tempeſtas remittit, & nubes rareſcunt, & Sol reduxit serenum: tunc in liquida luce Verum, atque honestum perſpicit, fida consiliatrix non cunctatur dominam adire voluntatem, cupidinibus ancillis monem gerere, iussis ostendere Fortitudinis, Patientia.

itia, Constantia bonum. Ita semper profunt aduersa. nam siue in prospera mutantur, ea suo discessu iucundiora relinquunt; siue maneant continenter, magnarum sunt exercitamenta virtutum; in quibus homini praesertim Christiano par in tempore solatium, imò & voluptas est. Praclare ut omnia Sanctus Bernardus. Primum, inquit, importabile tibi videtur aliquid: processu temporis si affuescas, iudicabis non adeò graue: paulò post, & leue senties, paulò post nec senties, paulò post etiam delectabit. Enimuerò prospera, & sensui iucunda cur idem non efficiunt? Cur animus humanus Secundis rebus insolescit, se supra se, supra omnes mortales ad usque ipsos Coelites extollens? Est facillè in contrarijs, ac inuicem pugnantibus, uno perspecto, iudicium de altero ferre. Si Aduersa faciliùs feruntur, quia mentem instruunt, congregatis in unum animi viribus ad dolorem quasi hostem summouendum, vel cum eodem aliqua ratione paciscendum: necessariò consequitur ut Prospera ideo sint perpeffu magis difficilia, quoniam segregant, dissipantque omnes animae facultates, quasi regias ancillas; ipsam verò mentem Reginam suo destituta satellitio, nudam, hebetem, ebriam relinquunt. Quam quidem mentis perturbationem, ac solitudinem necesse est insania, fatuitas, iactantia, & obliuio sui, non tantum Dei consequatur. Quid enim? putas tu illum seriò umquam redire ad cor, putas sobriam mentem adhibere in consilium, putas denique ipsum sui, ac suae sortis, imò suae sordis recordari, qui dies noctesque congerendis opibus occupatur

occupatur, nesciens infelix cui sudet, cui algeat, cui laboret? imò cui tot corporis incommoda, & animi agritudines perpetuas vendat? Qui si Fortunæ illam crapulam, & ebrietatem obdormiscere posset, & excoquere, haud dubium est, quin agnosceret paulo post, quantum sibi coaceruanti, quantum suis dissipantibus, & abutentibus, impendeat salutis discrimen. Cerneret inquam siccus, & sobrius, id quod nos cernimus, quibus grandes calices non propinauit Felicitas, Nullam esse mortalium insaniam maiorem, quàm semper angi, semper fatigari: quamobrem autem? ut tu forsitan aliquando quiescas? Concederem: tametsi caro emitur tantis laboribus tantillum quietis. At ne in somno quidem sepelitur curas Auarus. vigilantiores illo sunt. identidem consurgunt, & vel suscitant dormientem, vel terrent somniantem. Quibus igitur ista partiuntur? Nempe dicent liberis, cognatis heredibus suis, Est hoc etiam insanientis, ultro illis obsequi, ac de te supplicium dare, qui gratiam habituri non sunt, qui te aut ignorant, aut ignorabunt. Nam duplo stultior es, si existimas cum opibus memoriam tui transire ad pinguiore heredes. Quæ videmus, quæ ab alijs audimus, quæ identidem flomachamur, alia super alijs exempla, id nos quidem ambigere non sinunt. Et tu quicumque es dupliciter infelix, qui aliena comoda viuens quasisti, moriens confirmasti, cuius olim laboribus, nunc cruciatibus heredes triumphant; non semel ipse audieris, ac presens videris necesse est. qualem vulgò gratiam reportent, qui propria salutis, imò & necessitatis obliti totos sese

ad

ad filios, nepotesque locupletandos dediderunt. Nec tu tamen eorum exitus perhorrescis, quorum facta es imitatus? Agè inquires: non me ipse respexi, nec ullam officij gratiam cogitavi. tantum illis volui esse consultum, quos diligebam. Ingens charitas pro quocumque, at multò ingentior pro illis animam ponere, quos certum habeas immemores futuros, & parare ingratis ex incommodo tuo, commodum. Cedo autem, & commendo, si Commodum; Sed non est ita: potius hominibus priuatis, ingenuis, & tam frugaliter, quàm continenter viuere assuetis non commoditas, sed infelicitas paratur per liberale testamentum, aut nimis effusam donationem. Veniunt ista saepe tentatum, atque utinam non saepius euersum fortibus opum machinis Parsimoniam, castitatem, pietatem, virtutes omnes, & maximè omnium (quis crederet in diuite?) Christianam liberalitatem. Quae quidem animi bona non solum ad communem societatem, sed ad propriam salutem necessaria, vel sapiens Vir in priuatis facultatibus, & mediocri fortuna faciliùs sibi comparat, promptiùs exercet, meliùs tuetur. nè tu forsitan existimes irruentibus diuitijs resistere posse mortales, nullis Sapientiae praeceptis quasi telo armatos, & clypeo munitos.

Verùm nos in ratione peruestiganda cur faciliùs Aduersa, cur difficiliùs Prospera ferantur occupati iamdudum latiùs vagamur, quàm fors eruditior aliquis censeat esse necessarium. Sed duo cogitet: alterum qui scribamus, alterum quibus. Primum quod homo tantum Philologus, aut Philosophaster compluribus exequitur verbis;

id opinor longè angustius, breuiusque alius concluderet verò, ac serìo Philosophus. Ad hæc ætatis ingrauescentis, & garrula professionis, & loquaculæ cecitatis vitium agnosci, & ignosci Iudex paulò aequior facillè censebit. Postremò non hic Viros doctrinâ insignes, aut non illos tantùm, sed mediocres multos, & tantùm non ignaros latinis appellamus. Quorum ingenio magis expedire, ac magis optabilem remur fore liberalem ubertatem, quàm malignam, odiosamque subtilitatem. Agè nunc post rationem reliquâ persequamur.

Tertium sequitur partitionis caput De Exemplis illustrium Virorum, quos vel natura, vel institutio fortes, liberales, magnanimos, finxerat: & prorsus huiusmodi semper fuere, donec Fortuna prosperior mutauit, omnem mentis habitum confundens, & ratione deturbata, imperium libidini permittens. Vnde autem in tanta copia initium narrandi faciam, aut quem calamo finem, modumque præscribam? Non placet privatorum licet insignium; non placet barbarorum licet potentium interponere exempla: cum me Reges, ac magni Principes omni doctrinâ excultissimi ad se quodammodò rapere videantur: futuri tres quattuor pro sua excellentia instar plurimorum. Agè vnum Hebraei dent, alterum Græci, tertium Romani, quos non necesse habeo hic quidem nominare. Suus quemque splendor, & magnitudo legentium animis repræsentat. Quo breuius, atque compressius de singulis dicam. Quis enim non nouit Salomonem, qui omnes ante se Reges, nec dico Hebræorum dumtaxat, sed planè
omnium

omnium nationum opibus, maiestate, amplitudine, magnificentia, item pu'chritudine, ac robore corporis, item (quod caput est) eruditione, prudentia, Sapientia longo intervallo superavit? Nec his tam multis, & tam insignibus natura, industria, fortuna, commodis ad breue tempus, ut ferè Principes solent; sed annos quattuor, & nonaginta perfunctus est, cum regnasset (si Iosepho credimus) octoginta. Non est consilium hoc loco vitam hominis retexere, quam omnes norunt in sacra historia saltem mediocriter versati. Tantum refero brevissimè, quod vel unum (si ego falsus non sum) ante-positam decidit questionem. Hic igitur quamdiu in hostibus prefligandis, in imperij finibus tuendis, in Urbibus Templisque condendis, alijsque Regalibus obcunctis muneribus fuit occupatus, multa identidem sustinens latu graua, perpe'ssu aspera, vitam duxit, tamen inter ardua religiosam, in humanis coelestem, in aduersis beatam. Postea verò quàm singula ex voto, quadam & supra votum cadebant: Ex illo inquam tempore cum serio indulgens, & omnibus copijs circūfluens fortuna, totam se homini superinsudit; & si pectora multum Sapientia, multum experientia rebur munierrat; & si etas iam ingrauescens minimè accommoda fruendis delicijs, ac firmissima esse debuit aduersus voluptatem: tamen Vir pondus huiusmodi ferre non potuit, & sua illum felicitas obruit. Vsq; adeò donec (hic semper hæreo mirabundus quoties retracto, aut recogito) Vir tot tantisque à Deo beneficijs cumulatus, & priuilegijs honestatus ad tantam siue perfidiam, siue ignorantiam redijt.

non modo ut patrias leges violaret, externis se coniugijs contaminans, verum etiam in pellicum gratiam, quas circiter quadringentas domi alebat, à vera Religione desciverit; & cultum Deo debitum ad Idola transtulerit. Qua quidem impietate dubito si dicam nihil scelerius, aut nefarius fieri potuisse, cum illam superare annisus postea fuerit Alexander. Qui primum Aristotelis, deinde Callisthenis egregia disciplina institutus, & tam in abdita natura secreta, quam in intimos Philosophia recessus per hos duces intrò admissus, incredibile memoratu est, quo ardore omnem virtutem, sed in primis frugalitatem, clementiam, continentiam, & pietatem coluit adolescens. Argumento sunt repudiati, quos Olympias mater mittebat, Epularum conditores, & coquinaria artis insigniter periti; quibus sibi nequaquam esse opus respondit. habere se appetitum cientes, & famem suscitantes coquos meliores: Matutinam ambulationem, à qua prandia; prandiorum tenuitatem, à qua cena condirentur. Qualis autem illa, & quanta victoria moderatio aduersus hostes capitales? Primum nobiles captiuos nullo pretio redemptos, imò quosdam liberaliter donatos remisit. Matrem Darij Sisigambim in pristino Regalis fortune fastigio habuit, eamque non minus quam Olympiada, & ipse semper veneratus est, & non minus quam se ipsum à purpuratis, & Satrapis, totoque exercitu coli mandauit, ut præter libertatem, cui pax reditum spondebat in hostilibus castris faciem regni agnoscere videretur, nec sibi Darium filium censeret vel plura, vel ampliora fuisse daturum, quam hostis dederat
Alexander.

Alexander. Quo minùs est mirum id, quod veteres auctores tradiderunt. Hostis quàm filij mortem agriùs tulisse, ac uberius planxisse Sisigambim: Nam circa continentiam, & affectuum moderationem miraculo proxima sunt, quæ de illo consentiens, & Græcorum, & Latinorum historia recenset. Annum circiter quintum, & vigesimum agebat, cum primùm exercitu Darij profligato; & ipso in fugam coniecto, Virgines Reginas excellentis forma puellas habuit in potestate, quarum pudorem tam sanctè reueritus est, quàm si eisdem secum parentibus genitæ forent. Coniungem verò eiusdem, quam nulla ætatis sue pulchritudine corporis æquabat, adedò ipse non violauit (Curtij verba sunt) vt summam adhibuerit curam, ne quis captiuo corpori illuderet. Iam cum ad Sisigambim annis grauem sæpius accederet consolatum, quam obsequio Reginam, affectu matrem sibi esse declarabat: iuniorem nurum, & iuuentulas neptes nec visitauit vquam, nec vidit plus quàm semel eodem die potitus castris, & prælio finito. Qui si eiusmodi continentiam ad vltimum vitæ tenuisset, haud temerè crediderim raros in antiquis, rariores in nostris Reges fuisse futuros, qui cum illo comparari possent. Verùm enim uerò Vitographus præclare, Nondum, inquit, fortuna se animo eius superiuderat: itaque orientem, eam moderate, & prudenter tulit, ad vltimum magnitudinem eius non cepit. Mortuo enim Dario, & finitimis quibusque aut bello expugnatis, aut metu famaue in deditiorem receptis, tot tantorumque Dominus, & Monarcha regnorum,

illa inquam generositas, & fortitudo, qua pari robore aduersus vitia, & contra hostes in acie steterat semper inuicta; Paulo post omnibus perfuncta victorijs, & omnium plausu, atque acclamatione celebrata, relanguit, & extincta est repente; idest securitate parata, tranquillo nauigans mari, ventis ferentibus, in ipso portu naufragium fecit. Pudet adscribere singula genera impuritatum, libidinum, turpitudinum, quibus se non dicam inter scorta, sed inter honestas matronas, & regalis prosapia Virgines, ipsis etiam parentibus una conuiuari, & hac coram spectare coactis, contaminauit; ut non aliam ob causam antea temperans, & modestus haberi voluisse videatur, quam ut licentiam flagitijs quereret, ac se demum patefaceret comparatione deterrima. Sed vastum animum simul fortuna, simul Baccho ebrum nequaquam sola Vinum, & intemperantia satiabant, quibus Sardanapalum, & omnes barbaros equauit: addita verò impudentia, & sceleris professione ipsum quoque superauit degenerem Abrahamidem; & si hunc crediderim peccasse flagitiosius, quia ingratius, & minus excusate iam senem, sapientem, rerum usu peritum, Coelo præcipue dilectum, & regnantem in populo Dei. Alexandro quadam imputes nescienti propter Religionis diuersitatem, quadam minus expendenti, aut consideranti propter aetatem. certè verumque fauens, ac blandiens fortuna pessum dedit quos aduersa, & contumax in vestigio stantes flectere à recto, aut loco mouere non poterat. Enimvero (quod dicere coeperam) non huiusmodi dumtaxat voluptatis illecebra, & impura

& impura libidine victus est, victor orbis Alexander; alia supersunt facinora scœdiora, Crudelitas & Impietas. Notissima sunt, ideoque curissim tangenda, qua vel inter Epulas scœda, & immatoria perpetravit: Marte scilicet, non tantum Baccho, & Venere unà discumbentibus. Ille intimos amicorum pro sua gloria, pro suo capite dimicantes Philotam, Amyntam, Attalum, aliosque strenuos Viros, & secum orbis domitores indicta causa trucidavit. Philotam verò amulorum fraude circumuentum, ne simplici quidem mortis genere passus est interire. Dies, noctesque torquentibus, qui accusarant, miseris modis excarnificatum, & saepe antea mortuum, quàm in praeordijs latens anima desereret, proiecit in sepulchrum. Insolens illi ante hunc diem, ante hunc hominem crudelitas in cadauera: & qui paulo post mortuo Bucephalo insignem tumulum grandi pecunia erat extructurus; Viro forti à teneris amico, & de se merito exiguum puluerem potuit inuidere. Nam illud excuso, si non cremabant id antea domestici tortores effecerant & ferro, & igni corpore consumpto. Quid illum dicam huiusmet Parentem, non magis in se annis, quàm in Regis meritis grauem! cuius cadem pariter infandam, nec honesta canities, nec liberorum orbitas, nec vim debitum reposcens natura prohibuit. hoc uno minùs infelicem, quòd filij crudelem exitum Pater ignoravit; & sua opinione florentem relinquebat, quem reuera sequebatur antegressum. Ecce autem Clytus altricis filius (fratrem alij vocant) ecce Callisthenes itinerum comes, idem scriptor hystoriarum, & morum ma-

gister incorruptus . Quorum alteri nihil profuit , quòd lac eodem ubere manantem hausissent , neque quòd Regem ad Grancium amnem aperto capite dimicantem clypeo suo texisset , barbaro gladio iam cadenti expositum , & haud dubiè periturum . Remuneravit egregiè collactaneum , & liberatorem suum Alexander ; lac maternum filij sanguine , defensam vitam , illata morte rependens . Fœdum dixerim parricidium : sed parricidij causa fœdior : quia nempe Patrem eius Philippum , eiusque res gestas eximie inter epulas laudabat . Supra verum dicat aliquis . Fortasse : attamen hoc filio videri non debuit , aut non certè supplicio dignum . potius quanto erat laus amplior , tantò illi gratia maior debebatur . Id quoniam secus effectum est , illorum adiuuat suspicionem , qui scribunt eius opera Patrem Philippum fuisse interfectum . Sed fuit etiam ex alia causa veri parricidij reus Alexander , qui Callisthenem vita magistrum , hoc est alterum parentem , crudeliter excruciatum , necavit . Causam ! Æquè infandam , & fœdam , ut ceteras . Nempe hominem dolo malo circumuentum , & calumnijs appetitum de medio sustulit , ne quem in Regia relinqueret Virum bonum spectatorem scelerum suorum : habiturus deinceps peccandi licentiam maiorem , & minus verecundam , si neminem circa se haberet , cuius non solum monita liberiora , sed etiam loquax silentium , & testes oculos vereri cogeretur . Ergo ira , superbie , aliarumque libidinum laxatis habenis , fortuna obsequente in omnem sauitiam , ac turbitudinem ruere : fracto iam , & expulso , non tantum remisso moderatio-

nis, ac temperantia freno. Dixisses non dumtaxat humanitatem, sed planè hominem exuere, ac in bestiarum transire naturam: nisi hoc verius est, In Cacodemonem, nec ille inficiari transformationem, sed iubere in Deos. Novus profectò, & numquam antea, numquam post fando auditus per scelera, & cades, transitus ad Cælum. Nempe hoc illi apud Curtium Agis, & Cleon dabant. Polypereon ausus irridere vinculis, & carcere damnatus; At Callisthenes serìò ille quidem, sed modestè, ac sapienter dissuadens ultimo supplicio multatur, & conatus Regi adimere stultam immortalitatem, ipse sibi mortem conflavit severiam, acerbam.

Nec illud sanè aut obscurum, aut incomper-
tum est ad talem impietatem, ut vivens pro Deo
coleretur, venisse Alexandrum per obsequia For-
tunæ post victoriam, & Persicos triumphos. An-
tea namque militaribus curis implicatus, & de
hostium exercitu delendo, regni que finibus propa-
gandis anxie cogitans, inter ceteras virtutes,
precipue Religionem, ac Pietatem colebat, qua-
lem Rex Idolatra vel habere, vel agnoscere po-
tuit. crebra illi sacrificia, & expiationes, & pre-
ces ad Patrios Deos: cum quid præsertim aggre-
di, & incipere arduum parabat. Dijs etiam pe-
regrinis, quorum vel delubra intrabat, vel regio-
nes occupabat, litare consueverat precatus, se li-
benter exciperent in clientelam, in hospitium, in
regnum. Denique nihil moliebatur inauspicatò,
ac non antea Dijs immortalibus consuevit. Est
in hoc genere mirandum, quod refert Iosephus
inter Iudaicas antiquitates. Quo tempore Ale-

xander Damasco, & idone, in potestatem receptis, Tyrum fortius resistere ausam, obsidebat, legatos misit Hierosolymam petentes, ut secum mallerent, quàm cum Dario sœdus, & societatem inire; futurum se omni tempore Ciuitati, ac nomini Iudaico amicum, fidelem, utilem, honestum. mitterent interea omnis generis commectum, quo exercitus prasenti pecunia redempto apud Tyrum aleretur. Princeps Sacerdotum Iaddus nomine, legatis respondet, iam dudum sœdus ictum Hierosolyma cum Persis: nefas esse abrumpi firmatum Sacramento. in ceteris futurum se dicto Regis audientem, & venale alimentum militibus abundè missurum. Rex cetera pro nihilo aestimans, incanduit ad repudiatam societatem, & mutui auxiliij fidem, homo insolens repulsarum, qui hoc sperasset Iudaos in beneficiij loco habituros. Itaque ferox minatus est ubi Tyrum expugnasset, Hierosolymam cum exercitu accessurum, & unâ Urbem, Templum, domos excidio daturum. Nec segniùs postmodum fecit, quàm pradiixerat. Iaddus interim sacrificijs, precationibus, ac ieiunijs Numine placato, admonetur in somnis quid factò opus sit, & quemadmodum Regijs conatibus obuiam eatur. Iam Rex infesto exercitu eò procefferat, ut Hierosolymam, ac Templum in conspectu haberet; cum ecce ingentem multitudinem candidatorum, porta egredientium, lentè incedentium, & ad se aduentum intuetur. Sacerdotes bissiro induti ampliter, & pretiosè stclati praibant. Ante bos Princeps ipse Sacerdotum, honestissimis mystarum latera cingentibus hyacinthina stola quoquo versum -

sum auro distincta, & micantibus gemmis radiata conspicuus surgebat. huic regale capitis insigne, quod Cidarim Persæ vocant, fascia carulea candidis maculis internitens, tempora, & crines cingebat; super hanc aduersa occurrentibus, & ibi uiam euntibus aurea lamina sacrosanctum illud Tetragrammaton, Dei nomen ineffabile grandioribus cussum litteris præferebat, simul venerationem, simul horrorem contra spectantibus innotiens. Ad quam speciem (dictu admirabile) conuersatus animo Alexander, procubuit, Hierarcham adorauit, Sacerdotes honorificenter excepit, & pium agmen uniuersum humaniter, ac liberaliter complexus est. Ab his, quasi triumphans cum egregia pompa in templum deductus ante aram maximam Deo Deorum supplicauit, hebraico ritu sacrificium fecit, magnum auri, magnum argenti pondus & vasa scienter celata, & purpuream vestem, & Indices tapetâ, aliaque Regalis magnificentie munera reliquit. Nec publicas tantum opes honestauit, sed etiam priuatas subleuauit, ciuium commodo seruans in Virginitatibus collocandis, in vectigalibus minuendis, in tributis septimo quoque anno remittendis. Ad extremum Sacerdotes, ipsumque Antistitem precatus, ut Deum optimum maximum, quem illi colerent sibi propitium reddere studerent, ad eumque pro suis victorijs vota nuncuparent; hilaritudo, ac spei plenus ad Darium bello persequendum reuertit.

Hanc potentissimi, eiusdemque insensissimi aduersus Hebræos regis charitatem sic effusam, sic inopinam, mirantibus qui cum illo erant Satrapes

*Phœnices, Caldæi, & gentium aliarum; amicis
verò etiam rogantibus causam, in his maxime
Parmenioni respondit Alexander. Non ego il-
lūm hominem, inquit, ne erretis: minime
gentium; sed in illo Deum adoravi, qua-
lem sese in somnis mihi ostenderat, bellum
Persicum molienti. Speciem, habitum,
comitatum animo retenta nunc primum
oculis usurpavi, & vigilans agnovi; Voces
etiam sum visus audire, quibus tunc ad
rem aggrediendam, nunc ad persequen-
dam, & strenuè obeundam sum exhorta-
tus. Te felicem supra omnes Reges, & Monar-
chas Alexander, si quam ab Hierosolymis tecum
extuleras religionem, pietatemque; hanc postea in
Perside, in India, in Ægypto retinuisse, & sar-
ctam tectam conservasse: non haberet orbis ter-
rarum magnitudini, & amplitudini tua parem.
Romanos nominet mihi aliquis, & Remulum,
Marcellum, Scipiones, Cæsares anteponat. Est
verò cur auscultem comparanti; Adolescentia
tua gentes, nationesque perdomuit immanitate
barbaras, multitudi- ne innumerabiles, locis infi-
nitas, omni copiarum genere abundantes; & plu-
ra terrarum, plura marium spatia vincendo per-
agravit, quam non dico illorum, quos dudum
nominavi, maturior ætas potuerit, sed quàm
quisquam ulla tempestate otiosus peregrinando
confecerit. Nec tu quidem consilio bonus, manu
autem instrenuus, & parum animo audax fuisti.
Argumento sunt pugna identidem abs te non mi-
nùs fortiter, quàm feliciter pugnata. illa potissi-
mum inter ferocissimos Indorum cum Oxydracas
Vrbem*

*Urbem gentis natura, & opere munitam obside-
res, in qua scalis repente diffractis, unde in mœ-
nium coronam euaseras; temerario fortasse, at
intrepido tamen, & fugam quàm mortem magis
timente, precipiti saltu in hostium cuneos, nullo
com te, gladio tantum, & clypeo ferox te coniec-
isti; & fortè arborem nactus, cui te applicares, pu-
gna sociam futuram, tela undique coruscantia
partim clypeo excipiens, partim ramorum obiectu
repellens Gracus Horatius Indicum exercitum
nulla spe, tantum robore, & audacia terrebas.
Pudere barbaros inclusum mœnibus hostem, im-
punè praeliari, & propellere unum tam mulcs.
cominus tamen congregi non audere, quibusdam
audacioribus alio super alium co lapsis, & val-
lum hosti altè struentibus cadaueribus. Enimue-
rò, cum subinde hostes inuicem hortantes afflue-
rent, iam ingentem vim telorum exceperat cly-
peo, iam galeam saxa perfregerant, iam continuo
labore fatigatum corpus oblanguerat. Itaque
cum in genua procumberet, nè sic quidem victus
est: manu prouocans hostem si quis congregi au-
deret.*

*Alia huiusmodi de Alexandro in tantis vi-
ta angustijs, Latina queque historia confirmat. si
enim sit fides Græca suspectior. Ex quibus facile
colligas non fuisse ad hoc aut Regem quæpiam,
& Ducem hoc Magno maiorem. Quò est in illo,
quàm in ceteris admirabilior, & ad exemplum
efficacior, indulgentis Fortunæ subita muta-
tio. Nec enim fuerat tam magnus, nec tam ce-
ler ad virtutem accessus, quin fuerit altero tanto
maior, & celerior ad vitia regressus. De crude-*

litate, atque luxuria satis dñtum. De impietate vereor, ut quisquam possit satis. Quid verear autem? tribus verbis detegitur facinus Deus, Voluite Audire. O degenerem Aristotelis alumnū, & Calliſthenem marum magistro indignum. Propterea, dicat aliquis, alterum reiecit, alterum cecidit. Venire quemquam mortaliū doctrinā excultum iudicio præstantem, natum eductumque liberaliter eò vacordia propter obsequium blandientis, atque adulantis Fortunæ, ut se hominem esse non meminerit, aliquid se supra hominem haberi contendat, nec sit Angelo cōtentus, transcribi affectet in Deum? Videt se identidem sudare, agere, metuere, sperare, dolere, irasci, agrotare, multorum ope, auxilio, presidio indigere: ad hæc videt in omnes, experitur in se imperium natura, arbitrium, libidinem, tyrannidem fortuna. Quid multa? sentit se ipsum, & vires suas paulatim deficere, sensim detrahi vigorem, nec aliud esse alternis exoriri, & occidere diem, noctem, menses, annos, quàm iter, accessumque ad mortem, in quo nemini consistere, aut uspiam requiescere licitum est: nobis etiam dormientibus, vel aliud agentibus, ut quis placida, sed eadem velocia navigia vehunt, mare decreſcit, portus appropinquat: hæc inquam omnia vident, sentiunt, manu tangunt mortales, & se quispiam credere potest factum immortalē? O non dixerim ampliùs humanam superbiam, & impudentiam, sed impiam, atque sacrilegam fatuitatem! creatura non solùm suapte natura humilis, & imbecilla, sed etiam sua culpa scelerum labe contaminata, atque corrupta:

Satis erat dicere Homo: Creatoris munera usurpat, cœlestium opes dispensat, facinorosis irascitur, sacrificio placatur, votis damnat supplicantes. Adeò verum est sapientis dictum. FORTVNA quem extollit infatuat.

Nimis multa de Alexandro; Quid nunc Iulius Caesar? Quid Tiberius Nero? Quid Caligula, Vitellius, Heliogabalus, Heraclius, Tamerlanes, Baiazettus, Ænobarbus? Quid verò etiam aliqui Pontificum, Regum, Principum, Procerumque nostrorum? de his equidem si dicere ingrediar, eaque compendio referam, imò nominem dumtaxat, in quibus propter Fortunæ indulgentiam, & nimis prosperos rerum euentus peccatum est, hodieque insigniter: sed st: ingens iter obeundum sit, via salebrosa, vadis lubricantibus, exitu difficili, aut nullo. Quamobrem certis cancellis calamo prafinitis, hanc iubeo terere communem aream, & calcare semitam priuatam, nominibus parcens, vitia detestans ad corrigendum, non ad exprobrandum. Quàm multos unusquisque secum tacitus cogitans, atque recogitans, inueniet, quorum parentes, aui, proaui, maiores frugi fuisse perhibentur, suis dediti studijs liberalibus, militaribus, mercatorijs, ut non nimis affluentes, ita nec indigentes copijs ad vitam necessarijs; ipsi autem, & ipsorum filij, nepotesque aliquo casu pecuniam nacti, & amplius aucti vectigalibus, Fortunæ humeris in altum leuati, pro modestia insolentiam, & impudentiam, pro frugalitate luxuriam, pro moderatione superbiam, & crudelitatem praeferunt, ostentant: que? Non indubitanter ipsi etiam modesti, ac frugales futuri,

*futuri, maiorum suorum recalcantes honesta vestigia, nisi à recto itinere ridens Fortuna retraxisset, aliamque ostendisset viam ingressu planiorem, amœnioremque, at exitu asperam, precipitem, funestam. Agè Lector, Vides tu illum magnificè incedentem, serico indutum, auro conspicuum, ferro stipatum, magna circum comitante caterua? Dic adeò rursus, Audistin? quæ in-
 gluvies, ebrietas, ignavia, somnolentia, mulierositas, impuritas, procacitas? Pater illi abstinentissimus fuit, adeoque ad rem faciendam intentus, ut nil esset tam arduum, quod non moli-
 retur, nihil tam sordidum, quod non pateretur, nihil tam nefarium, quod non sibi licitum puta-
 ret, unde in spem lucrandi aliquid venire posset. Nunc diutius viuentem, ac numquam cessantem tamen, nihilque illum sibi vindicantem, omnia filio unico quarentem, quia tantummodò tena-
 cior erat, secumque ceteros domesticos malignè ali-
 & arctè haberi volebat; omnibus inuisum, nemi-
 ni dilectum, & cultum, rumor increbuit fami-
 liarium dolo sublatum, filio ipso aut curante, aut saltem connitente. Hoc certè constat, in sca-
 las ex alto impulsus, atque astu precipitem da-
 tum, ex quo casu miser clamitans, & fidem suo-
 rum accusans interijt. Ecce alij subinde animis, oculisque incurrentes, quorum voluptati, atque libidini parentum labor, sollicitudo, indignitas seruiere. Nam quia se dominos extemplo relictos, & omnibus rerum copijs paterna non sua cura circumfluentes aspexerunt; virtutis & continen-
 tia laborioso, atque subaspero itinere damnato; ad contrarium visu incundius, incessu mollius,
 Voluptate*

voluptate inuitante, diuitijs suadentibus deflexerunt. Qui si pauperiores, vel non adeò diuites relictì fuissent, vel saltem non adeò diuites, ut se otio dedere possent; coacti aliquam facitare artem, si honestè ac liberaliter viuere vellent, haud dubiè laudabiliùs vitam instituisent, & maiorem pro suis occasionem precandi haberent, quàm nunc habent, & post habebunt imprecandi. Ergo parentes ad rem attentiores, qui amplissima filijs patrimonia relinquunt, quasi lenones videntur liberorum suorum. Non rectè accipiunt, qui tantummodo videri suspicantur; illi rectiùs, qui esse pro certo existimant. Nisi hoc melius habent vulgares pudicitia venditores, quòd se saltem rogari patiuntur, nec gratuitis frui noctibus amanti permittunt. Parentes autem liberorum cupiditati sponte lenocinantur, auro insuper affatim relicto, per quod recta in ganeum: si fors ferro, & precibus vires desint.

Verùm enim uerò huiusmodi exemplorum, quibus docemur Prosperam Fortunam vehementiùs quatere mentem, acrioremque sub pectore tumultum excitare affectuum rebellantium, quàm Aduersa facere soleat; plena omnis antiquitas est, nostra etiam, & patrum, & aurum atas redundat. Quorum aliqua si saltem recordari, atque apud animum proponere velit Iudex non iniquissimus; haud dubito quin causa cadant aduersarij, & lis secundum nos pronuncietur, Ere mortalium magis esse si Aduersa, quàm si Prospera pati cogantur, illis animum intendi ad Virtutem his remitti, & cum impetu ferri ad Voluptatem. per illa flagitiosos plerosque ad sanitatem reuertis

per

per hac fortes etiam ac sapientes ruere ad insaniam . illa depressis ex calice sollicitudinum religionem , pietatem , fortitudinem : hac tumentibus ex patera deliciarum vanitatem , arrogantiam , & scelerum licentiam propinant . illis multi mentis tranquillitatem , & animæ salutem ; his longè plurimi desperationem , æternosque cruciatus debent : ita palàm professi , & contestati ante mortem , in morte , post mortem . Hanc ad id quæstionem mihi præmittere , atque communiter differere visum est , quasi aditum , accessumque futurum ad Illustria Exempla , quibus postmodum recensendis initium datur . Nec id quidem (sicut ego existimo) minùs accommodatè , quàm plerique alij fecere , per morbos tunc maximè grassantes , vel per Urbium fœdas direptiones ad amabilem congressum , iucundamque variorum euentuum narrationem transgressi . Occasionem sat opportunam consilio meo , dedit nouissimum , & speramus ultimum Augusta Patria bellum , siue potius popularium tumultus contra Paulum III. Pontificem temerè suscitatus . Ante quod tempus Persina utcumque usurpata libertas nunc turpi otio diffluens , nunc turpiore odio dissilens , inde ad voluptates , hinc ad mutuas cedes , utrinque ad irreligionem , & irreuerentiam Numinum præceps ruebat . Postquàm autem superba ingenia subiugum missa , & magnis cladibus domita suere , ammissis omnibus magistratibus , multorum adibus solo æquatis , clarissimo quoque aut interempto , aut in exilium expulso , ad hæc qui remanserunt spoliati armis , & pagorum , Castellorum , & que territorij dominio priuati tanta insuper pecunia

pecunia multantur, quantam post Fortebracchios centum spatio annorum, non pependerant. Omitto agrorum vastationes, Villarum incendia, Oppidorum direptiones, bonorum planè omnium extorsiones, quæ singula miseri cives aut ex propinquo intueri, aut presentes perpeti cõgebantur; nec his tandem finitis ullum præterea respirandi spatium datum. Miseranda facies, & ingenuis animis morte crudelior: aliquot hostium millia in Urbem recipere, ac de publico alere coacti. hanc videlicet gratiam raptoribus, atque interfectoribus suis reddiderunt. Nec humanis tantummodo corpora, sed coelestibus etiam supplicijs animas habuere obnoxias, à Christi Vicario sacris interdicti, & palàm deuoti Viris omnibus inferorum. Quæ quidem pœna, ut reliquis atrocior, ita in singulos communior, maiore cum luctu à multitudine, præsertim senum, scæminarum, piorumque imbellium excepta est: detestantium contumaciam, atque perfidiam paucorum, qui temerè populum in huiusmodi discrimen, totamque Ciuitatem in excidiij periculum coniecissent.

Ac nè singula consēcter, quæ à nobis opportuniore loco exposita sunt, quæ ad præsens negotium pertinent, expediam breui. Post Salarium bellum duris condicionibus finitum, & Farnesiam arcem penes nos exedificatam, vel quasi iugum ceruicibus impositum, vel quasi frenum omni applicitum indomita genti; Ciuitas nostra tot tantisque cladibus fatigata, & oppressa; tandem aliquando sustulit oculos, & paulatim respirare cœpit in spem erecta (superis adiuantibus) fortuna melioris. Exinde namque Nobilissimi quique cum populo

populo vniuerso coniunctis animis ad cor redire, mentem expiare, templa frequentare, operari sacris, & diu intermissa gregatim repetere munera, & officia omnia charitatis. Quamobrem nobis etiam experimento compertum est, id quod initio proposuimus, & auctoritate Sapientum, argumento illustri, exemplo principum, & fortium virorum ostendere conati sumus, Longè melius atque facilius ferre cōmuniter mortales Aduersam, quàm Secundam Fortunam. Id ipsum suo etiam exemplo, si quis aliàs umquam, Augusta patria confirmat, cui quā res Secundæ abstulerant, hanc Aduersæ reddiderunt Piam Mentem. Illa igitur tempestate cum paulatim littera quoque armis oppressa resurgerent, & una cum litteris Conuentus, siue Academia Ciuiles, Morales, Conuiuiales; Vna fuit inter istas, vel potius caput istarum, cui à mentis tranquillitate inditum fuerat nomen; & Academici communiter Tranquilli vocabantur. priuatim verò (ut mos est) singuli stemmata, & cognomina sibi confixerant, quibus inter se agentes, & conuersantes crebrius uti consueuerant, quàm gentilijs, & suis. Hoc tantum discriminis inuenio inter hanc nostram, aliasque siue litteratas, siue Ciuiles Academias; quod hi quidem cognomentis utuntur ferè ab aliquo corporis, vel animi vitio deductis, & se alij Stultos, alij Bizarros, alij Furiosos transfominant. nostri autem contra Virorum aliqua laude præstantium nomina usurpare maluerunt, ut Catonum, Scipiadum, Marcellorum. Placet idem mihi mos in singulis (ut res feret) appellandis, quem ipsismet placuisse animaduërto.

In hunc igitur ordinem disposita, & memoria tradita, ad manus nostras pervenerunt.

Fortebracchius Simposiarcha, Rex & Princeps conuiuij declaratus.

Ergastus, & Archelaus ambo cui grandioris, & rerum publicarum egregiè consulti.

Nestor, & Vbaldus historiarum, ac rei antiquariæ studio incensi.

Pamphilus, & Philander artium magis liberalium, & Philosophiæ candidati.

Fernandus, & Malatesta Mineruam vultu, & animo, sed armatam spirantes.

Accesserunt Franciscus Coppetta, & Cæsar Caporalis uterque insignis rocta. Qui quidem ultimi omnium in Academiam cooptati, nondum aliud sibi asciuerant cognomentum: et se autem post Regē, & duos Regi propiores tãquam adstantes. ceteri admodum iuuenes, vel potiùs adolescentes fuerunt, intra quartū & vigesimum ætatis annum: tamen omnes proxima clade admoniti, æqualem animi pietatem, verbis honestatem, vultu modestiam, ac verecundiam præferebant. Itaque mirum cuiquam videri non debet, ut ne nobis quidem est visum, si tantummodò salutis, & animæ studiosi, nō semper narrabunt professioni, aut moribus, aut ætati consentanea: unum illud singuli spectantes, ut se per Exempla inuicem excitent ad virtutis imitationem, & vitij fugam. Præterquamquod homines adolescentes à lectione non multum à rerum usu propemodum nihil periti, ea tantùm referre poterant, quæ cum labore inuenerant cuiusquemodi forent denique litteraria, ciuilia, moralia, iocosa.

Igitur

Igitur habuere Tranquilli ante bellum, cum res prosperè fluerent, hanc consuetudinem, ut quotannis per dies Geniales, quempiam magis insignem ex suo corpore Regē, sine Præfectum conuiuij crearent, apud quem interdum aliquando versari, colludere, fabulari; vespere autem semper conuenire, ac de Symbolis cenare consueuerant. Mensis autem remotis, cum prope ignem consedisent, plerumque inter ipsos tantum, quandoque sceminis quoque non ad conuiuium, sed ad vigiliū adhibitis, caneant, saltabant, fabulas narrabant; & fabulas quidem non tantum scurriles, mimicas, & parum liberales; verū etiam dicaces, obscenas, & nuda turpitudinē, non salibus, & facetijs risum captantes. Hanc igitur, seu similem huiusce relaxandi, ac recreandi animi rationem, anno post bellum secundo, cum repetere vellent; die quodam inter se colloqui, variantibus sententijs, ita demum conuenire, ut Vir Clarissimus Cinitatis, cognomento Fortebracchius, Princeps creatus, leges diceret congregandi, compotandi, confabulandi, quibus neminem contra-ire, aut quicquam repugnare fas esset. Fortebracchius cum illo anno Lacum Thrasymenum sex aureorum millibus conduxisset, ideoque necesse haberet quamprimum, atque quamplurimum eò se conferre, ibi commorari:

Commodū existimo, inquit, & quoniam Rex sum impero quoque, ut singuli Castalionem perendie mecum veniatis: futuri apud me

me non hos tantum, qui supersunt ante Cineralia pauculi dies; verum etiam quam multos unicuique libitum erit. locum nostis, & personam, & rem. dies etiam videtis, quales iam moriens frigus, & nascentis Ver pollicetur. In congressu autem, & Narrationibus nostris hæc arbitror mutanda si vobis videatur.

Pro inanibus fabulis Exempla fortium Virorum, aut Illustrium feminarum historica, moralia; sed eadem varia, & iucunda memorantur.

Sales, lusus, ioca, facetiæ liberales intermiscuntur.

Obtrectatio, maledicentia, scurrilitas, obscœnitas, procacitas longè absunt.

Feminae penitus omnes ingressu, & accessu prohibentur.

Cetera, ut olim servari mos fuit ita conservantur.

Quid

Quid tam multis opus est verbis? Consilio Regis probato, legibus dilaudatis, ad iter se accingunt, & ad quam diem Rex dixerat, illi antegresso ad Thrasymentum ad Castalionem praesto fuere.

CASTALIONIS DESCRIPTIO.

PEninsula est quasi Promotorium rectè in Lacum excurrent, & passuum circiter sesquimillium spatia complectens. Hac in editum collem sic exurgit, ut tam à fronte, quàm à lateribus in consinia usque alluentium undarum descensus relinquat prope aqualiter, nec admodum molliter declives: at multo autem molliores, lenioresque aditus pateant ab ea parte, qua collis iungitur continenti. Oppidum in summo collis vertice conspicitur natura, & opere munitum. cuius & si sunt scopulis innixa fundamenta, eminentque vetustis constructa saxis in circuitu propugnacula mœnium, ac turrium: tamen ipsum complanato solo firmissimè situm frequentibus edificijs, & capacibus foris, & amœnis hortulis distinguitur. Inter hac loco admodum opportuno, tamquam in oppidi umbilico, ades tunc erant Principum Balionorum satis magnifica, ut illa ferebant tempora. Ioannes Paulus incohauerat, filius Malatesta confecerat. Has postea Marchiones Cornei elegantiorum in modum, ac prope in regalem formam restructas exadificarunt. Amplior circa vestibulum siue area, siue platea est, non minus adium dignitati, & Principum stationi, quàm publicis, & commoditatibus, & utilitatibus parata. Super cetera oppidi munimenta loco imprimis idoneo, atque conspicuo Arx consurgit, peritiorum

ritiorum Ducum, qui viderunt iudicio inexpu-
gnabilis. Hac in longitudinem ab Oriente in oc-
casum bis tanto amplius extenditur, quàm in la-
titudinem à Septentrione in meridiem. A Pa-
latio longulè distat, cum eo autem duplici traie-
ctu, seu dixerim curriculo iungitur, altero furti-
uum, atque occultum ad interiora Domus, altero
apertum prabente commeatum ad stabularia;
quorum opportuna, & commoda capacitas terga
adium claudit. Ædes autem ipsas in Insulam
nullis circa adificijs coherentem, vel potius in Ca-
stelli speciem fabrefactas, altitudine superbas,
pulchritudine mirandas tria cingunt amœna,
spatiosa, & cunctis delicijs referta pomaria. Non
illic cedrorum, & arancium (quas vocant) lauro,
& myrtho distincta, velut peristromata desideres;
non aut florum, aut fructuum, aut herbarum fra-
grantiam, varietatem, raritatem: non auaria
latè patentia, intra ferreas plagulas, velut liberum
carcerem inclusa, & ideo carmine partim festiuo
& alacri, partim flebili, nec tamen minùs iucun-
do aerem mulcentia. In propinquo siluula est ad
ipsum Lacus marginem confita, unde auibus cer-
to anni tempore gregatim transeuntibus, insidia
tenduntur, opacitate inuitatis, sibilo allectis, vi-
sco implicitis captisque, tamquam aduenis infideli
hospitio deceptis. Hinc sub æstatem longa exan-
dias, & iucunda certamina lusciniarum, earum
dico, quas nemoris, & earum quas hortuli alit
libertas: illa optatior, ista securior; Vtrâ^{ru}que aut
placitum, aut cantum ingeminans Echo, sollers,
ac fida relatrix prateruentium, vel circa con-
sistentium aures multiplici suauitate permulcet.

Ut quancumque in partem conuertare videns, audiens, olfaciens, mirifica mentem voluptas perfundat; & sensum erroribus fessum variata reficiat, instauraque. Vias imprudens praterij, tam qua hortulos, quàm qua oppidum distinguunt, & foras aliè ducunt, latè directas, apricas, amœnas: ut hieme ad inambulandum, & commeandum incundas, Cœlo quiescente; sic incommodas per astatem Cancro, & Leone sauiantibus propter astatem, & se Lacu effundentem caliginem. Aquis praterea, & algidis, & salubribus abundant Oppidani, prater quas ad varium vita usum supeditat Thrasymenus: Porro quamquam nullus ex arido scopulo fons erumpit, montibus longo intervallo summotis, tamen collis inferiora scatebris emicantia largifluo undarum rore patentes rigant campos. Ut non temerè Castalionem (sic ego malim latinè quàm Castilionem) Vetères dixerant conditores, quasi sedem Castalidum, hoc est Musarum, & Apolline dignam.

Hac de Oppido, & Colle toto dicta sufficiant. Sequuntur, qua circa Collem, & longulè ab Oppido sita sunt. Castalio inter aquam, & terram medius ita constitit; ut non faciliè constituas ad utram magis pertinere videatur, & utra illum iustius sibi vindicet, certantes inuicem cumulare beneficijs, & augere muneribus, aqua suis, terra suis. Perusia Castalionem accedentes ab dextera Lacus, ab sinistra Clusium comitatur. Vtriusque ambitus, siue circuitus par: triginta passuum millia complecti putantur. Lacum Historici Thrasymenum, Poeta sapius Thrasumenum vocat, Hannibalis victoria, & Flaminij Consulis dira

*dira clade nobilitatum. Ex medio velut gremio
 Lacus tres eminent Insule, quarum due non ad-
 modum inuicem distantes in Septentrionem spe-
 ctant: à circuitu altera Maior, altera Minor ap-
 pellata. Ante annos ferme trecentos, non admo-
 dum supra ætatem Bracchi Fortebracchi, deser-
 ta, incultaque iacuerunt; ut Maiorem S. Fran-
 ciscus sibi delegerit, in qua virgultis, atque arbo-
 rum ramis tuguriolo extructo, ieiunium quadra-
 genarium transigerit solitarius. Ibi posteri tem-
 plum exadificarunt illius nomini dicatum. So-
 dales in præsens colunt, quæ à cetera familia Soc-
 cus ligneus, & Observantia nomen distinguit.
 Ad hac laribus circiter ducentis habitat. Nunc
 insigni Franciscano alumno suo, nobis amico, &
 Triuenti Episcopo superba. Minorum quoque auro-
 rum memoria cultam fuisse satis ostendunt, &
 templum in earumine situm, & aliquot circa
 adium ruina. Nunc infesta serpentibus ferè non
 aditur: nisi (aiunt) quandoque Saliscamnis, &
 Circulatoribus Vanenarijs. Tertia circuitu am-
 plior, & incolarum multitudine frequentior no-
 mine Puluesia, sex millium intervallo ab his dis-
 sita est, qua parte in meridiem Lacus extenditur.
 Singula autem non amplius mille passuum reces-
 serunt à continenti. Habet præterea noster Thra-
 symenus, quod haud scio, an alibi terrarum alius
 Lacus, certè in Italia nullus, quod tantam &
 longitudinem, & latitudinem complexus; tamen
 ire volenti littus peruium, aridum, amœnum, &
 expeditum; tantummodo Pagis, atque Oppidis
 frequenter interruptum, hoc est ad ceteras com-
 moditates incundum quoque, ac varium transi-*


tum exhibeat : Vndecumque piscosus. & portubus abundans , undequaque adeundus , deferendus. que sine discrimine . Piscium varietatem , saporem , pondera omitto , de copia non taceo . prater quàm Perusia totum annum venalis prostat , verno autem ieiunio singulis diebus certa cuiusque generis millia pondo palàm minimi venduntur : latè per Etruriam , per Picenum , per Vmbriam distrahitur , Roma quoque in pretio est , nec admodum insano pretio emitur . Nimirum tanta est Lacus fecunditas , & piscium voluptas , ut in Urbibus etiam maritimis ac longè dissitis cupidos inueniat emptores . Quid quod animum quoque ut Anatum , Anserum , Germanorum sic abundans est Thrasymentus ; ut edulia cuiusque tempori apta non accolis tantum , sed etiam finitimis largiter suppeditet . Ita pariter aucupes , & piscatores praeda onustos dimittit . Vnum ommissi prius ponendum : aut vel in ultimo , sed ut prius . Toto anno certis cuique tempori aptis nauigijs sinè periculo traicitur . Quod non modo ad segetes , aliaque onera transportanda commoditatem , sed etiam instaurando animo voluptatem , & fructum affert incredibilem .

Hac nimirum Rex , aut Princeps Castalio ab undis imperio suo subiectis identidem munera , quasi tributa exigere solet . Quid nunc eidem Clusinium solum pariter subiectum ? Nec pauciora , nec minoris aestimanda , siue commoditatem , siue voluptatem inspicere malis . Terra est in aqualem prope longitudinem , ac latitudinem proiecta circuitu certè par intra Lacum , & Claniam antea fluvium , nunc paludem sita . Hac siue in
latam

latam planiciem explicatur, siue in colles modicè
 assurgentes contrahitur; eiusmodi speciem oculis,
 animoque repræsentat, ut non sic ex sæcundo na-
 tura sinu prodijisse, sed manuum artificio sic posi-
 ta, sic digesta esse videatur. Solum ubique fe-
 rax, & pingue ad segetes omnis generis pariu-
 das, frumentum in primis laudatissimum: cuius
 plurima modiorum millia quotannis Romam,
 aliòque per Ecclesiasticam Ditionem circumuehi
 solita sunt, gleba est præterea, quæ maturis exco-
 cta solibus, & copiosis subinde imbribus madens,
 omnium rerum culturam admittit. Vt si Gar-
 gara conseras, aliaque Poetarum fabulis loca de-
 cantata, illas verè fabulas possis æstimare, præ
 quibus verò, ac ferè Clusinus ager abundat.
 Nec dico tantum ad alimenta siue hominum, siue
 bestiarum, in fruges, & pascua campo distributo;
 sed etiam ad animi oblectationem ingenuam, &
 liberalem. Præter omnium generum domesticas
 animantes, quibus nulla est regio feracior: Roma
 dicat, ad quam multi talibus onusti singulis heb-
 domadis commeant: damarum, leporum, caprea-
 rumque siluestrium tanta est copia, ut sæpe inopi-
 nantibus, & alia cogitantibus intercurrant Via-
 toribus. Vt quæ alibi laboriosa est, ac sæpius infe-
 lix; hic semper facilem, semper felicem obiturus
 sis Venationem. Postremò Clusium totum, quæ
 frequentibus Villis valdè opulentis, quæ priuato-
 rum ædificijs iuxta commodis, & elegantibus, mo-
 dico intervallo distinguitur, & respondet genio lo-
 ci humanitas, liberalitas, festiuitas incolarum.
 Vt quæcumque in partem, vel negotij, vel ani-
 mi causa iter intenderis, passim occurrant sessis

venatoribus gratuita diuersoria, delicatis aulicis voluptaria confessiones, fabulationesque; omnes denique cum multo verborum honore, ac vultus hilaritate suscipiantur, & lati cum ruralibus munusculis domum dimittantur.

Fratres igitur (quos dicere incœperam) siue Sodales Academici sub noctem ingressi Castalionem, ab suo Principe comiter excepti, ac primùm lepidis sermonibus apud ignem exhilarati, dein dulcibus epulis, & forti Baccho pramuniti, cum occiso iam die diurnum laborem, curasque omnes alta nocte demerses in usque reductam lucem sepultas tenuere. Iam cum garrula aues renascentem Auroram solemni gratulatione salutarent; strenuè lectulis desertis, curatisque corporibus; Sacrificio matutino, quod Paniphilus litabat, unus ex eorum numero Sacerdos, interfuerunt. Reliquum diem solito magis nitentem, hoc est Veri, quàm hiemi similiorem, apricis ambulationibus, & tentata potius, quàm obita venatione consumunt. Donec sub vesperam in conclaue à strepitu domestico remotum, & ad hanc rem mirè accommodatum, ex Regis Imperio (ut olim Perusia solebant) singuli conuenerunt. Ibi cum ad lucentem flammam consedissent, ceteri sellis equalibus, Rex paulum altiore, tamquam in solio, commodum facto silentio, & legibus narrandi recitatis, hunc planè in modum exorsus fertur Ergastus.



THRASYMENVS

siue

ANTOLOGIAE

Illustrium Exemplorum.

DECAS PRIMA.



Exempli Primi

Argumentum.

Nicephorus, & Saprīcius fraternē amant
inter se. Oritur ex leuī causā grauior simul-
tas. Nicephorus se submittens omni ope
studet placare iratum Saprīcium. sed fru-
strā. Ducitur Saprīcius ad gladiū pro con-
fessione Fidei Christianæ. Nicephorus illi
ad genua supplex procumbit, pacem im-
plorat. Reicit Saprīcius amicum supplican-
tem, & mox ille supplicat Idolis, pro Mar-
tyre factus Apostata. Nicephorus in locū
amici succedens Martyrio coronatur.

*Quandoquidem mea heri vesp̄ri fors prima
comparuit, quā me hodie iubet in hoc nobilissimo*

congressu principium facere narrandi, nec ullum tamen præscribit, aut definit narrationis argumentum; cogitavi ad multam noctem cuiusmodi statuerem aut exordium, aut ingressum huic nostro instituto magis convenire. Ad extremum tempora ipsa, per quæ Civitas nostra multis iamdudum agitata discordiarum procellis, in hoc tandem tranquillitatis, & Pacis portu conquiescit, me in hanc sententiam impulerunt, ut de condonandis iniurijs verba facerem, nec aliò quàm Pax aditum nostris colloquijs aperiret. Sumus enim Perusini (sumus Malatesta, sumus Ferdinande) ferociore ingenio, quàm nobis expediat; & ad ulciscendum quàm ad ignoscendum promiores, ut hac potissimum nobis domanda, & tanquam frano clementia coercenda esse videatur erroris hauriendi furiosa libido. Si quis autem hoc audito, quod nos in præsens narrare aggredimur Exemplum, non commouetur, nec illicd erumpit ad pacem cum inimico faciendam; cum ego cum ferocibus bestijs, non cum ingenuis ac liberis hominibus crediderim posse conferri. Accedit ad privatam rationem nostram (id quod primum ponere oportuit) publicum, ac generale præceptum, seu manultis consilium atque consuetudo Saluatoris, cui quidem vel aduenienti, vel recedenti, vel occurrenti, vel cum quovis agenti semper primum, & semper ultimum in verbis locum Pax Pax occupabat. pro eo quod veteres Latini Salve in accessu, Vale in recessu benè precantes, vel benè augurantes dicere solebant.



Nni erant ab redempto
 genere humano circiter
 ducenti & septuaginta
 imperatibus Romæ Va-
 leriano, & eius filio Gal-
 lieno. Cum Antiochiæ
 duo nobiles Viri, occul-
 tē Christiani, alter laicus nomine Nice-
 phorus, alter Sacerdos nomine Sapricius.
 Viuebant inter se adeo familiariter, quasi
 ex eodem essent geniti Parente. Præcipuus
 autem vtriusque scopus, & labor erat abo-
 lere impios cultus Idolorum, & omnibus
 viribus propagare, atque augere Christia-
 nam Religionem. Nec interim desistere
 vterque à misericordia, continentia, libe-
 ralitate, alijsque Christianis virtutibus
 cum omni affectu, & charitate excolen-
 dis. Horum igitur tam honestum, & pium
 conatum, progressumque inuidens perpe-
 tuus Ecclesiæ hostis, & persecutor Sathan;
 omnia captabat momenta, diurnis pari-
 ter, atque nocturnis dolis, vt sereret inter
 eos aliquid discordiarum. Norat vtrum-
 que moribus optimis, vita integra, con-
 stantes, & pro fide sanguinem effundere
 paratos. tamen sagaciter animaduenerat
 Sapricium natura esse ingenio facili ad su-
 scipiendam offensionem, duro & difficili
 ad deponendam. id ex eo potissimum ac-
 cidere, quia plusculum sibi & iudicio suo
 tribuebat: nec facile aut suadentes, aut
 hortantes patiebatur; obstantes vero, &

repugnantes multò difficilior. Contrà Nicephorum ingenio esse simpliciorem, sed ore ad periculum vsque interdum libero & dicaci.

Quanam ex causa tandem, Diabolo ferente, primum dissensio quædam, & altercatio inter eos fuerit orta, quæ paulatim in simultatem, & in odij speciem eruperit; incertum est. Dicunt aliqui ex differendo (vt fit) super cenam de re haud magni momenti, quam tamen auctores tacent, quibusdam alijs vnà discumbentibus, inter hos duos ortum certamen verò nè an falsò diceretur illud problema, quod temerè fuerat inductum. & altero aiente, altero negante, vtroque pertinaciùs, rem eò fuisse deductam, vt Nicephorus inter cetera iterum iterumque Sapricium in sermone perstrinxerit, eam illi adimens ingenij, & prudentiæ laudem, qua ille plurimum sibi placebat. accessisse, quòd sodales planè omnes Nicephoro assentiri videbantur, & esse à Sapricij sententia longè discrepantes. Ex quo ille non nihil insultare, hic acerbius irasci, & excandescere cœpit. Quicquid fuerit, hoc certè constat inter antiquarios, post primum illum dissidij diem, dies plurimos consequentes, contrà Domini præceptum in iracundia perstitisse obfirmatiùs, & vtrumque vtriusque non modò congressum, consuetudinem, sermonem; sed etiam ad spectum, atque occursum fugere solitos. Nihil omni-

mus ambo rei Christianæ operâ nauabant, hospitalitatis officia colebant, diurnis nocturnisque precationibus insistebant, omnia denique pietatis, ac religionis opera edebant, sicut antea facere consueuerant. hoc tantum erat discriminis: vterque diuersi, alius alibi curabant: non vt antea, coniunctis laboribus animisque. Mirum est, primum iracundia, & insania, deinde obstinatione quadam, ac pertinaciâ sic occæcari animos humanos, vt in clarissima luce versantes, atque adeo in ipsum lucis fontem oculis intentis, se ipsi non videant tamen, neque agnoscant peccatum suum.

Interiecto tempore, post mensium aliquot obscuram, & turbidam tempestatem, Nicephoro primum diluxit, facem Domino præferente in illis Euangelij verbis, ad quæ ingens piaculum est cæcutire Christianas mentes. Non pigebit ea referre, tametsi vulgatissima sunt, & frequenter in templis cantata. *Si dimiseritis hominibus,* inquit Dominus, *peccata eorum: dimittet & vobis Pater vester celestis delicta vestra. si autem non dimiseritis hominibus: nec Pater vester dimittet vobis peccata vestra.* Item CVM stabitis, inquit, ad orandum dimittite, si quid habetis aduersus aliquem, vt & Pater vester, qui in Calis est, dimittat vobis peccata vestra. Illud verò intentiore cura expendere cœpit, quod quotidie ad Dominum oramus Christiani, petentes, repetentes vt ad eundem

modum nobis Pater peccata condonet, quo nos modo inimicis nostris iniurias condonamus. Per quæ verba non cælestem benedictionem nobis precamur, sed potius maledictionem imprecari videmur, & diuinam iram in nostrum caput deriuare: siquidem nobis ita volumus ignoscere Deum, vt nos alijs ignoscere solemus. At enim nos non ignoscimus. ergo ne nobis ignoscatur hoc à Domino precamur. Talia dicentem ac differentem *Ergastum*; *Rex Conuiuij Fortebracchius*, interpellans, Videte, inquit, quemadmodum homo ficiarius, & in odio pertinax hunc scopulum vitabat. Cui cum ego persuadere non possem, vt cum supplice inimico in gratiam rediret, eundem verò audirem manè murmurantem Pater nostros: Mi homo, inquam, intelligis quæ dicis. Annuenti, & aienti subiungo: An non vides quemadmodum ipse tibi malum precaris? porro Dominum rogas vt remittat tuas culpas, quemadmodum tu alienas, idest neutiquam remittat, quia tu non remittis. Ego vero, respondit obstinatus, paulò immuto precationem hoc pacto, **DIMITTE** nobis debita nostra propter magnam misericordiam tuam. Riserunt, & irriserunt amentem hominis pertinaciam Viri elegantes; tum sic iterum *Ergastus*. In huiusmodi verborum contemplatione iterùm atque iterùm defixus Nicephorus, cæleste metuens interdictum, constituit sibi esse laborandum,

vt cum Sapricio in antiquam gratiam rediret, idque quamprimum. tametsi redibat subinde ad animum ea cogitatio, si prior ipse ad Sapricium mitteret quempiam de communibus amicis, vt tanquam sua sponte, non cuiusquam rogatu pacem inter ipsos reconciliare studeret; haud dubiè futurum, vt vulgò ipse timiditatis & parui animi criminè accusaretur. Accedere, quòd causam suam facere deteriorem videtur, & se vltro confiteri criminis reum, si quis cuiquam ostendat se cupidum redeundi cum inimico in gratiam. Facit autem ingenitus cuique proprius amor sui, vt culpas hasce contentionum rixarumque semper ad alios deriuemus, ipsi nobis & superbiæ nostræ nunquam censeamus esse tribuendas. Quòd si aliquando tandem agnoscimus nostram culpam, & taciti apud animum confitemur, nosque ipsi sponte accusamus: tamen hoc palam profiteri, & vltro ea gratia supplicare inimico perfectæ cuiusdam virtutis ac sapientiæ videtur. Erat adhuc Nicephoro inipeditior & difficilior deliberatio, quia illius dissidij maiorè Sapricio, quàm sibi culpam assignabat, iudex minimè audiendus in propria causa. tamen ipse ita sibi persuaerat, & id Sapricium censebat facere oportere, quod ipse moliebatur, vt prior supplicatum veniret.

Ad quas iterum iterumque cogitationes renolurus, & quàm cum maximè du-

hūius consilij Nicephorus, ad Consiliarium
 longē optimum, & fidelissimum confugit,
 deuotam, atque intentam Orationem ad
 Deum. In qua totum sese permittens Di-
 uinæ volūtatī, & enixē Dominum rogans,
 vt propter ipsius sacrosanctam Natiuita-
 tem, cuius forte sollemnitas appetebat,
 non grauairetur eis se laqueis expedire,
 quibus adhuc tenaciter animus hærebat.
 Vtrum, inquit, prior offero iustissime Iu-
 dex pacem inimico meo, an illum expe-
 cto, qui prior læsit iniuria? Nō ita diu post
 visa hæc auribus vox intonare, vt scruta-
 reretur scripturas. in his enim præcipere Do-
 minum, & palam ostendere, quid vnum-
 quemque conari & efficere æquum sit.
 Sumpto igitur in manus Euangelio, liber
 sua sponte patefactus, hæc oculis haurien-
 da, & menti excutienda subiecit Domini-
 ca verba, quæ apud Matthæum leguntur
 Capite quinto. *Si offers, inquit, munus
 tuum ad Altare, & ibi recordatus fueris, quia
 frater tuus habet aliquid aduersum te: relinque
 ibi munus tuum ante Altare, & vade prius re-
 conciliari fratri tuo: & tunc veniens offeres mu-
 nus tuum.* Quibus plectis, & pensatis,
 non dubitauit Nicephorus (quanquam
 erat vir melior, quam eruditior) hoc sibi
 præcipere Dominum ac Redemptorem
 suum, vt vtrō appellaret de gratia recon-
 cilianda iratum sibi Sacerdotem, cum eo
 etiam si prior læsisset Sacerdos: nec ante
 auderet celebrare instantes ferias Natales,
 quan-

quàm mitigasset, atque amicum sibi red-
didisset antiquum sodalem. Factus igitur
per ea constantior, atque alacrior vadit
sponte ad communem amicum (Honorio
erat nomen.) atque hic non semel vtrun-
que nunc castigando, nunc exhortando,
nunc liberius monendo tentauerat vete-
rem inter eos gratiam reconciliare. Fru-
stra cum vtroque: tantùm lenior aliquan-
do erat visus Nicephorus; asperior semper,
atque obstinatio Sapricius. Hunc verò
in præsentia nullo negotio placatum iri
existimabat: imò adeo censebat insuper
gratias acturum, quod Nicephorus ultro
illi mitteret supplicatum, nec tam pacem,
quàm veniam ab eo cuperet impetrare.
Sic enim planè Honorio Nicephorus, Po-
sce, inquit, Sapricium veniam meis ver-
bis; & roga instanter si quid ego aut fece-
rim vnquam, aut dixerim, quod ei ægrè
fuerit, vt mihi libens ignoscat propter
Christum Redemptorem, atque Magistrum
nostrum, qui remissionem iniuriarum ver-
bo suaserit, præcepto sanxit, & ostendit ex-
emplo. Nec Nicephorus ipse, nec Hono-
rius deprecator, nec omnino quisquam
sodalium Christianorum, quibus pariter
simultas cognita erat, & causa simultatis
existimasset illis machinis fore opus ad
animi Sapricii expugnandum. quippe
queni omnes putabant verecundia qua-
dam (superba fortasse: humana tamen)
esse retentum, quominus prior se summit-
teret.

teret rudiori eruditus, laico Sacerdos. ceterum fratris humilitate perspecta, vltro veniam precante, non dubie futurum, vt preces erubesceret, atque id tantum sero doleret, Non occupasse.

Verum enimvero longè aliter acta res est. Expositam ab Honorio Nicephori summisionem, atque humilem precationem superbus Presbyter indignans reiecit, & se nunquam cum eo in gratiam redditurum esse affirmavit. ignorare Nicephorum esse odia vinis simillima, ex dulcissimis asperrima. tantum polliceri se acceptas iniurias non vindicaturum, nec verbo vnquam læsurum, ac nè nominaturum quidem. congregari, conuersari, vnà esse cum eo penitus nolle. alios iuueniret minus honestos, quibus insultaret, quos palam contemptui, ac ludibrio haberet. Non cessauit ab officiosa deprecatione, pariter pius, & intelligens Honorius. datoque spatio incandescenti Presbytero ad iram in querelas effundendam, & dissipandam: sagaciter in sermonem regressus; At ego, inquit, non differam tecum Sacerdote, alios solito instituere, ac docere Christianam philosophiam: Sit, inquam, necessarium necnè ad salutem, & Dei gratiam consequendam, pacificari cum inimico, idest pacem cum illo facere, litterarum etiam, ac testium interuentu. hoc dicam, quod planissimè constat etiam illitteratis, & in dubium reuocari non potest

test, homini Christiano necessum esse condonare iniurias, nec solum non vlcisci, sed etiam benefacere inimicis. *DILIGITE inimicos vestros, & benefacite ijs, qui oderunt vos*, ait Dominus præcipiens. dico præcipiens, non tantummodo suadens, & in nostra relinquens potestate. Id ego præter interpretationem Sanctorum Patrum, præter morem in Ecclesia retentum, præter tot Martyrum, imò ipsius Saluatoris exemplum; colligo etiam ex illo quasi exordio, & verborum contestatione, quam Dominus præmittit, **AMEN AMEN** dico vobis.

Hæc aliaque consimilia non tacuit Honorius. maximè autem exaggeravit de scandalo, ad quod piæ mentes impingerent, pro exemplo religionis & pietatis, quod ab eo capere Neophyti deberent, viro spectabili, iam natu grandi, & Sacerdote. Ad quæ singula nihil vnquam respondit aliud insipiens ille Sapricius, quàm scire sese quid homini Christiano & Presbytero conueniret: satis sibi esse curæ de sua salute: nihil eiusmodi nunc quidem indigere monitoribus: cum Nicephoro in summa & Nicephori similibus nihil velle commune amplius: congressum, colloquium, occursum sibi odio esse, ac semper fore. irent, sentirent, facerent quicquid eis libitum esset: sufficere sibi, quam Deus cerneret conscientiam suam. Quæ cum Honorius ad Nicephorum aliosque conscios

conscios sodales retulisset, par omnibus non solum ægritudo, & mœror; sed etiam admiratio incessit, quod præter omnem opinionem & spem obuenisse videbatur. At non propterea despondit animum Nicephorus. alterum atque alterum mittere constituit, Sapricio magis familiares, & sui pariter amantes: at non magis quam Honorium felices Oratores. missi enim alter post alterum, & cum omni affectu opera nauata; nihil à Sapricio amplius retulerunt, quam quod retulerat Honorius. Erat admirabile: quanto illinc obstinatio, & pertinacia negandi; tanto hinc humanitas, charitas, humilitas crescebat implorandi. nec iam pro sua tantum, imò nihil amplius pro sua, sed dumtaxat pro fratris salute sollicitus erat Nicephorus. Itaque prius Dominum ex animo precatus, ut sibi subsidio esse vellet rei ipsius agenti, fratremque per denia errabundum conanti reuocare ad ipsum, qui Via & Veritas esset: nihil cunctatus ad Sapricium ipse contendit. inuentumque solum domi, ut cupiebat, sub horam exeundi ad sacrum in proximo faciendum, in genua procumbens, vbertim lacrymans, & ex alto suspirans, diu impotens loquendi, sic ad extremum affatus est. Peccaui frater animo meo carissime in Cælum & coram te. Debiui modestius loqui, & reuerentius agere rudis cum erudito, iuuenis cum seniore, laicus cum Sacerdote. Sed adeo nulla est

apud

apud Christianum, eumque populi Parentem excusatio iuuentutis, ebrietatis, incogitantiae? Nihil nè in vetere quidem, & plusquàm fraterna necessitudine opis mihi relinquitur, iam non dico ad gratiam recuperandam: fuerim hoc iure priuatus, quam stultè amisi, & repetendi habear indignus: dico saltem ad veniam impetrandam, quam hosti hostis ferro armatus, ira feruidus non negat imploranti? Memento amice idem antea mihi & Magister & Pater, quàm non semel ipse docueris, & in commune sodales nostros, & me priuatim, qui habebam inter eximios, Christianam professionem in eo potissimum posse gloriari, & extollere se super ceteras, quod non solum parcat inimicis, nõ solum sponte condonat iniurias; sed etiam iubemur Christiani benè velle maleuolentibus, benefacere malefacientibus, & orare pro illis etiam; qui nos persequuntur & infamant. Hæc satis aperte Cælestis ille Magister ac Dominus imperauit: tamen ego propter meam tarditatem haud ita erant intellecturus, nisi quispiam repetens explicaret. tu mihi opportunus contigisti, & verborum explanator, & factorum imitator. venio nunc non inmemor discipulus ad amabilem Magistrum dictata redditurus. & videbor indignus, qui excipiar, quæ ausculter? fac memoriæ, fac industriæ, fac animi periculum. si quid pecco, si quid hæreo inter recitandum, inter audendum; denique

denique si facio segnîus quàm me docuisti, non deprecor supplicia, virgas expedi, plagas impinge. potes etiam securim. & erit mors optabilior, si te sanguis restituat placatum.

Multa huiuscemodi lacrymans, & obtestans, & genua complectens Nicephorus orabat. non est tamen ad ea quicquam commotus, aut mitior factus Sacerdos, ac nè vnum quidem verbum contra effatus, sese proripuit, & in interius cubiculum abdidit, non facturus eo die rem diuinam vt constituerat, nec ante prandium domo exiturus ad solemnîa pietatis munera obeunda. Sic reuertitur ad penates suos, æger animi Nicephorus & consilij penitus expers. tantum spei aliquid superesse, vt hominem suæ superbîæ admonerent, ac cælestem formidinem incuterent propinqui Natiuitatis Dominicæ solemnîs dies. cetera non videri vrgendum, neque tangendum amplius in præsens. iracundiæ, quam obstinatio aggrefferat per cõtinentes congressus, dandum esse spatium, vt se paulatim dissiparet per silentium. Ergo dum expectatur beneficium temporis, orta est Antiochiæ ingens & crudelis persecutio aduersus omne nomen Christianum. Misere Imperatores Valerianus & Gallienus ab Roma nouum Proconsulem, siue Præfectum ad Antiochenos in vetere Idolorum cultu, & religione continendos. si qui autem ad Christianos descissent, hos primum

mūni blanditijs, deinde tormentis reuocare studerent. perseverantes vt in exilium agerent, aut securi percuterent. Ecce presbyter Sapricius inter primos accusatur, quem domi nobilem, annis granem, Sacerdotio insignem, adspectu venerandum Proconsul humaniter excipit, benignè appellat, rogat professionem: ac si forte Christianus sit, Principis ostendit edictum. Sapricius nihil commotus, sereno & hilari vultu, Ego, inquit, Christianus sum, paratus pro nomine IESV contumelias, tormenta, & mortem perpeti, quanto acerbiorē, tantò magis incundam mihi futuram. Nec dixit constantius, quàm fecit. fustes primū, deinde pilas ferreas, postremo eculeum fortiter tolerans, damnatur ad gladium, die postero ducendus ad supplicij locum extra ciuitatem.

Famam rei tota vrbs cum formidine audierat, cum laude celebrabāt. Nicephorus tunc vt cum maximè cupiebat in gratiam cum illo redire, cui fors tam optanda contigisset inter Martyres posse censi. Nec iam dubitabat quin Sapricius ad tantum honoris gradum mox extollendus, omnem leuitatem, & animi offensionem abieciſſet, sponte forsitan accessurus nisi compedes tenerent, ad gratiani secum reconciliandam. Manè igitur ex carcere prodeunti, & inter milites lictoresque lentis passibus ad supplicium eunti, pius Nicephorus præsto fuit, & in genua prouolatus

Intus, O, inquit, IESV Christi Martyr beatissime, quantum gratulor tibi purpuream coronam, ad quam es vocatus capiendam; tantum te rogo, ut recorderis mei, quem relinquis militantem. peccaui olim aduersum te poenitet pigetque, condona liberaliter iniuriã, & libens ignosce supplicanti. Non est credibile narratu, & est æquè difficile ad coniiciendum, quid illi misero venerit in mentem. Adeo commotus non est, adeo nihil homini respondit, ut etiam truci vultu aspexerit, atque ab se reiecerit cum fastu; facile ut apparuerit, non esse in illo proximi dilectionem, & Domini charitatem. Nihilominus ad mortem pro Christi nomine subeundam homo properabat. Quid est hoc Domine, quid est hoc? Vult aliquis mori pro te, non vult parcere fratri propter te. Nunc intelligo miser quam durum nobis dederis præceptum, ut eos amaremus, qui nos odissent. possumus in tuam gratiam amare martyrium, non possumus non odisse inimicum.

At hunc Sapricium nulla res excusare videtur posse. Primum amico fuerat iratus, & diu fuerat ob noxam minimè capitalem, quæ certè intra verba steterat, ad factum non eruperat. nec pro ea remittenda quicquam illi aut laboris, aut pludoris fuit subeundum. habet antè pedes prostratum, vltro veniam petentem & sibi supplicanti. Credo poterat homo suspicari, nè sua ipsius causa veniam Nicephorus implo-

imploraret, quia Saprificium metueret mox moriturum. an Saprificius ultionem coquebat, morti destinatus? Non venire illic in mentem, nec venisse antea sæpè Christiano Sacerdoti, & viro erudito, quid Dominus præcipiat, quid Apostolus repetat de iniurijs inuicem donandis, de concordia fraterna, de necessitate charitatis? *SI tradidero corpus meum ita ut ardeat, charitatem autem non habuero; nihil sum*, ait Apostolus. Mirari circa stantes, & obiurgare ministræ rerum capitalium, alterius importunitatem, alterius contumaciam: eo quod vterque incassum laborare videbatur, ille quia veniam peteret à morituro, hic quia quicquam negaret moriturus. Quamobrem, pariter à iudicibus, & ab ipso reo explosus Nicephorus, è conspectu protinus abire, ac viam euntibus cedere coactus est re infecta. Sed ille Dei plenus & fraterna æstuans charitate, gnarus viarum in proximo circumducitur, & iterum atque iterum occurrit venientibus, seseque proijciens in genua totus lacrymis madens, per IESVM Christum, per Deiparam Matrem, per omnes Cælites obtestatur, ut sibi parcat, & omne debitum remittat, illius secutus exemplum, pro quo moreretur. nec vnquam tamè à Martyre obstinato, superbo aut vocem expressit, aut lenè impetrauit coniectum oculorum. Negares ire ad mortem pro eo, qui sic clamat, *DISCITE à me, qui mitis sum & humilis corde*. Mouebant Christianis

stianis multam commiserationem, ethnicis odiosam molestiā, vtrisque parem admirationem inuò stuporem potius, qui sic instabat, qui sic affirmabat.

Ecce ventum est ad supplicij locum : reus in medio statuitur : iudices in conspectu sedent : turba circumfunditur. Ecce iterum perturbans obuios, & moliens in populo viam, ab latere se ostendit Nicephorus. Ibi rursus quàm humillima fieri potuit supplicatione, obtestatione, charitate, humanitate designatum Christi Martyrem obsecrabat, iam nihil aliud, quàm vt palàm ignoscere se fateretur : pertinere ad exemplum, vt verbis confirmaret, ac ratam faceret, quam sine dubio animus dabat veniam & pacem. Christus ad memoriam rediret moriens morituro. is tormentibus & insultantibus vltro ignoscit, & veniam precatur: tu amico & fratri, & supplici negabis? agè non potes, aut non audes imitari parvus discipulus, maximum Magistrum. Disce à condiscipulo, Vir ab adolescente, Presbyter à Diacono, Sacerdos à Leuita. Stephanus pace non orantibus concessa, sed imprecantibus oblata, torquentibus vltro ingesta, inuò recusantibus implorata, & vel inuitis exorata, Cælum patens ingreditur : adornans optima spolia innox Duce hostium adducendo in triumphum. Ego genuflexus, & supplicans, & lacrymans oro frater fratrem, inuò filius parentem, & homo peccator virum

virum perfectum, mox ad Martyres iturum, ut tantum ignoscat, tantum benedicat. Si lingua cor placatum indicare dedignatur; at frons, oculi, vultus mihi loquantur, & spem faciant reconciliatæ voluntatis. Hoc si saltem solatio mœrentem animum lenieris, non putabo penitus contemptui, ac ludibrio fuisse preces meas. Non dubiè spes aliqua salutis affulgebit alacrior meæ, securior tuæ. Infelicem ac miserum me! quid isti toruum oculi respiciunt, & frons tempestatem, os fulminatur? Hic quasi telo ictus procubuit semianimis, & similis expiranti bonus Nicephorus. Pij sodales humileuatum sustentantes, ac fouentes paulatim vitæ reddiderunt.

Rebus interim comparatis, quæ ad supplicium pertinebant, oculis omnium, animisque suspensis; Agè, inquit carnifex, procumbe in genua Christiane Vir: & qui olim Deo tuo fecisti Sacerdos, nunc cade victima antè nostros. Cui Sapricius tunc demum in perniciem suam loquax, Cur me, inquit, occidere paratis o boni Viri? Nempe, Carnifex respondet, quia tu contempto Cæsarum edicto negas cultum deis immortalibus: & nunc ideo sacrificaris ante ipsos, quia ipsis non sacrificas. Ego verò, subiunxit illicò Sapricius, iam sacrifico: ictum reprime, gladium reconde, vinculis exue; vester sum. Nec dictum res morata. concessu iudicum soluitur, absol-

absoluitur, ducitur ad sacrificandum. Ibi
verò ad se dudum reuersus Nicephorus,
contineri non potuit, quin per medios
rursus erumperet ad transfugam, eique
pium faceret conuicium, conatus à tam
grandi flagitio detertere. O, inquit, Fra-
ter amabilissime, o Pater venerande, o Sa-
cerdos, & Martyr Dei, quò nunc obsecro
conuerteris, & quorsum intendis fugam?
Bonum certamen certasti, cursum con-
summasti, fidem seruasti, quid nunc re-
nuis accipere coronam iustitiæ, quam la-
boribus & sudoribus tuis summus Impera-
tor destinauit? Ecce hostes profligati sunt,
cessere tormenta, lassati eculi, Prætor de-
speratus. quid nunc superest amplius, quàm
ut strenuè capeßas victoriam, & ducas
triumphum? Potuisti tot cruciatus, & tam
acerbos, quasi longam mortem sufferre
tamdiu: & hanc perhorrescis leuem, cele-
rem, momentaneam? sed ita momenta-
neam, ut ab ea pendeat æternitas. Ista est
mors durissima, quam tu eligis, non quam
relinquis infelix. Verùm enim uerò Frater,
quia te non falsa opinio virum eruditum,
nec certa electio pium Sacerdotem, sed
contentio quædam, certè pertinacior, sed
tamen humana hominem refellit: & te
iustus ille Paterfamilias iccirco deseruit,
quia tu fratrem deseruisti, abdicaturus si
perseueres, ignoturus si fortè resipiscas, &
cum fratre in gratiam redeas: generose
Vir, Christiane Sacerdos, condona libens
iniuriam,

iniuriam , & pignus fidei præbè dextera-
ram , antea ligatam , nunc peius solutam .
Mox ego (nè vereare) fraternis manibus
mihi placatis grata hostia parentabo .
Sequar actutum si præcefferis : anteibo
si resistis .

Hæc Nicephorus palàm vociferans , &
ybertim lacrymans , ab obstinato presby-
tero nec verbum , nec genitum , nec vl-
lum mitigati animi signum exprimere po-
tuit . Quamobrem lictoribus submouen-
tibus , & vltra accessam negantibus , cla-
mare cœpit , *EGO Christianus sum : deos ve-
stros contemno : nec ullum do aut cultum , aut ho-
norem idò'is : illam dico profiteor veram & solam
religionem , quam desertor iste ac proditor eiecit .
Ergo illius purpurea corona , illius pretiosa suppli-
cia mihi debentur .* Mirari omnes periculo-
sani illo tempore confessionem . Mirari
generosum animum , & pro sua Fide san-
guinem fundere paratum . Ne multa :
Rem Præses docetur , & quod fieri de beat
exquiritur . Ille sic respondet . SI vterque
perseuerent , Sapricius Deos adorare , Ni-
cephorus negare : pretium esto alteri subi-
ta mors , alteri libertas . Ita per iudices
quæsitum , repertum , iudicatum , effectum
est . Sapricius tot fortiter obitis tormen-
tis in militia Christiana ; tum cum dies ad-
uenerat victoriæ potiundæ ad castra ho-
stium transfugit pro Diabolo pugnaturus ,
qui — cum obstinatione pugnabat . Nice-
phorus quantò mitior , tantò fidelior &

carior Imperatori suo miles , hoc vno incepto fortiter patrato (felix!) vno die hostem superat, cum Domino triumphat .

DECADIS PRIMÆ

Exemplū Secundum

Argumentum .

Martius Cinellus ab inimicis dolo trucidatur . Prosperus eius frater continuo rogatus pacem facit . Secuta ob id ingens indignatio & obiurgatio propinquorum . Prosperus præcepto Dominico se tuetur . Interfectorum & his fauentium ingens cædes editur in vindictam .

Mirati admodum sunt, at non admodum miserati nobiles & ingenui Sodales insanam obstinationem Sacerdotis . Tum Rex conuiuij Fortebracchius , Non est dubium , inquit , fortissimi iuuenes , quin istum hominem superbia pessima dederit . Ut est omnium virtutum bona custos Humilitas , quam Ethnici vel non satis agnoscebant , vel agnitam in vitio ponebant . Ibi ad Pamphilum : Ille, inquit , Nicephorus fortasse fuit importunior , quàm debebat . Sineret ire ad Martyrium , nec illi negotium facesset inter eundem . potuit Martyr esse Sapricius , hic si cessasset , si intrinsecus . cur se toties obiecit odiosum ?

Id verò existimandum non est, inquit Pamphilius, posse quæquam Deo placere, in quo charitas Dei non sit. esse autem in eo pectore charitas Dei non potest, unde amor proximi fuerit extrusus. Fecit igitur piè Nicephorus, extinctam molens accendere charitatem, sinè qua nihil homini mors proderat, etiam fortiter obita pro Christo. Sapricius contrà primùm inurbanus, qui ob remleuem tam grauitèr intimo amico succensuerit; deinde obstinatus, deinde impius, at semper superbus. Adiunge quòd res ad exemplum pertinebat, ut cuius palàm odium fuerat, huius palàm reconciliatio appareret. Post hæc Nestor cui secundum narrandi locum fors iniunxerat, Mihi verò, inquit, ad confirmandam de iniurijs condonandis, & faciendâ pace dictam sententiam non est opus abire longiùs per historias Vitæque Sanctorum; Patria mihi suppeditat huic rei aptissimùm Exemplum, quòd inter nouantiquos Annales relatum, mea breuiùs memorabit Historia De Vita, & rebus gestis illustrium Perusinarum.

Quo tempore igitur, popularium factione profligata, Biordus Michelottus Augustam Perusiam longis infestam seditionibus, æquissimo pariter ac lenissimo imperio fouebat: duo gemini fratres, tam tempore nascendi, quàm voluntatibus & studijs coniuncti, rus colebant suburbanum à parètibz hæreditate relictum haud valdè spatiosum, sed pingue, frugiferum, amœnum extra portam Eburnam,

quæ in Meridiem spectat: nec aliud quicquam in Perusino possidebant. pusillum agri auus maternus legauerat in Gortonensi. hoc foris locabant, & certo post interuallo alteruter inuisere, ac fructus exigere solebant. priori nomen Martio, alteri Prospero erat. de familia mihi non constat. pater in membranis nunc Cinallus, nunc Cinellus, non nomine arbitror, sed cognomine appellatur. certè nobiles ac generosi fuere. vt incepta declarant. opibus non ita multum valebant, pro fortuna & loco. itaque neuter vxorem ducebant, & si annum vigesimum quintum excesserant, nec aliunde spes erat posteritatis propagandæ. Vitam igitur satis magnificam & splendidam agitabant pro capta temporum illorum: & vterque manu strenuus, consilio bonus rem militarem nunc pedites, nunc equites colebant. Martius tamen feracioris animi erat, & minus patiens iniuriarum. Longulè ab horum rure suburbano villam habebat vndequaque in longum porrectam, omni fructuum, ac frugum genere abundantem, haud quamquam tamen amœnitate comparandam, cum suburbio fratrum Cinellorum, vir à Sabinis oriundus non solum ex primaria nobilitate, verum etiam dignitate, factione, opibus valdè conspiciendus, & Bior-do persamiliaris. nomen Uguccio fuit: sed ille proprio sibi cognomento Tellas audiebat, quod ab Attila rege ductum aliqui putabant

putabant, congrua moribus appellatione, ut mox patebit. Quia igitur Vguccio quoties ad suam villam itabat, commodum oppido egressus, in conspectu habebat topiaria, porticus, piscinas, & omnem viriditatem, amoenitatēque Cinellorum; partim invidia commotus, partim auiditate compulsus, nihil non tentandum sibi esse decreuit, ut eam possessionem gemellis fratribus eriperet, ac suis prædijs infra iacentibus coniungeret; villam sibi facile confecturus qualem quantamque non esset cernere aliam toto agro Perusino. Primum igitur per communes & amicos, & vicinos sollicitare Cinellos instituit, ut eam possessionem, aut sibi venderent, aut secum permutarent; habere se in numero pecunias: habere, si hoc mallerent, in agro Asifinate prædium illo spatiosius & fructuosius, quod rependeret. Vtra secum ratione conuenirent se in magni beneficij loco æstimaturum. Fratres perhumaniter responderūt eum sibi locum vehementer esse accommodatum, & propter ædium capacitatem, & propter cæli salubritatem, & propter Urbis propinquitatem. hæc se pluris æstimare quàm prædij lectum amplius, & frugum copiam vberius. quare hanc paternam possessionem nullis condicionibus nunc quidem esse alienaturos. si quando accideret, ut haberent venalem, cum eo libentius, quàm cum quoquam alio contracturos. Exarsit ad

hoc responsum Vguccio præ iracundia, cuius erat impotentior natura, & minabundus, Faciam, inquit, vt qui hodie vendere nolunt, haud ita post cupiant donatum, & frustra cupiant. Caput igitur consilium Martij per dolum obtruncandi, quod hunc potissimum credebat suæ obstare cupiditati: securior de Prospero, qui secum frequentius versabatur & erat animo leniore.

Habebat duos hic Vguccio nobiles ficiarios, qui propter alia recens patrata homicidia, domo exules, in Florentino habitabant, eiusque non solum auctoritate, sed etiam pecunia subleuati, commodè vitam agitabant, in omnem occasionem ad Vguccionis nutum intenti. Per hos iste Martium è medio tollere destinauit. Sed quia par sibi atque illis periculum impendebat, si quid forsitan de illorum ad Urbem reditu, aut accessu resciretur, Bior-do ciuitatem cum summa & iustitia, & prudentia gubernante: commodissimum fore visum est vt ad Urbem repetendam, & ad cædem faciendam dies bacchanales expectarentur, in quibus sine omni metu ac suspitione liceret vagari personatos. cetera nihil difficultatis, aut discriminis habitura esse videbantur. Quippe Martius quantò audacior, tantò incautior, nec ille oderat quemquam, nec se cuiquam odio esse credebat. itaque sæpius à suburbano in forum, à foro in suburbanum conueiebat & solus.

& solus, & inermis. die igitur ad regressum in Urbem constituto idibus Februarijs, & ad cædem faciendam proximè sequenti, res ex voto successura esse videbatur: cum ecce tibi propter inimicitias subito coortas inter duos duarum familiarum maximè illustrium, & vtrinque complures trahentium; inter cetera remedia sapientissimus Biordus edicto cauit, nè quis Urbem pererraret transuestitus, aut personatus: multam fore contumacibus, & contræuentibus capitale supplicium. Ex quo incredibile memoratu est quantam animi ægritudinem Vguccio, quantam duo exules ceperint, & quàm hos pariter atque illum poeniteret, quòd non antea facinus occupassent, quàm ille oriretur tumultus, vnde per edictum impedita, vel saltem retardata cædes erat.

Super hæc dies noctesque cogitantibus, & varias animo rationes voluentibus, vna venit in mentem, non atrox tantum, sed impia, & sacrilega. Quod, inquiunt, extremo Bacchanali factum non est, cum sub alieno habitu latendi venia est, id ad sacrosanctam Hebdomadam transferatur, cum pariter licet specie pietatis ponere, fumere personas. Mos est Perusiæ sacris illis diebus, ad passionem Domini recolendam, induere saccos, eosque tum cucullatos, ad faciem abscondendam, tum fenestratos ad plagas nudis humeris infligendas. hæc propterea verberatorum vestes

dicuntur , tametsi eo præsertim tempore ab alijs etiam gestari solent non ad se flagellandos , sed ad stipem viritini colligendam , quæ pijs vsibus impenditur . Ab his exules muniti duo expectabant magna comoda . primùm ipsi securiùs latebant : deinde minore cum suo periculo facinus aggressuri videbantur , non præuisi , non formidati . Rebus ita compositis dum destinata occisioni dies expectatur , Vguccio moræ longioris impatiens , alia interim via Cinellos fratres adoriri constituit . subornat vicinos alterum & alterum , eisque seruos etiam attribuit suos , vt in fratrum villam de nocte impetum faciant , & nunc piscinis , nunc auarijs , nunc ceteræ horrorum elegantiae damnum inferant & cladem : sic nimirum opinatus , Cinellos desperatione adductos , ad eius soli venditionem , aut permutationem posse compelli . Curarunt sedulò vicini , fratrum absentiam sagaciter captantes : donec ad extremum coortus ex insidijs Martius (aberat Prosperus , Cortonam profectus) cum altero & altero fidelissimis sodalibus , ingressos hortum populosos fortiter repulit , vtroque vicinorum grauitè fauciat . alter integrum mensem decubuit satis cum periculo , nec dum planè conualuerat , cum nefarij latrones ad constitutam diem præsto fuerunt . Quibus saccum indutis ; & iam accinctis ad facinus hoc tantummodò Petronius (id erat nomē ægro-

tanti)

tanti) meam, inquit, vicem vicisciminor, ite felices.

Præterierant sanctioris Hebdomadæ quattuor dies, in quibus exules peruersere facti, cucullo tecti ac ferro stipati occa- sionem frustra captauerunt innocentis vi- ri adoriendi, & mactandi. Credo bonus Martij genius periculum arcebat: nec fa- cinus permisit antè feriam quintam, qui dies *IN cœna Domini* vocatur, cum mos est plerisque Christianorum expiata per hu- milem confessionem conscientia, sacro- sanctum Eucharistiæ mysterium obire. id quod Martius & quotannis facere consue- nerat, & illo anno fertur fecisse accuratius, reuerentius. Ergo solemnibus eius diei cæremonijs peractis, tardiùs aliquantò, quàm in more habebat, ex templo Soda- lium Seruitarum ad suos extra Urbem pe- nates festinabat: cum vix portam egrès- sus, quæ nunc Eburna vocatur, hos ob- uiam habuit duos sicarios, quasi lupos in vestibus ouium latentes. quorum dum alter gazophilacium prætendit ad stipem recipiendam, & virpius represso itinere pecuniam expedit. alter commodum à tergo adortus pugione transfodit, & felici vulnere vinctam animam vnico ictu re- soluit. Martius nihil aliud aut molitus, aut locutus, quàm intento vultu ad Cælum, IESV præsto adsis mihi peccatori, pro- cumbens extinguitur. Interfectores (ut tum mos erat) etiam spoliandi corporis

consilium ceperant : nam propterea solitudinem, & initia noctis delegerant scelerari. Sed pedum strepitu exaudito non procul inde comitantium, veriti militum lictorumque custodias matura fuga sibi consulere statuerunt. tantummodò ille, qui petierat stipem, fortè fortuna elapsam manibus morientis crumenam, non multo grauem argento, sed opere contextam elegantissimo rapuit, fugitque cum socio festinanter. Voluere illi quidem (sicut antea conuenerant) longiore tractu per aliud ostium in Urbem reuerti, & illis confisi, quæ gestabant pia vestimenta per quædam sibi cognita viarum compendia referre se ad Vguccionem. Sed huic consilio duplex calamitas interuenit, quo minus expediri, & ad effectum perducì potuerit. Primum cæde nobilis viri statim diuulgata ianuæ Ciuitatis partim occlusæ, partim excubijs munitæ tenebantur : & dubitauere furiosi (quæ post cædem amentia est crudelium virorum) si vestibus religiosis vsque adeò confidere debent, ut nihil mali suspicantes, Urbem per medias excubias ingredi auderent.

Id verò credebantur haud dubiè fuisse facturi, nisi secunda obuénisset calamitas. porro cum ab ianuâ non longè abessent, visi sunt à tergo audire Prætoriam Cohortem illac properantem : nec illis erat dubium quin occisione perspecta occisores indagarent, arbitrati non procul inde subductos

subductos latitare. itaque pedibus magis
 quàm nocti & vmbri confidentes, ad
 cursum expediti, quàm lōgissimè possunt,
 à suburbijis & via Regia declinant, sese-
 que ad suas in Florentino sedes recipere
 contendunt; & fuit illis in scelere occul-
 tando, qualis fuerat in perpetrando felix
 fortuna. Prosperus Martij frater propero
 cognatorum accitu Cortona Perusiam re-
 uersus, post exequias cum acerbissimo
 mœrore ac luctu celebratas, rogatur à
 Biordo num quas frater inimicitias &
 cum quibus exercuisset. Prosperus nega-
 re quicquam ea de re sibi esse compertum
 hoc tantum audisse, cum antè mensem
 Cortonæ ageret, quin etiam ipsum sibi
 postea Martium scripsisse, Petronium Ser-
 Baldi filium nocte quadam ab eo fustibus
 malè acceptum: Quia, inquit, hortos no-
 stros suis propinquos vastantem ac popu-
 lantem non semel offendisset, frustra mo-
 nitum, frustra rogatum. ego tamen sub-
 iungebat, haud possum mihi persuadere,
 hoc tantum facinus fecisse Petronium.
 primò inter nos Christiano more pax in-
 tercessit, quam Martius suppliciter peti-
 tam, facile impetrauit. Deinde languet
 adhuc, & lectulo decumbit (quantum
 audio) Petronius non solum ad arma tra-
 ctanda, cædemque faciendam, sed nè ad
 standum quidem satis valens. Adiungo,
 quamquam vires illi suppeterent, nec ob-
 staret religio, mihi tamen haud probabile

videri hoc fuisse ausum aduersus nos tenuis hominem fortunæ, filium Ser-Baldi. alium ego huius facinoris paulò magis robustum, & magis potentem suspicor fuisse vel auctorem, vel impulsorem. nec istamen aut quis fuerit, aut cur fecerit possum diuinare. Tu optimè, quid sit nobis faciendum, & qua via crimen indagandum, pro tua sapientia iudicabis.

Cum his dictis humaniter dimissus à Biordo Prosperus, omni studio atque solertia de fratris interfectores quæritabat. Petronius decumbens examinatur, & nihil quicquam fatenti excubię domi à Magistratibus attributæ; quoad per valetudinem secreta carcerum posse perpeti videretur. Antea commodum Martio interempto apud Petronium nocte inter Vguccionem, aliosque facinoris conscios post longam deliberationem, res demum ita conuenerat, vt infra exponam. Vocant ad se illum alterum Martiani rursus vicinum, nomine Lucangelum (is quoque à Martio, sed non tam acriter fuerat pulsatus) eique partim rationibus, partim muneribus & promissis persuadent, vt se Martiænæ cædis reum faciat, & sponte abeat in exilium, commodè victurus in agro Politaniano cum duobus exulibus, Vguccione sumptum affatim præbente. Volo, inquit Vguccio, nobis credas Lucangele. non vnus aut alter mensis præterierit, cum ego per clarissimum Biordum mihi (vt scitis) valdè

valdè familiarem tibi à Prospero pacem impetrabo . noui hominis æquè generosum, ac forte ingenium . excusabit in parte iustam ultionem tuam , nec tecum vllò pacto videri volet simultatem aut inimizias exercere . Pòssum ego præterea longè multum auctoritate , gratia , opibus , clientelis . meam plerique omnes amicitiam ambiunt , & odium iramque formidant meam . Tuæ interim familiolæ, quacumque re opus fuerit , benignè à nobis prospicietur . Faxo in summa bimestre spatium longè fructuosius extra patriam tibi decurrere otianti , quàm integer annus tibi cucurrisset inter quotidianos labores in merciaria taberna . hoc enim opificij Lucangelus factitabat . Quid multis opus est ? multo argento , & maiore spe onustus Lucangelus, prius quàm in ius vocaretur (nam se omnino vocatum iri putabat : & erat causa) id sua sponte crimen professus , cuius ille nè conscius quidem fuerat , voluntarium sibi exilium delegit , & cum exulibus vacuo multum & soluto animo vivebat , homo insolens collusionum ac turpitudinum otiosarum .

Iam Petronius conualuerat , & carceris patiens erat . sed languoris simulationem rem trahebat in longum . nec admodum instare Magistratus , interfectore publicato . Prosperus obstupescere , tantum facinus tantulum hominem esse conatum : nec interim minui , potius augeri suspicio poten-

potentioris inimici. quem tamen non diuinabat, ignarus omnium, quæ ipso absente, inter Vguccionem & Martium acta fuerant. Aliquando in mentem illi veniebat, potuisse accidere, vt opifex ignobilis, pollens viribus, ætate feruenti, iusto dolore suscitatus, ad spem vindictæ erexit animos, & quod facinus ira suadebat, desperatio suscepit, fortuna confecerit. Itaque iam iterum iterumque pacem imploranti Lucangelo concedendam esse decreuit. Contrà—niti & obstare cognati, propinqui, amici omnes: vulgò illum nobilitas timiditatis & ignauia accusare. Quod est magis mirandum, Abbas notæ religionis eximieque sapientiæ Prosperum à pace facienda magnoperè dehortabatur, hoc nimirum prætendens, vt impius homicida, qui per dies sacrosanctos cum Rex pacis occideret, & gladium stringi vetaret, ab humana cæde non temperauit, longiorem exilij pœnam subiret; nec tam facile in patriam ad suos penates rediret, quasi leue peccatum admisisset per imprudentiam, aut lasciuiam Lupercalem. Sed Prosperus propositi sui tenax ad diuersa hominum genera diuersè respondens, ita suam causam tuebatur. Vos, inquit, nobiles propinqui & amici parùm honorificè mihi suadetis, cum me vultis aut scire in pauperem tabernarium, aut cū eodem gerere ignobiles inimicitias. Vos autem homines religiosi adhuc nocentiùs, certè

turpiùs

EXEMPLVM SECVNDVM. 87

turpius consulere videmini iubentes obli-
uisci præceptum Domini de condonandis
iniurijs , & de diligendo inimico . Nam
quod subiungitis æquum esse , vt scelesti
supplicia luant, nec tam facile veniam im-
petrent : hoc magistratibus ac iudicibus
dicere oportet , quos ille summus Impera-
tor sceleribus vindicandis , & iustitiæ ad-
ministrandæ voluit esse præpositos . me
opinor , grauius offensum , & peculiari af-
fectum iniuria non isthæc vestra , sed alia
quædam oratio & persuasio decet , quam
sic idem tonat Imperator , *SOL non occidas
super iracundiam vestram . Mihi vindictam , Ego
retribuam* . Ad hæc , Non videbor , in-
quit , Doctores velle docere , si quædam
adiecerò nobis etiam intellecta rudiori-
bus , imò repetam non immemor discipu-
lus , quæ didici , & disco à vobis . Instat
soleninitas sacrosancta , cum ille à Cælo
super Apostolos pluit igneus imber Spiri-
tus sanctus . vocabitis me cum ceteris ad
purgationem intimæ cōscientiæ per Con-
fessionem : deinde ad conuiuium animæ
Christus admittet , quod nobis parauit
apud se , imò etiam de se . quid obsecro
idem præcipit accedere cupientibus , imò
iam ingressis triclinium , & discumbere
parantibus ? Vos mihi suggerite , qui hæc
frequenter cantatis , nisi admodum memi-
nero singula . *SI OFFERS* , inquit , *munus
suum ad altare , & ibi recordatus fueris , quia
frater tuus habet aliquid aduersum te : relinque*
ibi

ibi munus tuum ante altare, & vade prius reconciliari fratri tuo, & tunc veniens offeres munus tuum.

Hæc Prosperus, valdè contra consuetudinem illius temporis nobilium militum, offensorum. sed erat natura placabilior, & se ad expiationem animæ comparabat, instante (vt supra diximus) Pentecoste. Itaque sacerdotibus & senioribus non nihil erubescens hæc insuper adiecit iunior de seculo. Memini, inquit, egregium & valdè pium concionatorem super illis Euangelij verbis multa differere circa festinationem pacificandi cum inimico, quibus vestra vel dissuasio, vel cunctatio funditus tollitur. *Relinque ibi munus tuum ante altare*, inquit Dominus: hoc est vel imperfectum relinque sacrificium, quod alioqui piaculum erat, vt cum fratre in gratiam redeas. Aut igitur me finite cum inimico, & eo quidem nunc supplice gratiam reconciliare, aut hoc etiam vetate, nè ad sacras epulas accedam, id est nè redeam ipse cum Domino in gratiam. Quid hic multis moramur? longa fuit, & acrius agitata contentio, quæ nunc etiam gliscit inter doctos, Vtrum iubeamur Christiani palàm facere pacem cum inimico, id est scripto etiam ac testibus firmare: an satis sit ex animo ignoscere, ac verbis duntaxat condonare iniuriam. Illud in commune pijs hominibus, inò (quantum ego perspexi) doctioribus quoque magis probatur;

probatur : hoc aliqui nostratium nimis subtiliter nè dicam inutiliter , convincere student . Prospero placuit , quod etiam nobis placet , viam sequi tutiorem & magis expeditam . Pace igitur ritè celebrata , scelestis interfectores , & coadiutoribus res omnis videbatur fore in tranquillo . Lucangelus confessione sua ceteros tuebatur , & ille properum in patriam reditum sperabat , Vguccione adnitēte , nullis contra obstantibus inimicis . Lætabatur ergo id sibi accidere videri , quod Vguccio sponderat , vt questuosius per id temporis fuerit exilium , quam domi fuisset opificium . monere interim , ac rogare Vguccionem per litteras , per amicos , per inter-nuncios , vt negotium maturaret , sibi que optatum reditum conficeret antè propinquas nundinas , quæ tunc Perusiæ celebrari solebant inito mense Augusto , & erant ad suas mercuras in primis opportunæ .

Non destitit Vguccio rem curare omni studio ac diligentia . Sed (quod in rebus huiusmodi frequenter accidit) multa nec-opinata occurrentia spem valdè inlongum trahebant , & effectum rei per varias causas interrompebant . Vguccione sic instante , sic interdum exardescēte , ac tantum non minante , vt Biordo illa tanta contentio cœperit esse suspecta . itaque data opera causas interponere , ac producere negotium in longius : interea subodorari , & indagare sagaciter , quid ea
res

res tantopere ad Vguccionem : & veniebat aliquid in mentem , quod Prætori & Iudici non censebat esse negligendum . Etiam cum Prospero egit rogans , ecquid vnquam Vguccioni cum Martio fuisset . hinc cognouit de suburbano , quod hic pretio captabat , ille abnuerat vendere . secuta propè continenter villæ populatio , raptorum supplicia , Martij cædes . vero simile videri , consciunt huius fuisse Vguccionem : nisi etiam impulsor atque auctor fuit . Ad hasce coniecturas pauculis diebus res accessit , quæ mirificè auxit suspicionem , & videbatur latens flagitium posse aperire . Ludebant ad fallendum , seu mulcendum diei æstus tesseris & frictillis apud Prætorem Vguccio , Prosperus , alij nobiles . Fortè victus Vguccio quatuor nummos aureos crumena eductos in medium reponit , crumenam ipsam super abacum occlusam manu sinistra leuiter premens . Adiecit crumenæ oculum Prosperus , & quò melius intuetur , hoc magis suspicatur , esse Martij sui crumenam , auro intertextam , & lapillis ornata : quæ cum mortuo reperta non fuerat , rapta forsitan ab interfectore ; tamen non est ausus manu contrectare , vel dispicere subtiliter : multò minùs rogare collusorem vnde habuisset , quanti emisset . tantùm postea retulit Biordo suspicionem suam . qui haud ita post de-industria prouocato ad lulum Vguccione visam fortè crumenā laudauit ,
contre-

contrectauit, & muneri oblatam muneri accepit cum multo gratiarum honore. Prosperus inspectam diligentius, sine omni dubitatione affirmabat, se certissimis indicijs agnoscere Martij crumenam. Visa igitur hæc quoque per commodam præbere facultatem de facto quærendi, atque ad ipsum sceleris caput perueniendi.

Dum ista lentius, hoc est maturius deliberantur, haud scierim vnde suboluit Uguccioni à nonnullis imputari sibi Martianam cædem. Itaque pro Lucangelo in patriam reducendo, cogitare coepit quem admodum illum per insidias è medio tolleret, fortunæ agens gratias, quod suæ pro illo preces, suæque studia nihil hætenus valuissent. fore sibi facilius per eosdem sicarios hunc extra Urbem opprimere incautum ac nihil metuentem. Antea tamen quàm facinus confici posset, Lucangelo iterum iterumque supplicanti (sic arbitror Diuina prouidentia disponente) Biordus exilium remittit, & redeundi copiam facit. Reuersum Biordus secretò abducit, & super homicidio, quod patrauerat multa requirit causam, locum, tempus, conscios, socios, impulsores. Ad quæ singula quamquam antea fuerat instructus, tamen frigide, perplexè, dubitanter, atque inconstanter respondens; ad extremum Biordo humaniter blâdienti, atque impunitatem pollicenti, rem omnem confessus est: plura etiam quam rogabatur.

Dixit.

Dixit inter cetera se cum illis duobus Vguccionis clientibus, qui Martium interfecerant, & vnà exulabant in agro Politiano; solitum ludere pila, tessera, folijs chartarum: quanquam ipse antea ne nosset quidē figuras illas notasque foliorum, illi scilicet insidiatores docuerunt: sed suo periculo: Lucangelus utrūque postquam doctus est ludum, pecunia spoliavit. Hoc vulgò aiunt accidere consuesse, vt collutores tyrones sub initia discendi fortunam maximè propitiam sortiantur, cacodæmone adspirante, vt sic eos alliciat ad ludum frequentandum, perque hanc occasionem illos doceat non solum frustra conterere tempus, sed etiam fallere, iurare, peierare in Sanctos viros in Deum ipsum, eiusque Matrem Virginem conuicia iactare. Sub hæc; Nostin' Lucangele tu, inquit Biordus, hanc crumenam? Quid ni nouerim, inquit Lucangelus, cum ego istam ludendo fuerim lucratus ab altero eorum, quos nunc dixi, sicariorum? perdidi autem non multò post pariter ludens cum Lincastro Vguccionis seruo primario, qui frequenter ad nos ventitabat mandata, litteras, pecuniam afferens. Vnde illam sicarius habuerit, vel cui postea dederit Lincafter, æque nescio, vt ad te peruenire potuerit non ludentem.

Per hunc adeò simplicem, liberumque sermonem homo sagacissimus Biordus omnia Vguccionis facta, dicta, consilia scrutatus

scrutatus inuestigauit. vnum maxime ad rem faciẽs, quod Lincaſter propediẽ effeť profecturus ad pecuniam exulibus portandam. Igitur Lucangelo in admodũ liberali cuſtodia retento, collocatiſque in inſidijs prope Vrbem lićtoribus, quã erat Lincaſter tranſiturus, nullo negotio exceptum, & ad ſe adductum, pecunia litteriſque prius extortis interiori carcere occludendum curauit. litteræ reſignatæ tam epigrapha, quàm hypographa mentitiſ hoc continebant, vt ſicarij ſtata nocte ad ſolemniẽ locum præſto eſſent, vndẽ mox veſtibus, atque oriſ habitũ commutato, Lucangelũ domi, ſi aliter fieri non poſſet, interficerent. Nihil interim ſcire de Lincaſtro, & litteriſ interceptiſ. credere fidũ ſibi famulũ rectẽ iter feciſſe, poſt triduum (ita conuenerat cum exulibus) præſto futurũ, nec de Lucangelo erat conſcriptũ, quod eum Dominũ cuſtodiri mandaffeť. Quare cum omnia ſibi proſpera & felicia promitteret: ecce internuncio primũ, deinde fama cognoscit, ſuoſ ſicarioſ, ſuũ famulũ: & præter hoſ Lucangelũ quoque in carcerẽ fuiſſe coniectoſ. Dubitantem quid ageret, & quid conſilij caperet vtrum ſuiſ fidẽ opibũ maneret, an continuo Florentiam arriperet fugam, Bior-duſ per hominẽ nobilem arceſſit, ædeſ illi honeſtaſ in Prætorio attribuit, & cum cura cuſtodiri mandauit: ceterũ ad ſe accedere

accedere volentem , & omni ambitu rogantem , haud vnquam permisit . Causa maturè disceptata , fontibus crimen confessis, & condemnatis alij alio supplicij genere maētantur . Sicarios capite pulſato , securibus in membra discerpunt ſemiuiuos , adhuc ſpirantes . Lincaſtro laqueus iniicitur . De Petronio alterum triduum extracta reſeſt . demum vbi conſtitit ex ipſius confeſſione quid olim dixerit , & fuerit hortatus ſicarios ad cēdem feſtinantes; capite damnatus occubuit . Lucangelo venia fuit , & remiſſi exilij gratia confirmata . Vguccio variat fama quo mortis ac ſupplicij genere interierit . Crispoltus de Crispoltis compertum ſibi eſſe affirmat , quemdam Vguccionem multa facinora confeſſum , & ritè condemnatum propter viri magnam potentiam, haud palam in foro, ſed in carcere necatum : poſtea exhibitum populo ſpectandum cādaueſ, collo eliſo in capite truncato . De confeſſione ante mortem obeunda piē admonitus , & inſtanter rogatus , diu reſuſauit pertinaciter . ad extremum victus (vt credere par eſt) imagine mortis appropinquantis, ipſe ſua ſponte Confeſſarium poſcit Fratrem Albertum Dominicanum . habere ſe, quod etiam extra confeſſionem cum illo ageret, negotium ingens, non differendum . Ergo ſtatim Frater euocatur , ſedet ante Altare , genuflexū auſcultat pœnitentem . O mortalibus imperſcrutabile Dei iudicium ! vix
- paucula

paucula verba protulerat , cum intercluso spiritu , exitus voci negatur , nec vnum postea verbum exprimere potuit . Visum est alterum & alterum diem differre supplicium . sed cum ille non solum penitus elinguis , verum etiam extra se positus videretur , à duobus hinc inde fortibus barbaris strangulatur . Nescio in qua gratia transierit ad plures : certè apud nos in summa infamia remansit , cælestis vindictæ grande documentum .

DECADIS PRIMÆ

Exemplum Tertium

Argumentum .

Insigne facinus Isottæ Principis Hispanæ super iniurijs inimico condonandis .

Generosum Prosperi animum in ignoscendo propter Deum , non modò ingens gloria secuta est . verum etiam ingens vindicta de inimicis . Quæ si proprijs opibus fraternam cadem ulcisci maluisset , multa poterant occurrere quamobrem huiusmodi conatus impediretur : & ille forsitan (quod non rarò accidere videmus) pro altero vindicando , semet in capitis certum discrimen adduxisset . Rectè igitur & sapienter suam causam Domino commisit , à quo sine sua culpa talem tantamque suorum

suorum inimicorum stragem fieri animaduertit, ut ipsemet vicem illorum doleret, miseratione commotus. Non est itaque tam difficile, neque tam arduum, quàm vulgò homines opinantur, ferientem non reserire: vel est quidem, atque olim fuit, sed Paganis, & Deum non agnoscentibus, non colentibus, certè nobis facillimum esse oportet, qui quidem siue hosti donamus iniuriam, habemus remuneratorem, siue ulcisci malumus, habemus ultorem. Hac conuiuij Rex Fortebracchiùs differebat, cum Fernandus, cui tertius narrandi locus obuenerat, ita exorsus est. Magna Heroum duorum (sic mihi libet appellare, qui obliuisci, quàm ulcisci malunt iniurias) at paulò maior Isotta generositas fuit, de qua nunc dicere ingredior. Primum hac femina est: deinde non fratrem, non amicum amiserat, sed filium. postremò seruauit inimicum, quod Nicephorus non potuit, Cinellus non curauit.

Refert Concionator Iesuita, Vir non solum eruditione animique candore, verum etiam integritate atque auctoritate spectabilis, memoria sua fuisse in Hispania (Gentem ille non nominat: Ciuitatem Hispalim vocant, Siuiliam vulgò) feminam longè primariam, non modò splendidis ortam natalibus, verum etiam Pagis Castellisque locupletem, & his latè imperitantem cum summa populi voluntate. Isottam licet appellemus, & si proprium huius nomen Auctor non tradit. Hæc valde adhuc adolescens coniugem amiserat

amiserat Virum longè fortillimum, triennio postquam cum eo fuerat nupta. Sed enim tanta inter eos, & tam mutua charitas fuit, vt illam Vir detedens omnium Dominam testamento reliquerit, seu viueret, seu non viueret infantulus, quem ex ea vnicum susceperat. illa quoque tametsi à parentibus, atque cognatis ad nouas nuptias sollicitabatur; & opes, ætas, modestia, pulchritudo longè principem spondebant maritum: tamen vidua esse cum insigni honestate atque constantia perseuerauit, & Didacum filium Patris nomen, Patris animos gerentem omnibus artibus erudiendum curauit, quibus ætas puerilis impertiri debet. Super cetera studuit, quantum humano consilio effici poterat, vt cum ingenuis, & claro Equite dignis disciplinis vnà imbibere Numinis metum, & Christianam pietatem. Res admodum feliciter & ex voto successerunt ad annum iuuenis vndeuigesimum in quem velut cupulum miseriarum ex longa securitate collectum fortuna reſeruarat. Die quodam ecce ad Isottam, nihil huiusmodi metuentem, ac nè suspicantem quidem, tristissimus nuncius, Didacum filium à Pyrrho de Alsueda, qui--cum pridie grauius ex canduerat, dolo aggressum, armis confossum, & interemptum. Ad quod extremum verbum mulier, animo consternata se miserrimam, se infelicissimam omnium clamitans, impetu rapta prorupit

in viam. & (o spectaculum) pij clientes humo sublatum, & lectulo impositum, Matri offerunt adhuc sanguine foedum, & pulvere sordidum Adolescentis cadauer. Vos dicite Seniores, quibus experimento cognita est charitas liberorum, qualem quantumque sensum doloris primum ille nuncius, deinde illa facies excitare debuerit in Parente, præsertim vidua, solitaria, locuplete. Mihi ad referendum longè minùs est facultatis, quàm scio esse cuique nostrum ad cogitandum. Cetera igitur silentio præteriens, quæ vnusquisque sibi subiiciat velim; hoc tantummodo dicam, ex ipso domus vestibulo, vbi more gentis cadauer curatum, & feretro impositum vespillones, aliamque mortualem turbam expectabat, planctum huiusmodi fuisse in viam exauditum, & ab arbitris collectum, qualis Matrem decebat indulgentem, bis viduam, omni spe destitutam super filio adulto, in quem omnia corporis & animi ornamenta certatim natura & fortuna congefferant. adiunge, quod querelarum ampliorem materiam suppeditabat, nuptijs destinato, quales Mater optauerat illustres, opulentas, propinquas. Ut quemadmodum ad iacturam, sic ad iacturæ querelam mihi propemodum nihil accedere posse videretur.

Iam ad extremum gliscente furore, non peccatori tundendo, non crinibus conscindendis, non ori laniando, non denique
iaciendis

iaciendis imprecationibus temperatum est. Pyrrhum inclementem, Pyrrhum inhumanum, illo etiam Neoptolemo sauiorem: siquidem ille non sustinuit diu viuere superstitem filio Parentem, obtulitque miserrimo seni speratam mortem, solatium orbitatis. Tu filium interimis, & Matri remittis cadauer, heu me miseram qualibus & quam multis confossum vulneribus! ab humero in pectus, à tergo in aluum, auer sa omnia. Tu vero ignauissime si coram aperto Marte pugnares, nec ex insidijs adorirere; non nunc incederes victoria superbus. te facile strauisset fortior te, bellicosior te. At tu fraude circumuentum opprimere maluisti, vt semel illum necares praesentem, & me millies absentem trucidares lethaliter victuram. Et possum misera non persequi: possum & ignoscere, si per pectus adacto mucrone iter animae patefacias erumpere cohanti, & filium consequi praeeuntem.

Quæ aliaque dum conqueritur miserabiliter, nullius adhuc patiens consolationis aut alienationis afflictissima mater, ecce à foro vir primarius de numero amicorum, qui marito illius erant vsi familiariter; hic vero Didacum iuniorem praecipua charitate fuerat complexus, & viduam in sororis loco habens, ipsorum graui negotia curabat. Ergo ad Isottani remotis omnibus arbitris, Affero, inquit, consolationem quantam maximam ingens dolor

capere potest. Meus vero, inquit mulier, nullam capit, cuius cum vnico filio spes opesque omnes occisæ sunt. Ille rursus: Præter vitam filij, quam solus reddere potest Deus, & hoc seculo non solet; mea est omnium optima & efficacissima consolatio, cui capiunde nunquam non vacat offensus. Interfectorem scias esse in nostra potestate, si velimus. Commodum namque facinore perpetrato, cum se per portam Urbis propinquiorem eijcere non auderet, multis arbitrantibus; retro pedem tulit, & per semitam minùs frequentem in viciniam nostræ proximam euasit, seseque in stabulum Boelmontis fortè apertum, & vacuum coniecit. Ibi non est dubium quin ad vesperam vsque mansurus sit, nocte inita profecturus aliquo exultatum, nisi nos antea vel per lictores capiundum trudendumque in carcerem, vel per seruos atque clientes nostros trucidandum curemus. Horum tu prudentissima Domina, vtrum magis expediat consule, delibera, impera. Nos illico effectum dabimus. Ad hæc verba non nihil remittere visus mulieris dolor, ad eam horam semper intentior, tenaciorque. Mox ad hominem conuersa, Gratiam habeo, inquit, benevolentia, atque sollicitudini erga nos tuæ. Rem mecum tacita constituam: deinde subito aliquem ad te. Digresso amico recordata est pia femina consuetudinem suam, cuius memoriam dolor continuatus ademerat,

ademerat, denique interpellatus restituit. Ergo antè imaginem Christi Saluatoris in genua procumbens, quasi cum Domino rem communicaret, eiusque consilium supplex imploraret, aliquādiu nunc tacens, nunc submurmurans orauit. Dein famulo euocato, cui plurimū confidebat; Cape, inquit, ex isto sacculo scutatos quinquaginta, & statim defer ad Pyrrhum de Allueda in stabulo Boelmontis latentem. Præterea meis verbis hortare, ac roga, vt pace Numinum implorata furtim, ex Vrbe discedens conferat se ad meam Villam duobus hinc passuum millibus distantem, antea illi benè notam. Venit eò saepe cum Didaco meo venatum, rusticatum. Ibi colonum meo nomine poscat sumentum, quod volet ex tribus. Eo se celeriter in tutum recipere studeat. Hunc insuper anulum da, pignus fidei colono futurum. Cum his dictis famulus dimittitur: Mulier ad preces reuertit.

Negotium quā piè incœptum, tam strenuè confectum successit ex voto. Pyrrhus facti pœnitens, veniam poscens, gratias agēs Viduæ beneficio vitauit infortunium, vltrà patrios fines incolumis egressus. Mulier verò per cognatos, per clientes, per famulos suos, dispositis & expeditis quæcumque ad funus obeundum, & ad filium Christiano more condendum pertinebant: institit à Deo petere per Beatan Virginem, per Angelum Custodem,

aliosque Cælites patronos, vt vindictam, suo Numini remissam, & suæ legi, suisque verbis condonatum non grauaretur cordi habere, ac respicere filium suum, si forte Purgatorio igne torqueretur. O memorem promissi diuinam beneficentiam! o semper promptum cæleste patrociniū, In illa ipsa nocte, quæ mortualem secuta est diem, apparuit Matri sub Auroram Didacus filius, inter duos Angelos medius, ore supra humanum morem splendente, ac radios vibrante. Qui statim prior ad Matrem, Tua, inquit, Christiana generositas me alioqui longè diutius, & longè asperius cruciandum, in hoc temporis puncto liberum dimittit, fruendæ beatitudini destinatum. Quæ quidem mulier visione recreata, nec vnquam post illum diem conquesta est orbitatem suam, & rebus omnibus ex voto succedentibus, annua vectigalia in pias eleemosynas, piaque opera conuertens, censum autem inter propinquos diuidendum relinquens, sancta vixit, sancta decessit.

DECADIS PRIMÆ

Exemplum Quartum

Argumentum.

Pannonius auri cupiens Hermotinum infantem à prædonibus emptum emasculat, & Xerxi Persarum Regi multis vendit talentis. Hermotimus in intimam Regis familiaritatem perductus, castratori suo lepidam gratiam refert.

Ingentem commiserationem pari admiratione coniunctam in omnium animis excitauit calamitas, fortitudo, merces Isotta. Vt Pamphilus exclamauerit, ECCE mulierem fortem, quantò rariorem inuentu, tantò magis & admirandam, & prædicandam. Mox Rege innuente, Fernandus hunc in modum disserere cœpit. Egredia de condonandis iniurijs Exempla memorata sunt. Mihi unum referre in animo est de non condonatis, imò atrociter vindicatis. Quod tametsi sequendum atque imitandum non videtur; erit tamen auditu iucundum, nec minùs fructuosum in auaritia detestationem.

Refert Herodotus in Vrania Exemplum insigne, nobile, singulare. quod

tametsi paulò aliter à recentioribus postea Historicis renarratum est ; in re tamen euentuque omnes consentiunt. Quo tempore Xerxes Persarum Rex opulentissimus longè latèque in Asia dominabatur, & cum Græcis nulla dum aut simultas, aut offensio grauior intercedebat : erat in Chio insula mercator inclytus (Pannionium Herodotus, alij Peonium, alij Pannonium vocant) qui cum pueros nobiles à prædonibus antecaptos auro redimeret, & in Persidem cum magno fœnore asportandos, ac diuendendos curaret : fortè illi oblatus est inter ceteros puer ingenuus Pasidensis, cui Hermotimo nomen fuit, tam egregia indole, tam venusta & decora facie, vt non habendum in turba quasi capite censum, aut gregarium sibi putauerit : sed mancipium nobile & quæstuosum ad Regem ipsum deducere cogitaret. primum igitur tenellum puerum homo sanguinis & lucri cupidus, sine vlla miseratione castrauit ; deinde Xersi per ministros ipsos regio mercandum obtulit mercede tanta, quantum & ipsius auiditas, & regalis infantis habitus non reclamabat. qui quidem iam adulta ætate propter modestiâ solertiamque minimè iuuenilem, ad tantam euectus est dignitatem atque amplitudinem, tantasque opes & clientelas sibi parauit, vt secundus à Rege numeraretur & haberetur. id adeò, vt omittam cetera insigniora, etiam ex eo licet colligere, quod Rex missurus

missurus in Græciam Legatos de rebus omnium grauissimis, & ad summam regni spectantibus, principem eius Legationis nominauit Hermotinum, qui cum negotiator atque interpres regius per causam Legationis mensē integrum eoque amplius in Græcia versaretur, & multus Lacedemone, multus Athenis foret: quodam die per forum vadens cum magna, vt solebat comitum turba, inter ceteros se aspectantes, & venerantes vidit agnouitque Pannonium: & vtrō arcessitum blandē appellat, manu prendit, ad cenam ducit. Multa ibi de fortunæ varietate, de Persarum imperio recens aucto, de defectione adiacentium ciuitatum, de Græcia libertate nunquam secura, semper infesta inter conuiuas iactata sunt: nec sanè verecundatus est Hermotinus, quò maiorem suo Regi benignitatis & clementiæ famam compararet, de sua humilitate & ignominia confiteri; præsentis autem fortunæ prosperum insperatumque euentum se vni Pannonio, à quo in aulam bono fato trāductus fuerat, acceptum referre; neque quicquam ardentius precatum esse à Dijs immortalibus, quàm vt eam sibi aliquando facultatem darent, quam nunc dedissent, gratiæ referendæ. Qua tanta facilitate atque humanitate inductus atque impulsus Pannonius, paulò post roganti Hermotimo, vt secum in Persidem traiceret, victurus lautius & copiosius, quàm

in patria; dicto audiens fuit, & prædijs ædibusque diuenditis, coacta ingenti pecunia, cum quattuor filijs eximix spei pueris solum vertit & Persepolim commigravit. Ibi Hermotimus amplissimam illi domum instruendam atque ornandam curauerat, sum tum præterea quætuosissimum & suburbanum bellissimè ædificatum, & annua vectigalia de pinguisimis & honestissimis attribueret. Qua nobrem exultare gaudio Pannonius & fortunæ suæ gratulari, quòd tam felicem, tam lætuni, tam optabilem exitum nacta esset improbitas; deos sibi propitios affuisse, cum emeret puerum, & virilia eximeret nondum viro. Interiecto haud longo spatio cum prioris iniuriæ non suspicio solum, sed etiam memoria videretur extincta: Hermotimus Pannonium eiusque totam familiam euocauit ad splendidum lautumque conuiuium. Aderant vnà ex Persica nobilitate insignes viri, quos Hermotimus ad iucundas epulas, & iucundius epulis spectaculum inuitauerat. Ergo remotis mensis, Adeste, inquit Hermotimus, & quam paro lepidam fabulam lætis animis atque intentis oculis circumspectate. Mouit hoc dictum expectationem omnium, quid innueret, quid ageret, quid moliretur, nescientium; cum ille ad Pannonium conuersus, Tanta est, inquit, tui erga me beneficij magnitudo Pannoni; vt quamquam te cum liberis ab ignobili patria,

& plus

& plùs quàm modicis facultatibus ad hãc vitæ amplitudinem, & has prope regales gazas euexi; tamen vix partem minimam humanitatis & beneficentiæ tuæ videar affecutus. Nam quid me, obsecro, futurum fuit, quem de sinu parentum ad fœdissimam seruitutem immanes barbari abducebant, nisi benigno meo fato in te protinus incidissent, & me tuis non solum nummis, sed etiam precibus cõdonassent? At tu emptum pecunia tua mancipium cum aut curandis equis, aut triremibus impellendis, aut denique operi rustico faciundo destinare posses; non sustinuisti eam vel generi meo, vel genio tuo ignominia notam inurere, & me in Regiam, totius orbis clarissimam & potentissimam adsciscendum curasti, nec ignobilem, nec indecorum Regi futurum, apud quem cum prudenter coniecisses me longè maximo in honore ac pretio fore propter indolem efflorescentem, si priùs essem enasculatus, tradito scilicet Regum more, qui maiorem huic generi sinè testibus, quàm alij cum testibus fidem habent; ipse me tuis manibus quàm amanter, tam diligenter execuisti: amputasti videlicet ea virilia, quæ me virum esse prohibuissent; & eam indidisti sterilitatem, quæ omni fœcunditate esset futura felicior. Nam quod mihi quispiam obijcere posset hoc abs te non eo consilio esse factum, vt fortunam iuuares meam, sed vt arcã impleres tuam:

videbas enim ob stare cupiditati tuæ libidinem meam ; pueros minoris vānire integros , quā dimidios ; mancipium eo carius futurum , quò minùs haberet hominis . hoc me quidem nihil mouet : quippe qui longè aliam , longèque diuersam scio esse naturam hominum & Deorum : scrutari quo quis animo fecerit , nostrum non est : tenebræ sunt in animo nimis altæ , nimis profundæ : introspicere humanus oculus tam non potest , quā non deberet , etiam si posset : hoc vnius priuilegium est Dei , cuius per omnia vadentem aciem , & penitissimos quosque lustrantem angulos frustra fugit nostra mortalitas : omnia illi perspicua , plana , peruia ; nihil abstrusum aut tectum satis . Iam quæ non solū iniquitas , sed etiam planè dementia est , ad animum velle respicere , quem videre non potes ; beneficium ipsum , quod vides , & manu tangis , & præsens frueris non æstimare ? Ego verò & semper æstimauī , à quo die potens animi ac iudicij sui ; & quamdiu sana mihi mens fuerit , æstimare , ornare , prædicare non desinam . inio verò , quod liberalis & grati animi est , beneficium maiore , quā est datum , mensura remetiā ; & agros fertiles imitabor , qui semper plus reddunt , quā acceperunt . Agè ergo quoniam vna castratio tantam mihi fortunam peperit , quattuor à me accipe castrationes , quater tantum eoquē amplius dignitatis & epulentie parituras .

Tui sunt liberi, quorum felicitati Pater inuides nimium diu: quos ego darem libenter execandos, nisi te scirem ipsum in tua disciplina peritiorem, cautiorem, feliciorem, quàm nostrates Chirurgos fore; neque hanc mallem Parenti liberos, quàm extrario gratiam debere.

Hic ego alijs, qui filiorum charitatem experti sunt cogitandum relinquo quid tum animi esset miserrimo Patri, quem volentem, nolentem ad atrox facinus in suos edendum liberos iam non hortatio mollior, sed minax, & superba vox impellebat; miserum si tantummodo suorum vulnera cogeretur aspicere; nunc eo miseriorem, quòd faciebat ipse dolorè suum, & minister erat crudelitatis, qui esse debuit ultionis. horrendum sanè ac miserandum spectaculum, in quo paterni sceleris liberorum innocentia poenas dabat; & quod Pater supplicium de se debuit, hoc à filijs exigebat: non ideo minùs infelix, quòd alieno potiùs, quàm suo sanguine expiabatur. Lugebant, qui secabantur; lugebat, qui secabat: ò infaustam curationem, in qua pariter ægrotus doleret, ac medicus. Ad extremum exectis omnibus, & vulnere obligato: iam bono animo este, inquit Hermotimus, pueri euirati confortes mei, quos pater ea via, qua me præmiserat, ad felicitatem introduxit. nec nos tamen obliuiscamur huic fortunæ fabro reddere aliquam gratiam: Faciamus & nos ipsum

ipsum beatum, si possumus; nec suam illi felicitatem inuideamus. Nec mora hi spadones quattuor secandi rudes cultrario artifice tam docto, quam veterano bulgas libidinum, & marsupia Veneris exenterarunt. Et adolescentuli quidem seruitio destinati per regios aulicos diuiduntur. pater cum exprobratione feritatis expoditur, & Chium relatus vitam in longum traxit foedam pariter & ærumnosam. Id fortassè nonnullis crudelius ab Hermotimo factum videtur. & est planè si res ad normam Christianæ religionis exigatur, quæ omnem prohibet vltionem: non si consuetudo & licentia spectetur temporum illorum. Nam quod seruiens causæ dicebat Hermotimus, in ratione beneficii non animuni, sed rem ipsam spectari oportere; id totum contra est. Animus est, qui vel benè, vel malè de quopiam meretur; idemque tam beneficio, quam iniuriæ pretium ponit. At enim introspecti & sciri animus non potest: id solius priuilegium est Dei. Certè non potest, ille si non vult. Sed cum se aperit, cum sponte prodit, quod in Pannonio fuit; potest. Nam cui obsecro perspicuum non est. Nec iure quisquam ingrati animi reum faciat Hermotimum. Ille namque tantam suam felicitatem cui quæso acceptam referre debuit? Stultissimum esse oportet si quis eam gratiam Pannonij, ac nō potius indulgentis aut miserantis fortunæ esse contendat.

Pannonius enim non hoc curauit, non hoc studuit, vt ea puero euenirent bona; sed illud tantummodò spectauit, vt ex eo plurimum lucrifaceret; dupliciter impius, & quia vulnerauit infantem, & quia vendidit innocentem.

DECADIS PRIMÆ

Exemplum Quintum

Argumentum.

Gabrina nobilis lena pudicam feminam ad facinus impellere conata, tentati sceleris meritas luit pœnas sibi acerbis, alijs iucundas.

Non fuit quisquam ex tot numero Sodalium, aliorumque circa-stantium. quin meritò dicerent euenisse Pannonio, quod illius cupiditati, & crudelitati debebatur. Inde Rex ad Cæsarem Caporalem, A te, inquit, simillimum tui Exemplum festiuum ac lepidum expectamus, quod finem hodierno imponat sermoni, & nos hilares cubitum dimittas. Cui Caporalis, Æquum, inquit, postulas ò Rex: egoque iamdudum mecum huiusmodi aliquid ruminabar. Et si autem liberum nobis argumentum narrandi permittitur, vt qua cuique de re veniat in mentem, in ea pensum suum exercere possit; me tamen iuuat

non recedere à materia, quam à principio inchoavit Ergastus, & ceteri hucusque persecuti sunt de condonatione aut vindicatione acceptarum iniuriarum. Circa quod Hermotimi cruda ultio quorundam animos reliquit incertos atque ambiguos, utrum magis probarent improbarentne. quam ego autem sum relaturus Casta Mulieris aduersus veneficam anum, spero vobis singulis ex æquo laudabilem atque honestam visum iri.

IN quadam Cisalpinæ Prouinciæ Ciuitate, quæ se hoc loco nominari non vult; sed factum narrat testis locuples, collector Exemplorum, Distinctione quinta, Capite octogesimo. In ea igitur opifex fuit materiarius, homo pauperculus; sed idem, pius, industrius, laboriosus. huic bella, elegans, & venusta; sed eadem admodum pudica vxor obuenerat. quam cum misere arderet, ac deperiret vir Clarissimus ciuitatis, nec potiundi spes præberetur; ad anum quandam confugit (Gabrinæ erat nomen) quæ castitatis expugnandæ mirum artificium tenere credebatur. ea magnis donis, & maioribus promissis onerata, quanquam nec lignarium illum maritum, nec castam eius vxorem cognitam haberet; pollicetur tamen se paucorum dierum interuallo rem feliciter confecturam. postridie igitur die operario cum maritus domo absens in lignaria taberna opus faceret, Gabrina confert se ad Eluidiam (ita lignarij vxor vocabatur) & cum illa

illa fabulans apud ignem , percontari cœpit quandudum matrem amisisset , quod suum, quod illius , quod auix nomen fuisset . Ad quæ cum Eluidia singillatim respondisset , & vera suarum nomina edidisset ; anus lætitia exultare , ac præ gaudio (vt videri volebat) vbertim flere , quò diceret Eluidiæ matrem , magna secum propinquitate , sed maiore beneuolentia fuisse coniunctam : mox callidè vera quædam intermiscebat de matris marito , de moribus , de ingenio , quæ nec Eluidiæ quidem incognita erant . itaque simplex mulier facilè credere : vetulam in propinquos recipere : modò anitā , modò auiam , interdum mammam (vt regionis mos est) vocitare .

Hic Gabrina , SED tu , inquit , o mea filia , qualem nacta es maritum ? Ego , inquit Eluidia , non diu est cum nupsi pauperulo , sed valdè frugi ac bono viro , quī lignariam exercet . Indignata est anus hoc audito , & Heu heu clamare cœpit , nostrum genus , nostra progenies quò nunc tandem redacta est miseriarum ! ah quantum me tui miseret , pudetque Eluidia ! cuius maiores honestissimum in Ciuibus locum tenuerunt : at te fruitur ignobilis salignarius . quod cum dixisset , suspirabunda statim recessit atque abiit . Quarto post die ad Eluidiam reuersa : Vehementer , inquit , sollicita sum mea filia vicem tuam . nec sanè quicquam magis laboro ,
quàm

quàm vt resurgàs ab hac miseria, in quam inuidens fortuna tuam nobilitatem, & florentes annos proiecit. Hoc ergo interim scito, Eluidiola mea. Vir est Clarissimus & ditissimus Ciuitatis, qui supra omnem modum diligit pudorem, modestiam, pulchritudinem tuam. Quæ si coniugata non fores, haud dubitaret te secum iungere legitimo matrimonio. condicio mihi non videtur repudianda, nec contemnenda. nescimus quanto vltra producturus sit animam lignarius tuus, qui te amplius decem & sex annos antecedit. si fortè fortuna propediem viduam fieres, ò te omnibus matronis felicior! nuberis in familiam te dignam, in amplissimas opes, in perpetuam tranquillitatem. Volo interim non aspernemur gratuitum hunc amorem, & spem hominis fouèdo alamus in euentum fortunæ. Tu interim, mea filia, induc animum ad redamandum & complectendum, qui se totum tibi commendat dicatque. Tunc Eluidia, Plurimum, inquit, debeo tibi mater de hoc studio subleuandi paupertatem, & sordes meas. non enim faceres, si me non amares. ceterum hoc scias velim, mihi non displicere præsentem fortunam, & deteriora, si fortè imminet, æquo animo esse laturam. Mihi vnum hoc decretum est, Castè & piè viuere. quod si effecero, spes est Diuinam clementiam mihi semper præsto futuram. Non placuit vetulæ generosum & pium respon-

sum.

sum. tamen quasi placuisset; Nunc verò inquit, amo te vehementius, & longè pluris facio, quàm dudum faciebam. O fortis & excelsi animi mulier, quæ sola didicisti vel ingentibus diuitijs præferre honestam paupertatem. Et complexam atque osculatam reliquit.

Altero post triduo aut quatrIduo reuertitur &; Eamus, inquit, mea filia, visitemus sacram Ædem Sodalium Heremitarum extra Urbem. magnas opes lucrabimur, & domum refèremus Cælestium Indulgentiarum. Eluidia nihil metuens, & nihil suspicans malì, cum vetula religiosum iter ingreditur. inter eùdum ad compendia viarum, vt magnis in vrbibus fieri solet, transiere porticus, & vestibula peruia, siue Principum, siue Ciuium clariorum. in his fuit domus hominis opulentæ & nobilis, ad quem vetula ex-composito deducebat Eluidiam, Eò igitur cum ingressæ forent, anus simulat se fessam de via, progredi vltèrius non posse, nisi paulum assideat quiescâtque. Non repugnat Eluidia: sic ambæ in anteriore cubiculo confederunt. sed anu callidè moram trahente, ac subinde non nihil de amoribus ogganniente, tunc primum Eluidiæ suspicio incidit insidiarum. Et pertæsa credulitatem atque stultitiam suam, qua se ratione inde subduceret, cogitabat. Frustra: iam diues adest palatij dominus: fores à tergo clausæ: si sponte obsequi nolit,

vis paratur: ferrum in manu est: morietur, si emiserit vocem. Illa igitur humanis destituta remedijs, ad diuina confugit, & Deiparæ Virginis implorauit auxilium, quod innocentibus & enixè precantibus nunquam defuit. Mox vultu exhilarato, & exporrecta fronte animum in angulum seducit, & hæc ad aurem insusurrat. Ego mea Mater, quod suades, faciam non grauati: dum mihi quoque stet fides, quam dedisti. ceterum scire habes, me hac nocte passam esse, quod mulieres solent: & scis venenū, scis periculum. præstat vnum biduum aut triduum intermittere, nec haurire cum exitio voluptatē: mihi commodum erit semper redire, cum voles. Probauit anus consilium, & amator non reprobauit, fide accepta, post biduum redituras.

Cum ergo ad Eluidiam remigrassent, illa vetulam liberalius excepit, quam solita erat, & cum munusculis domum remisit. Interea tres robustas & valentes vicinas sibi amicissimas vocat, iubet præsto esse postridie sub horam nonam, & in cubiculo suo tantisper latere, dum anus veniat, quacum de illo temporis puncto conuenerat. Iam insidiæ locatæ fuerant: ecce hora, ecce anus. Eluidia cum ingenti exceptam lætitia & plausu, secum in cubiculum deducit, ut sibi præsto adsit comam componenti, faciem pingenti, & vestes ornatiores induere volenti, ut amorem

ac desiderium sui maius excitet apud diuite in amatorē . Probat vetula consilium, & sinē omni cura cubiculum ingreditur. Fores illico claudit Eluidia, & mirabūdā animum sic alloquitur ; Memento, mea vetula, quod tu quoque nūdius quintus ita me in alienas ædes intruſeris , vt ego te hodie in meas . Vtinam , respondit anus, qua tu causa retinebaris, hac me retineas non me prohiberet, quæ te prohibuit, quominus animo indulgerem, & mihi iucundē facerem . Diuinasti, ait Eluidia, diuinasti: amator te præstolatur: & in lectulo tibi decumbit . Exue igitur hanc tunicam: nec trahe vterius desiderium tuum, vel amantis. Crediderit, non crediderit, incertū habeo. hærebat stupens , & non mussabat : cum Eluidia, Præsto este o Camerariæ, deuestiamus verecundam puellam, & quam merita est bonam gratiam , referamus . exemplo à feminis nudata , binis vtrunque scopis insigniter vapulat. clamare interim misera tam dolēter, atque tam validē, vt omnes in lignariæ domum vicinas excierit , plerasque cōscias; à quibus cubiculi ostio tortē recluso, non cunctata est vetula, & se nudam eiulans, obtestās, & fidem omnium implorans per apertas fores eiecit : deinde in viciniam erumpit tanto à spectantibus, & rem scientibus ludibrio habita , quā Eluidiæ factum prouidum , ac lepidum omnibus probabatur , & magnis vndique laudibus terebatur in Cælum .

*Qua commodum expedita historia, & cum risu
 plausuque omnium excepta; cum sese Archelaus
 ad dicendum compararet, praueniens Rex; Ope-
 rapretium, inquit, nos exist mo facturos, ingenii
 Sodales, si nostras Narrationes in duo tempora
 partiamur, alterum antè cenam, alterum antè
 cubitum. & horum utrumque suam occupet Ex-
 emplorum Semideca. Venit hoc adèò in men-
 tem mihi ex aliquot causis, quas accipite breuiter.
 Exempla hæc vestra longiuscula sunt, nec ferè
 videntur mihi (quod fateor) explicari posse conci-
 sius. Itaque si continenter integram Decada co-
 nemur haurire incenati; verendum est, nè in ni-
 miam noctem mensa producat, & auribus am-
 pliter saturatis, venter inedia languescat. Non
 sumus nos ex illo Procerum numero Sodales, qui
 meridie surgunt, prope noctem pransitant, & ce-
 nant sub Auroram. Quibus minime displicitu-
 rum reor fuisse, quod Caligula imperauit, ut noctu
 opificia & negotia fieret omnia, dies dormirentur.
 minimè nos quidem istiusmodi: sed manè ante So-
 lem, aut saltem cum Sole surgentes, totum ferè
 diem venationibus, piscationibus, aucupijs operosè
 transigimus. Ad iunge, quod instituto à maioribus
 tradito, rure quidem tenuiter admodum atque fru-
 galiter prædemus, plerumque stantes, raro accum-
 bentes. Ut cenam proferre ultra secundam noctis
 horam, nec expediat valetudini, nec ego arbitrer
 cuiquam nostrum optabile futurum. Porro autem
 his anni temporibus longissima noctes contingunt,
 nobisque ante primam vigiliam cenatis nec talus,
 nec fritillus, nec alea ulla nimium placet. Noui
 ego ex longa consuetudine ingenia vestra: & vos
 singulis*

singuli meum. nulla obuenire nobis potest optabilior, nulla inquam haustu liquidior atque iucundior voluptas quàm si ad noct. m. circiter mediam nunc iocò, nunc seriò fabulari ad hunc modum liceat circum-sedentibus, atque hunc coronantibus luculentum caminum. peroprater hac utramque rem nobis plusculum & commodatis, & utilitatis, & suauitatis allaturam, dico primum interpellatam, & in duo diuisam tempora Narrationem: dico secundum intermediam cenam, utrinque hilaratam & quasi conditam lepido sale mirabilium actionum. Quid si forsitan in longum congressus traheretur, imò adedò quanquam nec in longum Rex consuij facio iam nunc, & factam volo tam dicentibus, quàm audientibus bibendi potestatem. Nos verò, inquit Archelaus, (ut pro his etiam iunioribus respondeã natu grandis) non probamus tantum modò nouum consilium, sed etiam atque etiam commendamus: metientes ex antedictis interuallum sanè longius excurrèdum, & toleràdum, prius quàm reficiant epula nocturna diurnum laborem. Vnum vereor Franciscum Coppettam, nè fors nobiscum non sentiat, frus solitus delicijs Musarum, & eo patiens inedia longioris. Verùm enim uerò dabimus utile consilium, & illi facile ad ex. quendam, ut sumpta lyra nobis cenantibus fatum sui Corydonis moduletur. cantus paulò longior, paulò intentior nobis afferet voluptatem, illi opinor maturabit famem. Iocari uidetur Archelaus, ò Rex, inquit Coppetta; sed non iocatur. Musas meas concoquere unus omnium nò potest. harum quæcumque insc. t. andi datur occasio, nunquam pratermittis. Otiosum

ac segnem me vocat, quisquiliis (ut ille appellat)
interdum canentem : illos non vocat, qui totum
diem sedendo, deambulando, nihil agendo corrup-
punt. At Nihil agere, subiunxit Archelaus, est
certè laudabilius, quàm agere aliquid minùs agen-
dum. Ac mitto cetera, quæ huius temporis, huius
loci non sunt. dicis ipse aduersum te grane testi-
monium. Laudes Nihili recordare, tuum Canti-
cum. cui quidem & pauculis te dignis libens con-
donarim Adonas & Alexidas. quos si non defen-
dit, saltè excusat tenerior ætas, nunc ab adulto
quæ postulæntur, & ipse omnium optimè intelligis,
& ego tamen suggerere aliquando veritus non
sum, studio impulsus erga te meo. Musas videli-
cèt non concoxi : verum est : aliquando nec deuo-
raui, & statim respui libatas : nempe duriores ac
sordidiores, quàm meus vel palatus excipere, vel
stomachus admittere sustinerent. Verùm hæc ali-
quis non temere culpauerit, ut importuna, & ab
instituto nostro aliena : si quidquam importunum
& alienum censeri fas est, unde non solum urba-
na, sed etiam pia vita ratio pendere videatur.
Conantem ad hæc aliquid Coppettam, cui Phi-
lander, & Caporalis fauebant : Ad hæc Re-
gem silere omnes iubentem puer à triclinio inter-
pellat, ad cenam vocans. Nec mora dantur ma-
nibus lymphæ : sacrat epulas Pamphilus : Rex
honestissimo loco, ceteri ut quemque sors diuiserat,
latantes, ac lepide iocantes discumbunt.



DECADIS PRIMÆ

Pars Secunda.

Exemplum Sextum

Argumentum.

Vgo Blancam deceni ipsos annos perditè amat, nec amatur. ad extremum insperato euentu mulier victa, sponte vocat amatorem, & se illius permittit arbitrio. Amator noui amoris causa intellecta, quò pertinacius erat secutus fugientem, hoc generosius repudiat, & eludit se offerentem.

Mensis remotis, & Deo actis gratijs, ubi ad ignem omnes confedere, paucula de rumoribus, qui dudum ex Vrbe aduenerant collocuti: Rex ad Archelaum, Tua, inquit, si commemini fors est Archelae. Repetas licet, cum tibi libet. sequentium ordinem Exemplorum. Nostra omnium sunt (pro his etiam ut respondeam, te secutus magistrum) parata aures ad auscultandum. Mox Archelaus, Quanquam, inquit, liberè vagari nobis permissum est per omnes materias, per omnes populos, unde miranda rerum euenta capere liceat, ad nos nostramque aut rem-
F *publicam,*

publicam, aut rem priuatam prudenter administrandam: me tamen iuuat non discedere à Patria, cum id commodè facere possim, & recordari aliqua strenuè, fortiter, constanter, piè gesta ciuium maiorumque nostrorum. quale unum in presens mihi succurrit ad narrandum breue, sed cognitu dignum, auditu iucundum, imitatu honestum, sed rarum.

ANni sunt circiter quadringenti, tunc cum Augustam Perusiani, diu exactis popularibus, nobilitas moderatè, liberaliter ac prudenter administrabat: inter cetera temperati, & abstinentis animi documenta, hoc in longum fuisse testis admodù locuples narrabat Alfanus. quod temporum iniuria, & scriptorum inuidia latitans, ac prope fugiens, reuocandum nobis est prodendumque ad gloriam, ad exemplum. Illustre per tempus illud Perusiæ fuit genus & familia Barsiorum, ex qua ortum colimus, & Vrbi Præsidem cum ceteris adoptauimus S. Constantium. In ea vir fuit ætate, gratia, opibus insignis: Huguccionem ciues appellabant: ille Hugo dici malebat. Hic nobilem matronam egregia forma, & omnibus animi dotibus præstantem, nomine Blancam, sic infelicitè amabat, vt perpetuo ipso decem annorum obsequio, & ingenti dispendio pecuniarum, quas profundere amatores solent, in se ornandis, & domestica suarum amicarum familia demerenda; tamen

vnum redimere non potuit, aut risum spei
 aliquid spondentem, aut suauem assensum
 oculorum, aut denique oris habitum læ-
 tiorem. decimo tandem anno sub ætatis
 initium, cum femina virum suum secuta
 illustrem equitem de Roggerijs, in rus
 amœnissimum suburbanum se contulisset;
 Barsius non procul ab ea villa profectus
 aucupatum, falcone ad capturam dimisso,
 circum agros & subiectam planiciem
 molliter equitabat. fortè accipiter, quem
 auicula captabundum fefellerat, in Rog-
 gerianos se hortulos recepit, & in arbu-
 scula sub ipsis Blancæ oculis, quæ cum
 marito de specula celsiore spectabat aucu-
 pium, confedit gemitundus. vt ego ar-
 bitror, redire ad Dominum non audebat
 inglorius; & fortasse iram hominis metu-
 ens, eò potissimum refugerat, oratum au-
 xilium. Hugo per puerum à Roggerio im-
 petrat, vt se in hortum ingredi patiatur, &
 accipitre in potestatem redactò, actis co-
 miter gratijs, perrexit ad villam, quam
 vltra eum locum tria passuum millia di-
 stantem incolebat. eo digresso, Roggerius
 cum vxore in hunc sermonem ingressus,
 homo minimè suspiciosus & femineæ leui-
 tatis ignarus, cœpit Barsium laudare tam
 effusè, tam vehementer, vt vxoris constan-
 tia diu secum luctata, cesserit tandem, &
 vltro eum hominem amare cœperit, cuius
 preces lacrymasque contempserat. ergo
 post triduum marito peregre profectò,

nec redituro ad dies pauculos, inipatiens noui amoris & flammæ mulier per ancillam expertæ fidei nunciat amatori, vt ad certam noctis horâ præsto sit in poniario, quâ tutissimus in ædes aditus patebat.

Mirari Barfius hanc tantam, tam inopinatam, & tamdiu frustra speratam fortunæ indulgentiam: gratulari suæ constantiæ in amando, nec parui æstimare victoriam, quam sibi decennalis obsidendi labor peperisset: etiam accipitri suo bene velle, qui tanquam deprecator accessisset ad dominam, & de arbuscula lætum suo hero fleffet augurium. venit igitur ad destinatum mutuis voluptatibus locum, nocte vna tot annorum incommoda pensaturus. cumque à femina statim inuitaretur ad vltimas, & nimium maturas Veneris fruges capiendas, decumbere hominem lectulo iubet, in quo prius ipsa decubuerat. nec cunctatur oblequi Barfius: & deposito pallio, sedens ceteras sibi vestes detrahare festinabat. sed inter exuendum id homini accidebat, quod præproperè properantibus contingere solet. quanto celerius expedire se conatur, tanto magis implicatur identidem: vnum nodum relaxat, & tres quattuor adstringit imprudens. itaque moram trahit longiorem, quàm cupiebat, & cupiebatur. Interea duæ ingentes perturbationes animum hominis occupauerant, & æquis inter se viribus contendebant, vtri prius explendi

sui facultas daretur, Voluptas, & Admiratio. nec dubium, quin longè præferenda voluptas fuerit si continuo res peragi potuisset. ceterum mora perficiendi postposuit voluptatem, & fecit admirationis causam meliorem. hoc magis, quod de illa nihil detrahi videbatur, admiratione prælata: potius securiorem ac suaviorem fruendi copiam putabat futuram, si prius aduersaria pelleretur ex animo, nec id quidem iniuria. quoniam cor vrit admiratio rerum insperatarum, & quiescere dubiam mentem non permittit. Quamobrem mox cubiturus: Rogo te, inquit, mea Domina, ut hunc mihi scrupulum eximas, qui non nihil afficit animum, nec finit ad plenum frui benignitate, & indulgentia tua. Quænam hodie ratio te impulit ad me vitro arcessendum, quem contempsisti, & elusisti tamdiu? fac sciam, cui rei hanc noctem tam exoptatam, tam insperatam referre debeam acceptam; & prius quam beas me, dic agè causam beandi. Tum illa: Occupasti petere, inquit, quod ego dicere gestiebam: & cubanti prius dixissem, quam hæsissem. Meus vir, inquit, tertio ab hinc die, cum te aucupantem de fenestra conspeximus, tam multa & tam mira de tuis laudibus prædicabat, ut negaret esse alterum in Perusina nobilitate, qui tecum in omni virtutum & morum genere conferri posset. Quæ tam ampla mariti laudatio, quasi fax Cupidinea, nouam

flammam in hoc pectore accendit, à qua gelu partim consumpto, partim in lacrymas resoluta, tota illico exarsi in amorem tui. & videbatur veniam amandi dare, qui dabat causam. Commotum est generosi animi pectus ad hanc narrationem, & magis illum mariti sincera laus, quam vxoris nouus amor delectabat. Itaque moram nullam interponens, è lecto profilit, quem iam intrarat: & Heu heu, inquit, quantum flagitium admissurus fui infelix! virum optimum, & mei sic amantem, immortaliter lædere præsumpsi, pariter impius, pariter ingratus. Ego ne tantum facinus, non dicam aggredi, sed concipere animo potui, vt thalamum eius violare auderem, pro quo debui, si opus foret, vitam profundere? Ah magni Cœlites non sinant, vt spem fallam de me susceptam, & pro insigni laudatione, insignem referam contumeliam. nec dictum res morata, vestes resumit æquè properanter, sed facilius atque felicius quàm deposuerat, & doloris poenitentiaque stimulis concitatus, quàm intrarat, erupit, seseque ab omni fœditate purum integrumque seruauit.

Crediderim ad tale spectaculum gratulatos risisse Angelos circa stantes, & micantia cœlo sidera, solito amplius effulxisse, vt via pateret illustrior triumphanti. Contra spiritus ille nequissimus, qui fœdos vtrinque ignes accenderat, & ratus continenter arsuos, faciem aliò conuerterat
otiosus

otiosus: tum credo accusabat negligētiam
& festinationem suam, qui abire properas-
set, nec luctam expectasset amantum. sed
idem Plutoni facili se purgabit, si hoc tan-
tū dixerit: Iam pridem Hippolytos, &
Iosephos habere mundus desierat. quis
putasset, non satis superque ad victoriani
tore, quod paraueram? Summum in hoc
genere votum est, si simul sunt, & tutō
sunt, qui amantur: maiorem à nobis ope-
ram nec tu requiris, nec præstare ipsi pos-
sumus, si requiras. Tametsi mendacissi-
mus est, nunc vera dicere Asmodeus vi-
detur. nam si putum panem esurienti, &
puram vndam sitienti porrigere satis est,
quis hunc censeat recusaturum lautissimas
epulas, & vinum Lesbium aut salernum?

DECADIS PRIMÆ

Exemplū Septimum

Argumentum.

Auceps Misotheus Calatinus impiè di-
cax in Deum, & Sanctos Dei, horribile
supplicium luit, viuens esca serpentum,
& turpium bestiarum.

*Attonitum facti nouitate honestum Audito-
rium aliquousque silentium tenuit, & alter*

alterum intuentes, vix ad ultimum stupore resoluti, Barsianam generositatem verè admirandam, verè Augustam certatim tollere laudibus, hunc Alexandris, hunc Scipionibus longè præferebant. Porro illos ad temperandum commouerat, non dicam quod aliqui dicunt, Virtutis quadam imago: per me quidem fuerit Virtus, & Heroica virtus: hoc certè dubium non est, gloria calcar, gloria speciem valuisse multùm ad stimulantiam, blandèque alliciendam Virtutem: res enim in maximo populo, à clarissimis ducibus, tanquam in Orbis theatro gerebatur. Ut quicquid agerent, dicerentue honestum aut turpe, fama esset exceptura seculorum. At in Barsio nihil huiusmodi reperias: nulla homini fuit vel gloria, quam peteret; vel infamia, quam metueret. Nocte concubia, semotis arbitris, solus cum sola, rogatus ultro expetitam diu fugit amplexari, & nequam facere non sustinuit ob eam tātummodo causam, ne aduersus laudatorem suum esset ingratus. Verùm enimvero, subiunxit Vbaldus, Vgo iste magnum atque mirificum tulit continentia sua fructum. Audui ego non semel gentilem meum, cum diceret Vgonem paulo post Sacris initiatum pie admodum vixisse, ac senem decassisse eum magna opinione sanctuatis. Quin etiam ad Blancam, resumpsit Archelaus, præclari facinoris meritum redandauit, quæ tunc pudore iraque succensa, quod se despectam & ludibrio habitam putaret; ad se quacumque via, & ratione ulciscendam animum appulit. Postea verò quàm videret hominem diuino cultui pñtus addictum, omnibus renunciare negotijs cunctisque mortalium: per-

tasa duplicem libidinem prius adulterij, posterius vindictæ, fleuit ex-animo peccatum suum: & quem perdere voluerat castum amantorem, ei post Sacerdoti honorem cultumque exhibebat, in admirationem odio conuerso. Iam silentium erat, post longius intervallum facti admiratione leuatus cum Rex inspecto narrantium albo, Te, inquit, fors poscit Vbaldum: si quid forsitan simile habeas, quod parem nobis afferat cum admiratione voluptatem. Ego vero, inquit Vbaldus, de admiratione non dubito. mihi erit æquè admirabilis, at non æquè optabilis euentus. Itaque negarem de voluptate, nisi me Cicero docuisset, quod illum Natura docuerat SIC se res habere mortalium, vt ex audiendis, aut spectandis aliorum calamitatibus ingens veniat voluptas ad securos, & periculi expertes. Propter quæ licet interdù lacrymari contingat, illa tamen misericordia est iucunda, & genitus tanto suauior, quanto est casus atrocior.

FVit homo menses aliquot apud Gryphonem & Carolum Balionios fratres in magna gratia, propter mirificam aucupij peritiam & sagacitatem; cum esset alioqui tantorum virorum contubernio, & consuetudine indignissimus, propter nefariam atque sacrilegam dicacitatem. Horresco scribere, quæ de blasphemijs & maledictis impurissimi hominis referuntur; nemo erat illi tam præsens atque amicum Numen, in quod procaciter inuehi non

soleret. Beatos Viros memorabat memoriter, & singulis propria conuicia gaudebat inurere: vt videretur in hunc vsum catalogos edidicisse Sanctorum, quo maiorem haberet copiam execrandi, & identidem noua formula imprecationis occurreret. Hinc illi cognomen Misotheo fuit, quod paulatim in nomen transijt, vt vitium transferat in naturam. hanc propter causam extruserant illum domo Principes Balionij, paucis ante diebus, quàm hoc illi obtingeret, quod iam exequar.

Exierat homo cum amiculis, & vno tantum vel altero puero aucupatum, circa Idus Octobres, in vallem minimè præruptam aut siluestrem: cunisque accipitrem prædandi audum emisisset in turdulos: illi commodum sese subducunt, & celeri flexu hostem fallunt. spe frustratus accipiter, quasi ad dominum reuertere inanis non auderet, studio delendæ ignominia, processit longius, & alias subinde aues sollicitabat captabundus. illum Misotheus elatis in sublime oculis, pedes sequebatur: & auem quidem omni blanditiarum genere compellabat, in cælum verò atrocità & nefanda iactabat conuicia; cum repente decurrens labitur in puteum, arentem illum quidem, ideòque non margine vllò, nec ora munitum, quæ ruenti posset opponi: ceterum bufonibus, ceraſtis, alijsque serpentibus refertum. Inclamat miser pueros, amicos, colonos, si qui in proximò:

Cœlites

Cœlites etiam, & Beatam Virginem aduocat, serò poenitens iniuriarum & execrationum, quas meritò ait in suum caput recidisse. puer vnus non longulè aberat: casum tamen non viderat, sed vocem & questum hauserat. Vocât igitur comites & agrestes ad ferendam openi domino laboranti, quem ille tamen vbi esset, aut quid quereretur, ignorabat. os quippe putei rubis ac vepribus obstructum, rem occultabat, & collis circa horridus incultusque, densis virgultis atque iuniperis, omnem, prope ademerat peruestigandi facultatem. iam comites agrestesque conuenerant, sed herum frustra oculis requirebant. mox repetiti questus & eiulatus aures verberant, locum indicant, & casum docent. Ex templò funes, perticæ, aliaque ad extrahendum machinamenta properari: partim vepres & virgulta succidere, locumque expedire: partim quærere & conuocare adiutores ad rem moliendam: nonnulli ex alto consolari vociferantem impatientius; iubere ad Dominum vota facere, totum se diuino præsidio misericordięque permittere, mox saluum atque incolumem extractum iri. Iam & multa colonorum turba confluxerat, & pro sua quisque copia rem adiuuabat. Fortè fortuna ilex annosa & valida, circiter quinos aut senos pedes à puteo aberat, robustis ramis, quasi brachijs intransuersum ita protentis, vt non natura, sed de industria

comparati esse viderentur ad partem ponderis subeundam . his igitur crediti funes demittuntur in puteum , ad quos impigrè applicat se Misotheus , hortaturque comilitones infinis precibus , & pollicitationibus , & obtestationibus , ad se celeriter ac strenuè sustollendum . illi cum fidelibus ramis onere communicato , per eorum terga tridentia funem reducunt , si bique inuicem gratulantur , quòd feliciter procedere opus videbatur . & certè procedebat : eccum ipsum sublime , ad marginem prope putei renatum Misotheum . sed (heu miserum horrendumque spectaculum !) tot undique serpentibus implicatum , cruentum , lacerum , vt perterriti agrestes , qui subsidio venerant , alius aliò fugam arriperent , & vix pauci de comitibus resistere auderent , qui coniunctis viribus funem trahebant . Fatum Laocoontis in nientem venit , cum recogito . nam hunc quoque (vt referunt) iam iam exiturum inimanes duo angues ,

————— *suffecti sanguine & igni*

Sibila lambentes linguis vibrantibus ora ,

Corripiunt , spirisque ligant ingentibus : & iam

Bis medium amplexi , bis collo squamea circum

Terga dati , superant capite & cervicibus altis

Ille simul manibus tendit diuellere nodos ,

Persusus sanie vestes atroque veneno ,

Clamores simul horrendos ad sidera tollit .

Nihilominus fidi comites promptè atque alacriter operi incumbabant , cum de
impro-

improuiso repentes per funem angues,
 trahentium nudas manus petebant. tunc
 vero nihil propemodum abfuit, quin ab
 incepto defisterent, funemque desererent.
 sed vicit formidinem misericordia; tan-
 tum rogant villicum, eius incolam regio-
 nis, qui falcem domo extulerat, ad sepe-
 rubosque dudum runcandos, vt propin-
 quum manibus serpentē feriat abigatque.
 Ille non ausus prope accedere, falcatum
 sparum altè sublatum, totis viribus in ser-
 pentem funibus implicitum librat. sed an-
 gue ictum declinante (o rem miseram, o
 acerbum fatum!) funis ipse reciditur, &
 infelix Misotheus præceps relabitur in
 profundum. Biduo post, Decurionum
 iussu loco expurgato & exustis fugatisque
 serpentibus, exeso corpore, nuda ossa re-
 perta sunt. Incredibile est quantum ea-
 res terrorem omnibus circa oppidis pa-
 gisque incusserit: maximè autem exterre-
 fecit Sabinates, Passinianenses, aliosque
 Thrasymeni accolae; concionatoribus vi-
 tro admonentibus, illorum in primis cau-
 sa, tantum extitisse prodigium. Miser su-
 pra omnes miseros Calatinus, qui viuens
 colubros & deterrima bestiarum suis car-
 nibus saturauit: sed eo mihi miserior est
 visus, quod in spem prope certam salutis
 emerferat, minus misere periturus, si pro-
 tinus desperasset: nunc crudelem cum illo
 ludum lusit fortuna, quem ideo paulum
 erexit, vt lapsu grauiore concuteret. Sic

auxilia conuersa sunt in tormenta , & spes viuendi in rabiem moriendi . minus fortasse truculenta mors erat futura , si ad vitam regredi neglexisset : certè infaniam , hoc est mortem secundam vitare potuit per silentium . Sed nimirum ita oportuit , ita æquum fuit ; vt scelere tam infando damnatus , haud simplici mortis genere multaretur ; & qui conatus erat diuinam iustitiam verbo subuertere , confirmaret exemplo .

DECADIS PRIMÆ

Exemplum Octauum

Argumentum .

Castus Iureconsultus pio commēto primum eludit , deinde ad sanitatem reducit nobilem Matronam illius amore flagrantem , & se ad stuprum pellicere studentem .

Vix narrandi finem fecerat Vbaldus , cum Rex ad illum : Tua , inquit , historia commouit animum nouitate atque acerbitate supplicij . ceterum mihi quidem (& spero item ceteris) adeò lacrymas non excussit , vt nullum planè tumultum intus fecerit , & neque ullam penitus excierit commiserationem . Videntur enim nulla posse supplicia inueniri tam crudelia , & perpeſſu aspe-

ra, quæ non huiusmodi scelerum atrocitate vincantur. Ita est, ita est, inquit Philander, impium detractorem in ipsos etiam Superos dicacem nulla par, tantum abest, ut aliqua superior poena compescat. Hac dicentem senior quidam è familiaribus, vir ille quidem rusticanus atque illiteratus; ceterum iudicio acri, & auctor fide dignissimus, quem Fortebracchius ipse nunc altorem, nunc Parentem vocabat suum: hic igitur dicentem Philandrum interpellans, Ego, inquit, Blasphemum istum, quem dicitis, Misotheum Calatinum de facie noueram, sciebam impietatem, vidi supplicium. Puteus est, in quem cecidit haud amplius septem passuum millia distans in nemore apud fossam Bracchianam. Is nunc ostentui est non solum peregrinis & viatoribus, verum etiam iunioribus aëcolis ad blasphemias vitandas. Letata est honesta Societas Exemplo tam insigni additam sinceri & simplicis Viri oculatam fidem. Mox Philander Nonnulla, inquit, in hanc sententiam mihi quoque succurrunt Exempla: sed casus per se atrox, atque horrorem incutiens temperandus videtur hilariori argumento, quod pariter grauissimi scriptoris auctoritate confirmatur.

NArrat igitur in suo Exemplorum Speculo Henricus, fuisse Neapoli viram omnibus naturæ atque fortunæ bonis ornatam, qui simillimam sui feminam in matrimonio habebat, tanta secum charitate ac mutuo cordis affectu iunctam, ut Penelopas Lucretiasque antecire non immerito

merito putaretur. Accidit autem sub tertium coniugij annuni, vt marito longissimum iter, voti causa suscipiendum foret ad sanctam vsque ciuitatē, & sepulchrum Domini visitandum. lectis igitur comitibus, paratoque instrumento viatorio, iam iam daturus se in viam, & mox nauim conscensurus, ita Coniugeni solus solam alloquitur. ME, vt vides, ad longinquam peregrinationem religio cogit, comites hortantur, & tempestas inuitat. ceterum corpore tātūni à domesticis laribus seiungar, animo semper tecum, & cum paruis liberis sum futurus. Te obsecro & obtestor per eum Dominum, qui nos coniunxit, ad cuius adoranda vestigia me conie-ro, primū vt te mihi talem præstes, qualem data fides, & generis claritas, & meus in te amor postulat; deinde vt communia pignora, & rem domesticam, & familiam vniuersam non aliter gubernes, me absente, quā consuesti, dum præsens fui. postremo vt crebras ad Cælum offeras preces pro nostra simul adeundi, simul redeundi prosperitate, celeritate, salute. Femina singultibus & lacrymis sermonem rumpentibus, polliceri facturam omni tempore, quod fides, quod honestas, quod amor & pietas cogeret: sub hæc mone re amanter & anxie virum, vt cautē iter fa ceret, cautiū nauigaret, denique cum Domino iret, rediret feliciter.

Nec sanē dixit constantius quā fecit.
liquidem

siquidem marito commodum digressio ,
 cum iuvenes clari & nobiles suæ pudici-
 tiæ insidias tenderent, & omnes ad expu-
 gnandum machinas adhiberent, singulos
 aut repulit, aut elusit; vt quantum pul-
 chritudo eius amorem cupidinemque ex-
 ciuerat, tantam grauitas honestasque in-
 duceret venerationem. sed nimirum illud
 verissimum est, quod sanctissimi auctores
 tradiderunt, & multorum infelicia exem-
 pla confirmant: QVI malus Genius casti-
 tati bellum infert, eamque fortibus ma-
 chinis expugnare contendit, hunc si mens
 generosior, cœlestibus munita prædijs
 repellit atque in fugam conuertit, facile
 post capitur per insidias, nisi cauet. hostis
 enim suis dissidens viribus, ad superbiam
 scelerum reginam se confert, rogatum au-
 xilium; vnde olim traxit exitium. illa fi-
 lias mittit, Præsumptionem, Securitatem,
 Negligentiam. quibus pugnae succedenti-
 bus, & victorem mulieris animum inflan-
 tibus: audite quantum in discrimen Ca-
 stitas venerit, & quam prope subuersa fue-
 rit. Matrona igitur hac sollicitudine libe-
 rata, cum se in perpetuum eiusmodi curis
 vacuam fore consideret, securius deinceps
 ministrare instituit rem domesticam &
 suam: cum mariti procuratoribus, aut
 propinquis, aut amicis liberiùs agere,
 quàm soleret: frequentare sacras Ædes,
 obire Virginum monasteria, miscere cum
 vicinis iucunda colloquia, nec adeò for-
 midare

midare vti antea, prospectus fenestrarum, quæ foro vijsque publicis imminebant. ab hac licentia ortum est periculum, quod mox dicam, prodendæ fidei, & pudoris violandi. Cum enim de specula curiosos deorsum oculos verteret, incurrit fortè in os iuuenis prætereuntis tam elegans, tam modestum, & tam flexanimum, vt dum incauta cupidius contemplatur, eius amore ac desiderio se senserit esse correptam. coepit ergo sagaciter odorari, & inuestigare quissimam esset. atque vbi comperit insignem illum esse Iuriconsultum, qui clarissimas Italiæ vrbes Proprætor administrauerat, antea sibi de fama, sed hodie primum de facie cognitum; lenta secum deliberat, ecquam rationē hominis conueniendi fruendique inire posset. Denique suum consiliū nemini aperiens; mittit ad iuuenem, vt eo die sub vesperam à foro rediens, non grauaretur diuertere ad se domum: marito absente, litem aduersum se ortam esse magnam & impeditam, de qua statim communicare cum illo cupiat: sperare se atque confidere, vt eius ope, consilio, studio facillimè decidatur. Iureconsultus, vt erat non solum scientiæ, verum etiam humanitatis & officij plenissimus, ad prædictam sibi horam præsto fuit. mulier illum lætabunda excipiens, prope sedentem consedit. ac primo quidem insolens amandi, & rudis talium deliciarum, perplexè, inconstanter, & concise

cisè narrabat fabulam . nec se satis expediebat infelix , quid vellet , & cuius gratia hominem curasset arcessi . ceterum quod lingua exequi non poterat , frons , oculi , totus denique oris habitus loquebatur . lingua etiam affectum cordis titubando confirmat , & magis explicat , dum inuoluit . Iuuenis modeste oculos in terram defixerat , & confessionem magis apertam velle exprimere videbatur : insolens ille quoque , aut dissimulans , amoris timide prodeuntis , & cum ingenuo pudore certantis . ad extremum mulier , verecundia valere iussa , frenum laxat cupiditati , & nihil vsa circuituionibus : Amo , inquit , impatiens : & te rogo supplex auxilium : moritura , si negaueris .

Tunc Iuuenis vultu hilari , ac ridentibus oculis feminam intuens : Ago , inquit , tibi gratias immortales , & me supra ceteros fortunatum dicere audeo , quem nihil meritum pulcherrima , & splendidis orta natalibus mulier , vltro sibi amandum putauerit . quam ego benignitatem indulgentiamque erga me quam optime intelligo , & libentissime accipio ; tam pessime odi fortunam meam , quæ me nunc quidem non patitur tanta frui felicitate , ac statim mutuis obsequi desiderijs . Hoc enim scire habes Domina , quod cum ingenti ægritudine recordor & memoro . Superiore anno , cum Bononiæ causam viri primarij longè difficillimam ; sed æquè bonam ,
atque

atque honestam tuerer; aduersarij clientis mei pariter nobiles & factiosi, tres quatuor districtis gladijs, in me subito incurrerunt, peruesperi ad hospitium à foro redeuntem. Sine comite, sine telo, nihil suspicans, aut metuens mali, facile vincor, multisque fossus vulneribus, inter quæ duo lethalia fuere, domum ad clientem meum deferor semiuivus. Medici me intra septimū diem haud dubiè moriturum denunciant. curatis igitur, quæ ad salutem animæ pertinebant; hoc Votum voui Deiparæ Virgini Annunciatæ, cui sacer ille dies fuit; Si periculum imminens euaderem, & Neapolim incolumis redirem, ut me sex mensium continua & casta inedia macerarem, nec interim gustarem aliud, quàm purum panem, & puram frigidam. Res Superum benignitate feliciter successit: domum ad penates meos bene sanus, & benè validus me recepi: nec vlla interposita mora, longum inchoavi ieiunium, cuius ad hunc diem quatuor elapsi sunt menses, à me fortiter tolerati. nunc duo tantum supersunt, qui vbi pariter exierint, scito me in tua futurum potestate.

Ingemuit cupida mulier ad tantam moram: eo magis, quòd suspicabatur facile fore, ut voluptatem longius dilatam mariti reditus præuorteret, & fortassis impediret: certe tardaret, redderetque adeptu perdifficilem. Sed non ausa tam pium,

& tam

& tam honestum amantis propositum reprehendere, dolens querebatur fortunam suam: mox iterum illi Iureconsultus: Habeo, inquit, si hoc longum nimis videtur, certum modum dimidiandi & breuiandi. Votum ita concepi, vt possem cum altero partiri, si quis mecum abstinere vellet, & partem mei oneris in se recipere. Non tulit vltcrius loquentem mulier, & interpellans: Ego, inquit, subibo libens: nec me labor iste grauabit, qui simul minuet molestiam tuam diuidendo, simul augebit lætitiā meam, celerando. Rebus ita compositis, & bimestri ieiunio ad menstruum redacto, mulier bona fide abstinebat, nullo vescens obsonio, vinum non gustans, & semel esitans quotidie. at non diu talem inediani pati potuit delicata & nobilis matrona, quantumuis roboris libido & spes darent. vix quatrimum durauerat, cum implicita difficili morbo, & sibi ipsa displicens, mori exoptabat. quo in mœrore cum se ad Christum Dominum conuertisset, ac Sanctissimæ Virginis patrocinium implorasset, pertæsa ingentis flagitij, quod intenderat, ita secum lamentabatur. O me atrocibus atque perpetuis dignam supplicijs! quæ omnibus bonorum copijs superfluens, tam indignam & tam ingratam reddere gratiam noliebar. infelicem conatum, & contra omnem naturæ ordinem à me susceptum! siquidem inediæ, macerationes & alia corporis afflicta

Etamenta, cur à mortalibus obeuntur, nisi vt temperantiam discant, & se Domino castos exhibeant? ego mortalium miserrima ideo me sic excrucio, vt libidini seruiam, & pudicitiam contaminem. Infelix peregrina, si quæ ad virtutem via proponitur, ea ego præceps rapior ad flagitium. scædus est traiectus, sed tamen ordinarius per epulas ad luxuriam; ð meus est ad hanc diem inauditus per abstinentiam. credo, parum erat ad castra incontinentiæ transitum facere, nisi comite ac duce vterer cōtinentia. nec decebat feminam illustrem peccare vulgariter: per ieiunium molitum adulterium, hoc est ad pudicitiam expugnandam ipsis pudicitæ armis abusa. scelus duplex, quia tentavi, quia sic tentavi.

Quibus querelis cum fortè sagax ille ac pudicus iuuenis superuenisset, mulier simul macie confecta, simul pudore confusa, & acutis poenitentiae stimulis subacta, primum ab illo veniam meditati facinoris supplex petit, deinde agit immensas gratias, quod admodum idoneo & salubri remedio suam cupidinem refrenasset, siue vera illa essent, siue non vera, quæ nunciauerat de votiuo ieiunio. Ille mitissimis verbis mulierem consolatus: De meo, inquit, periculo, & de acceptis vulneribus nihil mentitus sum: ac ne de voto quidem affinxi quippiam præter tēpus. dixi enim quotidianum fuisse meū ieiunium, quod
tantum

tantum fuit hebdomadariū: nec nisi singulis sabbatis à vino & obsonijs ex voto abstinebam. nunc Deo simul gratias agamus, quòd tum mihi tam salutarem ambobus dolum inspirauerit. tu verò quod suspicaris, adesse tibi supremum mortis diem; grauitè erras. quanquam enim per inediam tam insolitam propè consumpta & confecta tibi videris: tamen hoc scito, si te dapibus & vino paulatim refoveris, hoc biduo esse intellecturam, quemadmodum eadem medicina non solum animo salutem, sed etiam corpori robur & vires tulerit. atque ita penitus est factum. quare mulier ad optimā & iam duplicem sanitatem reuersa, hunc deinceps morem instituit, & tota vita constanter retinuit; vt per singulas hebdomadas vnum diem ieiunio asperiore trāfigeret id quod simul stomachum instaurabat post sex dierum defatigationem, simul animæ proderat ob peccati recordationem.

DECADIS PRIMÆ

Exemplum Nonum

Argumentum.

Duo Cremonenses ob latrocinia capite damnati, callido Patruī consilio, & importunitate

tunitate veniam extorquent . ea tamen inopinato casu obturbante frui non possunt .

Superioris Exēpli simillima sunt, qua de Sanctis Bernardino & Vincentio tradita sunt, nobis alibi referenda . Nam Malatesta, quem fors dicere iubebat post Philandrum, homo Imperatorij artibus excellens, nec fere alias euoluens historias, quàm militares iam dudum versabat animo illustre factum, quod nec ille legerat apud quemquam, nec illi narrauerat quisquam; sed illo presente contigerat inter Principes Gonzagas. puto illo tempore, cum iram fugiens Pontificum Malatesta, nunc Florentia, nunc Mantua securum atque honestum transegit exilium. Ergo non aliam adhibens prefationem: tantummodo Regem reuerenter, Sodales amabiliter intus, hunc in modum exorditur .

Castellum est in Gallia Cisalpina opulentum & nobile, cui nomen Gotfredum, Castelgotfredum vulgò appellant populares . Huic Aloysius Gonzaga, Vir clarissimi nominis imperitabat, cum duo fratres Cremonenses ob latrocinia ibi perpetrata in carcerem coniecti, & compedibus vincti tenebantur . Hi propter ingenij naturæque imbecillitatem, vt est hoc genus in primis vile, humile, imbel-
le; fors etiam stimulante facinorum conscientia, vix expeditis admotisque tormentis, furta, flagitia, & scelera omnia
sponte

Sponte confatentur innumera, capitalia. Propter quæ capitis damnati, laqueum miser de die in diem trepidantes expectabant. Ea res continuo Cremonam ad cognatos, & ad patruum ipsorum nomine Mitionem perfertur, sane virum bonum, ac tunc senio grauem & valetudine per infirma. Qui quoniam fratre iam pridem defuncto, parum diligens in curandis nepotibus fuerat, quos liberorum loco habere debebat: inde prima iunioribus occasio luxuriandi, conuiuandi, scortandi, perdendi denique omnia, donec ipsi simul perirent. Ad quem nuncium sero tandem Mitio expectatus, & si minimum idoneus ad itinerum hospitiorumque incommoda perpetienda: tamen ne infame supplicium generi suo perpetuam ignominia notam inureret, multo auro argentoque secum exportato, Castelgotfredum recta contendit: si quando rerum ablatarum pretio dominis persoluto, vitam nepotum redimere posset.

Illo igitur cum peruenisset, omnem suum conatum eo direxit, atque in hanc curam totus incubuit, vt quacumque ratione ab laqueo nepotes, ab infamia suam gentem, domi honestam liberaret. Sed incassum consilia & incepta omnia mouebantur: Gonzagà tam seuerò & constante ad scelera puniendâ, quàm liberali atque munifico ad virtutem præmio afficiendam. Non propterea senior vir ani-

num despondebat, aut minimum desiste-
bat incepto : sed nunc supplicibus verbis
nunc supplicibus libellis, nunc etiam la-
crymis & plangoribus tam frequenter,
tam instanter Principem obtestabatur; ut
ei venerit in mentem noctu cum paucis
Oppido egredi, & Mantuam versus con-
tendere, ad eam molestiam quoquo mo-
do euitandam. Sed in itinere cum Goi-
tum venisset, quod agri Mantuani Oppi-
dum est, vario circumfluens genere deli-
ciarum, ibique Federicum Secundum
Mantuxæ Ducem esse cognouisset, nulla
interposita mora sese ad illum honoris at-
que officij gratia salutandum conuertit.
Ab eoque non solum liberaliter, sed etiam
valdè familiariter exceptus, ut semper so-
lebat, inuitatus ac retentus est, ad dies
aliquot secum honestis animi relaxationi-
bus traducendos. Non latuit sagacissi-
mum senem occulta Principis discessio, &
illa vel diuersatio, vel commoratio Goi-
tana. Igitur postridie, quanquam ferui-
dior diei æstus, furente Canicula, queni-
uis ætate ac robore vigentem exterrere
potuisset: non exterruit tamen infirmum
Senem, cui puto animos viresque hinc
charitas suorum, inde metus infamix suf-
ficiebant. Sed huiusmodi stimulis desti-
tutus, & tantum calcaribus vtrinque for-
titer impulsus, non sufficit cupiditati ve-
hens equus. qui totum diem fatigatus,
sudore ac puluere sordens, in ipsis noui
Oppidi

Oppidi portis procumbens expirauit. Nec mora, nec requies. Ducalem ingressus aulam Cremonensis, obuio cuique suum, narrans infortunium, ac subinde ostentans argentum, facile scilicet inuenit à quo introduceretur, qui pro se deprecaretur, qui felicem rei exitum sponderet. Is erat inter aulicos procures longè primus, cuius nomini parcitur: Sic autem inter se paciscuntur, atque hoc ordiendæ rei consilium inſtituunt: vt iste deprecator Federico Duci Cremonensis causam exponat, eumque inducere conetur ad agendum, cum Aloyſio gentili suo vt miseros fratres capite damnatos absolvere velit, eorumque supplicia sibi condonare. Senex interim Cremonensis ducentos aureos numeret deprecanti ante negotium inchoatum, & alios totidem cum auctario post absolutum spondet daturum.

Ergo Aulicus Ducem suum opportunè aggressus calamitatem Fratrum Cremonensium, miserabiliter proponit. nec eos quidem aut raptores, aut latrones appellat, à quibus nominibus Dominum suum abhorrere in maiorem modum sciebat; sed strenuos impigrosque bellatores, quibus idem natura & instituto singulariter fauebat. Illorum verò turpissima flagitia, quibus nec vna, nec simplex mors debebatur, summo artificio partim præterit, partim eleuat, modò in fortunam, modò in necessitatem conferens culpam.

Ex altera parte Iustitiam Principis Aloysii summo opere commendans, haud illi quidem crudelitatis vel inclementiæ, sed tamen austeritatis ac seueritatis nimix tribuit nomen. Cum è contrario diceret Ducem ipsum propter misericordiã clementiamque Christiano Principe dignam ab omnibus in Cælum ferri. Quid multis moror? Hunc vulgò fidelem appellabant, puto per antiphrasim: nos aptius Fraudelem. Qui excellens fallaciarum Magister cum singula sibi profutura in medium adduxisset, præteritis quæcunque speciem nocendi haberent; in tantum prospera usus fortuna est, vt Duci natura credulo, nimium amanti, nihil suspicanti facillimè omnia persuaferit. Ergo non multo post capta opportunitate, cum Dux à prandio in similes regendarum Urbium, sermones incidisset, virtutemque clementiæ ante ceteras in Principe commendasset; huc denum euasit, vt fratres Cremonenses supplicio destinatos in suam gratiam iuberet absolui. Tunc Aloysius cum ibi deprehensum se animaduerneret, quò ad tuendam iustitiam & constantiam suam refugerat, quasi hanc esse Numinis voluntatem conijceret, prompto ac libenti animo respondit, se cum in eare, tum in ceteris omnibus fore semper in ipsius Ducis potestate. Nec admodum moratus ipse sua manu salutes exarat litteras, iudici reddendas. Dux affuit scribendo, affuit obsignando,

obsignando, acceptasque tulit ad Fidelem suum ; qui ad senem Cremonensem recta contendit . Nec se antea daturum ei litteras affirmat, quam reliquos ducentos scutatos acceperit ex pacto . Id quod statim Senex exequitur, pecunia etiam cum incremento numerata . Sed accidit per incommode, quod Senex primum natura valetudinarius, deinde passus aliquot apud hospitem incommoda, ut viris delicatioribus, & ætate confectis contingere solet, extra patrios penates degentibus ; postremo etiam præsentis negotij desperatione perculsus, quod tam diu dilatum iri non putabat ; & valde suspicabatur, ne (quod aiunt) oleum & operam : has inquam propter causas Mitio infelix magnopere languens, iam triduum lectulo affixus decumbebat . Hoc autem accepto nuncio tunc cum minimè sperabat amplius, de nepotum absolutione adeo non est præsentì morbo releuatus, ut etiam grauius ægrotare cœperit, non coquente improuisum & crudum gaudium natura, quam moeror & ægritudo fatigauerat . Ergo cum iam diei esset extremum, & postridie manè ad supplicium ducendi Nepotes essent ; quas litteras ipse afferre debuisset, & præsens iudicibus in manum dare, nouis etiam obortis impedimentis, per alium mittere coactus est . Primum ipse ita languebat, ut tantum iter ingredi non posset ; præsertim noctu, præsertim

pedes . porro Dux Mantuam rediturus ,
omnes illinc equos & iumenta secum ab-
duxerat . Senex autem (vt est antea di-
ctum) in itinere accelerando , fortiùs vr-
gens amiserat suum . Misit igitur per ho-
minem agrestem , quem illi hospes exhi-
buit sanè strenuum viatorem , & regionis
benè gnarum . Nec ei quicquam de ne-
gotio , quod ageretur , aperuit : tantùm
admonuit rogauitque , vt noctu itinere
confecto , mane litteras ad Iudicem per-
ferret , nec aliud diceret , quàm venire ab
Oppidi Domino Gonzaga . Ille acceptis
tanquam pro arrhabone aliquot nummu-
lis , longè plures post reditum accepturus ,
dat se in viam nocte imminente : nec dum
Cælo sidera excefferant , cum ille ad Op-
pidum præsto fuit , lassitudinis ac somni
plenus . Ergo dum valvæ aperirentur , in
propinquo super herbarum horas circiter
duas procumbens quieuit . Mane autem
iam i lustris Oppidum ingressus , prætorium
versus tendere iter cœperat , vt ad Iudi-
cem datas litteras deferret ; cum ecce tibi
procurrentem vndique in forum , ac se sibi
obuersantem , instantemque multitudi-
nem aspicit . Qui quidem , vt studium est
omnium hominibus noua & insolita no-
scendi , curiosum pedem ultra fert , habet-
que in conspectu iuuenes duos , qui mani-
bus post tergum vinctis ad supplicium ex-
tra Urbem ducebantur . Incidit homini
cupido hoc fruendi spectaculo , prius
quam

quàm in prætorium ad Iudices veniret, nihil cogitans interesse paulò post, an paulò ante litteras afferret. Quippe cui negotium, quod per eas agebatur, erat penitus ignotum. Ergo cum reliqua turba Oppidum egressus ex tumultu editiore raptos ad supplicium miseros cupide spectabat.

O contumacem, o miserabilem fortunam! qui missus erat ob reos absolue-
ndos, is reorum supplicio frui laborat. Am-
borum vitam in sinu gestat; & silens pro-
sequitur ad mortem euntes. cunctaban-
dus interficit, ad quos liberandos noctu
~~con~~^ucurrebat: cum est opus celeritate, se-
det ociosus: ubi non fuerat, ibi festinabat.
Vnum Mitio infelix timebas, ne non tem-
pori præsto esset ad Oppidum viator. tan-
tum vota faciebas, ut viuos offenderet ne-
potes, nec aliud quàm ut viuos. cetera
expeditum iri charta spondebat. compos
voti factus es: ecce rusticus in tempore:
strenuus præcucurrit: viuentes aspicit, co-
mitatur, contemplatur. tu tamen miser
esse non desines. tui ducuntur, & laqueo
suffocantur, tabel a salutis latente, tabel-
lario spectante. Qui cum mox ad Iudicem
accessisset, genu modicè curuato litteras
porrigens, nec aliud quàm quod erat ius-
sus adiiciens, A Domino venire; silens ex-
spectabat responsum. Iudex iniquissimo
ferens animo, quod per huius cunctatio-
nem stetisset, quo minus domino suo satisfac-
eretur, reosque destinato supplicio libe-

raret; ad rusticum truci vultu conuersus:
O, inquit, bipedum ignauissime viator,
quid tam lente hoc tantulum iter emen-
sus es, vt non statim exorto sole has litte-
ras ad me perferres? tua cunctatione fa-
ctum est homo impurissime, vt Principi
dicto audiens esse amplius non possim.
Horam vnā hic anteuertere: fui tempo-
ri futurus infelix. Homo cetera stolidus,
& inurbanus tantum ambiens videri at-
que haberi strenuus ambulator; cum se
ignauiae, tarditatisque ab Iudice palam
culpari audiret, ægre ferens calumniam,
Mi Domine, inquit, Ego nulli mortalium
de ambulando concesserim. Magis cele-
rem quam ego sim, atque etiam hodie
fuerim inuenies neminem. Heri vesperi
hora noctis secunda statim litteris accep-
tis, vix ientaculo ante facto, in viam me
dedi, & hic die nondum illustri, rariori-
bus adhuc stellis in Coelo micantibus, præ-
sto fui. Tantulum humi cubans obdormi;
dum fores aperirentur, & lux valentior
abactis tenebris clarum redderet diem.
Quamobrem autem, inquit Iudex, non tu
statim recta in prætorium cum litteris?
Ego vero, inquit Villicus, alio vsquam pro-
fectus non sum: sed horsum venientem
retardauit occurrens turba opificum, fa-
tellitum, harronumque deducētium duos
captiuos à prætorio ad Oppidi portas, &
extra illas ad suspendium. Hoc nunc ip-
sum spectaculo defunctus, ante omnes
ego

ego in forum, in pratorium, ad te cum literis. Ad hæc subridens atrociter Iudex, Opportune, inquit, & in ipso temporis puncto scelestissime. Tu illos miseros cunctando necasti. properares reddere litteras: viuerent adhuc infelices. At enim non eris impune. Lues mihi tuo sanguine supplicia duorum. Eia statores hunc rapite, mox in carcerem, cras tortum rapturi ad laqueum. Hic, Heu heu misero mihi, agrestis cursor clamabat. Quid illa epistola cum illis infortunatis? vel in quo chartula subsidio esse poterat morituris? Ex qua dolentis conuestione sapiens Iudex facile intellexit, id quod res erat, non fuisse quicquam homini dictum, vel aliter cognitum de argumento litterarum. Ergo benignius rustico appellato, rem planissime conpertam exploratamque illico scribit ad Gonzagam, adhuc Gotti cum Federico Duce commorantem, at non adeo strenuum legit tabellarum, quin ei Dromo anteuenerit vnâ atque alterâ horam. puto timor animo impetum, pedibus alas duplicauerat. Fama interim utroque velocior (an coniectura & spes quorundam?) inter aulicos vulgauerat, Cremonenses reos morte liberatos, carcere statim emissos, tantum facili exilio multatos. Venit ergo festinus ad Mitionem hospitali adhuc lectulo decumbentem Aulicus Fidelis, primo (ut aiebat) gratulatum de salute ac libertate Nepotum: deinde au-

ctarium illud repetitum, quod se daturum Mitio sponderat vltra quadringentos. Verum enimvero Senior, nec accipere gratulationem, nec dare aliam pecuniam ante nuncium de re certam, & reditum Dromonis: potius frequenter ingemiscere, conqueri aliquando, & lamentari fortunam suam. Suapte sponte lacrymas oriri non nunquam & altius trahi suspiria mirere, quasi præfaga mali mens talia obitæ calamitatis indicia intus ploraret.

Instabat nihilominus Fidelis, & iam à precibus ad minas venie batur; cum ecce improuisus in cubiculum Dromo. Cuius interuentu Aulicus lætari, & fortunæ agere gratias, certus iam præmij auferendi. contrà Mitio inter spem metumque. propensior tamen in malum, nec rogare cunctantem rusticum audebat, & moræ impatiens audire voluisset. Vix hæc tandem tremebundus, Quid mei Nepotes? Viuunt ne? Tum Dromo, Quid tu, inquit, mandasti mihi de tuis? Ego tantum litteras ferre ac Iudici reddere iussus sum. tuli, reddidi. Sta promissis, & pretium persolue. At enim, subiunxit Aulicus, non audisti quicquam de captiuis per Epistolam suspendio liberatis? Quid ego istæ cura uerim, inquit Dromo, transiens vidi iuuenes duos ad laqueum rapi, & spectavi moribundos, alter nigris, alter subrufis erat capillis: cetera genelli Fratres videbantur. Verum hæc mea nihil intersunt. Expedito mihi

mibi pecuniam ex compacto. mox huc reuertar pastus & potus. Hæc Dromo, qui statim recta in culinam.

Non fefellit miserum Senem facies atque habitus suorum, scientem maxime in illum diem fuisse morti destinatos. hoc vehementer mirari, quod Epistola (vt rebatur) in tempore reddita nihil profuisset. Itaque animo consternatus post longam & miserabilem querelam, nunc Nepotum crudele fatum, nunc iniustam familiæ notam, nunc tot exhaustos & labores & nummos incassum detestatus clamare cœpit sese ab Aulico fuisse deceptum. à quo infelix non Nepotum liberationem, sed pœnæ accelerationem mercatus esset aureis quadringentis. Ac senior quidem serò pœnitens, quod fratris filios non ab ipso ætatis primordio instituendos, bonisque artibus informandos curasset, imploratum negligentiae ac socordiae suæ, tum ceterorum venia peccatorum, augeſcente morbo pauculis post diebus extinguitur. At enim rumor ille de quadringentis bono Seni per fraudē extortis cum iam magis magisque percrebesceret; inuidorum ac maleuolorum relatu, quibus Aulæ Principum abundant, res tota quemadmodum gesta esset, ad Serenissimi Ducis aures peruenit. Nec mora: truditur in carcerem. Lucricupidus Fidelis, & fraudem omnem confessus, pecuniam regerere cogitur. ille insuper quadruplò multatus cum expro-

bratione atque dedecore in exilium exploditur. Consenuit miser in Picenis ad tantam rerum ægestatem reductus, ut precario victum emendicaret, funeri sumptus defuerit. Agnouere Optimi Principes iudicium, & prouidentiam Diuinam, Cæloque actis gratijs, non semel postea Dromonem facti seriem ordinemque narrantem simul cum admiratione, simul cum risu auscultarunt.

DECADIS PRIMÆ

Exemplū Decimum

Argumentum.

Pandulphus Nereus cum mica defuncta viuens sepelitur, & iam certus n. orienti, voto nuncupato, per admirabilem modum sospes educitur, autō insuper & geminis locuples factus.

Æquè supplicium Dromonensium & Infidelis Antici multam Sodales laudabant: cum ad Malatestam conuersus Ergastus, Euge, inquit, fortissimo iuuenum Malatesta, qui non minus eloquentia quàm robore animi atque corporis præstans, Augusta patria simul optimum ciuem, simul egregium Ducem representas! quàm vellem cum caule Tertio semel esses congressus.

ipse tuam causam, tuorumque perorasses: non est mihi dubium, quin homini Sapienti fuisses probaturus, quod alij non probarunt minus eloquentes, minus audentes. Ad qua honoris atque amoris magnifica verba cum humaniter agens gratias respondisset Malatesta: continuo iussus obire vicem suam, & nocturno illius diei colloquio finem imponere Coppetta: Quandoquidem, inquit, multum adhuc superest temporis ex nostra consuetudine cunctum discessurus; me non pigebit historiam reserere longiusculam, sed identidem (nisi fallor) iucundam, & tam incepto, quam exitu mirandam.

FVit Arimini senex inter primos nobilitate, gratia, opibus valens. Metrodoro Acurlio erat nomen. hic filiani vnicam habuit Margaridem. quam cum eximie diligeret, ideoque non ire nuptum in alienam domum, sed nubere in sua, & generum vnâ secum viuere mallet: Pandulpho Nereo rebus omnibus ornatissimo iuueni virginem in vxorem petenti, secumque abducere cupienti, senex nimium indulgens, & sui nimium amans, præcise negauit. contra Tito Sempronio mediocris fortunæ viro, & iam in senium vergenti propterea facile concessit, quoniam ad se domum cum omni domestica suppellectili promissit se migraturum, atque vnâ perpetuo futurum. Stulta & improuida deliberatio, vt post paulum infelix docuit euentus: dico dumtaxat in eam partem, quod filia

filix nondum vicenariæ virum quinquagenarium eoque senioreni, hoc est non socium maritum, sed alterum patrem, in iò auum superinducere videbatur. Ex qua quidem disparitate memorat Historia, & ipsi non semel vidimus, quanta perturbatio, quantum dedecus ad filias ipsas, & ad ipsarum parentes, & ad omnem familiam crebrò redundet. Fraudatus vberè alimento gliscens appetitus, quod copia domestica malignè suppeditat, id conquirere aliunde, ac sibi benignius facere laborat. Nudis igitur verborum delicijs non tam saturari, quàm irritari solita puella, non diu post fato functum Parentem, cuius sagacitati minus facile potuisset imponere (nam Coniux erat natura simplicior, & ea re negligentior) per vetulam rufinam sollicitare cœpit amanti sui Pandulphum, qui se olim in matrimonium petierat, eratque adhuc tristior propter repulsam. Sed tamen iuuenis liberali præditus ingenio, vt Margaridem prius quàm alteri nuberet ardenter amabat, officiosè salutabat, frequenter deducebat reducebatque vti tunc moris erat Ariminensibus: ita post quàm in Viri manum conuenerat, nec iam sui erat amplius iuris, nunquam nisi prudenter ac reuerenter aspexit: quoties inquam fortè obuiam habuit. Nam neque affectari per Urbem, nec frequens esse in Vicinia, nec se astu in conspectum dare consueuerat, aliò scilicet mente & cogi-

cogitatione intentus. Postea verò quàm à Margaridè nunciij, litteræ, munera venerunt, quæ iam refrixisse videbatur amoris flamma, subito iterum exarsit, & post non longam contentionem, pudore post tergum reiecto, ad fruendam quoquo modo facultatem sponte oblatam, omnes ingenij nervos intendit. nec id quidem vilius aut laboris, aut periculi fuit. Per solertem fidamque ambobus ancillam, quoties Sempronius aberat, sæpius noctu, aliquando & interdium securis animis vnà esse consueuerant. Iam biennium exierat, cum mulier amore Pandulphi sic incaluerat, vt tam diu frui anima dum præsens ille foret sibi videretur. illo autem absente, tanquam si mens ab illa quoque fieret absens, extra se posita, stupens, nihil prope agnoscens, aut intelligens torpebat. Contra ex altera parte Pandulphus conscientiaë stimulis frequenter agitato, resipiscere cœperat, & de die in diem lentum reditum ad castitatem, atque ad meliorem frugem differebat. Stimulos homini ad poenitentiam quotidie acriores crebrioresque aliud ex alio incidens admouebat. vsque adeò donec ad Margaridem infrequentius itare, sæpè accersitus non accedere, cum accedebat causas ne cetero celerius abeundi, breuius manendi. tandem iterum atque iterum de peccato relinquendo, de venia poscenda, de vita in melius mutanda mentionem mulieri fecit. quæ quidem

quidem velut iaculo transfixa, vel fulmine percussa diu verbum effari non potuit. Sed interim mutis vocibus, & loquacibus lacrymis orabat, vt si se saluam vellet, ne saltem in illum annum defereret, haud dubiè morituram. Vt quantum in altero remitti, tantum in altera intendi fœdus amor videretur.

Cum res ita sese haberent, vt nec femina finem amandi atque infaniendi fœceret, nec iuuenis constanter propositum, vrgeret flagitij detestandi, & ad meliorem frugem redeundi: fortè accidit, vt Margaridem factò abortu grauiſſimus inuaderet morbus. quo cum alterum iam mensem laboraret, nec ad eam Nereus vnquam veniret, tantum aliquando per ſolemnen internunciam, aut ſcriptas litteras ſalutaret: ad morbum ex mulieris inconstantia grauiorem factum proximè acceſſit inſolitum, & nunquam ante hac auditum zelytiæ genus. Miſerâ cum ſe haud ita poſt morituram pro certo exiſtimaret: ita febrim inualeſcere, ac ſenſim vires deficere ſentiebat, in hanc incidit moleſtiſſimam, eamque perpetuam cogitationem, cui ſe totam rebus omnibus poſthabitis, furens permittit. Apud animum ipſa ſibi repræſentabat, id quod poſt ſuam mortem accidere neceſſe erat, & illa etiam atque etiam ne accideret timebat, Pandulphum ſuum, quia iuuenis, quia locuples, quia elegans eſſet, alteri puellæ amandum, colendum, fouendum,

souendum, fruendum fore. Nimirum prauidens amores suos aliò esse trāsferendos, & alteri donandos, miserum in modum dies noctesque discruciabatur, nec vllum momentum ab ea cogitatione liber animus laxabat afflictam. hæc semper species in oculiserat, hanc semper animo voluebat, lingua murmurabat, mens somniabat; hæc denique non minus quàm febris angebat totanique occupabat Margarida. Ut iam tunc odisse videretur, & perēptam euperet eam puellam, quæ tamen qualis, aut cuias esset nesciebat, sibi successuram, suo potituram. O vtinam, inquit, simul moreremur, simul sepeliremur, Pandulphe. aliud meo malo remedium aut nullum, aut serum est. Sub hæc verba nescio quid secum aliud murmurans, euocatam ad se ancillam iubet continuo ad Pandulphum: Refer, inquit, de morbo incrudescente, cui resistere amplius non queo. Proinde hac noctu statim hora me conueniat, postremum visurus. Ad quem nuncium, ad quæ verba iam mitior solito Pandulphus, & in pristinos amoris laqueos relapsus circiter secundam vigiliam præsto fuit. Femina interim mentita iam sibi meliusculò esse factum: reliquæ mulieres in illam noctem discederent, ac sese cubitum referrent: sola sibi esse opus ancilla cubicularia. Si quid interim secus quàm sperabat accidisset, extemplo reuocaturam. Ita discessum ab reliquis fuerat, cum ecce
instar

instar omnium & plus quàm omnes vnus futurus; præsens adest Pandulphus. Ancilla hominem, quàm consueuerat introduci ad Dominam, in cubiculo, antè lectum statuit sedentem.

Quid ego hic amantium salutationes, complexus, lacrymas, colloquia rememorare? Æstimatu facillima & breuissima sunt, quæ mihi longa, impedita, fors etiam minus grata Lectoribus forent, rei exitum expectantibus. Ergo tantum necessaria persequar. Vbi tandem suspirijs, & solemnibus verborum officijs finem fecere, prior Margaritis ad Pandulphum: MIHI vero, inquit, non aliam ob causam molesta mors est, quàm quòd has animas alteram ab altera separat. facit enim eximia beneuolentia, vel potius pietas erga te mea, vt tecum cupiam esse in perpetuum, & me à me ipsa diuelli sentiam, quoties cogito abeundum mihi sinè te, remanendum tibi sinè me. Nunc cognoscere velim, & ex te audire anime mi, an sis tu etiam erga nos eodem modo affectus, vt vitam tibi non optabilem censeas, me defuncta. Tun' obsecro, respondit Pandulphus, mea spes, meum suauium ista reuocas in dubium, quæ tot antè annos habes, atque habere debes exploratissima? Ego meum caput in omne mortis discrimen millies exponerem, vt minimum quidque voluptatis, & commodi tui redimerem, cogita si sum paratus, pro vita tua vitam meam

meam , imò verius pro mea meam . Ad hæc continuò Margaris interpellans, Pandulphe , Pandulphe , inquit , si mentitus non es, mihi que in omnibus gratum facere sic exoptas : accipe primum ægritudinem animi mei , non solum hoc morbo , sed etiam hac morte grauiorem . deinde , quam solus potes , quam amor suadebit , adhibe medicinam . Me (vt vides) moribundam supra omnem modum discruciat hæc siue inuidia, siue zelotypia, quòd iam videam, me fato functa, te cuiuspiam alterius feminæ futurum aut amantem, aut maritum . Da hoc mihi , ne habeam formidare : plus dederis, quam si vitam . Sed primum quis hoc mihi pro te spondeat ? Deinde fac aliquem spondere. quis meum ius persequetur, siue tu sponsori, siue sponsor mihi fidem fefellerit ? Nam quòd facias te fortem virum , nec vadibus egentem , ullis ad vitam cœlibem degendam, continentiamque retinendam : fabulæ . Si hanc mihi suspicionem ex animo auulsam voles , illa semel est subeunda , quam te milles subiturum es pollicitus ego si iubeam . Sed non iubeo : precor potius & supplico, in summi beneficij loco habitura, qui tot annos vna viximus , si nunc vnà moriamur, & idem condamur in sepulchrum . Sic mors tua non vitam mihi : quam nec facerem tanti : sed aliud in præsens longè carius , longè optatius donabit .

Quæ nondum extrema verba mulier protu-

protulerat, cū ecce vox auditur ab ædiun-
parte inferiore, seruos inclamantis, lumen
poscentis. Vir Sempronius, ex quo vxor
inciderat in morbum, aliud sibi cubicu-
lum optauerat prope ianuam, in porticum
respondens. Inde quanquam ad curatio-
nem optimos medicorum adhibuerat, nec
vlli aut incommodo, aut sumptui parce-
batur, ad Dominæ valetudinem omni ope
subleuandam; tamen pietate atque amore
impulsus interdium crebro, de nocte aliquā-
do ad vxorem ventitabat, prope affidens,
vnā ministrans, verbis animans atque
consolans. Tunc ea scilicet gratia surre-
xerat, & iam famulo lumen præferente
scalas ascendebat. Ancilla, vt Pandulpho
spatium atque commoditas abeundi da-
retur, ostiolo, quā hominem intrō acce-
perat, semiaperto relicto, nihil admonens,
neque cogitans aliud, Hero venienti ob-
uiam prodit, remoratura (si opus foret)
dum Amātes Vale dicto sibi prospicerent.
Voluit Pandulphus eadem, qua venerat
via reuerti. Sed Margaris mentita illac
exitum non patere: ostiolum ab ancilla
clausum relicto: suavitati amanti & persua-
sit, vt solemnī perfugio vsus in arcam ea
gratia paratam se recondere, ac tantisper
moraretur, donec ipsa Virum ablegaret,
commodū de sua valetudine tria verba,
non aliud, nec pluribus locuta. In eam
arcam mulier carissima quæque abscon-
derat, non mole illa quidem, sed pretio
miranda,

miranda, geminas, aurum, purpuram. Inter hæc lectulus erat constratus, humani corporis capax, non sanè angustus, nec incommodus nimis: Rimulæ præterea hinc atque hinc angustissimæ patebant, animæ spiramenta, & via oculis securâ recreandis. Ad hæc operculum sic erat vincinatum, vt continuo adductum, correpta sera, tenaciter hæreret sua sponte. Commodum clausus latebat & quiescebat Pandulphus promissum Margaridis expectans, vt Virum mox admissum pauculis affata dimitteret, secumque inchoatum repeteret sermonem, quo maiorem in modum recreari, & affici videbatur: cum ecce in cubiculum Senpronius: antea certior factus ab Ancilla quieuisse paulò liberaliùs ad illam noctis horam Margarida. Quamobrem solito hilarior manum coniugis amplexus cœpit eâ simul amanter, simul officiosè consolari. Ancilla interim pro certo existimans exisse Pandulphum, cautè ostio reducto, & intra pessulato in cubiculum ad Dominam reuertitur, si quam ad rem in præsens opera sua vti vellet. Domina nihil imperare nominatim: iubere tantummodo generatim, curare rem familiarem: Se cum viro remotis arbitris diutulè futuram. Igitur ostio clauso, maritum lectulo assidentem hunc in modum alloqui cœpit.

Non est dubium, mi Vir, tametsi desperare Medici vetant, meam vitam, in
extremam

extremum esse adductam discrimen. Sentio ego paulatim deficere vires , & hanc sese animam ad discessum comparare . Iam mihi breues non dies dicam , sed horæ ad viuendum supersunt . Igitur quæ ad expiandam animam pertinent ritè antea procuratis ; nunc reliquum habeo rogare te pro ea benivolentia & charitate , quæ semper maxima , semper mutua inter nos fuit , beneficium non sanè arduum , neque sumptuosum , sed tamen mihi vehementer optatum non neges morituræ . Atque hic tanquam spiritu intercluso loqui amplius non posset , subito tacentem , Maritus primo exhortari , vt illam abijceret inanem opinionē mortis appropinquantis : deinde polliceri , ac iure iurando interposito confirmare , omnia se quæcumque illa peteret , quæcumque ille posset , facturum sine mora . Tum mulier resumpto sermone ; Vides , inquit , illam arcam , ponè lectum in cubiculi angulo latētem ? Crepundia mea complectitur , quæ iam inde ab infante mihi complacita semper adamauī , habuique in pretiosissimis : tametsi vix arbitror quindecim , aut viginti florenorum sunt . Hæc nimirum post hæc neque manibus contrectanda , neque oculis aspicienda cuiusquam , vt nunc condita in arcam à me clausam fuere , sic cupio mecum in funus exportari , & eandem mecum in sepulturam recondi . Confirmare hic iterum iterūque Sempronius ,
& fidem

& fidem coniugi dare quicquid ea rogasset, quemadmodum rogasset, factum iri omnino. capsam nulli aperiendam, in funus producendam, vnà sepeliendam. Ac se tamen meliora sperare, si sollicitudinem illam deponeret, si solitam hilaritatem resumeret, si Medicis dicto audiens foret. Illa voti compos, vt iam sibi videbatur, effecta, nihil suspicans amplius futurum, vt suo Pandulpho aliæ femine post se mortuam fruerentur: adeo recreata est, adeo in vultum color, vigor, hilaritas redijt, vt maritus gaudio exiliens clamauerit, coniugem diuina benignitate à morbo capitali ad certissimam vitæ spem esse reuocatum. Sed illa paulò post quacumque id ex causa prouenerit (nam aliâ alij commenti sunt) sensim relanguens, tere sinè sensu animam expirauit.

At enim quid credimus animi fuisse Pandulpho, qui hæc à principio singula suis auribus perceperat? Ille verò quid ageret, aut quid consilij caperet, prorsus ignorare. Taceret? Viuum se sepultum iri videbat: nullam opem, nullam spem sibi esse relictam. Clamaret? Ab hoc verò abhorrebat magis ob duplicem causam, primùm illum contrariæ factionis hostem ob veteres inimicitias & recentem contumeliam Titus Sempronius, & propinqui omnes impunè trucidarent. deinde tanto sub pudore capitalis iniuriæ non oppressa, nondum extincta charitate in amicam

suam timebat infelix honestæ mulieri hæc
inurere tam foedam adulterij notam. Hæc
multum diuque cogitanti, nec dum satis
expedienti vtrum esset miserum minus,
cum vtrumque appareret miserrimum:
forte in mentem redijt, quod præpotenti
Deo cælitus inspiranti, & ad se reuocanti
sæpius promiserat, nunquam præstiterat
incogitans, perfidus, ingratus. Igitur ex
animo pœnitens incepti, atque hoc cre-
bro repetens, huiusmodi calamitatem,
merito sibi accidere: primum qui alienam
compresserat, quam tangere fas non erat:
deinde quia à clementissimo Domino ve-
niam sponte oblatam ex die in diem diffe-
rens contempsisset: prope in vltimam lap-
sus desperationem, ita secum tacitus que-
rebatur. O me omnium quos vspiciam ter-
ra sustinet infelicissimum? rogatus vltro,
& sollicitatus à pulcherrima femina, id
tandem admisi flagitium, quod ne admo-
niti quidem alij petunt prece, pretio, vi
extorquentes. Nec illam hoc nomine ac-
cuso, si nupta inualido seni, iuuenem sibi
adoptauit, ætate integra; genere parem,
nulla in re marito secundum. Pater ipsius,
& nonnullam maritus foedi criminis cul-
pam sustinent. Vtrique tam dispar coniu-
gium erat fugiendum: alter non sponde-
ret, alter non duceret senex puellam. Ac
tu quidem mea Margari iaces quam leni
& facili, tam etiam felici & optata morte
consumpta. Me forsitan venia digniorem,
certè

certè non turpioris , quàm tu esses flagiti-
 reum prò quàm crudele ac miserabile fa-
 tum expectat ! In florenti ætate , in mili-
 tari robore morior segnis & inglorius: non
 quemadmodum me decebat , fortiter di-
 micans , ab hoste circumuentus . Et mo-
 riar miser non in acie aut campo: sed intra
 huius carceris angustias , fame tormento
 omnium maximo necandus . A quo au-
 tem necandus ? Non à spoliario , non à la-
 trone , non saltem ab inimico . minùs gra-
 uarer , si me clades opprimeret vñtata , &
 saltem fando audita . Sed meus est , vt in
 dolore acerbior , sic in doloris causa cru-
 delior interitus . *Dilecta* mihi ante hoc
 tempus , & sub hoc tempore magis dilecta ,
 ipsa pariter diligens , Amica me propter
 nimium amorem iubet interire . vt quan-
 do illa mecum viuere amplius non pote-
 rat , ego secum morerer , secum essem in-
 perpetuum . Ergo viuens , & latens , & ta-
 cens rapiar miser ad sepulchrum , secutus
 mortuam amicam meam , interfectoricem
 meam , feretro impositam viatricem , sicut
 in curru de me captiuo , de me mortuo
 triumphantem . Atque vt omni spoliatum
 solatio supplicium luam , ne conqueri qui-
 dem apertius licet calamitatem meam .
 Si forte vox , aut gemitus , aut screatus mi-
 hi exciderit inter ferendum: maius adhuc
 & atrocius imminet periculum morituro .
 ignes , gladij , secures in expedito sunt .
 antequam crudelitas lentam naturam .

& maculabitur per meum sanguinem vnâ moriens honestas duorum. Vt præoptandum nobis videatur, has vrgeri exequias viuentis: & quod adhuc mortuum non est, sepeliri celerius, ne plus quàm semel mori cogatur. Hinc meam infelicitatem agnoscere licet expressius. beneficium est, si viuens sepelior: maius beneficium, si quamprimum.

Hæc aliaque consimilia non tacuit, secum murmurans Pandulphus, ac non multum quidem faciebat ille verborum, sed multum inter ea fundebat lacrymarum: impunè istis, ac fors non impunè illis exitum videns futurum. Ergo dolebat, quàm suspirabat intentius: & erat fletus, quàm questus liberalior: cū propinquum mortis terrorem alius terror longè immanior, longè horribilior excepit. Recordatus est, quæ aliquando legerat dicentem monentemque Saluatorem, *Eos videlicet non nimium timendos, qui corpus occidere possent: sed cum ex toto animo formidandum, eique cum tremore supplicandum, qui occiso corpore, potestatem haberet damnandi animam cruciatibus aternis.* Igitur ægritudinem luctumque omnem à corpore ad animam cōuertens, & si multa, eaque turpia facinora fecisse se fatebatur: in quibus hoc mentem acrius mordebat, quod Spiritui sancto restiterat, & clementissinio Domino morem non gesserat ad se vocanti, & veniam pollicenti: tamen subinde hoc etiam menti succurrebat

currebat Oraculum, quod Deus responderat, & dubium esse non poterat. *Quoties peccator ingemisceret, sese omnes illius iniurias perpetua oblivione deleturum.* Quamobrem iuuenis Evangelici primum luxuriantis, deinde ad frugem redeūtis secutus exemplum: Non peto, inquit, clementissime ac liberalissime IESV iam vt me à destinato & parato supplicio liberes. Nimium multa, & graua facinora mea sunt, quibus prouocaui aduersum me iram cælestem. Eat verò, & quam merita est pœnam contumax atque rebellās caro patiatur. Vnum oro circa illam: si fuit meo vitio fragilis ad peccandum, da esse ad sustinendum beneficio tuo fortem atque constantem. Anima, Domine, Anima opus manuum tuarum, & ad similitudinem tui factum, ad te redeat, Creatorē atque liberatorem suum. Peccaui Pater multo grauissime, nominatim aduersus interdictum tuum, thalamo insidians & incubans alieno. Sed est tamen scelere meo, & scelere omnium infinitis partibus maior, amplior, excelsior misericordia tua. Superat longo interuallo (non inficior) crimen perpetratum mens perfida, mens ingrata. Sed hanc etiam facillimè obruit immensus tuarum Oceanus miserationum. Neque hanc ipsam si mihi condonaueris o hominum, o cælitum Imperator, quicquam ideo dissimile vel à natura, vel à consuetudine tua facies. Proprium tibi atque perpetuum esse mise-

reriac parcere. tu mandasti, vt frequenter orantes cantaremus, iucundam tuis auribus, quanquam millies repetitam cantilenam. Memini præterea quàm multi per ingratitudinem à te desciuerunt, quibus est poenitentibus abs te pariter ignotum. Sed vnus mihi semper animos fecit, & nunc plusculum iubet sperare à diuinâ misericordia. illum dico eundem Regem, eundem Prophetam inter Hebræos. Cuius si factum cum meo comparo (da huic etiam libertati veniam Pater) longe grauius ab illo quàm à me suspicor esse peccatum, & illius fuisse ingratitudinem minus ignoscendam. Porro ille puer pecuarius, & rusticanus ab agro in Regiam, à panno ad purpuram, ab aratro ad sceptrum peculiari dignatione fuerat translatus. Ego à priuatis, sed honestis oriundus eandem retinui beneficio tuo, & fortunam, & rem. Ille in virili æuo, cinctus vndique pellicum & vxorum blanditijs, potuit tamen concupiscere alienam. Ego coelibem exigens iuuentam impudicam (vt scis Domine) hoc nunc primum, nec alio vnquam incontinentiæ cœno maculaui. Ad hæc sua sponte tantus Rex amicissimi hominis pro suo capite dimicantis pudicum intrauit cubile. tum verò etiam (res infanda) flagitium flagitio cumulat, & adulteram rapit in vxorem, mariti sanguine dotatam. Ego confiteor Domine quicquid sceleris non admiserim à tua esse

mise.

miseriordia, quicquid admiserim à perfidia & malitia mea. Sed vides tamen, quantò intra Regiam turpitudinem steter error meus. Ego istam in matrimonium poposci. negata est, & alteri data. nunquam deinceps curiosus, tantùm abest, vt impuris aspexerim oculis. Quinquennium & eo ampliùs mihi sic exactum. Propositi mei tenax non mutabam: nec spero quicquam vnquam mouissem, ista si quiesceret. Verùm enimvero nunc per blandam internunciam, nunc per flexanimas litteras, nunc per inescantia munuscula insidias tendens, hoc tandem cor interceptit, ac suum fecit. Nec est clam te, o Scrutator, atque inspector cordium Dens, quàm saepe cogitauerim de muliere relinquenda, & me vindicando in libertatem: tantum semper absuit, vt Viro illius insidiarer, infandas nuptias moliturus. Nec ego istac tamen, benignissime Pater, volo quicquam mihi valere ad peccati excusationem: turpiora etiam & magis nefaria facturus nisi libidinem meam tua miseratio, tua charitas temperasset. hoc tantum in eam partem differui Pater, vt me mihi propter mea scelera diffidentem hoc pacto ad spem concipiendam, & ad veniam poscendam, excitarem comparando.

Quæ quidem aliaque non pauca secum animo voluens & crebris ea singultibus interpellans, corpori celerem, nec nimis acerbam mortem, animæ tranquillam

atque perpetuam vitam enixè precabatur. Nec ita multò post in tantam Diuinæ clementiæ fiduciam adductus sibi videbatur; vt in beneficij loco habendum putaret, quòd à femina digrediens, non extra ianuam se subitò eiecerat, sed huic ligneo carceri se crediderat, præoptans nocituræ libertati captiuitatem non dubiè profuturam. In qua cogitatione affixum tantus illum repenti sopor inuasit, vt à crepusculo matutino (iam enim dies albescebat) in post meridiem vsque dormierit continenter. Tota vndique nō solūm Titi Sempronij domus, sed etiam latè vicinia plantibus & lamentis personabant. Ille tamen non antea fuit expectatus, quàm duo gangabæ portandam in funere arcam inuicem tollentes, pondus explorabant. felix somnus, infelix vigilia Pandulphæ. quippe inter funeris apparatus, quod Sempronius pro sua nobilitate magnificum, ac splendidum fieri studebat; propinqui omnes instare homini cœperunt, vt arcam antea iuberet aperiri, quàm in publicum prodiret. non videri vllò modo sic ferendam, improspectam, inexplorantam. Quæ cum Pandulphus consilia exaudiret, ab altera in alteram formidinem relapsus ex-animo Cœlites obsecrabat, nè quid atrocius de salute, vel turpius de honestate sua pariter & mulieris consultum vellent. Optimè tactum, valdeque opportunè quod tenax propositi Sempronius fidem

fidem coniugi datam adeo non fefellit, ut arcam ipsam (insciens profuturus) curauerit mollius ac sine vlla vexatione gestari. Funere demum peracto, quod reliquum diem plane totum occupauit, in templo Fratrum Dominicanorum, cui ab S. Cataldo inditum erat nomen: in sepulturam ampliter capacem, in quam per gradus descendebatur, primo arca ponderosior, dein mulieris cadauer condita sunt. Lapis deinde ad ostium sepulturæ simpliciter admotus: firmari tenaciter calce, ac rudibus insertis, nox prohibuit. ea cura, per vespillones in crastinum dilata.

Iam Pandulphus ægrè admodum se habere. longior decubitus, loci humiditas, aer crassior, foeditas odoris, ad hæc ingruens corporis instaurandi necessitas, litis ante omnia vehementer angebant. Quibus ille singulis fortiter atque constanter resistens intentius Deum, & Matrem Virginem, & Ecclesiæ Præsidentem rogabat pro animæ salute, peccata plangens, misericordiam clamans, & Cœlo gratias agens. Inter hæc ancilla Semproniana, quæ amantium erat conscia, non erat alterius sepulchri viuentis cum altera defuncta: sciens in arcam cum Hera sua pretiosissimum quidque conditum seruari consueisse, cum Tiburtio Sempronij nepote rem communicat mercedem iudicij pacta decimam, partem prædæ faciundæ. Homo adolescens nihil cogitans aliud ab eadem clau-

culis acceptis, & arcanam aperiendi rationem perdoctus, extemplo rem aggredi constituit: puto veritus ne quis forsitan id ipsum aut nesciens, aut diuinans cunctanti anteuenteret. Ergo strenuos fidosque sibi comites nactus, eadem nocte sub secundam vigiliam aditu ceteris incognito, primum in cortem pullariam, inde in porticum, inde in Ecclesiam facile transcendit. Hinc recta ad sepulchrum. cuius lapide non difficulter euoluto, per scalas in tumulum duo descendunt, foris tertio ad custodiam relicto. Sensit Pandulphus introeuntes, & de causa statim rectè coniecit: miratus quod sibi antea in mentem non venerit, spei fouendæ. Igitur meliora, quàm putarat, sperare incipiens, tota mente ad Cælum conuersus, O, inquit, liberalissime idemque amabilissime Pater, solemne obsecro retine stuum, & beneficium beneficio cumula. Si das hinc euadere sospitem & honestum, quicquid vitæ reliquum est in præsens tibi deuoueo: degendum (si me admittunt) hic inter Fratres Dominicanos: si non admittunt in perpetuo tamen & casto cœlibatu. Quibus verbis leuissimè murmuratis, cetera quietus, mutus, vix respirans expectabat, dum furunculi seras & pessulos, aut silentes remouerent molliter impulsos, aut ferro frangerent stridentes, resistentes. Ecce autem nullo negotio Tiburtius resolutum operculum manu sustollens, intrò inferebat

laternam

laternam : cum Pandulphus horribilem mugiens fremitum subito exurgit, formidandus, minabundus. Quo tam insperato casu perculsi & attoniti adolescentes, cum ingenti trepidatione, clavis etiam, armisque relictis, sese foras eijcere testinant : clamantes in illo sepulchro, in illa capsa Diabolum ab se repertum luridissimis, cornuta fronte, igneis oculis, rictu horrendo & patulo stridentem. Nec mora : egressi Monasterio qua intrarant, ubi postera dies inluxit, Ancillam ex compacto partem prædæ poscentem, continuo pugnis, calcibus, fuste ad necem usque multarunt, mendacem, perfidam, veneficam vocantes. Ex qua pulsatione post triduum misera extinguitur : cum interea ipiritu intercluso, nè vnum quidem verbum efari potuerit, neque indicare aut iudicii percussores, aut Confessario suas culpas.

At Pandulphus per eum modum furibus abactis, fugatisque seruatoribus suis, sepulchro egrediens primum omnium ante Aram maximam in genua procumbit, Cælo gratias referens, & quod vouerat votum confirmans de Religione, de continentia. Post hæc facem accensam manu præferens, denuo ingreditur sepulchrum, & ex arca quicquid erat pretiosissimum aufert, omne in Christi pauperes, & pia opera distributurus, vt postea statim executus est. Venit deinde ad pulcherrimam defunctam, eamque diu contemplatus, fragilitatem

intuens mortalium, se quam cum maxime incendi sensit ad salutem animæ procurandam, humanasque omnes delicias, pro nihilo putandas. Postremo illinc abiturus, non dum plane affectibus liber, Mea Margari, dixit, quale facinus, vel potius prodigium tibi venerat in mentem, quia me nimium amares, velle tecum ut morerer! Hæc intimi & ultimi odij signa sunt, non amoris. Addita odio crudelitas. quia enim non moriebar, nec me poteras ipsa interficere; curasti tecum, ut vivens sepe- ller, paulò post haud dubie moriturus. Raros puto inuenias barbaros, qui faciant hosti ex nimio odio, quod tu facere amanti conata es propter amorem. Sciri operæpretium est quo nam modo inimicum, quæ sic amicos. At enim quia non impietas te ad facinus impellebat: minime minime gentium: sed amoris filia formido, ne me scilicet altera potiretur, te fato fun- cta: gaude dupliciter, quod & ego incol- umis sum, & tu nihilominus id consequere, quod optasti. Adspiret voto Clem- tissimus Deus. Tu felix esto in perpetuum. His dictis capsula iterum clausa, monumen- to egressus, lapide reposito, Monasterij gnarus ex claustro in hortum, inde do- num recta contendit: non ausus in publi- cum prodire aliquot dies. Adeo nondum vitæ ad plenum redditus sibi videbatur, sed adhuc semimortuus, adhuc semisepul- tus. Ad extremum rebus suis prudenter dispositis,

dispositis, & à parentibus venia impetrata in familiam Dominicanam, tunc eximie florentem nomen dedit; vixitque ad ultimam senectam virtutis & sapientiæ ceteris exemplar.

Complacita est in maiorem modum Regi atque Sodalibus historia Pandolfina, quam Franciscus Coppetta non solum Poetica, sed etiam Oratoria facultatis peritus bellissime recitavit. Ea vero nulli audientium tam longa est visa, quam nunc nobis videtur describentibus, & foras tradere festinantibus. Colligo ex eo quod adhuc plusulum apud ignem commorati super ea varijs sermonibus disseruere. increpantes aliqui Metrodorum, quod seni collocasset; alij Sempronium, quod senex duxisset Virginem puellam: excuantes autem multimodis Pandulphum, cuius non solum honestatis, sed etiam vita consultum esse gaudebant. Ad hac singulis in non amplo conclavi apud splendidum ignem excalescentis, quanquam paulo post cubitum discessurus, hoc est tempore ad potandum minus opportuno: Rex non cæcubum, aut salernum, sed his melius trebianum ex Aërijs circa collibus genitum Archelao propinat. Ille poculum dumtaxat labris admodum, Cape, inquit, elegantissime Coppetta, mecumque per Iberum in gratiam redi, si sum tecum vocatus iberus. libenter, inquit Coppetta, quia sum narrando fatigatus; & sicca ora, siccum guttur ardet irrigari. Nam apage istam quam offers causam humanissime Archelae. locus licet submordicus non desiderat reconciliationem inter ingenios; ac si maxime desideret.

non aptè tu illam per Liberum cum cultore Apollinis & Musarum. Imò verò Caporalis interpellat, Aptissime. nam quod aliud potius numerum magis propitium, magis et amplexatum, quam Bacchus? Iactant illi quid in Ascrea flumina, Dirceos fontes, & Castalidum laticem aut Caballinum. Sed tantum iactant. & verbo poscunt: ipsi se generosis Albano aut Falisco largius ingurgitant. Nec Vates (mibi credite) aut plures, aut meliores olim rigabat in Arnasso Aganippe, quam Mæcenatis cella vinaria in Vaticano. Sub hac poculis non Heluetico more certatum, sed civiter ac modeste inuitatum inter iuniores. Porro Ergastus & Archelaus ut magis grandes, ita magis abstinentes, libatis tenuiter poculis aridebant, seseque in convivio pariter hylares atque amabiles præbant. Quare interim Rex de hora, nunciatur sextam pridem auditam: sed videri tardius ferri horologi in noctem esse haud dubiè magis adjectam. Ergo, inquit, ad optatissimam quietem & ad artus vino conspersos largiore somno irrigandos properemus. Crastinum diem, ut cuique cordi erit venando, in ambulando, solvendo insumamus licet hunc postea in locum sub vesperi am statuta hora conveniuri. Superis benevolentibus ad incepta munia obunda, ut illud sit corporis, hoc animi & ingenij negotium. Virumque honestum laudabile nobis & nostro generi conveniens. Ita cætus dimittitur, & ab singulis cubitur. Postridie ad vespertinam usque alijs alijs negotijs intenti, pro arbitrio carpebant diem ad præscriptam horam præstaturi, ut inebantur.

Decadis Primæ Fînis.

THRA-


THRASYMENVS

siue

ANTOLOGIAE

Illustrium Exemplorum.

DECAS SECVNDA.



Exemplum Primum

Argumentum.

Sutor Calcearius in re angusta tres nubiles filias vnde collocaret non habebat. Precatur quotidie S. Nicolaum, vt sibi præsto addit. Dolon Argentarius pietatem pauperis irridet. meliorem ait sibi Patronum contigisse Danistam Hebræum. Letatur Hebræus se Sanctis Christianorum anteterri. Demum ita cadit res. Argentario & Danista illufis, eorum sumptu Calcearius filias maritat.

Commodum Nox morantem. & solito magis nitentem inuida occiderat diem; & pertesa paritidij, fontem iucis Apollinem rogabat, vt splendidiore

didiore flamma Calceiles accenderet faces, quibus
 saltem defuncto suatri honestius parentaret: cum
 ad idem conclave, diurnis negotijs cum die finitis,
 ad mentem recreandam nobilis turba conuenerat.
 Quibus aliud ex alio fabulantibus, quasi lasciu-
 ens dextera fides exploraret cantumque pertenta-
 ret, ad iustam armoniam mox edendam: Regis
 amabilem nutum pro imperio habens, hoc narra-
 di exordium resumpsit Ergastus. TAMETSI ex
 legibus ante constitutis libera cuique nostrum fa-
 cultas permittitur de quocumque argumento dis-
 ferendi; tamen plerosque animaduerti colloquio
 superiore libentes nostra vestigia secutos. & quia
 ego de condonandis iniurijs dixeram, multa eodem
 spectantia cum voluptate (spero etiam cum fructu)
 disputata sunt. Quo magis mihi cauendum esse
 arbitror, ne parum iucundam, aut parum utilem
 materiam prior in medio proponam, a qua non di-
 xerim imitanda & persequenda, sed saltem com-
 probanda vester animus abhorreat. Rex sapien-
 tissime, optinii Sodales. Ergo agè sanctissi-
 mam Pacem pia Liberalitas consequatur, &
 fœdam opum cupiditatem illustre factum ab ho-
 mine non illustri. longissimè gentium doceat
 amandare.



Vnimus Pontifex Leo X.
 Ecclesiam gubernabat
 Catholicam Romanam,
 cum hoc factum mira-
 culo proximum Ferrarie
 ferrur contigisse, quod
 Mythologi seculares à
 scripto-

scriptoribus rerum Ecclesiasticarum mutuati sunt. Opifex fuit calcearius nihil possidens aut terrarum, aut pecuniarum, præter id quod in diem suendis calceis lucrabatur. ceterum Vir erat religiosus, & modestus, & simplex. Mulierem sui similem, sed aliquanto magis solertem atque prudentem in matrimonio habebat nomine Paulinam, ipse Callistus vocabatur. liberos genuerant, alebantque communibus omnium laboribus, marem quidem nullum, feminas autem tres. quarum duæ ianradultæ multos amatores propter pulchritudinem, sed nullum maritum propter paupertatem inueniebant. Callistus iam ætate in senium vergente, cum aliud à quoquam præsidij non expectaret; totum se ad diuinam misericordiam benignitatemque conuertit. In primis S. NICOLAVM quasi Prælidem Patronumque sibi adoptauerat. ad cuius in templo aram & imaginem quotidie ante lucem, & ante opera diurna genuflexus hanc fermè precationem recitabat, O Præsul Sanctissime ac liberalissime, qui olim in terris degens domesticas copias ad opera pietatis conferre solitus eras; qui tres Virgines sorores æque pauperes à turpitudinis periculo redemptas, & auro tuo dotatas honeste collocasti: respice de Cælo ægestatem meam, & periculum impendens mearum, nisi maturis beneficio tuo nuptijs iungantur. Nihil ambigo Pater nec ambigere fas est, maiorem

maiores nunc tibi esse quam olim fuerit, benemerendi facultatem. Tu grandes Domino pecunias viuens sceneratus es. nec est clam me, quid ille tibi repromiserit, & qua tecum ratione stipulatus fuerit. centum pro vno spondit redditum. Age Præsul humanissime, tuas reputa, vt illas olim reputasti, filias meas: earumque tantisper defende virginitatem & puritatem, donec commodum vtrique inuenias maritum. Ego quamdiu viuam, & illæ pariter mecum, quem Sancta Ecclesia diem tibi consecrauit, asperiore inedia excipiemus, & præcipua veneratione prosequemur.

Hæc aliaque consimilia Callistus in singulos dies repetebat, nec antea vnquam manens in tabernâ quin prius in templum, & ante aram Sancto dicatam. Festis autem diebus precatio longior crebrior, efficacior adhibebatur. In eadem habitabat vicinia, & eodem in templo frequens erat Dolon argentarius. Qui cum sæpè ad aram S. Nicolai genuflexum adspiceret suctorem intente supplicantem, omnique gestu ambientem, forte cum illo simul templo egrediens; Quid tu, inquit, o vicine cum illo Sancto negotij habes? fortasse cum sis pauperrimus, rogas, vt te diuitem efficiat? Non reprehendo: quippe qui grauissimum scio esse paupertatis iugum: sed habeo ego, si velis, excutiendi viam meliorem. cui ore libero Callistus,

Apage,

Apage, inquit, cum ista interrogatione, homo nummorum. Ego quamquam rudis sum atque imperitus, hoc tamen didici & scio, non esse à Deo, neque à Sanctis petendam opum affluentiam. sit unde viuas, unde vestias, & quo te in testum recipias: hoc satis esse nobis debet peregrinantibus, & aliam quærentibus domum perpetuo mansuram. Me (Superis gratia) non poenitet quantulum in dies lucrificio, & sum honestæ paupertate contentus. Filias habeo duas iam adultas, & coniugio maturas. his dotem à Superis precor: & spero per Sanctum Præsidem, Nicolaum largituros. Risit ad hæc verba non sordidus tantum atque avarus, sed etiam impius Dolon, non aliud Numen, quam argentum aut adorans, aut agnoscens. & O, inquit, stolidissime mortaliū, qui à mutis imaginibus pecuniam expectas. tuæ vero filiæ si aliam dotem non habent, quam quæ à Sancto tibi conficitur; credo nubent proximis Calendis ante Lupercal. At tu si scires mi homo longe aliam insisteres viam augendi fortunas tuas, & istarum locandi puellarum. Mihi crede non supplicationibus & votis, sed industria, sagacitate, solertia dos paratur filiabus; ab his maximè, quorum est domi res angusta, spes foris planè nulla, & vivere coguntur in diem. Quanto ego melius? qui non statuas & marmora sollicito, sed Ismaelem danistam mihi curato-

rem

rem & patronum delegi. præstat hic mihi, quod nunquam Nicolaus tibi, quotannis aureos minimum trecentos. Ego illi scœneror condicione bona: ille alijs rescœnatur meliore. sic lucramur vterque haud magno cum labore, periculo plane nullo. Tu si velles (nam amo te) huic adijcere negotiationi census tui partem, & præterea quantum tibi pecuniarum labor assiduus parit super tua tuorumque alimenta necessaria: ego spondeo tantum ad te vsurarum esse redditurum, vt prope singulis annis singulas nuptias filiarum tuarum aspicere possis.

Ad quæ quidem Dolonis in speciem utilia, sed reapse inhonesta, & homine Christiano indigna consilia breuiter Callistus respondit, Malle se inopiam & ægestatem omnium rerum pati continenter, quàm omnibus bonis abundare per concessas, & lege vetitas vsuras. Dotem filiarum non esse sibi vllum dubium (modo precantem fiducia, innocentia, pietas non deferrent) quin à Superis humanissimus Præses impetraret. eum verò non stolidè solum, sed prorsus impiè facere, qui Vir Christianus perfidum Hebræum, malis artibus infamem Sanctissimo Præsidi anteferre non dubitaret: sperare se tantum scelus haud inultum Cælites laturos, cum minimè putarent, fors ei supplicium, sibi auxilium à cælo venturum. Ob quæ verba conui cijs proxima, nihil incanduit, nec

nec acerbè respondit Argentarius: morenī
 scilicet secutus auarorum. quibus nihil la-
 tu graue, nihil perpeffu durum videtur,
 nisi si quid vel auferat compendium, vel
 afferat dispendium. iurgia, maledicta, &
 contumelias ita prætereunt, vt sentire
 non credas. Dolon igitur subridens hoc
 tantum respondit: Breui es visurus, Calli-
 ste, ac palam confessurus, quàm multum
 Ismael mihi, quàm nihil Nicolaus tibi lar-
 gientur. Quod nimirum idcirco dixit Ar-
 gentarius, quia tempus appetebat, quo
 tempore Danista supputatis rationibus lu-
 crum totius anni, ad se domum afferre so-
 lebat. id erant cuiusque anni primordia
 post Christi Saluatoris diem Natalem,
 contentio autem hæc inter illos inito De-
 cembri fuerat inchoata. Per quod spa-
 tium quoties alter alteri occurrebant, ex-
 templo ridens Argentarius: Hem Calliste,
 cudit necne, an nondum etiam tibi ar-
 gentum ad nuptias Nicolaus? Puto iam
 cudit, inquit Callistus, & in sacculum re-
 condit. nunc tempus expectat numerandi.
 Ecquando autem istud explebitur tem-
 pus? Nescio, inquit: sed suspicor cum tua
 etiam maturuerit, & mensuram impleue-
 rit adulta malitia. Sumus enim eodem
 tempore vterque (iam prædixi) tu casti-
 gendus, ego consolandus. Atque hoc pa-
 cto cum sæpe inuicem luderent, & lacesse-
 rent cauillis; forte aliquando litigantibus,
 & speciem altercandi præ se ferentibus
 Ismael

Ismael ipse superuenit . cui causam clamor-
 ſæ contentionis requirenti narrat ordine
 Argentarius , quam quæſtionem cum Cal-
 liſto agitare , & qua cauſa ſuſceptam .
 Mox Hebræum ſolito blâdijs demulcens ,
 & dextra humerum ſupernè contingens :
 Hic hic , inquit , colendus tibi Calliſte :
 contraque paupertatē huius potius , quam
 Nicolai inploranda ſubſidia . Quippe
 huic antè ceteros (incredibile dictu) fa-
 cultas prodigiorum , & vis pecuniæ in im-
 menſum permiſſa eſt , ſinè cura , ſinè opera
 fœnerantis . Non neceſſe habebis , ſi me
 audias , fatigare inanibus precibus Cæle-
 ſtes , & iſtum ſemper diluculo excitare
 Sanctum Procuratorem , vt ſupero Monar-
 chæ tuos porrigat ſupplique libellos . Hunc
 ſi habueris amicum Iſmaeſem , ſat eſt : at-
 que vtinam antè habuiſſes : non nunc ad-
 ipiceres ſedere domi otioſas , & tecum ſe-
 neſcere grandes puellas . Ad quæ ſtultiſſi-
 ma verba vir innocens , & Cælitum reue-
 rens Calliſtus , quamquam exarſerat ira-
 cundia , & ſic negligi Sanctos Dei ægerri-
 mē ferebat : tamen non aliud in præſens
 reſpondit , quàm conſidere ſe , vt prope-
 diem cauſam ſuam & ſuarum miſericors
 Dominus reſpiciat , & impiam dicacita-
 tem , ſordidamque auaritiam (vt ſe di-
 gnum eſt) vlciſcatur .

Ismael cum ſe ſuamque ſapientiam in-
 tantum extolli animaduerteteret , vt ab ho-
 mine Chriſtiano inter Chriſtianos ipſis
 etiam

etiam Christi Sanctis anteferretur; non est credibile relatu, quanto intus gaudio, quanta foris superbia & arrogantia intumesceret. Cunique ob honorem sibi publicè habitum immensas Doloni gratias egisset, pollicitus se tanti beneficij gratum ac memorem semper futurum; ab eo tunc quidem alijs intentus negotijs properè digreditur. Vbi autem vespere reuersus est domum institit seriò cogitare, numquam fors fortuna rationem sibi offerret gratiæ referendæ. iam præterierant Domini Saluatoris feriæ Natales. quo nimirum tempore solitus erat Hebræus Danista supputare rationes, & quantum Doloni ex annua fœneratione deberet, id ipse met ad eum deferre, ac noua instituere nomina in annum consequentem. Supputauit: & Doloni ter centum aureos vnius anni compendium fore animaduertit. Hos non ipse ad hominem portare vt consueuerat, sed cum splendido munere per alium mittere decreuit, ioco insuper addito, vnde muneri gratiæ plusculum accederet. Nota est per Autumnum consuetudo hebræorum, vt hieme lautiùs vescantur. quia enim carnem suillam ex vetere interdicto tangere ac libare nefas putant; in eius locum domesticis pascuntur anseribus. hos propter eam causam adeò liberaliter impinguant saginantque, vt nonnulli quadraginta, sexaginta, etiam aliqui octoginta pondo æstimentur. Ex his vnum grandiore

diorem Ismael delegit , quem Argentario donaret . In eum tamen prius exenteratum , detractis intestinis , trecentos aureos tenuissima tela , tanquam marsupio inuolutos coniecit , atque abdedit insutos . nempe pro certo existimans , non eos ad aliorum , quàm ad ipsius Dolonis manus posse peruenire . siquidem Dolon tametsi erat valde locuples , & gente haud ignobili creatus ; tamen neque vllas ancillas , neque vllos pueros domi alebat , vna coniuge contentus . hanc Hebræus longè optimam & honestissimam , & religiosissimam esse potissimum ex eo intelligebat , quòd maritum à turpi quæstu , & ab re vsuraria , id est ab amicitia sua diuellere frustrà tentabat . Igitur non dubitare , si anserem aperuisset , quin repertum argentum continuo ad maritum deferret . quem postero die ad se venturum sperabat gratulandum , & de aue prægnante , mox aurum enixa futurum inter eos longum iucundumque sermonem . Ea res quemadmodum hominem fefellerit , & longè aliter ceciderit , quàm spes fuerat amborum ; deinceps paucis exequi conabor .

Acceptum Dolon anserē , nescius quàm pretiosum sibi vterum gestantem , postquam iterum iterumque versauit mirabundus , coniuge arcessita : Delibero , inquit , de hac bestia facturus quid sim . Nobis vicesima illius pars in totam hebdomadam sufficiens est . Reliquum perdere ,

dere, non solum dementia, sed & placu-
 lum est. Censeo igitur ut venalem falsam-
 mentarijs, aut cauponibus, aut palam in
 macello exhibeamus. Non est dubium,
 subridens bona coniux respondit, quin
 monstrum anseris domo extrudendum sit,
 & aliquò abijciendum. Nam (ut sis sciens
 mi vir) id tibi vni exedendum foret. Ego
 talia & à talibus non comedo neque tango.
 Vendatur ergo, dixit Argentarius: venda-
 tur. feram ego ad auariorum propolas. &
 quamquam valet omnino ducatos duos:
 vendam tamen paulò minoris, & mox re-
 feram in numerato argentum. Cui statim
 uxor indignabunda; Sanus nè es, inquit,
 qui hoc palam in forum, munus iudaï-
 cum, subito noscendum? Mihi crede,
 non tu tam facile anseris emptorem, quam
 tui derisorem populum offendes: nec tu
 hodie pecuniam domum, sed scommata
 & ludibria relaturus es. præstat, si ven-
 dendi libido est, priuatim vendere cui-
 piam è numero vicinorum. nihil istis per
 istuc suspicionis, vel nouæ admirationis
 accedat. iamdudum te, tua compendia,
 tuas sordes nouerunt. Placuit prudens fe-
 minæ consilium marito, cuius menti tales
 auaritia tenebras offuderat, ut decens in-
 decensue non internosset. Postquam igi-
 tur caligine abacta, redijt animi serenum:
 Vocemus, inquit, calcearium istum vici-
 num nostrum, sanè simplicem & bonum
 virum, cui familia numerosior facile sua-
 debit

debit emptionem, & nos dabimus pretio commodiore, quam alijs effemus daturi. vno aureo coronato mercē redimat haud dubiè duorū. nil poscō ampliūs amicum, pauperem, vicinum. Tu verò, inquit, præsamina, sapientiūs faceres, si totum donares mi vir in eorum criminum expiationem, quibus irritasti cælestem iram, cum isto contrahens atque communicans Hebræo trapezita. Tum Apage, inquit Argentarius, prodiga mulier cum ista tam profusa liberalitate: duos teruncios in stipem mendicanti si demus, sat est.

Ne longum faciam, euocato calceario, & quid se vellent rogitanti: Quid tu, inquit Argentarius, dono accepisti à Sancto tuo Nicolao, per Dominicos Natales? Nihil ego quidem in præsens ait calcearius: sed aliquid expecto propediem; præsagit mihi mens appetere tempus cum meas filias nuptui dem. Viri duo mei loci atque ordinis sanè strenui & honesti poscunt instantissimè. dos tantummodo moratur euentum, quæ in præsens mihi nulla. ducentos aureos sicunde conficere possem, hodie ipso vtramque collocarem ex sententia. Iussi ergo generos mihi designatos expectare paulisper, nec aliam interim quærere condicionem: confidere me plusculum etiam quàm peterent daturum paulò post. Laudare calcearium bona vxor argentarij, quòd omnem spem in supremo illo Monarcha, & in Sæcto Nicolao quasi

quasi purpurato ac satrapa repositam haberet : contra Dolon illudere ac insultare pariter vtrique gloriabundus: Ismael Ismael mihi præsto adlit , argentum pariat , lucrum suppeditet , beatus sum . Vide interim quale quantumque honorarium miserit mihi benè ominans ineuntis anni proximas Calendas . Inter hæc ansere prolato stupentem magnitudine , ac pinguitudine calcearium Dolon iterum alloquitur. Vides, inquit, nostræ familiæ paucitatem . Mihi & vxori tam grande animal nè inuadere quidem animus est . puto integrum, mensem assidue pugnantes vix profligare ac vincere possemus. In tuis castris milites sunt , Calliste , plures & robustiores . dabo hunc hostem vobis ad contrucidandum , & contruncandum . Spero breuius , facilius , iucundius debellabitis . pretium erit pro re minimum ac leuissimum , sestertij quadraginta . Cui calcearius; Rem, inquit, video esse tanti . sed quod alijs vile, id carum mihi necessitas mea facit : dimidio minus à me accipias rogo . id facilius tua copia, quàm inopia mea fert . Quid multis moror? sex denarijs transacta res est. Operæpretium videtur cernere quorūdam aut malum genium , aut aduersam fortunam . poenituit non semel calcearium quod tanti emisset: & reuēdere tantidem, aut etiam minoris exoptauit . nescius insipiens prægnantem volucrem in suis ædibus , in suo nido pullum aureum esse parituram .

Denique numerato argento digressus, & domum regressus, coniugem liberosque tot dierum obsonio parato exhilarauit. statim igitur prudens matrona Lucretiam filiam natu maiorem cognomēto Flauam ad se arcessit: & Hanc, inquit, pennatam pecudem vbi deglabraueris cultro aperi, exentera, purga diligenter. mox ego diuidam tibi quas partes in hanc hebdomadam recentes coquere habeas, & quas in alteram tertiamque seruare oporteat duratas & sale armatas aduersus humidos tepores. Puella conscisso anseris vtero, dum interiora manu scrutatur, pro intestinis marsupium auro grauidum offendit, extractumque lætitia exultans, cum ad Matrem deferret, fortè obuium habuit Patrem. qui re primū audita, deinde oculis vsurpata, totus in admirationem stuporemque adductus, mox in varias cogitationes animo distractus; nihil vnquam, minus existinasset, quā venire vnde venerat tantam pecuniam, & fuisse huius missionis Auctorem Iudæum. Ergo coniuge accersita, Valde vereor, inquit, mea vxor, quid hic sibi Argentarius voluerit hoc intra volucrum auro occultato, & ad nos misso pauperculos, sibi odiosos, certè non amicos: cum è contrario ipse sit auri cupidissimus, & leuissimam quamque iacturam grauissimè ferat. Vidi ego cum, fortè inter numerandum teruncius excidisset, continuò capsas, armaria, iellas, & totam

& totam subvertere domum, quousque reperit tandem, & gauisus est. Hunc tu talem sincero & candido animo suspicaris venire muneratum, & disperdere vltro coactum Thesaurum? non potest. aliquis omnino sub hac specie dolus occultatur. Timeo vsurarios, & dona ferentes. Venit igitur in mentem referre ad Argentarium suam crumenam, & prius illi reddere, quàm nos aliqua fraude circumueniat. Hæc Vir simplex Callistus. cui Sofronia vxor, haud dubiè maioris animi, & acrioris ingenij mulier: Ego, inquit, paulò aliter ista intelligo, & accipio, quàm tu facis optime Vir. Quid enim obsecro verearis? & quamingas tibi fallaciam per isthæc moliri Argentarium? Vtrum tu callidum hominem in contrahendo decepisti, an illi quidpiam furatus aufugisti; vt tecum iniuriarum vel damni dati agere possit. Nihil huiusmodi factum, aut inceptum. Ille te rogauit, vt auem emereres. emisti: pretium soluisti: datam exportasti. Quis hic fraudibus, aut insidijs locus? An dicat quisquam fuisse officij tui, ferro scindere ventrem, & exta contemplari? non sacrificabas: & illò emptor veneras, non haruspex. Quanto satius est, nobisque conuenientius primùm Clementissimo, & bonorum omnium largitori Deo; dein nostro apud illum deprecatori ac Præsidi Sancto Nicolao gratias agere, quòd patuerint nostris precibus diuinæ aures, nec

in irritum ceciderint vota pauperum Parentum ! Sic enim mihi persuadeo , mi Vir , & hoc habeo (si quid vnquam aliud) exploratissimum , vnde vnde hoc aurum erutum sit , quod nec dispicio satis , nec exquirere libet ; venire in nostram domum Cælo annuente , Sancto mittente ad has Virgines iamdudum nobiles honestè collocandas . Id nos ipsi nostrum Patronum instanter poposcimus tandiu , & nunc denum opportunissimo tempore indulgentem , & vltro ingerentem postulata , vel non agnoscamus inimemores , vel dissimulemus ingrati ? Nam quid illud est quæso , quod subiungebas te ad Dolonem esse relaturum ? Scilicet ideò tecum , atque cum liberis tuis munificus est Sanctus , vt tu suam liberalitatem aliò transferas reijciasque in hominem (pròh pudor) nominis sui hostem capitalem . Vade potius , quantum adhuc diei superest : generos appella , dotem pollicere , statim contrahite : nuptias hodie faciamus . Vos filiæ pinguem anserem in cenam varijs condiendam modis parate vniuersā multis hodie vesperi in conuiuio futuris apud nos .

Mutauit facile consilium , simplex ille quidem , at non pertinax Callistus ; & vxoris prudentia collaudata , id quàm primùm exequi statuit , quod illa suadebat . Ergo statim domo egressus , Templū maximum ingreditur , præpotenti Cælitum Monarchæ , ac Patrono suo Nicolao gratulatum .

Huc

Huc in tempore paulo post (ò semper fauens innocentibus, & pijs mortalibus cæleste Numen) sua sponte illi duo conueniunt, quos Callistus petebat, generos sibi adsciscere paratus. Docet igitur breuiter vtrumque, iam sibi esse in expedito pecuniam, dotis nomine filiabus assignandam. si condicio illis placeret, ac nisi fortè aliud mallet; posse illo die negotium transigi & absolui: dotem fore pro sua & illorum fortuna non pœnitendam: ambabus filijs singulos centum quinquaginta Philippæos. Exultare gaudio ad hanc vocem, ad hoc promissum vterque sponsi designati: & iam tunc gratulatione ante capta, propinquos inter se appellare, Callistum ambo socerum, ambo parentem, vocantes complecti, rogare, instare vt negotium maturent. Sic primum actis Domino communiter gratijs; dein quæ ad coniugium, quæ ad dotem spectabant, contractis omnibus & expeditis; domum omnes ad Calcearium veniunt, sponsam vterque agnoscit suam, ritè nuptias celebrant, festi & hilares discumbunt. Sofronia vxorem Argentarij, & Callistus ipsum Argentarium ad sponsalia vocauerant, iuferantque honestissimum locum tenere inter discumbentes, qualem diuites ac nobiles vulgò ad populum tenebant: Quin etiam pronuba nouarum nuptiarum vxor fuerat Argentarij, sponsasque non tantùm auspicijs, verùm etiã se dignis muneribus

honestauit. Steterat inter epulas, interque adstātium communem lētitiā mirabundus Argentarius, Vnde nam pauper opifex tantam subito pecuniam esset nactus, quanta duabus eodem die filiabus collocandis suppeditarat. Itaque domum reuersus, post benenolam gratulationem: Si fas, inquit, hoc me interrogare, dicamabo Calliste, vnde tantum, atque tam repens ad te aurum defluxit? A Cælo, respondit Callistus. Prædixi ego tibi iam istuc mihi cudere Nicolaum, cum prima occasione transmissurum? Hoc profectò aliud est, quàm bestias mittere saginatas. Desine post hac Iudæum tuum cum Sancto Episcopo velle conferre. Hoc postea videro, inquit Argentarius; exequere nunc modum rationemque transmittendi, vtrum per nubem, per Angelos, per aliquem Beatorum: an te ille potius docuerit, quo in hortulo aut campo defoderes thesaurum. De hoc aliàs, inquit Callistus, otium in præsens narrandi non est. me sponsi & sponsalia vindicant totum, curare aliud aliquid non permittunt. Ita vtrunque discessum est.

Ismael foenerator hebræus, quia rem argutam & lepidam fecisse sibi videbatur, anserem auro infarciens, nouus opifex culinarius; totum diem frustra expectauerat Dolonem, vt ad se iret, duplices gratias redditurus, pro anserē, pro pecunia. Tum verò etiam subducere cum eo rationes,

nes, & accepti expensique tabulas conferre cupiebat quamprimum. Postero igitur die ubi statim diluxit, ultro ille ad Argentarium se confert: & primis verbis; *Quale*, inquit; visum tibi nostrum munus *Anserinum*? Sanè magnum atque magnificum, respondit Argentarius. multam tibi de hac humanitate, ac liberalitate gratiam debemus. Nil fermè aliud. *Expectare* Iudæus, vt de reperta inter scindendum, aurea crumena mentionem faceret. non facientem suspicatus est velle mentiri, ac secum dolo malo agere paratū Dolonem. Ergo iterum, *An tu*, inquit, exenterasti auem prægnantem? & qualem in vtero foetum offendisti? Fortasse obstetrix te fefellit, & auara pretiosum partum celauit. Expedi quæso, quid acciderit. Ibi cum aliquo rubore Argentarius, & si est inuerecundiæ Cupiditas Mater: Mea, inquit, vxorcula stomacho est imbecillo, & nimis delicato. ad sic optimam & ventriosam, & adipatam nauseabat. Itaque prorsus intactam Calceario huic vicino vendidimus. Pretium sex denarij fuere. Tunc animo consternatus, *Hem quid audio?* exclamat Hebræus. Vendidistis? & quidem tantulo? nos infelices, Calcearium beatum! Tumentem auro ventrem abiecitis, dum eum venditis donum. trecentos ad te aureos legatus Anser in vtero gestabat, tuum scilicet vertentis anni subducta ratione compendium. Vides quan-

tam feceris iacturam imprudens & incogitans. Ad quæ verba non minorem in modum commotus Argentarius, periculo suo didicit mirandam esse Dei providentiam, & infinitis partibus antestare consilijs humanis consilia diuina. S. Nicolaum lepidè vltum dicaces iniurias, & Numinis sui contemptum. Merito sibi accidere, quicquid accidit, in vindictam habere Calcearium pietatis suæ fructum: habere in quo Superis æternum gratuletur. habere in quo suis obtrektoribus insultans triumphet. In summa nihil propius est factum, quàm vt per eam verberationem resipisceret, ac frugi esse inciperet Argentarius.

Verùm enim uerò paulò post cupiditate rursus excitata, & spem nacta recuperandi, quod amissum esse videbatur; facile antiquum vitæ habitum relumpsit, desiderio adhuc infante damnato, & suffocato tanquam in cunis. Ergo ad Iudæum conuersus, Quicquid huius factum est, id apparet tua culpa factum. Ergo tuam conuenit esse iacturam, nec omnino alterius quàm tuam. Quid enim? mittuntur isto modo pecuniæ ad creditores? vt neque cernantur occultatæ, nec aut scripto, aut dicto retegantur? Ego scilicet diuinarem metallo constare Anseres vestros, & tam pretiosis tumescere intestinis. Quid si pauperior vicina, vt interdum solet, aut quispian agrestium colonorum, qui frequenter

ter apud me diuersantur hesternum prandium mihi præparassent? illi nimirum potiri auro, rem inficiari, alio fugere securi potuerunt, nobis elusis. Nec est dubium, si quid huiusmodi euenisset, quin tuo vitio euenisse dicendum foret. culpam hic meam nemo agnosceret: iure tibi, ac stultitiæ tuæ Iudex imputaret. Fac vero etiam misisse me ad istas Calcearij puellas, ut ventrem auis exhaurirent, lotum purgarent, pulchrè iterum sarcirent, coctumque reportarent. an non perierant, ut planè perierunt eodem modo, id est pariter tua culpa pecuniæ fugientes? Voluisti lepidus & urbanus videri. visus fueris per me quidem: sed periculo, sed dispendio tuo; non meo, Frater. Ad has siue rationes, siue irrisiones non deesse impostori Iudæo quid responderet: sed anxius pecuniæ recuperandæ, cum breuiter ostendisset omnem ab se cautelam fuisse adhibitam, nè anser in aliorum manus deueniret. ipsum facere imprudenter Dolonem, qui mentiretur, eam sibi esse agrestem familiam, cum de domus solitudine constaret: non seruos, non ancillas, non catulos, non feles, non quicquid edere possit cum illo habitare præter musculos, terebines, araneas: & gloriari auderet seruitijs vicinorū, homo propter sordes quanto notior, tanto infensior ciuitati. esse inter cetera rusticanæ immunditiæ argumenta, quod lautiores epulas venderent, nec

à donatis abstinere, specie stomachi
 nauscantis, ipsi ad panem cum rapa & na-
 sturtio redituri. per hæc, inquam, purga-
 tus incogitantia callidus Danista hæc ad
 extremum subiunxit: Ego tuum tibi re-
 misi: tuas in manus peruenit: sponte ipse
 confessus es atque adeo confiteris. quid
 nunc mea obsecro, si tu vendere atque
 projicere maluisti? Nempe arbitror pote-
 ras tuum, nec te quisquam non impudens
 reprehendat, quod de tuo ex tua, non ex
 cuiusquam alterius voluntate constitueris.
 Ego me iniquissimum omnium censue-
 rim, si te in tuo iure venirem interpella-
 tum. sed non venio, non interpello. Esto
 ratum quodcumque de rebus tuis fecisti
 possessor & dominus. Tuus erat Anser,
 quem ego donaueram; tua pecunia, quam
 reddideram. libitum est tibi, quod erat
 donatum, vendere; quod erat redditum,
 donare. Vendideris, donaueris: mea istuc
 quid refert.

Sic vicissim altercati, nunc irridentes,
 nunc serio agentes; veritus ad extremum
 Iudæus, ne tota clades in suum recideret
 caput (veterator!). nouum oris habitum
 confingens, & sermone vtens mitiore:
 Cur nos, inquit, non istum continuo ar-
 cessimus Calcearium? qui si Vir innocens,
 & pius est, non putabit vnquam ad se per-
 tinere, quod suum non sit. Credo illum
 Iudex, & supra Iudicem conscientia red-
 dere coget: leui duntaxat honorario, siue

(vt vos dicitis) eleemosyna contentum .
 Quæso aduocemus . Fiat , inquit Argen-
 tarius : nunc mitto arcessitum . sed tu hoc
 interim scias volo , nec istum esse vnquam
 redditurum , & nunc si maximè velit , non
 posse . duas heri filias matrimonio collo-
 cavit , quibus istos trecentos dimidiauit
 in dotem , & illæ iam in Virorum manus
 conuenere . aliud aliunde non habet Cal-
 cearius . se suamque familiam tenui opifi-
 cio sustinet . non extorqueas anno qua-
 drantem . Id verò lucricupidum Ismaelem
 quasi iaculo transfodit , & animum in no-
 uam spem resurgentem , seseque attollen-
 tem subito afflixit . Ac nihilominus pla-
 cuit audire Calcearium . cui conimodum
 aduenienti , Bone Vir , inquit Argentarius ,
 quam tu pecuniam in alio Anseris laten-
 tem offendisti , hanc scito esse huius quem
 vides Ismaelem Danistam Hebræum . Nec
 te arbitror fugit honestum ac pium homi-
 nem quid æquitas postulet , quid Religio ,
 quid lex : Suum cuique reddendum , nihil
 de alieno possidendum . quicquid cuius-
 quam vndecumque ad nos venerit , aut in
 nos inciderit , domino esse restituendum ,
 licet non repetenti , aut se amisisse nescien-
 ti : quanto magis roganti , & instanti ? Plu-
 ribus cum homine Christiano , & tali
 Christiano agere super hoc non oportet .
 forsitan hæc ipsa superuacua fuere . Potuit
 breuius : Redde aurum , hic dominus est .
 Enimverò Calcearius interprete ac Magi-

stra vxore longè aliter ista differebat. Ego, inquit, non inficior : quod tamen si vellem inficiari, coarguere me non possitis : sed ego in schola Christi verum dicens doctus sum. A meis filiabus inter Anserem purgandum trecenti aurei reperti sunt. Qui commodum ad me allati & ad ipsas relati, ambabus in dotem cessere. Hos ego censui, & nunc censeo meos. Quid mihi autem cum isto negotij est ? à te auem mercatus sum, tibi pro illa pretium persolui, tu illam sinè vlla exceptione tradidisti. Num ego scrutari debui, qualia ferret anser intestina ? Istuc purgantis, & coquere parantis officium fuit: non ementis. Aut si hoc intererat tua, tu fecisses optimè Dolon : nec priùs venderes, quàm deventreres. Contra hæc Argentarius multa, Iudæus plura disseruere ; cùm dicerent æquum non esse, vt Calcearius aurum illud faceret suum, quod nec emere ille, nec vendere Argētarius in animo habuit. mercatum super Anse re factum, pro Anse re pretium fuisse persolutum: de auro nihil contractum inter eos, nec adeò contrahi potuisse nescientes. hoc igitur sinè dubio ad Iudæum pertinere : hunc legitimum pecuniæ dominum esse constare, post præsertim ementis confessionem. nec aliter in iudicio statutum iri, si ad Iudicem veniatur. proinde vterque Calceario suadere cœperunt, vt aureis decem aut duodecim honorarij nomine acceptis, quos sinè reli-
gione

gione obtinere posset, trecentis illis renunciarer, chirographo rem confirmaret, & homo egens litigando abstineret. Hos duodecim cum voles, Iudæus tibi numerabit, inquit Argentarius. Imo tu ab Argentario, cum voles, capito inquit Iudæus. mea minoris refert, qui iam dedi, & iam misi cui debebam. Imo istuc tua refert plurimum, inquit Argentarius: qui nec dederis, nec miseris vt debebas. At vos, inquit Calcearius, propter istud ne alter caninor. Ego ab nemine vestrum nec accepi, nec accipio teruncium. S. Nicolaus, quem vterque deridebatis, ille dotem filiabus meis donauit, ille defendet donatam: nec patietur perire beneficium suum. cum hoc dicto discessit.

Est Ferrariæ Magistratus cum primis honestus, quem Iudicem duodecim sapientum vulgo appellant. Ad hunc inter cetera spectat causas cognoscere atque decidere Iudæorum vel inter se, vel cum alijs litigantium. Præpositus huic muneri fuit illa tempestate Vir æquissimus, & homo humanissimus ex primaria nobilitate Antonius Constabilis. Ante hunc postridie citato Calceario Danissa hebræus, & Dolon malè Christianus conuenere. Causam Iudex cognoscit, & vtrorumque rationibus diligenter expensis; non procul ab eo abfuit, vt secundum Danissam iudicaret. non enim videri ad Calcearium posse pertinere, quod ille nesciens emerat a venditore

tore pariter nesciente . tantum emptori
nec teruncio amplius deberi , quàm quod
pretium impleret sex denariorum , id est
non aliud quam Anserem . trecentos au-
reos in ius ac potestatem prioris Domini
redire oportere . Antea tamen quàm con-
siliij & sententiæ suæ vllam daret significa-
tionem , Vir singulari prudentia præditus
exquirendum sibi putauit , Vnde originem
illa traxisset controuersia , cur hebræus
Christiano simile donum , Volucrem auro
maritatum . Ceteris mussantibus , Ego , in-
quit Calcearius , rem expedio paucis . Il-
ludebat mihi Argentarius , quod Sancto
Nicolao preces offerrem , rogareniq̃
Virginibus meis dotem ad nuptias . me si
saperem (scelestissime) non isti Sancto ,
qui parum , aut nihil posset ; sed amico
suo benè nummato supplicaturum . huic
scilicet pecuniam crederem vsurariam ,
quadrages tanto reddituram quotannis
ampliozem . Neque hoc priuatim mihi
suadere : tulissen paulò facilius , & si non
erat ferendum : sed palàm in coronis , in
conuentibus , in ipsis etiam templis ædi-
busque Sanctorum non dubitabat ante-
ponere Sancto Præsidi Nicolao , Quem
putatis ? Socratem credo aliquem , aut
Platonem : vel vnum quempianem nostratibus ,
qui nunc viuunt , saltem Christianum :
minimè ille tales , sed istum ipsum ,
Dei perduellens , Diaboli mancipium ,
(horresco præferens) Ismaelem Danistam
Iudæum .

Iudæum. Hinc scilicet effectum est, vt pro tanto beneficio, quantum erat ab homine Christiano pluris æstimari, quam Sanctos ipsos Christianorum, relaturus amplam gratiam Iudæus, illam Argentario Volucrum miserit auro dotatam: sic arbitrator Domino indulgente, Nicolao deprecante, vt hinc filias dotaret meas. Nunc vna superest filia. spem habeo eandem indulgentiam, eandem deprecationem mihi præsto futuram.

Non tulit humanissimus Iudex, vt alias rationibus preces adiungeret Calcearius. conuersusque ad Conquerentes, interrogabat, num sic haberet negotium, vt Reus exposuerat. Illi iam dudum stupentibus similes, nihil respondere. OS nimirum clauserat flagitij conscientia, & linguam impiè dicacem compresserat vltor Nicolaus. Itaque Iudex non dubitare quin vera forent, quæ admodum similia vèro audierat; atque vt sacrilegis irasci vehementius, ita laudare pium Patrem familias, eique gratulari, quod pietas ex voto successerat. Cum igitur ex Argentario & Danista totius facti confessionem bonis dictis elicuisset; Vir ad clementiam quàm ad seueritatem propensior, primum constituit trecentos aureos iure à Calceario filiabus in dotem fuisse assignatos. sic antea supremos Cælites ipsumque Sanctum Nicolaum videri decreuisse. a Cælesti iudicio nefas appellare iudices terrenos, & hominum

hominum tribunal . habere pergerent ,
 qui iam habebāt aureos cælitūs donatos :
 nec vlla vnquam esset Argentario, aut Da-
 nistæ facultas repetendi . Ceterū vos ,
 inquit, pecuniarum hoc est idolorum cul-
 tores , & Numinum contemptores pro
 atroci facinore, quod in Sanctum Dei per-
 petraſtis , non tantū argento , sed capite
 multandi habete in hoc gratiam ingenio
 & naturæ meæ , qui pœnam expeto leuiſ-
 ſimam , & vtrique facillimam ad persol-
 uendum , locupletibus , bene nummatis .
 Ite : pio Calceario numerate in præſens
 alios centum quinquaginta philippæos ,
 dotem pro tertia filia futuram .

DECADIS SECVNDÆ

Exemplū Secundum

Argumentum :

Fœdus Mercator crumenā aureis con-
 fertam amittit . publico edicto quærit re-
 pertorem , & amplo inuitat honorario ad
 reddendum . reperta & redditā ; ſtudet
 fallere promiſſum : & dum partem perde-
 re non vult , toto ſpoliatur .

*Incertum habeo ex vtra re maiorem ceperit
 honeſta ſocietas voluptatem . certè vtrumque
 perit-*

periucundum singulis fuit audire, tum quod Vir simplex Calcearius in iudiciū vocatus pro damnatione tertiam dotem domum retulisset, tum quod fœdi Usurarij pro pecunia, quam repetebant aliam insuper fecissent iacturam. Sed aliud magis incertum & magis dubium in medio ponit Vbaldus. Ego crediderim, inquit, si ex iure manu consertum veniretur, & sine alijs (quas vocant) circumstantijs causa ipsa penderetur; trecentos aureos in Anserem inclusos non ad Callistum Calcearium, sed ad Danistam hebraum pertinere. cum dico Danistam, dico pariter Argentarium, ad quem ille mittebat. Ratio mihi perspicua videtur, quia Callistus venit emere auem, nec aliud quam auem ad vescendum. ut si quid præter auem fuerit adiunctum; ille hoc adiunctum emisse videri non debet, quia hoc ignorabat, hoc non intendebat. Ex altera parte, qui vendidit Auem, non aliud vendere voluit, nec aliud vendere potuit, quam Auem, cetera ignorans. Ergo nec illa emptio, nec ista venditio ex iure censenda est. Relinquitur, ut ad Callistum solus Anser, ad Hebraum trecenti aurei pertineant. Hæc Vbaldus. aduersus quem Philander: Ego, inquit, à contrario starem, & tam Anserem, quam pecuniam addicerem Calceario. qui cum Anserem emit, omnia etiam emisse dicendus est, quæ intra Anserem forent. nisi si æquum est, qui porcum vendiderit, ut intestina poscat emptorem. Nam illa, Vbalde, infirma ratio est: Emptum venio volucrem, nec aliud quam Volucrem. Reperio intus latens aurum, quod pariter nesciebamus ego qui emebam, ille

ille qui vendebat : Ergo hæc vera emptio, vera venditio dici non debent. Non consequitur. exempla conferamus. Ego piscem magnitudine insignem emo, qui anulos & gemmas deuorauit, seruatque in aluum recondita. Quis hanc dixerit non esse veram emptionem, & illos anulos, illas gemmas ad venditorem redire oportere? Ob id tantum, quia uterque nesciremus, ego quod emerem, ille quod venderet? Adiungo amplius. Recordamini emptorem à Christo laudatum, qui cum comperisset in quodam agro thesaurum esse defossam, omne vendidit Patrimonium, ut eum sibi emeret haberetque ditissimum agrum. Quis si thesaurum sibi vindicauit, & ex iure suum dicere potuit, quamquam emerat sciens: obsecro vos quanto iustius emisse ac possedisse dicendus est Cattlestus, qui omnia ignorabat? & illud nactus est non astutia, non solertia sua, sed tantum fortuna, hoc est Dei beneficium? Parabat ad ista respondere Vbaldus, & ab eo Pamphilus, Ergastus, alij stabant: cum Rex imperato silentio; Mementote, inquit, vos non in scholam aliquam ad disputandum, sed in hunc elegantem ac liberalem congressum fuisse inuitatos, ad animum moralibus Historijs, & lepidis Narrationibus, tum instruendum, tum instaurandum. Mox igitur Nestor; Nolo, inquit mentiaris Ergaste, qui prädixeris me hodie tecum in eodem quasi stadio cursurum, & aliquid eiusdem argumenti allaturum.

Superioris Exempli clausula huius simile alterum mihi ad memoriam reducit.

nec

nec admodum longe recedo à personis, à loco, à re. Aduersus duos Vsurarios vnus mihi mercator æque sordidus, æque fallax adducendus est. Ferraria Mantuam *Leſtores* deduco, & idem planè spectandum propono: non sic longum opinor, at fortasse argutum ac lepidum magis. Hoc quoque ab Historia sumptum, nomine tantum mercatoris mutato, ferme ad verbum Fabulatores renarrant. Is Alchmæon Epidaurius dicebatur: Scriptor elegans recentior appellat Philargyrium. placet cognomentum moribus respondens aptissimè. Patriam quoque non Epidaurum in Illyrio, sed Corcyram in Græcia dant. Hic igitur vndecumque oriundus, & quacumque de causa transnominatus Alchmæon Philargyrius, ampla spatia terrarum & marium negotiando feliciter emensus, Mantuam denum se contulit, ibique domiciliū sibi suisque collocauit, sub æquissimo gentis Gonzagæ Marchionatu deinceps victurus. Erat ille super ceteros mercatores valdè opulentus, & pecuniosus: tamen parcendi, lucrandi, coaceruandi finem nullum faciebat. more scilicet hominum huiusmodi sitientium, & vndecumque haurientium noua compendia. quibus affluenter ingestæ pecuniæ non satietatem inducūt, sed acunt desiderium, plura vndique corradendi, & deuorandi. Accidit aliquando cū in suburbijs frequens, amplum, ac diues ferueret emporium

rium, vt Philargyrius redacta ex diuendis mercibus ingenti pecunia scutatos aureos quadringentos in marsupium reconderet: Vespere domum relaturus, & hanc ad alia duo millia facturus accessionem. Enimuerò inter alias merces loco mouendas, & suis quasque arculis credendas, vt perendie repeteret (continens enim Dominicus dies cessationem imperabat) cum alia quæpiam secum exportaret: Vbi tandem ad penates ventum, deposita sarcina marsupium abesse animaduertit: fors in taberna relictum, fors in itinere lapsum. Vtrumque statim animo incidit: & spes subiens recuperandi tenuit dolorem, mox in questus & lacrymas erumpere parantem. Vadit ergo anxius atque suspensus eandem relegere viam, nè vno quidem præterito conmeantium, aut in proximo stantium, ex quo de crumena non quæreret. Nusquam quicquam. venit ad tabernam: scrutatur, subuertit, conuoluit omnia. tantundem. Itaque miserum se ac infortunatum super omnes mortales vocās, postridie illius diei ad Marchionem Gonzagani se confert, suam narrat infelicitatem, & à Principe humanissimo impetrat Edictum; *SI QVIS repertam crumenam cum aureis quadringentis ad Mercatorem detulisset, premium ei fore aureos quadraginta, singulas decadas in singulos Hecatones.*

Fortè anus paupercula, sed admodum religiosa sub vesperam laboribus eius diei finitis,

finitis, cum ad templum Deiparæ Virginis
 in propinquo situm se contulisset ; rogaf-
 setque super cetera indulgentissimam Pa-
 rentem, vt nuptijs filia suæ, quam vnicam
 habebat, prospicere dignaretur : ecce in
 reditu properans domum, pedes impin-
 git ad crumenam : nihil tamen suspicans
 minus, quam vt ad crumenam, tot præ-
 fertim nummis refertam. Scrutorum ali-
 quid temere obiectum putauit ambulan-
 ti, quælia in magnis nundinis occurrere
 solent. itaque nihil cogitans ac nè respi-
 ciens quidem, vltra erat progressura, nisi
 pes vinculis implicitus ægrè passum moli-
 retur. Nempe ipsa crumena sese offerre,
 ac mutis vocibus rogare visa est, vt se mu-
 lier humo sustolleret, secumque domum
 asportaret. non cogitanti obuiam erat fa-
 cta : non complectenti pedes ipsa erat
 complexa : tandem deferere se, ac fugere
 festinanti frænum iniecit, tenuitque do-
 nec in sinum recepta, & ad pauperem ca-
 sam supportata est. At enim pia femina
 talem hospitam haud libenter domi erat
 retentura, nisi quantisper optimum eun-
 demque peritissimum Sacerdotem con-
 ueniret, qui iam multos annos à confes-
 sionibus ei fuerat : cum illo scilicet delibe-
 ratura, Ecquam viam simul inirent scisci-
 tandi, ac perquirendi legitimum pecuniæ
 dominum. A quo si paulum eleemosynæ,
 tanquam in mercedis ac præmij loco ac-
 ciperet ; eo se affatim fore contentam,
 quod

quod habere licitum esset sine vlla suspicionē peccati. Quamobrem vbi publicum Principis edictum cognouit, lætata incredibiliter, quod tantum sponderetur pecuniarum restituenti, quantum ipsa nec sperare, nec optare ausa fuisset; ad Principem rectā contendit, marsupium porrigit, promissum exigit. Miratur Gonzaga in magnum modum & mercatoris felicitatem, & mulieris generositatem. interea igitur dum ille aduenit, per nuncium properē vocatus, hanc ex habitu valde pauperem esse coniectans, institit rogare numquam illi proles, familia, facultas. Cui femina, Paruam ego quidem, sed satis commodam atque aptam mihi possideo domum, à Viro nuper defuncto relictam. præterea penitus nihil. Ibi scilicet concordēs & satis hilares viuimus ego & filia, quam nuptijs maturam, prope vicenariam honestè alere laboro: vitam utræque lana ac tela tolerantes, in Deo & Deipara Virgine confidentes. Auxit hoc magnopere admirationem Gonzagæ, quod nec inopia rei familiaris, nec saltem necessitas filię collocandæ mulierem induxerint, vt pecuniam fortè reperiā sibi haberet, ac silentio tueretur suam: nemine cogente, aut in ius rapiente ignoratam. Id quod haud facile quemquam suspicabatur fuisse facturum, licet non sic incommodè uiuentem, nec sic egentem præsentī argento. Ex hoc igitur collegit feminam esse in primis

primis religiosam, & valde dignam, cui dos præberetur ad filiam honestè collocandam: paratus de suo facere, nisi fors aliud ostenderet. Mox iterum ad illam: Si tua, inquit, filia nubere volet; quod te velle par est, illa etiam nolente, aut recusante: dic vnde in dotem tibi pecunia? Spero, inquit vetula, hos mihi aureos quadraginta, quos mercator donabit, abundè suffecturos. partem dumtaxat si adiungo ædium mearum, & attribuo illis ad incolendum; gener præsto adest frugi, modestus, honestus. Atqui subiunxit statim Gonzaga, si tecum paulò post nec gener, nec filia conuenient (vt vulgò accidere videntur) quid te fiet sola; vetula, spoliata? Dominum, inquit, & Matrem Virginem, & S. Franciscum sperò mihi subsidio futurum. & præsto est constructum ornatumque à tua munificentia honestæ paupertati publicum hospitium.

Ecce inter hæc suspensio animo Mercator. Cui Princeps, O quam tibi omnes Cælites fauent Philargyri! Adhuc quatri-duum non est: & reperis quadringentos. Hæc quam vides honesta & pia femina crumenam sibi obiectam ex-insperato, dum forte à Templo reuertitur domum, ultro ad te defert. cape, numera, sta promissis. Exultare gaudio Philargyrius, pecunia tam feliciter, quàm celeriter reperia. sed idem conturbari paulo post, ac tristis esse propter promissum ex-tempore soluendum.

soluendum. Ergo secum agitare animo, quemadmodum ne illos quidem perderet quadraginta, & callido commento fraudaret exigentem. Mox super abacum in ipso Marchionis cubiculo expositam pecuniam, sollicitè numerans, omnino illam ipsam, hoc est non numero tantum, sed genere offendit penitus eandem quam perdiderat, & per Edictum vulgauerat palam, quadringentos Philippæos. Ac nihilominus vultu paulum conturbato, ac tumentibus oculis intuitus mulierem: Bona femina, inquit, ubi sunt præter istos in loculum conditi quattuor & triginta Veneti ducatonæ? Nimirum eos furtim subducere maluisti, ut hac via duplex tibi conficeres honorarium. Sed falsa animi es: illos quoque antea mihi restituas oportet, quàm do vnū mercedis quadrantem. Ibi vetula dolore iraque concitata; O mi Domine, inquit, quale verbum ex te audio infelix! totos quadringentos potui (si vellem) facere meos. sola in solo loco sub crepusculum humi iacentes, in me occurrentes, ac propemodum mihi blandientes non tam reperi, quàm excepi, donum asportavi, mecum habui ante hunc diem, nemine arbitrante aut sciente. quis me hoc nomine in iudicium raperet, aut furti accusaret, aut omnino appellaret, nisi fortè Haruspex & Diuinator? Commodum tamen audito Principis Edicto, arreptam crumenam cum tot centenarijs cucurri
mea

mea sponte restitutum ; & me vis istius
 exigui cupidine tam foeda , quàm fatua
 esse deceptam ? Equidem magnifice vir ,
 nec tam irreligiosum ut quod meum ,
 non sit , id mihi vindicare velim : nec rur-
 sus tam stolidam , ut si modo vellem , non
 totum potius , quàm particulam mihi vin-
 dicarem . Te miror istuc insimulari , quod
 si fecissem , nec Dei præceptum , nec Dia-
 boli placitum rite implem . Deus vult
 omnia restitui , Diabolus omnia teneri .
 ego neutri obsequens fuisset . Hic nihi-
 lominus instante , ac per Deum affirmante
 Philargyrio , illos Venetos triginta quat-
 tuor marsupio fuisse subtractos , nec antea
 se promissum exolvere velle , aut debere ,
 quàm illi reponantur : pia femina in lacry-
 mas versa , & ad Principem conuersa ; Te-
 stor , inquit , Excellentissime Domine , IESUM
 Christum , & omnes Cælites , tantum
 abesse , ut quicquam ego defraudauerim ,
 mihi que reseruauerim , ut nè manum qui-
 dem coniecero in crumenam , tantum
 videri , clausum , absconderi : sic Do-
 mino redditura , ut inueneram plane , pe-
 nitus intactam .

Intellexit facile Marchio sordidi Merca-
 toris astutum dolum , secumque ita repu-
 tabat , quanto esset illa mulier innocetior ,
 & Numinis reuerentior ; tanto hunc ho-
 minem magis improbum , & magis ini-
 pium se ostendere . Varia igitur cum ani-
 mo reuoluens , parùm absuit , quin continuo

in carcerem trudi iuberet, mox laqueo strangulandum, duplicis perfidiæ damnatum. Nec enim tantummodo aduersus mulierem, sed aduersus Marchionem ipsum scelestus ac perfidus fuisse arguebatur. quippe qui promissam Principis nomine pecuniam cui fors indulisset reperire, ac mēs postea suasisset restituere crumenam; negabat se soluturum, obtentu pariter dolo, & facile ad refellendum, ut statim Marchio refellit. Animo namque ad mitiorem partem transducto, & capitali supplicio in multam planè ioculari, at non propterea minus acerbam Mercatori futuram, lepidè conuerso: Dic, inquit, o vir elegans & sapiens Philargyri, quam tu ob causam nudius tertius & antea necum colloquens dixisti, & postea per Edictum meo sub nomine confirmasti, tantum aureos quadringentos in tuum illud marsupium abs te conditos fuisse, de istis autem triginta quatuor mentionem penitus nullam fecisti? Respondit quam cum maxime impudenter Philargyrius: Tunc, inquit, illi tantummodo ad memoriam redierunt, proximè conditi: de istis recordatus non sum, longè antea locatis. Credo, inquit subridens Gonzaga: qui singulos teruncios in suo quemque locatum loco anxie seruas: hos tam multos oblitus es marsupio creditos ducatos. Enimuero dicam ego tibi, & aperiam quemadmodum hæc se res habet. Hæc crumena (& accepit, cum

cum hæc diceret, manu crumenam auro confectam) non est illa tua Philargyri : non est : quam te amisisse quarto ab hinc die conquestus es. porro in tua (sicut hodie affirmas) fuere non soli quater centum Philippæi, sed præterea Veneti ducatonēs triginta quattuor. in hac autem, quam mulier inuenit, soli erant aurei quater centum, nulli præterea ducatonēs. Venio exinde in magnam suspicionem, ne id tibi attribuere studeas, quod ad te nihil pertinet, & cuiuscunque potius est, quam tuum. Scias igitur Quæstorem publicorum vectigalium, qui est idem noster Eleemosynarius, perdidisse sub hos dies (furto subductam, vt putabat) huic valde similem crumenam, in quam conditos de meo habebat scutatos ipsos quadringentos, non vno plures, vel pauciores. Mea igitur crumena, meum est aurum Philargyri : non tuum, nec alterius cuiusquam. Cum his autem dictis ad mulierem conuersus : Quandoquidem vides, inquit, crumenam abs te repertam non esse illam, quæ putabatur, & quam iste perdiderat Mercator ; sed esse quam Quæstor perdidit meus meam : gratulare Superis pia, innocens, religiosa, nec amplius paupera mulier, Ego istam tibi donatam volo : I fortunata, filiam nuptui da, perge (vt facis) vivere innocenter : nihil à Superis, nihil à nobis desideratura. Hoc tantum prius ausculta, & ad cor intimum altius reconde ;

Si quando aliam inueneris crumenam , in qua præter quadringentos aureos , illi lateant triginta quatuor ducatonēs ; memento statim deferre ad hunc inclytum , ingenuum , liberalem Mercatorem . nam sua erit sine dubio : & (quæ illius benignitas est) non fraudabit te honorario : illis saltem donabit te ducatonibus . Lætā mulier insperata felicitate , ac Principis eximia beneficentiā ; lacrymis gaudio manantibus , se tanto munere prædicans indignam , actis iterum iterumque suppliciter gratijs : Faciam , inquit , Illustrissime Domine , quod imperasti . Fruar cum filia marsupio tuo , reddam Mercatori suum , cum inuenero .

Agnouit Philargyrius , suam fraudem à sapienti Principe detectam , & serò poenitens incepti , mulierem cubiculo exeuntem , ac domum regredi properantem ; Mane mane optima femina , rogabat . Meū est aurum : Princeps non negat : redde crumenam , cape honorarium , & te solue religionibus . Ad hunc autem conuersus Princeps minacibus oculis , vultu præferens iracundiam , & furorem subito coortum ; Scelestissime , inquit , & impudentissime mortalium ! non te pudet id quasi tuum vel e viurpare , quod tuum non esse confessus es me audiente ? sic (infandum) placet furari , & rapere alienum ? Expecta si libet , dum crumenam reperiat mulier tuam , & nè dubita , quin continuo illos
ad

ad te afferat cum quadringentis ducato-
 nes. aut vade quò dignus es, in maximam
 malam crucem, nisi mauis edicto nunc
 meo trahi per lictores ad carnificinam.
 Qua territus minaci obiurgatione Mercator,
 nihil contra hiscere ausus, tremens
 discessit, suas tecnas, & suos dolos in præ-
 sentia detestans. At ille nequaquam deli-
 berat tamen, quemadmodum ab his in
 posterum abstineat; sed quemadmodum
 cautius atque sagacius intendat, quousque
 farciat alicunde hanc tam imprudenter,
 & stolidè factam iacturam. Eum vero ali-
 quot post annis grauitè ægrotantem cum
 amici hortarentur, vt Confessarium arces-
 seret, & Christiano ritu animam expiaret.
 Ægre illi quidem, sed tamen induxerunt,
 atque in hoc habuerūt dicto audientem.
 Venit Animæ Curator, mentem repurgat
 per Confessionem, dein cibo instaurat cæ-
 lesti; postremo vinctum Superis commen-
 dat, & solatur moribundum. Quid nunc
 quæritis amplius? Paulò post quietissimè
 defunctum, credere omnes ad splenden-
 tia sidera, æternosque Beatorum coetus
 euolasse; cum de-repente horribili tonitru
 concuti cælum, & domus tota contremi-
 scens à fundamentis visa est ruere in pro-
 fundum. domestici, propinqui, & alij cir-
 cum-stantes formidare, trepidare, clemen-
 tem Deum, benignam Matrem, Sanctos
 omnes implorare: siue fugerent, siue sta-
 rent in incerto habere: adeo sursum

deorsum trahi omnia, & simul milceri putabant. Mansit hæc perturbatio tumultusque haud minore spatio, quam dum Clericus, Parochi minister, lenta & flebili voce supplicans præiuit ad Dominum, ad Dominam, Chorosque Sanctorum. Denum ubi quiesse omnia visa sunt, in cubiculum regressis familiaribus, vnde singulos expulerat metus: (rem dictu mirandam!) cadauer in lecto repertum non est. quærere sub lecto, post armaria, in arculis ipsis: nullum vestigium. tantummodo pestilens in cubiculo foetor, quasi mortuorum ac putriumi bestiarum. Ex hoc autem quid suspicari promptum sit, & quam in partem accipere singula conueniat: alij aliter disputabant, prout quisque diuitibus auaris vel fauebant, vel inuidebant. Mihi quoniam neutrius partis hoc tempore studium est, rem in medio censui esse relinquendam.

DECADIS SECVNDÆ

Exemplum Tertium

Argumentum.

Quattuor virorum furta insignia, inspectum iudicium, atrox supplicium.

Iuvat me quoque, inquit Fernandus, à proposito argumento non nimium discedere: quantum videlicet spatij medium est inter avaros & fures.

ANno seculari millesimo quingentesimo, tametsi strepebant armis Italia, Gallia, Hispania; multi tamen ex tota Europa, imò & ex India Romam confluxere ad solemnem criminum expiationem, quod vulgò Iubilæum appellamus. In illo anno sacrosancto (quàm verum est vulgare verbum! *NON fabricari Ecclesiam ullam Deo, sub qua suum non construat Damon sacellum*) per illos dies animis expiandis, & excolendæ pietati destinatos, hæc in Vrbe acciderunt, quæ narrare ingredior. furta in primis callida & miranda. Quattuor fuere callidissimi mortalium. Cuiates? roget aliquis. Ego propemodum nescio. credunt aliqui Neapolitanos. at nihil tamen explorati habemus. Nomina, quibus quidem inter se appellabant (nam conficta esse constat) hæc tradita sunt à professione non abhorrentia, *Furius, Clepa, Tingus, & Mingus*. Horum innumera flagitia circumferri non ignoro. Mihi de his quattuor compertum est. Primum ponere libet, quod aduersus perfidum pannarium, eundem sordidum ac diuitem commentum sunt, nomine Gabriam hebræum. Mane ad illum omnes venerunt, habitu nequaquam indecoro, &

tabernam ingressos, nunc hoc, nunc illud spectantes blandè compellat tabernarius, Amabo Domini, quid me vultis? Cui Furius, Noster, inquit, Episcopus ex Gallia usque Romam aduectus, & hic complures dies futurus, idoneam tunicam, & latè fluens pallium sibi emi mandauit. quin etiam in animo habet totam nouis vestibus exornare Aulicam cohortem. Hæc tu si fortè habes venalia omnia, & pretio nequaquam insano tradere nobis voles; maiorem vno die quæstum feceris, quam soleas per mensem. A me verò, inquit Hebræus, ista singula sumatis licet. pretium ipsi statuitote scio hic quemquam non daturum condicione æquiore. Nec mora: omnis generis vestem explicans, commendans, porrigens ostentat. Furius, & socij legere meliora: & partim suis aptare humeris, partim ex abaco tollere, secum laturi sub axilla, inter manus & bracchia. Quidam interim expedire pecuniam sonantem, simulatque de pretio conuenisset, numeraturus, vt quidem videbatur. Mox iterum Furius ad Hebræum. Hæc, inquit, vestimenta sunt nobis, nostræque familiæ apta vniuersa. nunc ista consideremus, quæ maioris momenti sunt, corpus Episcopi exornatura. Vereor, inquit Mingus, vt ista tunica satis deceat Antistitem nostrum. videtur mihi paulo breuior paulo etiam angustior, quam ipsius latis humeris, & staturæ conueniat. Hic Hebræus

bræus ; Quanta , inquit , Pontificis vestri magnitudo , & pinguitudo est ? Puto non superat meas , qui sum omnibus vobis & grandior & ventrosior . Certè , respondit Furius , non superat . Mihi par Episcopo nostro videris Gabrias ire per omnia . quicquid corpori tuo decens atque conueniens est , id non dubitem adanussim fore illius . Age igitur periculum faciamus . indue tu Gabria tunicam , & serico cingulo stringe . Mox pallam super indues latè caudatam & vndantem . nos a fronte , nos à tergo te contemplantur . Facit illico lucricupidus , nihil aliud suspicans mercator . & qui nec erat quidem Christianus , extemplo comparuit Episcopus . Callidi aduentores contemplari & circumspicere curiosius . Tum ; Optime , inquit , antrosum omnia . Ipse hercule , quem simulas , effectus videris . Agè nunc explica gradum , & da tergum aspicere ambulantis . Erat longior , quàm latior officina . dum ergo illam Gabrias auersus metitur , & magnificè gradum suspendit ; illi commodum palliati , suffarcinati sese proripiunt , passibus in tantum moderatis , vt iugere illos non diceres . Hebræus cum se illudum esse animaduertit ; iactura , dolore , iracundia concitatus in publicum prodit vociferans , Fures inclamans , open omnium implorans . Concurfus vndique artificum intitorum , aliorumque : quid ea res esset rogitationum , & quid iste sibi vellet

in sacro schemate perfidus Hebraeus. credere primum dolo malo fecisse, vt sic illuderet Prælati Christianorum. Mox vt furentem minatēque conspexerunt aliud aliquid suspicari: nec res tamen vt facta erat, venire cuiquam in mentem. Fures ad illum tumultum, atque ad illos clamores tamen apparet illorum causa fieri, non admodum tamen commoueri, neque celerius intendere iter. tantum dicere palam, quod simillimum vero erat, Hebræum vino madidum sic incedere, sic insanire. Interim illi pedetentim ē conspectu abire, alius alia gnari viarum & regionum. Gabriæ ad insaniam ebrietatis, & mercium iacturam hoc insuper accessit, quod pecunia multatur ob sacrum habitum (sicut putabant) contemptui & ludibrio usurpatum.

Dixi de primo furto prolixius: tria reliqua breuiter expediam. Iidem aliquo intervallo alter ab altero distantes per Urbem incedebant. Videt Furius Mercatorem non adeo nobilem, in ipsis tabernæ soribus super abaco numerantē pecuniam. Erat in conspectu aceruus denariorum, fors aurei triginta. Intus socij penitus nulli: magna circa ostium solitudo: mercator argento fixis oculis inhærens. Fur capta occasione chartas expedit lusorias: dein se mercatori exaduersum locat, speciem præbens quasi alea colluderent super expositam tabellam. Hinc terna

folia mercatori, terna sibi assignat. vtraque aperta suam faciem, suaque puncta ostendebant. illorum duo vnius generis & familiae fuere, tertium diuersi: Quam imaginem veteres Primariam, nostrates Primeriam vocant. & hæc quidem fuit attributa mercatori. Contra folijs ab se stantibus, aliam sur effigiem concinnauit, & vires dedit victuras aduersarium; nempe omnia vnius erant cognationis, & in eadem cohorte felicius pugnabant. Hoc signum antiqui Superfluens nominabant: nostri Fluxum maluerunt. Ergo Furius ad mercatorem, antea manibus correpto argento: Victus es, inquit; chartas inspicere tuas, measque. tu tantum duos generis eiusdem, ego singulas eiusdem. & vincit Fluxus Primeriam, binos Baculos, terni Enses. Mercator à principio reuera ludere hominem existimabat. quis enim crederet sic impudenter tacere quemquam in media Vrbe, de medio die? Ut autem sensit serio agere urbanum latronem, se non solum illudi, verum etiam pecunia spoliari: elata voce; Non ludo, inquit, non ludo. redde furcifer argentum. Quoniam modo subiungit Furius audes dicere, Non ludo? Vos dicite circa-stantes, qui vestris oculis diu spectastis concludentes. Iam illò ceteri latrones conuenerant. horum testimonio fides facta opificibus, alijsque Mercatori amicis, qui concurrerant, eique adesse cupiebant. Omnes enim

credere, ac pro certo habere illum luisse, pecuniam perdidisse: nunc autem irasci, clamare, insanire propter factam iacturam.

Sequitur tertium. Dies illuxerat sacrosanctus, in quo Redemptoris Natalia celebrantur. Galli Sacerdotes Templum, S. Aloysio dicatum solito magnificentius exornarant. Ara Maxima, & quædam præterea minores multo auro, multo argento, aliquot etiam gemmis radiabant. In his duo eminebāt sigilla cubitalia Sanctorum duorum, Gallix Prælidum, Ludouici, & Remigij. Quæ quidem affabre cælata, & vmbilico-tenus extantia, vtrumque Altaris cornu mirifice honestabant. Ea Rex Carolus Octauus donarat, cum in Italia parū felicitè rē gereret, VOTVM maturæ reuersionis in patriam. Æstimata sunt singula duum nullum aureorum. Sed quid tandem hic callidi latrones? Furtum facere ausi supra fortunā, & captum suum. Manē ante prandium solemnī Liturgia, perpetrata; cū adhuc tamen duo Sacerdotes in duobus sacellis priuatum sacrum festinarent: ecce in Templum subito Mingus, Presbyteri habitum gerens, intra tunicatus, extra linteatus, candido scilicet ac rugoso amictu, quem nescio vtri minus decenter appellent, docti ne, qui Superpelliceum, an vulgus, qui Cottam. Ego alterius etymon fateor me ignorare, cum hic nullas videam pelles: altera fortasse
inde

inde dicta, quod cum linea sit, & semper mundam esse oporteat, identidem lauando excoquitur, vt candescat. Mingus igitur sic exornatus, & candidatus se palam fert, in vultu actuosus, ac seuerus apparens. Ponè, sequitur Tingus, toto habitu Baiulum repræsentans, tâtum pro sacco cistam ferebat. Accedit securo pede Mingus ad Altaria, & populo spectante, manu prenas imagines, catinos, aspersoria, nauiculas, ceterumque siue aurum, siue argentum componit in cista, quam Tinguus humero sublatam foras exportat, nemine prorsus aut quicquam dicente, aut quicquam mirante. Forte paulo post illuc veniunt, & illac transeunt veri Sacerdotes, eiusdem Templi cultores. vident Altaria suis viduata ornamentis. ac primum quidem existimare Superiorum iussa fuisse sublata, & in Sacrarium haud temere recondita. hoc magis: quod percunctati circa-stantes, ex his audiuerunt venisse dudum Sacerdotem Æditum & Sacrarij Præfectum cum baiulo & cista; illum scilicet euexisse. Dum hæc dicuntur alij superueniunt, in his Custos non custos Ecclesiasticæ supellestilis Monsù de la Gènè. Cui quidem re postmodum comperta magnum conuicium, maius supplicium Superiores imponunt. Furtum & fures latebant.

Venio ad vltimum, quod compendio referam. Feminæ pauperculæ fullonicae
artem

artem factitantes, prope Tyberim loco infrequenti pannos extenderant siccandos. linthea, induta, mantilia, mappas, alia huiuscemodi. Quodam die per hiemem paulò tardiùs negotio perfunctæ, sub ipsum noctis crepusculum vestes adhuc semiuudas colligere festinabant, properè ad casas licet propinquas redituræ: cum ecce infamis eorùdem latronum quadriumviratus hinc & hinc se ostendit. furuas vestes induerant, furuas alas humeris aptauerant. ex capite bina singulis cornua eminebāt; vnde horribilem fumum flammis emicantibus vibrabant. ad hæc faciem, barbam, capillos sic efferauerant, vt solo aspectu fortibus etiam viris horrore esse possent: quid feminis censeas, addito fremitu, clangore, vlulatu? Manus præterea ungulatas & serpētibus armatas prætendebant. Vt verè dixeris ex Acheronte quattuor Satrapas Plutoni assistere solitos. Iluc erumpere, non gregarios aut vulgares dæmostellos. Frustra fuit tantus apparatus, quasi tigrium & leonum ad gregem terrendum fugandumque imbellium feminarum. Illæ vero statim animo consternatæ plangentes, eiulantes, Deum implorantes, quàm celerrimè possunt, fuga domum contendunt, hinc canistris multa veste oneratis, illinc fuscis & colo trepidè relictis abiectisque. Postridie palàm ubique facinus prædicare, multa etiam non visa pro visis referre, cum ipsis vestium dominis

dominis excusare quod Dæmones venissent, se abegissent, pannos rapuissent. Testes præter ipsas viri aliquot fuere, sic vulgo habitum & creditum est.

Iam latrones non solum amplissimas verum etiam pretiosissimas cōgesserant omnis generis prædas; cum Furius natu grandior, atque vsu peritior; Sodales, inquit, & Commilitones mei paucis diebus optimè rem gessimus. tempus est alio eundem & ad hanc prædam pecunia mutandam, & ad novas ex nouo agro cautius petèdas. Ego Bononiam cogito. Perusini pauperiores sunt quàm vt debeant; Florentini sagaciores, quàm vt possint fallacijs & fraudibus circumueniri. Bulgæ, arcæ, iumenta in expedito sunt. Censeo post triduum ad iter accingamur. Probant sodales consilium, & cupidè omnes dictam expectant diem. Enimuerò nè id tantulum cessarent, ac pigre torpescerent manus; velle interim (si occasio sit) aliquid alicunde lucelli conradere, prius quàm conuasarent, migrarentque non redituri. Forte fortuna postridie illius diei apud Borgiae Alexandri VI. Pontificis cognatos Regale conuiuium celebrari audiere. in quo viri ex primaria nobilitate, cum sua quisque coniuge Principis vocatu discumbebant. Ibi fermè noctem perpetuam circa ignem fabulari, concludere, tripudiare, compotare. Cytharedi, cantores, pantomimi, scutraz omnis generis distinguebant, & variabant volupt-

voluptatē . Dies ibant Lupercales : Aula erat amplissima : nemo accessu , nemo aditu prohibitus : valuæ patefactæ , incustoditæ multos quoque admiserant insigniter personatos . Horum in numero Tinguus & Clepa fuere , hic Satyrum , ille Nympham simulantes . Ibi ad Principes oblectandos ac demerendos , quippe qui bonas hercule strenuas donabant artificibus ludendo peritioribus , alij aliud inuenire commentum , & ostentare nouimodis ingenium atque artem suam . Clepa occasionem sponte oblatam lucri duplicandi , gloriæ inquam & pecuniæ , non putauit esse omittendam . Sumpta igitur Dæmonis persona , quem ille agebat egregiè ; prodit subito in medium , & se simulans Veneris amore incensum ; tam appositè dixit , tam ridiculè planxit , tam denique horribiliter concrepuit , caliginem , flammās , fremitum confundens , vt omnibus admirationi fuerit , præmiumque reportarit quale optabat , gloriosum , quæstuosum . Et si autem nosse hominem omnes cupiebant , nemo tamen rogare ausus est , vt se aperiret , latere studentem . Vna fuit ancilla inter pedisequas femina nobilioris , ex numero earum , quæ in ripa Tyberis metu fugatæ amiserant pannos . Hæc strepentem , vlulantem , & flammās vomentem conspicata ; eundem visa est Dæmonem videre , quem prior viderat , & eandem prope intus formidinem pati . Surgit
extemplo ,

extemplò, & heræ ad aurem susurrat con-
 ecturam suam: Hera credere hoc procli-
 ius, quod ex pannario tumultu illa fece-
 at grâdem iacturam: & spes animo blan-
 iebatur, inde forsitan esse sarcinendum.
 ergo statim hæc ad maritū. maritus Prin-
 ipem docet. qui per lictores adductum
 bi hominem truci vultu interrogat, Quis,
 uias, cum quibus, quam artem. Homo
 ibita formidine correptus (qualem di-
 unt esse omnium istiusmodi naturam,)
 ix expeditis nec dum adhibitis tormen-
 is tremebundus fateri omnia de se, de so-
 ijs, de præda, de loco, de migratione.
 His indicijs capti omnes illa nocte ante
 olis exortum. Et quid morer in superua-
 uis, nihil amplius non commune haben-
 ibus? Imo aliquid fuit in supplicio minus
 omniune. Furtis reclusis, conuicti, dam-
 ati, Dæmonum habitu producti, viuen-
 es in foro concremantur. Atque (vt piè
 redere fas est) ad eos mortuū descēderūt,
 quos in vita nō solo habitu reprēsētarunt.

DECADIS SECVNDÆ

Exemplum Quartum

Argumentum.

Tres admodum mirandi euentus insidias
 Dæmonum

Dæmonum patefaciunt tunc maxime insipientium, cum prodesse videntur incautis.

Sic Fernandus erat locutus, & singuli Sodales in magnam admirationem, ac prope stuporem adducti videbantur, meditanter ipsi secum assuebras fraudesque mortalium: cum Pamphilus Vidistis, inquit, quantum virium hominibus aduersus homines fuerit, habitum & formam Dæmonum gerentibus, nunc videte quantum Dæmones ipsi potuerint, quantumque ausi fuerint aduersus pios mortales, piorum ipsorum faciem atque habitum mentiti. Spero nec minus iucundam, nec minus fructuosam fore Narrationem trium dæmonum, quam fuerit quattuor latronum.

IN Vrbe nostra per illud tempus, in quo Rasputum furore compresso, Nobilitium factio & opes valebāt; hoc pro comperto habetur incidisse, quod recens Collector Exemplorum ad Senenses trahit. Quanquam hic quidem paulo aliter recenser: & potest fieri vt idem utrobique contigerit, qualia non pauca in Historijs & veterum, & recentium leguntur. Me non finit dubitare quin nostrum sit personæ auctoritas, qui referebat Hieronymus Saunarola. Fuit igitur per ea tempora Perusiæ nobilis adolescens, Leander nomine, Ferruccij strenui Ducis Filius. nomen familiæ proauis & abauis, apud nos quidem raro vsurpabant. ideo in Contra-

ctibus,

Etibus, testamentis, alijsque scriptis temporum illorum viros etiam honestissimos non ferè aliter appellatos videmus quàm hoc modo. Fabricius Cunstantiij Ferramontis: Bernardus Michelotti Herculanus: nos nostrum siue Leandrum, siue Ferrucium nominemus licet. Hic annum duodeuigesimum vix expleuerat, cum à studijs eloquentiæ, in quibus longulè processerat, gradum referens totum se ad Musicen contulit: dico pariter ad eam, quæ vocibus; & ad eam, quæ fidibus constat, & vtramque insigniter callebat, colebatque. Ob hanc causam Religiosis tam forensibus, quàm claustralibus plurimum utebatur; eratque in illustribus templis frequentior, nunc voce, nunc lyra, nunc organis canens. ceteroqui non solum elegans, honestus, liberalis; verum etiam religionis ac pietatis eximius cultor. Dies aderat S. Laurentio sacer, in cuius honorem primas Vesperas (vt mos est) solemniùs canere parabant. Vnà cum Cantoribus atque Canonicis Leander in porticu lentè ambulans, & familiariter colloquens officij moras fallebat: Cum ecce puerum vix annos pubertatis ingressum, vultu super illam ætatem modesto, ingenuo, liberali. Ad quem prior Leander. Quis tu, inquit, & cuias venuste adolescens? Ille se Pistoria oriundum, & quidem non ignobilibus, sed pauperculis parentibus respondit. Venisse Assisum expiandæ animæ gratia,

Calendis

Calendis Sextilibus , in templo Virginis Angelorum . quo functum munere Perusiam accessisse , si fors aliqua sese offerret apud quempiam non iniqua condicio seruiendi . Se in litteris & Latinis , & Græcis aliquousque ; in Musicis longè vlteriùs esse progressum . si vellent , è vestigio periculum facerent : inuenturos non rudem , rotius disciplinæ humanioris : ac proinde non indignum , cui consultum venirent , aut ipsi excipientes , aut alteri commendantes . Ille verò etiam tacens ob pudorem frontis , aliasque indices animi dotes Leandro complacitus erat : additis bonis artibus , & sua præ ceteras Musica , nihil admodum cunctatus , credo metuens , nè quis ante-caperet ; Esto , inquit , in meam admissus familiam : si frugi esse perseueraueris , non in famuli , sed in fratris & filij loco habendus . Ille plurimis actis gratijs profiteri se hoc beneficio perpetuum illi deuinctum fore : de se autem polliceri , & quæ dixerit omnia , & super cetera obsequium & fidem .

His commodum peractis , ecce Antistites , ecce Magistratus : singuli properè in templum , in Chorum . Hic Episcopum , præeuntem , atque open Numinis implorantem , cantus sequitur & symphonia reliquorum . in qua puer Pistoriensis (Nearco erat nomen) suauissimam vocem nunc intendens , nunc remittens , nunc circumflectens ita omnium aures mulcebat ,

non homine genitum, sed Cælo delapsum
 alij cantores putarent. Capiebat igitur
 consilij sui fructum quotidie vberiore,
 ac lætior talis famuli Herus Leander.
 hoc magis, quod non solum seruire libe-
 raliter, sed etiam consulere prudenter, &
 facere fortiter (vbi opus foret) æqualem
 in modum Puer nouerat. Quod admira-
 bilius est quanquam à Domino cunctis
 præferretur honore verborum, elegancia
 vestium, dignitate munerum, quæ illius
 fidei, non alterius credere solebat: nihilo-
 minus tanta erat in puero modestia, &
 tam prudens moderatio, vt non Dominis
 ipsis, quam conseruis gratior atque ama-
 bilior videretur. Res biennium ita pro-
 cessere, cum Leandri tam intimo gaudio,
 tam effusa lætitia, vt se felicissimum mor-
 talium prædicare auderet propter vnum
 Nearcum, quem non iam dicam vt fra-
 trem, sed vt se alterum, aut se ipsum dili-
 gebat carumque habebat. In vno voluis-
 set paulò diuersum, & dicto magis audien-
 tem, vel hoc vnum in puero, nihil aliud
 reprehendebat, quod per quàm raro, idest
 nunquam nisi cum necessitas cogebat, sa-
 cras ædes ingrediebatur, diuinisque cere-
 monijs præsens intererat. Quoties enim
 cum alio quopiam, vt ferè fit, Leander
 Templis appropinquabat, intro-iturus ad
 Numen salutandum, vel ad sacra obeun-
 da; commodum Nearcus causari atque
 confingere semper aliquid, nè cū Domino
 Ecclesiam

Ecclesiam intraret , sacrise interesset .
Erant semper in expedito impedimenta ,
& varij generis negotiola , quæ interim si-
bi curanda esse affirmabat , quæ longio-
rem moram non ferrent , quæ tunc ipsum
præsentiam exigent suam . id verò tam
probabiliter , tam efficaciter , tam oppor-
tune repræsentabat ; vt quanquam cre-
brius eueniret ; tamen Domino sic aman-
ti , & frustra interdum monenti , nulla vn-
quam mali suspicio venerit in mentem .

Agebatur Christiano ritu (vt nunc quo-
que mos est) vernum ieiunium quadrage-
nariū , nec procul aberant sanctioris Heb-
domadæ tristes dies , in quibus IESV Chri-
sto Dei Filio nostra causa defuncto paren-
tatur . Callidus Nearcus quia fortasse alias
fallacias & causationes consumpserat , nè
iam frequentia excusandi suspectior foret ,
pridie ipso Palmarum mentitus subitam
febrim decubuit : certus ægrotandi , nec
ante ad sanitatem redeundi , quàm Chri-
stum rediuuium sua Sponsa recoluisset .
Leander (vt eum siue amor occæcabat ,
siue dolus impellebat) non solum credere ,
sed miserari , Medicum accersere , frequen-
ter inuiscere , amanter consolari , denique
vnà curare cum reliquis familiaribus . Ex
vna re non nihil suspicionis ad animum
irrepere , ac paulatim confirmare cœpit ,
quod instantibus domesticis , vt obiret in
lectulo Confessionem , & sacram sumeret
Eucharistiam , more scilicet fidelium

Chri-

Christianorum; primo respondit confidere se, vt præsens in Ecclesia facere posset, post quadriduum sanus & valens futurus. deinde cum eum Leander ad Sodales Seruitas (ea tunc Familia Ferruccios curabat) secum ire vellet ad sacra Mysteria obeunda, nūquam inducere potuit modò aliud, modo aliud causantem. non placere illum sibi Confessarium indoctum, lusciosum, qui pecuniam posceret poenitentes. pariter sibi odio esse Carmelitas, Augustinianos, Dominicanos, & quicumque paupertatem professi, opes tamen vel possiderent, vel affectarent. Ego, inquit, medicum animæ habeo inter Franciscanos, qui non dum à vetere disciplina recesserunt. Cras meditor cum illo esse, ac meo fungi officio sub Auroram. Hæc Nearcus. Quæ quidem Leander vero ne, an falso dicta reputauerit, incertum est. hoc certum: sedulo quæsiuit, sagaciter inuestigauit, nunquam reperit factum. Ergo in dies gliscentem suspicionem non ferens quodam die manu presum, secumque abductum frustra obluētantem, in Templum S. Laurentij, sic est affatus solus solum. SCIS Nearche quàm mihi quotidie carior ac iucundior fueris, ex quo in mea familiam es cooptatus, receptusque in consuetudinem intimam. Merito meo, dices. non eo inficias. quin ego semper affirmavi, & vltro confiteor palàm. Verū enim uerò feci è seruo vt in fratris loco esses

esses mihi : dicerem in tuij, si hoc ætas pateretur amborū . certe meus in te affectus aut æquat , aut vincit paternum . Propterea tergiuersari necum amplius non debes , sed apertè ac libere indicare , quod iam vides expetere me super curas & negotia omnia . Dic amabo charissime frater per necessitudinem nostram : dic adeo (si sic rogare fas est) per Cæleste Numen , in cuius domicilio sumus ; Quod nam istud, & quale impedimentum ita efficax, ita importunum est , quod te non solum à Liturgia sacrisque officijs mecum fungendis, sed etiam ab ingressu Ecclesiarum tantopere deterret tenetque ? Non est , quod solemnes atque vulgares excusationes mihi recantes , Quemdam in præsens habeo conuenire , Is mihi ad macellum præstolatur , Oblitus sum libellum precationum , Vado petere Rosariani coronam , Dictum factum reuertar , Hic ero, cum illic censebis esse me . Tum me postea rogante quare aut non redieris, aut serò redieris, aliam super aliam fabricari fallaciam , & crebris dolis circumuenire credulitatem meam . Hæc inquam omitte omnia, & istud resera mihi arcanum , quod ingens esse oportet ; & ego diuinare non possum . Satis hoc tibi esse debet , quicquid ex te audiero , gratum mihi futurum ; nec ex me quinquam auditurum , nisi tu voles , nisi tu iubebis . Addico in id tibi , Diuis præsentibus , iusiurandum & fidem meam .

Hac

Hac tanta impulsus contentione , imò crediderim magis diuina obtestatione commotus, facere non potuit, quin se aperiret , suumque verius nomen reuelaret mentitus Nearcus . Itaque ambagibus remotis, hoc tantummodo præfatus, CAVE quiquam commoueare fortissimus, & Cælo dilectus Leander , Ego Diabolus sum . Quo dicto velut iaculo transfossus adolescens , parum abfuit , quin mente alienata procumberet penitus exanguis . Vt ego suspicor , subsidio illi, ac solatio fuit, quod in Templo peracta res est . Vbi quantum Diabolus terrebat , tantum præsentia Numinis recreabat . Nec mora : veniam pacemque Cælestium implorans, & se iterum iterumque Crucis signo comuniens: Vade , inquit , cum tua calliditate , tuisque mendacijs in Abyssum Sathanæ minister . Cui nihil commotus veterator, imo placidiorem quàm antea exhibens vultum ; Mi Leander , inquit , quàm tua te opinio fallit , si me iudicas de numero esse illorum , quos Deus per Michaelem atque Angelos suos ad Inferna detrusit . Credo non ignoras homo litteratus , quod etiam mulierculæ iactant, quod olim peccatum Angeli peccauere id non eiusdem grauitatis ac ponderis fuisse in singulis . Alij namque velut capita Coniurationis , & principes rebellandi fuere , qui secum infinitam turbam traxere sectatorum, idem poscentium , idem molientium . & hi quidem in

baratrum vniuersi præcipites ruerunt ,
grauissimis addicti cruciatibus : non sine
discrimine tamen , quia horum quoque
alij grauius, alij minus grauitèr peccarunt,
& respondet peccato pœna singulorum .
Aliqui contra tantum assensu , & leui qua-
dam inclinatione voluntatis ad ceteros se
aggregarunt , quos dicere potuisses , Non
nolle , potius quam serio & ex-animo Vel-
le . Horum & numerus paucior , & pœna
leuior fuit . Ego scilicet inter istos : quo-
rum statio nec Tartarus , nec Inferi sunt .
Vobiscum colimus communem Terram ,
& cum quibusdam (vt ego tecum) fami-
liariter versamur , aliàs muti , occulti, sine
corpore ; aliàs conspicui, corporati, & res
hominum agentes . Nec velim existimes,
eam nobis quoque ingenitam esse mali-
tiam, quæ se in illis ostendit cultoribus In-
ferorum aduersus mortales . Minimè nos
istiusmodi perfidia & ingenio sumus : vel
si quis est aduersus quemquam , ego certè
aduersus Leandrum non sum , cuius pari-
ter diligo corpus , animam , felicitatem .
Nec me alias inquirere probationes oportet .
quandiu apud te sum , tu es optimus
testis, quam nunquam te in officio religio-
nis & pietatis interpellauerim . Oraſti, vi-
gilasti , silentium coluisti ; terghni flagel-
lasti , misericors fuisti , corpus cibo frau-
dasti , mentem culpis exhaustiſti, sacro fer-
culo satiaſti , me non tantum lubente , sed
interdum hortante aliquando adiuuante,
semper

emper laudante.

Ad hæc tales vaferrimus Dæmonum blanditias adiecit, vt incautum adolescentis animum haud magno negotio in fraudem adduxerit, secumque impulerit redire ad amorem, & consuetudinem pristinam. Et si autem pergebat, vt antea, Leander in omni officio religionis & pietatis excolendo, quemadmodum ab infantia fuerat institutus: tamen paulatim tepescere ardor ille Cælestium meditationum, & sensim animo tædium irrepere, quod postea in frigus, in glaciẽ, in odium vertit præcandi, psallendi, miserandi, largiendi. Vix iam communia quædam, & vulgaria pietatis opera obire consueuerat, ea quoque subfrigide, festinanter, & prope aliud agens: cum hoc illi successit, quod audietis. Per tempora Baccho dicata, quæ Viris etiam modestis verecundiam non nihil relaxant, cum Leander solito liberius conuiuia, compotationes, saltationes, excubiasque lupercales frequentaret, quibus potissimum Ars Musica, & ille Prothomusicus occasionem dabant: Calendis ipsis Februarij, hoc est pridie festum diem, in quo purissimæ Puerperæ solemnem Purificationem Ecclesia celebrat: vulgo ab accensis facibus Candellariam vocant: Ecce ad Leandrum post meridiem Pseudonearcus; Mi Domine, inquit, hodie vesperi mecum sis volo ad festiuissimâ Vigiliam, qua negabis vllam tibi

gratiorem, aut illustriorem in terris visam. Quærere Leander, Vbi nam ista? & apud quem amabo? Dic sodes, Nearcule. Non dico, inquit: non dico: vt augeam expectatione voluptatem. mox præsens intuebere, ac me plurimum amabis indicem, ducem. Nostras censeo vt cum maximè adornemus, & concordēs cànere doceamus, tu Cytharam, ego Lyram & Plectrum: spem magnam feci: rem inuenies maiorem. Sic veterator. Iterum tamen atque iterum Leander instare, vt conuiuij Regem, aut saltem conuiuij locum aperiret, non se alia ratione profecturum. Cui rursus Dæmon; Si dixero, inquit, rem, domum, conuiuas; haud dubiè recusabis Vir Patricius obire ignobiles nuptias. licet hic puellarum honestior forma, epulandi festiuitas & copia par, ludendi autem & iocandi liberior voluptas. Tu verò, subiunxit adolescens; toto erras cælo, si existimas me hominum locupletium, quàm huiusmodi tenuium cenis interesse libentiùs; modò illa non desint, quæ dudum nominasti. Quid tam multis opus est verbis? Paulo pluribus persuasum homini fuit, vt cum Diabolo iret ad nuptias. Operæpretium est animaduvertere quemadmodum nos Dæmon fallat cautus incautos. Eo die statuerat Leander adire Confessarium, vt mane in Virginis honorem Mysteria purior mundiorque obiret iuxta veterem consuetudinem. Dum se autem foren-

forensibus ornat indumentis , & superiorum dierum maculas recognoscit, in Christi sanguine deleturus , ecce Tentator, qui longè aliam subinferens animo cogitationem , sensui magis iucundam , facile alteram excussit natura odiosam & amarant. Sic onusit, quod erat faciendum ; & quod non erat , admisit . Si constans in proposito stetisset, si rem optimè cogitatam, inò Cælitus inspiratam fortiter exequi studuisset; hoc est si ex-animo Christum Redemptorem , Matrem Virginem , Cælestes Advocatos inuocasset, vt sibi subsidio forent, potuit repellere inimicam cogitationem , & se integrum intactumque conseruare. Hoc certè tantulum extorsisset, vt confiteretur : & pendebat ab hoc tantulo , siue fieret, siue non fieret ingens bonum , ingens malum , Vita , Mors .

Diem nox occiderat plus solito morantem ; & densissimas circumquaque tenebras offuderat . puto verebatur ne se quispiam accusaret , & interciperet Parricidij ream : adeò non tantum Lunæ , sed omnium remouerat arbitria stellarum . Fuit rursus in incerto quid ageret Leander : formidare illum noctis horrorem: nec audere cæcum pedem semitis credere accliuibus , decliuibus , semper inæqualibus . Enimuerò iam ingressus, Dæmone animos faciente , manu etiam prensante , ac fors iter expediente , satis bellè ambulans perrexit . Non longè aberat hora noctis se-

cunda, vti tunc etiam grandior campana faciebat indicium. ex cuius sonitu sensim deficientē, ac languidiūs verberante aures, conijcere sibi Leander videbatur, se paulum extra urbem esse progressum. quibus autem foribus exissent, & in quam partem ferrentur, haud facile diuinabat. ita Dæmon inter eundem crebris ambagibus mentem confuderat, & potestatem non reliquerat certi aliquid cum animo statuendi. Hoc tamen suspicabatur se per portam & viam Romanam trahi Assisium, versus. nec illum admodum opinio fefellit. tantummodo sinistrorsum itinere deflexo (vt postea compertum est) prope antiquissimum Monasterium confedere, cuius nunc ruinz cernuntur, & Fauarorem vulgò appellant. Mirari Leander ad quas nuptias, ad quas vigilias tam longē ab Urbis mænibus duceretur: & iam labra diduxerat ad exquirendum, ad conquærendum, cum ecce ante pedes in conspectu magnificum ac regale palatium. cuius valuas intrantibus, & scalas ascendentibus venire obuiam cum accensis facibus hinc scitissimi pueri, illinc venustissimæ puellæ. quibus præeuntibus in Aulam, omni rerum elegantia refertam venerunt, inde ad alteram trāsmissi sunt ampliorem, ditio remque. pendebant quoque versus ex pariete peristromata, multo auro argentoque intertexto fulgentia, selle, abaci, armaria, & omnis aulica supellex eodem cultu

cultu nitebat, cuius apta Principum potentiorum. pauimenta, & solum ipsum diceret certare cum laquearibus, catastro-
 matum belluas ostentans, aduersus Satyros Nymphasque in summo radiâtes. Omnia denique regaliter constructa, exornata, disposita magnificentissimas ædes honestabant. Vt sibi Leander non in terrenam domum, sed in ipsa Cælestium domicilia translatus videretur: Poteras, inquit, mecum Nearche vnum te facere Cælestium, si velles. huic argumento sui crediturus; & si cetera vetabant. Hinc ad interius conclaue penetrarunt, forma quidem & specie par; in eo autem pretiosius, quod mensas ostentabat, iam non dixerim ad regium cultum, sed magis ad barbaricam luxuriam paratas. quibus præter argentum operosè cælatum, ostro etiam & gemma exornandis lecti adolescentes insudabant. dum alij cædidissimam Cererem, alij Bacchum quasi maritum illi congressurum expediebant mollem, suauem, generosum. Confederat inter hæc ad luculentum caminum festiua turba hominū adolescentium, & virginum puellarum, à quibus Leander singulis cum multo verborum honore fuit exceptus, & loco inter coronam honestissimo in aurea sede collocatus. Ibi variè fabulantes, atque hilariter iocantes cenæ non dum appetentis moras fallebant.

Poteram credo paucioribus verbis complecti,

plecti, quæ hæcenus exposita sunt. Indulsi nimium animo per hæc cupidè vaganti. reducam nunc donum hoc libentius, quod me alia duo planè generis eiusdem (si meministis) at longè breuiùs narranda expectant *Exempla*. Vbi simul concurrerunt finis ludendi, principium edendi, dantur manibus lymphæ, honestior Leandro locus assignatur, ceteri confusi atque indiscriminatim discumbunt. Ferula numero multa, genere diuersa, condimento varia, sapore plùs quàm quiscquam credere posset, iucunda, suauia, exquisita. Vinum, imò vina proportionè cibis responderunt. quibus diu Germanico & Heluetico more certatum. Saturi tandem & ebrij planè omnes consurgere: apud ignem procaciùs colludere: inuicem dictèria & scommata iacere: donec ecce ad parietem ex-aduersum camino situm, ingens atque conspicuum tribunal extruitur. ad quod ebore candicans, & smaragdo irradians, & auro vndique refulgens per argenteos gradus ascendebatur. In eburnea sella, tanquam in folio femina Reginæ habitum præferens confederat, in cuius fronte, oculis, ore toto cum verecundia seueritas, cum pulchritudine maiestas non dicam certare, sed concordè regnare videbantur. Habebat circum se ad nutum & obsequium promptos Apparitores, Liectoresque, quorum erat Princeps, & quasi Archibarrus adolescens

Nearcus.

Nearcus. Per hos singuli conuiuæ nominatim appellati, & ordine citati homines pariter mulieresque ad Reginam accedebant, eamque sicut Deam genuflexi adorabant. Mirari primum vehementer, deinde miserari Leander illorum fortunam, qui ab imperatore Christo descuerant, & in Dæmonum castris militabant: cum ecce ad illum solito hilarior ac securior Nearcus. Mi Domine, inquit, per te intelligis officij tui esse tot conuiuarum, tot illustrum Virorum mulierumque vestigia sequi, ac mecum venire ad Proserpinam Deam adorandam, eique gratias agendas, quod apud eam hodie vesperi tam liberaliter atque magnifice fuimus excepti. mox lati ad tuos penates reuertemur, & cras in templum (vt solitus es) die iam illustri, sacra obiturus. Atque hæc dicens porrigebat Leandro manum adducturus sequentem, tracturus resistentem. Cui Leander, parum memor in quorum potestatem sponte venisset, vultu subirato (vt interdum Nearco minari solebat) Apage, inquit, quò dignus es cum tua Proserpina, tuisque falsidicis promissis. Hæc cine sponsalia & nuptiæ liberales, ad quas dudum me inuitaras? Mendacissime. Non talia olim mihi spondesti, cum te domo extrudere volenti supplicabas: usque adeo donec extorsisti. Bona memoria es. nostri pactionem nostram. In summa ego accessurus vnquam nõ sum, nec aliud quam

Deum adoraturus: dicatis, faciatis quòd
lubet. Tum Nearcus repente corniger ap-
parens, caperata fronte, minacibus ocu-
lis, ore truculento. At enim clamat, ac-
cedundum tibi est, atque adorandum ve-
lis nolis. nec mora: ungulatis correptum
manibus trahebat cum exprobatone: Pu-
tabas, inquit subridens, tale conuiuium
gratis impertiri, & benè pastus, bene po-
tus fraudare cauponem? Ille autem serò
agnoscens, & serio poenitens exclamat,
Clementissime IESV. Quo commodum
nomine audito Dæmiones, homines, &
palatium ipsum cum omni domestico in-
strumento disparuit. Leander ab suo Ne-
arco in scædissimam cloacani præceps da-
tus, umbilico-tenus adeò tenaciter adhæ-
sit, vt inde amplius moueri, aut extrahi
non potuerit. Nox erat intempesta, simul
corpori frigoris horrorem incutiens, simul
menti formidabiles laruas repræsentans.
Clamare miser quam intentissima poterat
voce, nunc ad Cælites, vt ignoscerent;
nunc ad homines, vt succurrerent labor-
ranti. Tandem Cælo miserante, villicus
haud procul habitans exaudiit, festinans
accurrit, vicinos aduocauit, conati sur-
sum trahere, ac letho eripere gementem,
instantem, morientem. Frustra: tam per-
tinaciter luto corpus hærebat, quàm solo
quercus vetusta, iactis in altum radicibus.
Ergo supplex rogare, vt ad se adducerent
Confessarium. Agrestis Curio vocatur. ei

confitetur, ab eo abioluitur: factum præsentibus, & circa-stantibus (iam namque plurimi conuenerant) se accusans, atque vberim lacrymans recenset. Nec ita post ibidem mortuus, ibidem sepultus documēto fuit quàm periculosa res sit, & Christiano indigna, vllum cum Dæmonibus habere commercium.

Nunc reliqua duo, vt sum pollicitus, compendio referam. Si quis ea verbosius, & expressius cognoscere amat, dabo Auctores, & quidem locupletes, vnde simul narrationi voluptas, & *Exemplis* fides accedat. Primum duo recensent in Chronicis Franciscanis, Marcus Ol siponensis, & Didacus Nauarrus libro X. Secundum, refert Collector Exemplorum nuper castigatus, & Pontificum iussu recusatus. Quod S. Franciscus in Monte Aluernia Monasterium instituit, in eo quàm frugaliter & parcè, tam simul honestè ac piè vivebatur, at non sinè persecutionibus tamen, alijsque incommoditatibus, quas illi grauiorē perpeti solent, quorum est, Domino spondente, Regnum Cælorum. Erant in primis odiosi Regulo illius regionis, cuius miror non tradere nomen Scriptores dudum laudatos. De tempore quoque certius aliquid inuenisse mallet. Illi hoc tantummodo: *NON diu post obitum Sanctissimi Patris Francisci*. Regulus ergo tantum aberrat, vt pijs Sodalibus impertiret quandoque aliquid ad vitam sustentandam, vt eos

palam conuicijs proscinderet, cum iurgio
semper exploderet, aliosque dehortaretur
ab his demum excipiendis, aut vlla ope
adiuuandis. Monachi ferre toleranter,
pro ipso Regulo Deum precari; nec ipsis
vnquam deesse, quales optabant, frugales
cenas. Interiecto tempore cum Regulus
Florentiæ diuersaretur famulum conduxit
iuuenem strenuum, æquè agendo bonum,
& loquendo suauem, nomine Vulpium
Senis oriundum. Hunc propter negotian-
di peritiam & fidem, mox Aluerniam re-
uersus familiæ gubernandæ Regulus præ-
posuit, & Oeconomum, siue Magistrum
domus creauit. Erat illi apud Regulum
quotidie maior auctoritas, potestas, fides
omnium rerum. Itaque iterum iterumque
opportunè in hunc sermonem ingressus,
tanta vi & efficacitate Monachos Franci-
scanos laudauit, illorum præcipuè castita-
tem, pietatem, patientiam extollens; vt
suum illis Dominum ex capitali hoste pau-
culis diebus amicissimum effecerit. Pro-
inde ad Monasterium ex Reguli domo
elemosynæ frequentes ac liberales mitte-
bantur omnis generis alimentorum: car-
nes, pisces, legumina; panis supercætera
candens, & suaue mordicans salernum.
Ex eo Fratres non solum affluenter, sed
etiam laute, ac molliter viuere cœperunt.
Hinc perturbatio disciplinæ, ac viuendi
licentia in aliquod magnum malum erat
eruptura; nisi seniores sanctioresque Dæ-
monum

monum fraudes agnouissent , & illis obuiam ire festinassent. Cœnobiarcha ex communi consilio venit ad Regulum. Agit gratias de liberalitate , qua secum atque cum suis ad illam diem fuerat usus. deinde rogat vt abstineat in posterum , nec alias mittat ad Monasterium eleemosynas , quàm quas ipsi Monachi petunt venirent. vnde frugaliter viuant, abundè sibi suppetere. lautitiam & copiam non esse illorum, qui sponte seculo eiusque delicijs renunciarint. custodem Monasticæ disciplinæ, ac omnium virtutum esse Parsimoniam. Postremo subiungit , se suosque in maiorem modum miratos , Vnde nam repentina illa , & profusa in Monachos liberalitas ab eo Principe , cui mensibus antegressis omne nomen Franciscanum odio esse videbatur. Ego, inquit Regulus, efficiam quod vultis: Iubebo deinceps petentes expectari, & his ipsis in manum tradi eleemosynas. per meos aut per alios mittam penitus nihil. Ceterum me vobis tam beneuolum atque munificum fecit adolescens , meorum Curator negotiorum , homo strenuus & pius , qui vestram Familiam , & vestra instituta mihi prædicauit prædicatque in singulos dies: hoc semper adiiciens , Illas Deo eleemosynas fore gratissimas , quæ in vestrum Monasterium vestramque familiam conferrentur. At ego, inquit Cœnobiarcha, istum libens viderem laudatorem & Procura-

curatorem nostrum, acturus pro beneficio meritas gratias. Euocatur iussu Reguli Vulpus Oeconomus. qui primum non inueniri: mox inuentus tergiuersari: alia fingere negotia, quæ deferere, aut minimum intermittere non queat: aliàs auditurum, & præsto futurum, si quid eum Monachi iuberent. Ad extremum Domino imperante, ac moras increpante subtristis comparuit. Nec ille quicquam fefellit sanctum Coenobiarcham. qui Dæmonem illico agnitum obtestatus est, ut palàm fateretur, Quo consilio Principem fuerit hortatus ad Monachos illo studio illaque munificentia complectendos. Respondit quod verum erat, execratione coactus, aliàs fraudis & mendacij pater: Malignitas mea, inquit, inuidiæ stimulis agitata mihi persuasit, Si Castitatem atque Constantiam vestram expugnare vellem, atque adeò funditus euertere Pietatem, non alias ad mouerem machinas, quam Luxuriam in cibo & potu largiorem, lausio-riorem. Id mihi belle succedebat, nisi tu potissimum, & similes tui (ah nimium mature) deprehendissetis. Inter hæc dicta horrendum strepens in auras recessit, singulorum animos relinquens admiratione ac stupore deñixos.

Tertium sequitur *Exemplum*, breuius dicendum, at non minoris æstimandum, sicut ego mihi persuadeo. Est Patauij (quod scitis) Templum religiosissimum, idem.

idemque pulcherrimum S. Antonio (quod ex hoc de Padua dicitur) consecratum. In eo per Quadragesimam pias habebat Conciones Franciscanæ Familiæ Theologus valde insignis , at non valde insignis Orator. vt hæc duo in vnum rarò coeunt, idem optimè vt dicat , qui optimè sciat. Habebat tamen per illa tempora singulis diebus audientiam admodum frequentem : illo autem die frequentissimam , in quo erat disputaturus de poënis Inferorū. sed accidit perincommode, quod iam iam consensurus in suggestum , subito cordis deliquio correptus , inter brachia committum lapsus est senianimis. Fertur in cellam , lectulo creditur , fomentis leuatur Medicus arcessitur . qui curationem aggressus , morbum nec periculosum , nec diuturnum fore pronunciat . illum tantummodo quiesceret diem , omnis exertem laboris, molliter & calidè recumbens: postridie sanum lecto surrecturum , & ad Conciones rediturum, si modò vellet. Ea res vt Sodalibus non mediocre solatium , ita homini sollicitudinem curamque importauit : recordanti quantam pridie expectationem illius Concionis commouisset , & nunc audienti quantus ad Ecclesiam populus confluxisset. Utinam , inquit , meam vicem in præsens aliquis vestrum obire vellet : potestis enim sinè dubio doctissimi & optimi Sodales. Me nimium excruciat frustra fore promissum meum ,

meum, & populi spem. Ad quæ alijs nihil respondentibus, alijs alia causantibus, & planè omnibus festinationē improuisam. Sodalis eiusdem ordinis ac familiæ superuenit, peregrini habitum gerens. qui quidem à Gallia vsque descēderat in Italiam, religionis causa petiturus Sacram Æden Lauretanam, visurusque per eam occasionem Italiæ Vrbes magis insignes. Vir erat habitu corporis grandi & erecto, frontem subrigidam, oculos vibrantes, & ceterum os eximiè candens, barba nigrior, eademque prolixior honestabat. Si animi bona responderent, doctrina, integritas, copia dicendi; videbatur egregiè factus ad concionandum. Cœperat ergo non nihil spei affulgere Magistro Barnabæ (sic vocabatur) decumbenti, vt suas partes suscipere posset, & propter pietatem non recusaret nouus Peregrinus. ADEO cuique persuadet amor sui, facilia fore ad inpetrandum, quæ sibi expediant. nec aliquid pensi habent quid illos deceat, qui rogantur. Audacter igitur ientaculo prius oblato, iam calfactum resectumque obsecrabat, & ceteri pariter instabant, vt illam populi frequentiam, quæ iam accubuerat, diuini verbi epulas expectans, oris sui diuitijs satiaret, nec pateretur ieunos domum redire, quibus mora famem duplicauerat. Excusare se Peregrinus, quod itineri, non Concioni apta secum exportarit. plus biennium esse cū tacuerit, nec ad populum verba fecerit

fecerit longo ac difficili morbo detentus. Alia his super-addere multa in speciem honesta, quæ nemo non iniquissimus reprobare ausus foret: verum enimvero tam eleganter, & tam efficaciter exponere suam excusationem, vt hæc ipsa hominem accusaret, pulchre detegens illius & eruditionem & eloquentiam.

Quid multis moror, & Sponsionis oblitus perdo in superfluis sermonem? Inducitur, pulpitum conscendit, audientiam contemplantur, nec solum ex arte cunctando, sed etiam se ostentando expectationem sui facit. Cum magno igitur Auditorum studio, silentio, attentione ingressus ad dicendum, prope horis duabus horrendum illud, ac flebile argumentum insigniter peroravit. Vidisses inter concionandum quibusque vbertim fluere lacrymas, & altè tracta suspiria os perrumpere, Cælum ferire cum singultibus, & fremitu querelarum. nec huiusmodi pectoris motus tantummodo plebs, & opifices, & mulieres patiebantur: sed quanto quisque doctrina instructior, dignitate honestior, grauitate constantior eminebat, tanto minus temperare sibi posse videbatur, & resistere dolori. cuius crebra indicia cor faucium foras trudebat per animi fenestras. Puto non iniuria, cruciatibus damnatorum audiendis illos altiùs ingemiscere, quibus vel expressiùs innotescunt propter rerum scientiam, vel horribiliùs se præsentant

tant propter huius vitæ commoditates. Peracta concione omnes discedere lacrymabundi , & tanquam saucij ferentes lateri hærentem sagittam. nouus Concionator ab omnibus sodalibus , & à Barnaba super ceteros admiratione affici , multoque in honore , ac pretio haberi. Eum vero paulo post abire properatē , ac iam sese itineri credentem in ipso Monasterij vestibulo Vir confrater è numero laicorum forte occurrens diligenter & curiosè cœpit intueri. Nec sesellit sanctum hominem facies simulata , & corporis habitus ad Religionem deuotionemque compositus . tamen sic intra se . Hic profecto Diabolus est. non mentitur aut fallitur Dominus, qui eum mihi aperit reuelatque . tum video ego met frontis cornua , barbam petulcam, manus ungulatas . Est igitur sinè dubio Dæmon , idest generis humani hostis sempiternus . At enim obsecro , quæ illum noua insania , quæue intemperix agitant , vt hodie venerit sua sponte ad pietatem , & cultur Dei nobis persuadendum ? Quos vtique ille saluos non vult , nec aliud vel ardentius expetit , vel sagaciùs inquirit,quàm perniciem nostram . Ego omnia credere malo , quàm ipsum benè cupere mortalibus , præsertim Christianis , præsertim Religiosis . Non potest . Audebo Christe IESV , in tuo nomine ad tuam gloriam .

HEVS Peregrine , Per illum Dominum,
qui

qui te creauit ingratum , perfidum , rebel-
lem ; perque illum Sanctum , cuius & ha-
bitum , & Religionem mentiris obtestor
te , vt palàm fateare , Si tu es Diabolus , &
qua fraude huc accefferis prædicatum ,
nobis pietatem , à qua tu longissimè abes ,
& nos velles abesse nihilominus . Iam so-
dales plane omnes , & multi præterea Ci-
ues exterique confluxerant ; cum Frater
Peregrinus ad primum quæsitum non ver-
bo , sed facto respondit hominem exuens ,
ac se in Diabolum refingens . qualè vulgò
faciem Dæmonibus affingunt alatam , cau-
datam , manibus pedibusque vucinatam ,
cetera Phaunis & Satyris per similem .
Cuius aspectum alij subita formidine cor-
repti stupentes diffugerunt ; alij magis
constantes intueri , & contemplari curio-
sius cœperunt . Ad hos ille (sic Numen
cogebat) Vos , inquit , appello sapientes
& artium Magistros , qui rem minimè mi-
randam , sed vulgarem , communem , vfi-
tatam non intelligere aut capere videntur .
Concio mea ingentem sub animo tu-
multum vobis alijsque suscitauit . Fidem
fecere suspiria & lacrymæ , quas identi-
dem cor æstuans liquabat , & largam plu-
uiam vento agendam permittebat . Ex eo
factum , vt prope singuli domũ redierint ,
nouos mores , nouam vitæ rationem , no-
uum denique hominem meditantes . Qui
me stultum non dixerit , cum Vineta cæci-
derim egomet mea ? & his venerim latum
sup-

suppetias, quos meum est inuadere, persequi, extinctos velle? Hoc videlicet factis videtur: sed illi aliter æstimant, qui habent salem. Quid enim? quid inquam suspicamini vel vobis profuisse, vel Inferis obfuisse concionem meam? Scilicet: est periculum nè multi à nobis deficiant, & frugi esse incipiant, quibus vix templo egressis pectus refrigit, siccatae lacrymæ, & tota illa tempestas quàm facile turbae-
rat, tam repente in malaciam vertit. Non igitur quicquam ex eo aut acquiritur vobis, aut adimitur nobis. Quid si ostendero: Sed reprimam me, hoc euulgari non oportet. E re hominum est, si sciatur: contra illos, si taceatur. Et cupio ego quidem tacere, sed Numen imperiosius eloqui cogit, compendio dicam. ANTE horrendum supremi Iudicis tribunal, singulis in priuato, vniuersis in publico non solum acer accusator, sed etiam locuples testis accedam rebellibus obstinatis, quos à via Inferorum nè à me quidem prædicata supplicia reuocarunt. Vides Domine (sic exclamabo) quàm sinè omni excusatione pertinaces in scelere vixerunt, quibus corrigendis, atque ad bonam frugem reducendis hostes quoque operam contulerunt. Ego ego (nè dissimulent) quid illos agere, quid cauere oporteret, nè ad Infera præcipites ruerent, efficaciter ostendi: quod maius est, etiam persuasi. restor cuiusque conscientiam. Qui tamen in-

con-

constanter ad pristina reuoluti, vt impro-
bius peccarunt, sic atrocius puniri merue-
runt. Cum his dictis è conspectu subla-
tum, frustra oculis requirebant, attoniti
stupentesque prodigio, quod omnibus ad-
mirationi, nonnullis & saluti fuisse credi-
tum est.

DECADIS SECVNDÆ

Exemplum Quintum

Argumentum.

S. Menas hominem claudum, & mulie-
rem mutam eodem temporis momento
sanat in admirabilem modum.

*Clausulam superioris Exempli mentitus Con-
cionator, à vero Concionatore mutuatus videtur
S. Ioanne Chrysostomo. Qui tum forte Homi-
liam eiusmodi grauem atque flexanimam apud
quosdam habuisset, quorum ille ingenia & mores
pulchrè callebat: commodum hortatione perorata,
totus in lacrymas effundi, ac pectus plangere cœ-
pit. Rogatus causam; Pœnitent me, inquit san-
ctus, quòd hodie fuerim concionatus. & vos ad
virtutem impellere studuerim sic efficaciter, sic in-
stanter. Prauideo enim (atque utinam falsus
prauisor sim) fore aliquando, cum ante supremum
tribunal vestra erit per meam Concionem causa*

Hste.

deterior , egoque cogar aduersum vos ingratum mihi , sed iustum tamen ac debitum dicere testimonium. Qui si saltem intrinsecus & ex-animo compuncti vestras culpas ante obitum eidem Iudici sponte fateremini, & veniam pacemque precaremini : duo illa magis tremenda iudicia , dico alterum singulare post mortem ; alterum generale post resurrectionem, longè aliter se habere. Accuset Diabolus factum : Sacerdos testetur confessum : Angelus instet remissum erit tibi pro supplicio præmium ò non admittens, vel ò admissi poenitens peccator . Alia huiusmodi, quale Oris Aurei flumen est , ad mortales in viam reducidos fundebat idem sanctissimus, idem doctissimus Archipresul. Ecce autem ab latere Caporalis, quem quintus narrandi , hoc est ultimus ante cenam locus manebat . & O , inquit, bellissimi Sodales, quis nostrum excusari satis poterit à via non calcata virtutum , quam etiam hostes docent ? Me ista sanè plusculum afficiunt, qua coacti Damones minantur , quàm qua ultro admonent & rogant sapientes . Verùm enimverò nimium diu versamur inter Damonas , aut Damonum similes latrones . Iam faxo ab istis ad Sanctos Viros, hoc est ab Inferis ad Calos reuertamur .

Diocletiano & Maximiano imperantibus , non solum immanissima cædes Credentium in Christo , sed etiam inipia strages Templorum , sacrarumque imaginum facta est per omnem Orbem Christianum . Alexandria potissimum , & finitimæ vrbes in Ægypto , cum pagis villisque

lisque adiacentibus fidelium sanguine redundarunt. Inter hos valde præcipuus memoratur S. Menas Ægyptius, cuius insigni Martyrium refert Simeon Metaphrastes apud Viographos Sanctorum, qui diem Martyrij ab Ecclesia dicatum nominant Postridie Cal. Nouembris. Ei verò post mortem tyrannorum, succedente ac suadente Constantino, Ægyptij Templum ingens ædificarunt, in eoque Martyris Reliquias colebant, Miraculis in dies pluribus & maioribus insignes. Recenset hæc præter ceteros locuples auctor Timotheus Archiepiscopus Alexandrinus. Inter quæ vnum mihi hodie vesperi narrandum suscepì, quod existimo non propter factum ipsum commune huic Martyri cum multis, sed propter inusitatum, ac plane contrarium faciendi modum fore admirabile. Vsus fuit per ea tempora fidelibus infirmis non interdum dumtaxat aras & sepulchra visitare Sanctorum, sed etiam in Templis ipsis pernoctare sanitatem implorantes. Horum longè plurimi apud S. Menam dies noctesque commorati quidam celerius, quidam tardius expulso morbo incolumes domum reuertebant. Quodque in talibus frequenter accidit, fieri autem semper deberet; singuli per Sanctum curati, cum robore corporis bonam mentem, & studium pietatis insigniter auctum referre dicebantur. Erat propterea in Templo ægrorum cuiusque generis ingens turba, lectulis

lectulis vndecumque dispositis diurnantes, & pernoctantes. vt iam non templum diuino cultui exercendo, sed xenodochium ægris curandis factum videretur.

Hæc tanta miraculorum fama longinquas etiam oras peruagata, vir quidam ab infantia manibus pedibusque fœdissimū in modum distortis, laceris, attractis, vt non ingredi, non in vestigio stare, non manu quicquam efficere posset, cū Templum aliquot passuum millia distaret: propinquos atque amicos rogare cœpit, vt se quàm primum eò deportandum curarent. sperare se, si vera essent, quæ de Sancto fama loquebatur, haud dubiè cum ceteris sanatum iri: & inde paulo post suis pedibus domum esse reuersurum, vt pariter alij (quanquam non sic affecti) rediisse dicebantur. Irridere omnes, atque illudere Mancoclaudo, si crederet morbum adeò inueteratum, iam olim desperatum tam facile posse curari. Quanquam enim non negabant ascendere super vires naturæ vim celestem, ab eo scilicet manantem, qui & ipsam fecit naturam: tamen quia illum non nimis deuotum ac piū esse intelligebant, persuadere sibi non poterant, vt per Sanctum Virum eo tam insigni, ac singulari beneficio donaretur. Ad extremum quotidie magis instanti morem gesserunt, ad Templum deportarunt, in lectulo collocarunt. Cubabat ex-aduersum femina pariter clauda; sed ea etiam muta:

vtram-

utranque à Matris vtero secum afferens labem. Eis verò fideles comites in Templo famulabantur, mulieri aliæ mulieres, homini homines. illa silens ex intimo animo, hic etiam supplicibus eisque continentibus verbis sanitatem à Sancto implorabant.

Hic Mancoclaudus, hæc Mutoclauda (sic cogor appellare, neutrius proprio nomine cōperto) fuere in illo Templo complures dies penitus incassum. Neutri adesse Sanctus deprecator, neutri à Cælo subsidium: ut iam spes quoque deficeret fatigatos. Ac femina quidem quid secum animo volueret, & quam in partem acciperet sperati beneficii frustrationem; omnino ignoramus. de Homine impatientius moram ferente, hoc insuper traditum est. Post aliquot dierum inedia, & preces solito longiores intentioresque, incidit viro agresti ac rudi litterarum Cælo indigna suspicio, nè se Sanctus Martyr curare non posset. ea plurimum inualuit ex eo quod videbat identidem curari alios leuioribus morbis affectos, quorum aliqui domum incolumes redibant, aliqui Sancto gratias agentes eidem Templo inservire perseverabant. se nimirum rei rei à Sancto, & à Cælesti liberalitate putabat excludi propter sanandi, aut leuandi desperationem. Igitur temperare sibi non potuit, quin die quodam in hæc verba prorumperet. Falsa esse oportet Beate

Martyr , quæ de tua Sanctitate ac potestate fama vulgavit . Fecisti olim tu quidem ingentia miracula : non inficior . loquuntur ipsa per se . Verum enimvero ablata est tibi , vel iam consumpta facultas faciendi amplius . Ego nimirum , & puto mecum mulier muta fuerimus tardiores . Iam exhaustus est fons talium gratiarum , unde alij felices quia priores non solum satiati , sed ebrij recesserunt . Nos pigri sitientes arentesque dimittendi sumus .

Talia cum infelix murmurans quereretur , & altè tracta suspiria voculam interpellarent , ultra mediam noctem miseratus hominem somnus , omnem illam ægritudinem sopore inuolutam sepeliuit . Ecce autem in somnis homini Sanctus Martyr vultu subirato , Quid me , inquit , incusas homo insolens , indoctus ? Parce mihi , Pater Beatissime , respondit Infirmus . Impatiens morbus , & vel frustrata , vel dilata spes valetudinis in illam linguæ vanitatem emertere . Ceterum confiteor , Pater , me posse abs te , si velis vsum omnium recipere membrorum . Posses etiam fato functum remittere ad fruendam vitam , vt scio alios fuisse remissos : adeo tibi tuæque deprecationi supernū Numen indulget . Tu verò , subiunxit Martyr , nunquam sanabere , nisi meis dictis audiens fueris . Euge , Parens humanissime , impetra facturus quid sim : continuo exequar . Huic iterum Sanctus , Vides , inquit , singulos

gulos in propinquo cubantes alto sonino
 consopitos. Enitere quantulum potes, at-
 que age te contra lectulum Virginis mu-
 tæ, in eoque apud illam recumbe iacen-
 tem, dormientem. Quibus dictis illico
 Sanctus euauit, homo ad se redijt. Qui
 secum recogitans Oraculi mandatum, pu-
 dore ac tristitia confusus, Hem, inquit,
 Sancti beneficentiam! quia me sanum fa-
 cere aut non potest, aut non vult; impel-
 lere conatur ad facinus. An mihi fortasse
 Diabolus illudit? Vt illum audio personas
 induere Cælestium, & vltro factum suum
 venire mortalibus. Certe imperium tale
 ab inferis potius, quam à superis videtur.
 Ac si à fructibus vnumquemque cognos-
 cere par est, vt nos olim Saluator doce-
 bat: hos profecto in Plutonis & Proserpi-
 næ hortis inuenias, non in Paradiso cun-
 ctarum deliciarum. At enim faciamus ve-
 rum esse, quod vtique aliter mihi persua-
 deri non potest; vt vere S. Menas Ægyp-
 tius Martyr; ille inquam Sanctus Menas,
 cui hæc domus consecrata est, mihi toties
 inuocatus præsens præsentī affuerit. facia-
 mus hoc etiam à quo nimium mens abhor-
 ret, vt illa sit mei mali medicina, quam
 docet suadetque Sanctus. Hem quid ego
 hic efficiam miser? Ibo scilicet ad Mutam,
 quæ me accusare non poterit, nec alio fu-
 gere pariter clauda. Vitium illi afferam,
 & referam mihi salutem. Felix mercatus,
 in quo res emitur optatissima: pretium


verò soluitur huiusmodi, quod etiam gratis dare gratum sit, ipsum sibi & pretium, & merces. At enim quid cogito stultus, quid molior impius? Virginem stuprabo, quam me tangere fas non est, & peragam in Templo flagitium ante aras, ante ora Cælestium. Non faciam profectò. non si hæc etiam perdere habeam, quæ supersunt, oculos, & linguam. Malo animæ, quam corporis salutem: Æger domum reportabor: ac non finè solatio tamen. dicar pudori, dicar pietati pepercisse. Mulcebit animum memoria, quòd prætulerim valetudini honestatem, & iniurius aduersus Sanctos esse noluerim, ab his etiam ipsis rogatus.

Hæc secum Manco Claudus. Cuius nequeo satis intelligere rationem & varium ingenium. Nunc rudis videtur leuium, atque vulgarium rerum: nunc vero etiam peritus obscurarum. Sanctos Dei, & Sanctorum iustitiam, liberalitatem, charitatem confitetur: & eosdem putat aliquid posse suadere aut imperare, quod æquum ac pium non sit. Ergo tenax propositi sui, certusque prius semper iacendi, quam cum scelere resurgendi; ab Orationibus tamen diurnis nocturnisque non cessat. Sed proxima nocte sub eadem hora idem videt oraculum, idem audit imperium. Minatur præterea Sanctus, nisi obsequens dicto fuerit, haud diu fore cum illi grauius aliquid contingat. Cum hac voce
statim

statim experrecto visum homini à cælo
venire, ac animo incidere nouum consi-
lium, nouaratione munitum. Sic enim
secum cogitare cœpit: Qui hoc mihi sua-
det, imò iam imperat, vt faciam, mina-
turque nisi fecerim, sine dubio amicus est
Dei, Sanctus Mena Martyr Ægyptius.
Non potest Sanctus imperare peccatum.
qui si iam imperet, peccatum illud non
erit. Si mea sponte irem ad puellam, &
exponerem tanto periculo animam; vti-
que temeritatis atque libidinis iure accu-
sarer. nunc Cælo mittente, ac Sancto iu-
bente; nihil mihi videtur esse metuendum.
Ibo ego quidem promptus atque alacer,
non vt peccem: minime istud in animo
est mihi: sed vt Sancto morem geram, ei
de me meaque anima curam relinquens.
Nec mora: cum iam nox properaret in-
diem. vbi quiescere singulos vel ipse ani-
maduertit, vel certè sperauit propter San-
ctum; pedetentim lectulo egressus, & spa-
tio intermedio (vt solebat) non cruribus,
sed clunibus emenso; ecce tandem consi-
stit Mutus ante Mutam. Puto mulierem
sominus iam laxior & languidior tenebat:
qualis paulò ante lucem natu grandes affi-
cere solet in vigiliam sua sponte festinans.
Itaque stragulis duntaxat paulum com-
motis remotisque statim experrecta, quæ
antea nunquam fuerat locuta tunc altum
emisit clamorem: O impudens flagitium!
ferte opem pia turba: comprehendite sce-

stuni, & tenere insidiatorem pudicitiae. Ibi vir primum monstro conterritus, deinde verecundia suffusus, postremo etiam metu ac formidine percellus, opinari se mortuum fore planissime. quandoquidem nec pedes ad fugam capeſſendam, nec manus ad vim repellendam sibi esse cernebat. Verum enimvero mortem expectanti (res admiranda) monstrum monstro, vel potius monstra monstris cumulantur. nitens trudere corporis molem, ut in more habebat, viam verrens ad stationem suam; ecce subito sospes & incolumis surgit in pedes. brachia quoque robur induunt, & suos manus explicat digitos ut adſpectu concinnos, ita molliter flexibiles, atque ad vsum paratos. Mutæ similiter eodem instanti, ut os ad sermonem, sic genu ad gressum laxatur: surrexitque suis pedibus domum reditura, quam illuc ægrè deportarant iumento impositam. Res quemadmodum gesta erat ab utrisque commemorata, in litteras mittitur. Illi quamplurimis Deo præpotenti, & Sancto Menæ deprecatori actis gratijs, in patriam reuerſi sunt.

Multa super huiusmodi miraculo dicta, responsa, disserta inter Sodales fuere: donec pueri rursus ad cenam: imo & aliqua inter cenandum.



DECADIS SECVNDÆ

Pars Secunda.

Exemplum Sextum

Argumentum.

Inclytus Concionator nobilem Matronam perditè amans, ab ea interficitur. Res ab Urbis Governatore prudenter occultata.

Vbi cenatum, ad ignem reditum, & ex more confessum est; aliquandiu sua sponte silentium mansit. Credo erant solito magis fatigati, & ante cenam, & super cenam de Mancoclaudo, & Mutoclauda differentes. Vnus tantum quieverat, & se quæstioni non interposuerat Archelaus: ruminans animo Exemplum quod valde illustre, atque mirandum referre constituerat. id ego multis post annis transcriptum audio fuisse. & fortibus testimonijs confirmatum inter Magicas disquisitiones ab Antonio Martino Delrio Iesuita. Sic igitur Archelaus.

Patrum memoria fuit in Hispania nobilis Concionator, cuius nomen, cognomen, Religio, patria tacentur honoris.

ergo. Hic cum per ætatem singulis festis diebus in amplissima vrbe ad populum verba faceret, vt mos fert in Hispania, quem quidem non diu est, cum Galli etiam, & Itali vsurpant: in tantam simul eruditionis, simul sanctitatis opinionem deuenerat, vt ea gratia Monasterium illud, & huius conclauia in primis virorum doctrina & sapientia illustrium pedibus terebantur. siue illum præsentem colere, siue aliquid ab eo sciscitari, siue tantum aspicere vellent, facie, oculis, toto corporis habitu verendum. Super ceteros feminæ honestiores cum illo in Templis & sacellis priuata colloquia miscebant: circa pietatem, aut rem domesticam, aut liberorum educationem, aut huiusmodi suas curas consilia petentes. Ille autem (quæ non solum sapientia, sed etiam humanitate præstabat) modesto vultu excipere singulas, libens auscultare, documenta præbere, ad patientiam exhortari, omnesque ab se dimittere voti compotes, aut saltem non mediocriter curis alleuatas. Neque verò (quod aliquis forte suspicetur) illa tam frequens, tam publica, tam intima cum feminis familiaritas ullam infantiæ umbram posse offundere videbatur, castissimis viri moribus, & vulgo creditæ sanctitati. Verum enimuero stolidum atque insanum vulgus est: vulgum dico non opifices tantum, & homines agrestes; sed hos etiam pullatos, ciuiles, honestos non multum

multum tractatione litterarum, & parum
 usu rerum peritos, qui quemquam san-
 ctum aut pium, aut omnino virum bonum
 credere possunt, si quis domestice versa-
 tur, & priuatim colloqui amat cum femi-
 nis alienis, præsertim speciosis & venustis:
 sat erat dicere Iuuenibus. Nec illud mi-
 nuit suspicionem, quod in Templo, quod
 in Sacratio, quod in loco sanctiore. Au-
 get potius in plerisque apud cordatos ma-
 litia pietatis pallio tecta. Videntur enim
 ad hæc agenda Ecclesias legere, vt Reli-
 gionis obtentu securius peccent: nempe
 sic opinantes, haud quemquam suscipi-
 turum aduersus Deum in Dei domo, a Dei
 ministris consilia iniri. parit enim peccati
 securitatem illa peccandi (vt sic dixerim).
 Improbabilitas. Præposterii homines! qui
 loco ad placandum Deum parato, abutun-
 tur ad irritandum. digni mediis fidiis,
 quos duriore flagello Supremus Ædituus
 exturbet, quam qui olim in Sacra Æde
 forum fecerant mercium venalium. quo
 est turpius Diabolo animas Christi sangui-
 ne redemptas, quam sibi suisque ad vitam
 necessaria, seu commoda mercari.

Sed ad nostrum reuertamur Conciona-
 torem, qui seminarum consuetudine libe-
 rius vtens, ad insignem matronam facie
 pariter, & corde honestissimam oculum
 adiecit. Lucretia erat nomen: priscæ illi
 Romanæ pudicitia par, conatu par, euen-
 tu felicior. Huius flagranti amore cor-

reptus Concionator, cū dies noctesque paulatim confici, & ad interitum labi videretur; non ad ea remedia confugit, quæ vulgò alijs suadebat, quibus facilè amor extinguitur, aut nascens, aut in cunis, in edian, vigiliis, flagella, & preces magis crebras, magis intentas: minimè ad istæc homo intemperans, & iam libidinis mancipium suæ: sed potius ad blanditias, ad fraudes, ad insidias, ad vim denique inferendam miser conuertitur. Primum cum femina ipsa hilariùs, liberaliùs, frequentius, quàm consueuerat, fabulari. Nec abnuere castissima mulier opera perfectæ charitatis existimans, quæ substruendo ingenti flagitio dolosus faber admovebat atque sternebat fundamenta. Deinde ad facinus minore negotio molendum efficiendūque, in mariti amicitiam intimanque consuetudinem se insinuat, callidè prius observato, quibus ille artibus & studijs deditus esset. Vir potissimum rem antiquariam colebat, & Romanorum Græcorumque historijs mirificè capiebatur. Ad quam rem magno illi & oblectamento, & adiumento erat Concionator: huius etiam generis litterarum homo peritissimus, & multum iudicio, multum facundia, & gratia valens. Itaque nullus propemodum dies præteribat, quin aut Monachus domi apud illum, aut ille apud Monachum in Monasterio diuersarentur. Sæpe apud Collatum (hoc viro erat nomen

men) post longam iucundamque meri-
diationem vnà cenabant in aula, in por-
ticu, prope fontem, sub pergula, in hor-
tis nunc vrbaniis, nunc suburbanis: Lu-
cretia simul accumbente, simul differente,
non rudi artium meliorum, & sandi co-
piosa. Quæ quidem congregiendi occa-
sio priuata, cum ad publicum & id maxi-
mè liberum genus vinèdi accederet, quod
tota ciuitate omnes impune vsurpabant
seculares, ecclesiastici, matronæ, viduæ,
omnis generis puellæ: ingens Monacho-
commoditas fuit cum Lucretia vbi vellet,
& quamdiu vellet, colloquendi: tum Vi-
ro absente, tum alijs etiam arbitris re-
motis.

Igitur die quodam liberaliùs atque di-
caciùs cum Matrona in Templo fabula-
tus, discedentem rogauit, vt se postridie
ad certam horam domi expectaret, graue
negotium cum ea commodiùs acturum.
Illa nihil suspicans mali, sedens in porticu
expectabat; suis interim intenta domesti-
cis negotiolis: cum ecce solito hilarior at-
que alacrior Ecclesiastes. qui præmissa
tanquam pro exordio aliqua iocandi li-
bertate, ad extremum ausus est de amore
in illam suo facere mentionem: inde ad
preces, ad supplicationes, ad obtestatio-
nes conuerti. opportunam incidere ab-
sentiam mariti: & fortè aberat illo triduo
aut quatrinduo non rediturus. non deesse
sibi vnde referat gratiam, arcana in primis

miranda, nemini adhuc nota mortalium .
Ad quæ verba stetit primum velut extra
se posita mulier, diu impotens responden-
di . Mox fugitium animum ira reuocan-
te , sic excanduit , vt feroci vultu ac mi-
nacibus oculis Monachum intuita, in hæc
tandem conuicia eruperit ; O, inquit, sce-
lestissime bipedum hypocrita ! tu nè ausus
tam nefariè , tam impudenter de stupro
appellare honestam matronam ? quæ ne-
scio equidem cur abstineam manus , nec
te fustibus multatum domo iubeam ex-
trudi per forum ad tuos . At si posthac
huiusmodi quicquam ex te audiero , nè
spera inultum tibi futurum . Supplicij mo-
ram grauitas duplicata compensabit . Qui-
bus alijsque consimilibus minis nequa-
quam territus , ipse quoque in vacuum
minari solitus Concionator : & si tunc qui-
dem non nihil visus commoueri , sermo-
nem alio conuertit, ac de rerum genere
dissimillimo fabulari cœpit ; tamen alterò
& altero die, cum alijs consequentibus id
ipsum poscere frequentius atque instan-
tius non erubuit . vsque adeò donec in-
fandæ procacitatis impatiens matrona ,
fors etiam verita nè cui familiarium res
antea suboleret , indeque ad mariti aures
manaret ; cunctandum sibi amplius non
putauit, quin ipsa vltro proderet flagitiũ ,
& de toto negotio certiore faceret Col-
laktum . Qui quidem re audita , & vxore
collaudata , cuius castitatem & fidem pla-
nissime

nissimè cognitam perspectamque habebat : Volo , inquit, cum te iterum iterumque idem rogauerit , paulatim lenius atque humanius respondeas, donec tandem instanti promittas te in illius potestate futuram. Veniat ad certam diem , imò ad certam noctem , ad certam horam , sinè ullo comite, per ancillam introducendus. Cetera ego scilicet expediam . probare vxor consilium : hoc non probare , si Monachum opprimere armis intendat : cum satis superque videatur fore , si tantum fuste contusus foras explodatur . Eam verò iubet maritus præstare diligenter , quod admonita est . vindicta vt honestatem cum salute defendat , id scilicet curæ sibi futurum .

- Nox facinori decreta , & per feminam Monacho promissa Septembrium Calendarum , post vigiliam secundam . locus lectus ædícula inferior prima occurrens intranti . Cubiculum erat ad læuam interiùs, in quo Collatus & duo ex fidelissimis amicis cognatisque ferro stipati latebant . Ecce ad condictam horam bonus Concionator , habitum gestans militarem , pileo cristas iactante, latus breui gladio succinctus , & nullum Monasticæ simplicitatis vestigium præ se ferens . Qui commodum intro admissus iubetur tantisper sedens præstolari dum femina ex ædium cenaculo altiore ad illum descendat . mox ibi futuram , nec dictum mulier morata . iam descen-

descendentem, & callidè strepentem, ut
vindices in occulto stantes commonefa-
ceret, Monachus rustica, vel potius bel-
luina libidine concitus, abiecto pallio, te-
nere atque amplexari conatus est. Repu-
lit honesta femina procacem agrestemque
amatorem: & primum excreans in condi-
tis atque ambiguis vocibus; dein excla-
mans apertis questibus defensorum in-
propinquo latentium subsidia implorat.
Nullus tamen comparebat: ancilla perter-
rita refugerat, & se tenebris in altiore cu-
biculo crediderat: circa feminam & Mo-
nachum luctantes mirum silentium. Ob-
stapescere mulier, & cum questibus obiur-
gationes, conuicia, imprecationesque
confundere. O Vir inclamat, o fratres in
abdito locati, districtis gladijs ad me vin-
dicandam, & adulterum de medio tollen-
dum; quid cunctamini segnes, infidi, pro-
ditores? Eia obsecro bestiam inbellem,
& inermem, tantummodo crudelem, tan-
tummodo bestiam securis ictibus inuadi-
te, ac mediani transfodite. certum victo-
ria spondet triumphum, perpetuo mansu-
rum. heu heu me miseram nemo prodit:
ego prodita sum. ades Virgo clementissi-
ma Cælitum Regina. cuius diem natalem
voueo post hac eximium mihi futurum,
& præcipuo cultu venerandum. Tueri
Domina pudorem meum, & excusa sim-
plicitatem: si me scis non mea sponte, sed
coniugis imperio in hoc esse adductam.

discrimen

discrimen. Talia orantem nequissimus Ecclesiastes nunc blanditijs demulcēs, nunc promissa exigens, nunc mortem interminans, adigere festinabat, vt sibi obsequens esset: futuram nihilominus vi coactam, & ingratijs.

Vim igitur parantem atque vltro manus inferentem cum ab se reicere, ac diuellere iam lassata non posset; fortē fortuna inter colluctandum dextera manubrium pugionis incurrit, quem recens miles læuo lateri hærentem gestabat, eductumque partim iracundia & furore, partim periculo animos faciente, in pectus ab se pendentis, ac nihil tale metuentis impingit: Vltrix fortunata! quæ hostem suum magis capitalem, adulterij blandum suasorem & impulsorem, Cor inquam medium transfixit, & inde statim miseram animam, quod erat digna, in tartarum ablegauit. Mox in terram delapso cadauere, mulier Cælo agens gratias, in proximum conclaue furens erupit, factura coniugi, & alijs excubitoribus grande conuicium; quod se contra fidem datam reliquissent solam, imbellem, imparem discrimini futuram. Sed o rem dictu mirandam, singulos altissimo somno consopitos offendit: vt ne tunc quidem conimouendo, stringendo, fodiendo excitari vnquam potuerint. Stupescere mulier, quod animos in rem tantam cogitatione defixos intentosque somnus inuasit: magis obstupescere, quod

quod tam arctus, tam insolubilis. Ergo iterum iterumque corporibus frustra per- tentatis, & villicatis; cum penitus nihil sentirent, hoc tantum à cadauere iuxta- posito differentes, quod illi spiritum nari- bus efflarent, hoc iam efflasset: reliqua cogitatio erat de mortuo vel absconden- do, vel vspiam sepeliendo, vel aliquousque in viam extrahendo, quantum ab se suis- que penatibus suspicionem cædis amoue- ret. Hoc secum ipsa reputanti, & cum ancilla deliberâti, quam vnâ adhuc tre- pidam facti consciam habebat; hoc ter- tium magis expedire ac minus periculi præ se ferre visum est. Nox erat intem- pesta & iam properans in diem: fuscum, vndique & obscurum cælum: fauens ca- stitati Diana, suum occidua celabat ar- gentum: nec aurum stellarum radiare nu- bes intermediæ sinebant; nisi quantulum trahendi & certo loco exponendi ponde- ris viam doceret. Huc igitur partim subie- ctis bracchijs nitentes, partim per pedes altera trahens, per caput altera impellens, cadauere tandem exportato, fortes femi- næ domum regressæ, atque intus clausæ: quanquam valde sollicito ac suspensio ani- mo erant; tamen oculis vigilia ac mem- bris omnibus labore fatigatis, cum lecto se credidissent, in multam diem experre- ctæ non sunt: vt postridie vicinis admira- tioni fuerint, prope in prandij horam læ- tentes, non ostia, non fenestras aperientes, nihil

nihil vſpiciam ſtrepentes molientesque .

Sed iam ad Monachum alio ſopore oppreſſum , & in media iacentem via reuerſamur . Cuius cadauer manè ante liquidam lucem repertum , atque (vti mos eſt) Magiſtratibus indicatum , cum propter habitus inſolentiam nemo agnoſceret; ſagacior quidam de numero iudicum , qui Monacho erat uſus familiariter , cum vel agnouiffet , vel agnoſcere ſibi viſus fuiſſet; ad Gubernatorem Urbis rectà contendit , atque illi omnibus arbitris remotis , Mi Domine, inquit, offeſſum in via cadauer, ſi dumtaxat Monachi habitum præferret , iurarem eſſe inclytum noſtrum Concionatorem . Sed Viri ſanctitas , grauitas , auctoritas huiuſmodi aliquid credere de illo , aut etiã ſuſpicari non ſinit . Vix cogitare animus audet quantum dedeceat ille ornatus illam perſonam . Ergo forſitan alter eſt illi ſimilimus ex eadem familia mihi cognitus, homo parum ingenio, parum iudicio & litteris valens . Hunc ſuſpicio fore omnino , niſi eum alius aliquis è ſeculo repreſentat nobis incompertus . Tum Gubernator æquitati prudentiam , & doctrinæ pietatem charitatemque admittam gerens , ante quam dies fieret illuſtrior , vulgo adhuc incognitum , & pauculis viſum cadauer in arcam imperat recondi , ferendum quò ille poſtea manderet . Hinc rectà cum paucis ad Monasterium . Euocatoque Cœnobiarcha ; Volo, inquit,

inquit, omnes vestros Sodales vnam in-
aulam conuenire, facturus apud vos ali-
quid verborum. Mora nulla: in cenacu-
lum amplum frequentes conuenerunt.
Rogare Gubernator, num fortè quispiam
abesset. Negare Monasterio Præfectus,
præter vnum Concionatorem. Iubet il-
lum quoque ac illum maximè acciri Gu-
bernator. Ad cubiculum itur: fores al-
tius pulsantur: nemo respondebat. Amo-
liri ostium imperat Gubernator. Intransi-
tum eo Cœnobiarchæ, tum vni & alteri
ex honestioribus ministris nemo prorsus
obuiam est factus. Tantùm super lectulo
temere proiecta cingulum, tunicam, cu-
cullum; super abaco ephemeridas, astro-
labia, & arcanis pictos characteribus li-
bellos offendunt. Mirari Gubernator vn-
de Apostolum, & Prophetas, & antiquos
Patres è suggesto tam frequenter tonaret
Concionator, quorum strues voluminum
sub lecto, aut per arculas pulvis operue-
rat, tinea rodebat: ille autem magis in-
expedito haberet Gauricos, Ticones, Ma-
ternos, Agrippas, horum similes permul-
tos. Laxabatur cubiculum à fronte in-
ædiculam angustiorè, cuius pariter ostio-
lo reserato (mirandum ad spectu & inopi-
num) cereus ab angulo splendebat, si fi-
neretur, paulò post extinguendus sua
sponte. adeò semet noctu ardens consumi-
pserat, vt ille stridens fateri visus est. Cre-
dere initio Sodales ad imaginè Saluatoris
aut

aut Virginis lucere pietatis ergo accensam lampada: sed accedentibus, & curiose singula spectantibus longè alia facies se ostendit. pavimentum illic totum in circuitu belluatum Gorgonas & Sphinges; & Centauros carbone simulatos ostentabat. paries ad læuam maioribus & minoribus circulis distinctus, hinc deformes rubetas, illinc serpentibus implicitos glires ad spectandum exhibebat. etiam hominis simulacrum nudis ossibus compactum aut refectum aperuit reclusus hemicyclus. Quæ quidem aliaque consimilia satis indicabant, quibus ille artibus, & in quem finem deditus fuisset. Tunc nihil cunctatus Gubernator clausam arcam, cui cadauer crediderat, illuc asportatam iubet reddere Monachis, quem quærebant amissum Sodalem: hoc tantum præfatus; Vos vt lubet: ego silebo.

Dum hæc aguntur, vel his potius iam actis, Collatus & socij simul experrecti, primum admirari, vnde sopor tam altus, tam longus, tam securus arduum negotium aggredi paratis. deinde cum fugatam noctem Sol radijs quasi spiculis persequens longè gentium amandasset; credere singuli à mago Monacho vim mulieris fuisse illatam, vel aliud aliquid accidisse funestius. hoc magis, quod multo iam die præter consuetudinem nullum strepitum, aut murmur domesticum hauriebant, ubique ingens & insolitum silentium.

Timere

Timere interdum Collaltus (vt est amor
 suspiciosus) nē tunc ipsum cum coniuge
 adulter, aut alicubi furto gaudens lateret.
 Mox autem Lucretiæ suæ castitas cognita
 & fides explorata, velut Aquilo ingruens,
 omnem nubem suspicionum longè pro-
 pulsabat & reducebat animi serenum.
 Dubio igitur ac suspensio pede in aulam
 cædi destinatam egressus, cum pavimen-
 tum cruore sordidum cerneret, in varias
 cogitationes mente distrahitur. dubitat
 vtrum ipse met somnians etiam ac non
 intelligens facinus occupasset, an femi-
 nam adulter, quia vini pati non posset,
 ferro trucidasset. An se, inquit, castissi-
 ma coniux, quod ei non succurrimus, in-
 teremit, vitæ præferens honestatem? Vbi
 autem si sic res acta est, coniugis cadauer?
 Quid ostio præsidens ancilla? Num eam
 quoque, an eam solam barbarus oppressit?
 Quæ secum animo voluens, & scalas inte-
 rim ascendens Collaltus, vbi thalamum
 intrauit cubantem in lecto Dominam, &
 iuxta stertentem ancillam offendit: vtram-
 que sensibus tam alto somno consopitis,
 quam ille paulo antea cum comitibus fu-
 isset. Non putauit esse suscitandas, illud
 suspicans in parte, quod noctu gestum fo-
 ret, à duobus feminis vnum Monachum
 fortiter extrusum; illatis etiam vulneribus
 arbitrabatur. occisum illum, & à coniuge
 sola, suis met armis nunquam sperasset.
 Quod quidem vbi postea didicit rem-

supra votum, & supra meritum suum cecidisse lætatus, primum veniam à Deo petit sacrilegij cogitati, vt alterum tolleret sacrilegium. deinde gratias eidem agit immortales, quòd sine suo scelere adulterum de medio sustulisset, sua pariter & vxoris; tam conscientia, quàm honestate salua. Vnum aliquot dies arcanum ignorarunt, vnde altissimus ille somnus Collati & comitum in propinquo excubantium. Dicunt aliqui per intimum amicum Gubernatori à secretis, aliqui per ipsum Cœnobiarcham pariter intimum rescisse Collatum de Monachi malis artibus, & de accensa face, cuius ardens vita somnum metiebatur illorum: non ante desitutum, quam fax viuere desisset: hac extincta, illum continuo solutum.

DECADIS SECVNDÆ

Exemplū Septimum

Argumentum.

Senex incontinens feminæ calumnijs præceps filium interimit, postea feminam, postea se.

Quantum fœdus Concionator reprehensus, tantum mulieris fortissima castitas, & Gubernatoris

toris prudens primumque consilium commendata
 fuere. Vnum in Archelao Malatesta haud
 nimium probabat, quod occasione vnius quam-
 libet scelesti, tam acriter in Monachos atque
 Presbyteros fuerat inuectus, qui cum seminis
 honestis, in sacris Aedibus, publica colloquia
 miscerent. In quo idem plerisque Sodalibus
 visum: potuisse illud argumentum tractari mo-
 deratius: nè rudia ingenia ex pauculis inductis
 argumentationibus, imò verius axioma confice-
 rent. Contra REX disputabat; nulli neque Sacer-
 dotum, neque secularium, nisi maximis de causis
 licere oportere, quamuis alioqui probata fidei, ac
 moribus emendatis. Hac ad ultimum si non
 verior, certè caucior visa sententia. Inter hac
 Vbaldus quem hora instantis officij monuerat;
 Habeo, inquit, nec ita longum, nec ita varium,
 sed opinor aequè mirandum & magis miseran-
 dum senis Exemplum, quem pariter incontinen-
 tia, & huius comes incogitantia pessum dedere.

Cluitas est Insubribus duodecim millia
 passuum Mediolano distans, quæ in
 vetustis lapidibus nunc Modoetia, nunc
 Mogontia, nunc Maguntiacum nomina-
 tur. Eam Flavius Blondus, & Leander
 Albertus Monzani vocant: gentem Mon-
 zanam, siue Monzianam. Viuebat in ea
 splendidè atque magnificè Vir patricius
 Mediolanensis: nomen Statilio fuit. Qui
 cum ciuiliū discordiarum causa Medio-
 land discessisset, vt multi ea tempestate
 faciebant pauculis potentioribus rem-

communem sibi vindicantibus : quia in Monzano agro prædia & Villas, in Monzana Vrbe commodas ædes possidebat; reliquam eò fortunarum suarum partem tranſuexit, & perpetuum in ea sibi ſtatuit domicilium, patria relicta. Erant Statilio filij duo, alter annos natus vadeuiginti, alter tantum ſeptuennis, vxore pridem defuncta : ille tertium & ſexageſimum implebat. Quo quidem æuo potius cogitationem propinquæ mortis, quàm reditum ad iuueniles delicias ſuadente; tamen in Virgine puella, coloni ſui filia non admodum excellenti ſoma, ſed ſupra modum lepida & venuſta totus exarſit. Nec mora: Patrem argento corrumpit, filiam quaſi famulam abducit in concubinatum. Non ſeſellit grandioreni natu filium Statilij Patris libido. atque vt erat non ſolùm egregiè pius, ſed etiam inſigniter modeſtus adoleſcens : tametiſi hoc ægerrimè ferebat, metuens Parentis animæ, corpori, famæ; tamen nec verbo, nec vultu oſtendit vnquam huiusmodi flagitium ab ſe fuiſſe depreſſum. Enimuero pauculis poſt menſibus cum ſenem nouo amori tantopere deditum cerneret, vt omnibus virtutibus, cum his etiam ciuilitati & honeſtati nuncium remiſerit. hoc ſecum dies nocteſque conſultabat, ecquam rationem inire poſſet paternæ libidinis coercendæ. Venit primum in mentem Confeſſarij, cuius operam nec affectatam, nec importunam

nam putabat fore in primis huic negotio accommodatam. Sed coniperit paulo post, Parentem solemnium animarum Curione relicto * ad Religiosos idiotas primum, postremo his etiam damnatis, desisse confiteri Genio turpius & solutiùs indulgentem. Propter hæc non despōdit animuni, de paterna salute vt cum maximè sollicitus adolescens, & alias aliasque secum rationes meditatus, vbi singulas molienti, nulla succedebat; ipse demuni ausus est Patrem alloqui, fortè in templo repertum his planè verbis.

Iam diu, Pater amantissime, officij mei fuit quædam non exigui momenti ad te deferre, quæ ad dignitatem atque honestatem maximè spectant. Sed me rusticus quidam pudor deterruit, metuentem nè viderer consilium dare rudis sapienti, filius Patri. Nunc me non amo, & poenæ dignum pronuncio, qui verecundiam inanem meam communi conimodo & honori prætulerim. maximè cum haud ego meum consilium afferrem, sed aliorum dicta referrem tibi iudicanda. Fui ante paucos dies hoc eodem in templo, & hoc eodem in scamno sedens, auditurus concionantem inclytum Carmelitam. qui dum cunctatur venire, Antistites operiens, viri nobilissimi Ciuitatis in hoc altiore scamno confederat, & sermonum varietate (vt assolet) Concionis moram fallebant. Ego post tergum audiens fabulantes,

lantes , verba singula curiosis auribus aucupabar: si fortè quippiam noui ex Gallia, Flandria, Germania: num quid Iulius Pontifex , num quid Veneti aduersus Turcas, & alia huiuscemodi. Sed illi paucula de publicis ; multa & multum de priuatis. Inter quæ hoc audiui , quod censens nostra interesse , cupidus bibi aure propius admota . Medius illorum senior, promissa & candida barba , tum vultu etiam angusto venerandus : Miror , inquit , Statilium nec cœtus nostros, nec sacras conciones, nec iam Ecclesias frequentare , virum annis grauem , & nostri æqualem, cetera robustum, & validum magis, quàm plerique nostrum sint . Eum verò subiunxit alius, rarò per Vrbem offendas , rariùs in foro: deditum (sicut ego existimo) totum agrolationi. rus euntem per hos dies iterum iterumque conspexi equo vectum cum villico , sine famulis vrbanis . Ad hæc alij quædam inseruere minus honesta , & nostro genere indigna , quibus serio affirmantibus, & rem pro comperta referentibus visi omnes assentiri, & casum miserari. De ista dicebant Puella rusticana , quam propinqui & amici omnes palàm querentur esse tibi in vxoris loco . Hic parum absuit quin ego me interponerem, & illorum dicta refellerem iunior seniorum . Sed me partim solemnitis verecundia, partim mirificus omnium consensus in id ipsum , à proposito reuocarunt . Erat enim

difficile, vt aduersus tam multos, aucto-
ritate insignes, & in-sententia obstinatos
vnus adolescens rectè pugnaret. Hoc
igitur potius faciendum mihi putauì, vt
eorum suspicionem rationemque tacens
auscultarem, & ad te quàm primùm re-
ferrem, vt seu vera essent, quæ vulgò ia-
ctarentur, festinares tollere. seu vera non
essent, illud Cæsaris vsurpares, *NON factò
tantùm, sed etiam suspitione vacuam esse ope-
rere Statilianam domum.*

Qua quidem Adolescentis castigatione
senex cetera iracundior, & natura fero-
cior, adeo offensus non est, vt vltro ipse
castigauerit castigatorem suum, quod il-
luculque distulisset referre virorum talium
de sua vita iudicium atque censuram.
alijs in rebus modestiam ac verecundiam
esse retinendam: in quibus autem fama &
dignitas periclitari videatur, celerem au-
daciam esse adhibendam. Hæc Statilius,
qui tametsi flagitium quidem neque affir-
mabat, neque negabat; spem tamen haud
exiguam præbere visus est resipiscendi, &
propediem ad bonam frugem redeundi.
Pius adolescens pro illo preces ad Domi-
num effundere non desinebat: & alios
præterea Religiosos atque optimos Viros,
idem vt facerent frequenter petebat, libe-
raliter vrgebat. Nec admodum diù post
(vt credebatur) precationum fructus ap-
paruit. Opportuna Statilio incidit occa-
sio foedam mulierem honestè dimittendi.
homo

homo strenuus & non indiligens colonus
 poscebat in Matrimonium. Is in agro Me-
 diolanensi fundum conduxerat. Inde sibi
 & Parentibus alimenta capiebat. dotem
 pro re non magnam; nummos aureos tri-
 ginta numerarent: nil petere aut velle
 amplius. Erat condicio feminæ quidem
 non contemnenda, Statilio autem votis
 omnibus expetenda, & postquam vene-
 rat insperanti, toto pectore amplectenda.
 cælitus missa videbatur, vt eadem opera
 sibi & Amicæ consultum veniret. ita illum
 cognati & propinqui omnes docebant.
 Frustra. leniter ille singulos auscultabat;
 rem vultus polliceri, verba non negare.
 cum ad facta ventum est, ibi simulatio,
 calliditas, nequitia senis deprehensa. Fe-
 minam thalamio egredi prohibuit: villi-
 cum, qui petebat absterruit, malum mi-
 natus, nisi desisteret, atque abiret. Exin-
 de hominē in desperatis habuere omnes:
 nec ea gratia quisquam cum illo amplius
 expostulauit. Filius dumtaxat pro sua in
 Parentem eximia charitate, aliud aliquid
 videndum atque conandum sibi putauit,
 neque vt ceteri animum despondit. Se-
 nex interim famæ, dignitatis, & conscien-
 tiæ securus planè officia omnia tam Chri-
 stiana, quam Ciuilia deseruerat, totus
 ebrietati atque libidini mancipatus.

Verum enimverò quanquam senem
 fruendæ puellæ facultas deficeret, at satie-
 tas non caperet; puella tamen seniles com-

plexus, & steriles blanditias aspernata, nihil cogitans ex quantula in quantam creuisset à Domino culta in vxoris loco; bonam gratiam rependere statuit benemerenti. Ad filium ipsius natu maiorem, mirifica oris elegantia spectabilem, sed constantia pectoris munitum nihilo minore, oculum quasi iaculum adiecit. Visa est sibi pulcherrima femina sauciassè animum adolescentis, ideoque ad spem erecta castitatis expugnandæ, in dies blandius cum illo agere, promptius morem gerere, vltro exequi & ante capere quicquid eum velle, aut putabat, aut diuinabat. Adolescens vtrum ista simplici & candido, an parum pudico animo fieri existimaret, incertum est. illud constat, nunquam ea gratia illius animum ad iracundiam, aut indignationem fuisse commotum. Quæ res mulieri animos addidit vltiora experiundi. Erat hæc in Statiliana domo minimè tanquam pedisequa, vel famula honestior, quales antiqui Atrieneses vocabant, sed quasi mater-familias omnium domina, & in omnes domesticos imperium exercens. Neu quicquam deesse sibi videretur ad plenam, quam affectabat nobilitatem, ex Mingola pecuaria in Porciam Albingam se transnominauit, & nomen & patriam mentita. Inter ceteras familiæ ministras vnâ habuit peculiarem, sibi genere propinquam, cui longè multum confidebat. quæ cum de nupero
etiam

etiam amore communicauerat, eamque
 fideli ac fortem sociam sibi adsciuerat
 ad iuuenem corrumpendum. Igitur die
 quodam Statilio rus profecto, nec ita mox
 redituro, noua Porcia absentiam Domini,
 occasionem suam rata; cum Publio (id
 erat iuueni nomen) fortè solo sermonem
 aggressa, non dubitauit ei detegere anio-
 rem suum, rogans, obsecrans, obtestans,
 vt se voti compotem faceret. Instare ab
 altera parte subueniens ancilla, vt puellam
 succi plenam, forma insignem, ætate flo-
 rentem, sic amantem nè contemneret:
 sed interea dum virens ætas blanditur, &
 vtriusque Genius inuitat, mutua volupta-
 te animos explerent. hunc esse florem
 ætatis Cupidini dicatum: ei libandum
 concedere oportere. Stolidi ac præposte-
 ri omnes, qui hæc in senectam: nec agen-
 do idoneam, nec fruendo. His alijsque
 nunc precibus fatigatus, nunc blanditijs
 illectus adolescens, ad tam foedi facinoris
 nomen sic obstupuit, vt oculis in terram
 defixis, diu vocem emittere non potuerit.
 Mox reuerso animo, gliscente ira, tam
 grande conuicium fecit, vt partim pudore,
 partim formidine percussæ, humiliter
 ei supplicarint, si sibi obsequi noller, nè se
 saltem suumque flagitium Domino indi-
 caret. Id nimirum Publius inter obiur-
 gandum fuerat minatus. nec erat tamen
 facturus illæ si quiescent, nec in posterum
 eam sibi molestiam exhiberent. Imò vero

non quieuerunt , sæpiùs exhibuerunt , & instantiùs rogarunt : ille tacuit nihilominus , nè quam Seni grauiorem animi ægritudinem afferret . Hoc tantùm sedulò cauebat , nè se vnquam offenderent mulieres solitarium .

Porcia sæpenumero contempta , & ludibrio habita , quanquam erat obscurissimis orta parentibus , tamen splendorum mulierum morem secuta , flagrantem anorem in flagrantius odium conuertit ; & iuuenem innocentem , ideo criminis reum facere statuit , quia ille crimen admittere noluerat , pro innocente habitura , si peccasset . Iam quò flagitium probabilius , ac vero similius redderet ; negotio cùm ancilla communicato , ita rem ex-compacto gerere instituunt . Porcia tempore altero capto cùm Statilius paulò post domum esset rediturus , mœrens in cubiculo sedebat . creber anhelitus recentem laborem , vultus tristior summam mentis ægritudinem arguebat . ex-aduersum stabat ancilla pariter ingemiscens , oculis vdò tumentibus . Ecce Statilius à foro domum . qui statim rectà in cubiculum , sic semper solebat ad Porciam , quæ illi carior , quàm anima erat . Ergo illam præter solitum tristem , ægreque spiritum trahentem cum offendisset , ancilla pariter sollicita , & tantùm non plorante ; totus animus conturbatus , tristitiæ causam requirere cœpit : Porcia nihil diu respondere : ancilla tantundem . Dominus

hoc magis instare verbera etiam & fustem
 minari, si tacerent. Ad extremum quasi
 coacta, singultibus vocem rumpentibus,
 Porcia respondit, Negotium esse huiusmo-
 di, quod comprimere satius foret, ac pati
 occidere sepultum, quàm educere in au-
 ras. & se tamen dicturam, quia Dominus
 imperat, cui reluctari fas non est. Publius,
 inquit, tuus non hodie semel, sed hodie
 instantius ac vehementius ausus est me.
 obnitendo fatigata sic elangui, vt ægre
 spiritum ducam. Si paulum cessasset au-
 xilium, mi Domine, in præsens aut mor-
 tuam cerneres, aut impudicam: sed prius
 me mortuam. Interuentu ancillæ (Dijs
 fauentibus) libera sum. Ei vitam, ei pu-
 dorem debes meum. Fidem mendacio
 fecere primum lacrymæ vbertim caden-
 tes, quarum periurio amor abutitur ad fra-
 udem: deinde singula confirmans & exag-
 gerans improbior ancilla. Itaque Pater
 suopte ingenio ferox & implacabilis ex
 Zelotypia in tantam rabiem excanduit,
 vt similis insipienti hac illac rueret voci-
 ferans; SCELESTISSIME mortalium, ego
 te hoc gladio transfodiam, cor manibus
 extraham, & pede conculcabo. Nec di-
 ctum res morata. Stricto ferro ibat in fi-
 lium.. Forte Publius paulò ante redierat
 domum, & in solariolo extra parietes pro-
 iecto (Menianum veteres vocabant.) Ro-
 saria sua mormurans lentè ac securè inam-
 bulabat: cum ecce in se Patrem verbis

iurgantem, gladio minantem, subito respexit. Obstupefcere adolescens: & quid noui accidisset quærentem, senex Furijs agitato, perfidum atque incestum vocans, altè ictu vibrato inuadebat. Adolescens fulgentem gladium, & furentem intuens dexteram, metu percussus retro pedem tulit læthalem plagam declinaturus. nec est recordatus infelix (formido memoriam excusserat) quòd super Podio esset præalto, & nullus ab ea parte obicibus cincto. Mendax podium, pergula infida, quæ non obstitit ruituro, nisi credam ideo factum, nè innocens parricidio caderet. Igitur præceps lapsus retrorsum capite ad subiectum marmor illiso, statim expirauit, cerebro ac terra foedata.

Pater immanissimus, vt illum adhuc Furia stimulant, non in terram collapsum, sed saltu elapsum suspicans adolescentem, per scalas vt cum maxime vociferans, & conuicia ingerens persequi festinabat. Ecce autem in filium incidit exanimem, capite diffracto, & cerebro adhuc palpitante resupinum. Ad quod spectaculum discussis animo tenebris, vidit Senex in clara luce iuuenis innocentiam, mulieris calumniam, impudicitiam, periuria, dolos. fugit illico furor, qui hostem induxerat: & serò subiens indulgentia restituit Patrem. Index præposterus, & laqueo dignus, ante irrogans multam, quam reus causam dicat; & tùm demùm absolvens,

absoluens, cum caput amputauit. Ergo suam detestans primò stultam credulitatem, deinde celerem crudelitatem, rursus duplici furore correptus, contra se, contra feminas: antea illas, postea se ipsum, interimere statuit, & innocentis nlij Manibus triuinocentium sanguine parentare. Hoc consilio domum, atque in cubiculum regressus Porciam offendit gementem, lacrymantem, quasi poeniteret indicij, quod fecerat: non cogitans malè cauta, rem in eadem & mortes erupturam. Ea scilicet gratia dolere se simulabat, & verè forsitan dolebat: ceterum mendacij secura, quòd arguere mortuus non posset, armabat impudentia os, & linguam ad confirmandum: vt cuius paulò ante corpus Pater affixerat, huic illa perpetuam adureret infamiae notam. Non tam audax atque confidens fuerat ancilla, quæ simul atque iurètem Dominum conspexit, iurtiua molitur fugam, & se interim in ædium parte magis remota occultarat. Ergo ad Porciam Statilius, furore paulum inhibito, & gladio in vaginam recondito: Publius, inquit, dignum vita & factis exitum inuenit. Mori aliter non decuit contumacem. Mihi gaudio est, quòd vitus illum sum, nec me parricidio inquinauit. Specta hominis improbitatem, audaciam, scelus. Me coram arguere sustinuit: ac tantum non minari visus est, nisi extruderem domo (sic te appellabat) scortum.

rusticanum. Ei verò cum ingens conui-
cium fecissem, repressemque impudētiam;
ingratus palam me in foro & per compita
diffamabat. Itaque illum non viuere, Dijs
pœnas exigentibus, mihi iucundissimum
est. Ceteram mea Porcia, non est clam
me istuc ipsum de quo accusastis, nūquam
ab eo factum, nunquam tentatum. habu-
isset ceteras animi dotes, modestiam, obe-
dientiam, amorem erga Parentem; vt cer-
tè habuit habebatque pudicos & candi-
dos mores. flerem hodie defunctum, cu-
ius casu delector, & obitu triumpho.
Quid ergo hic cetera persequar? Non ve-
nerat ad clausulam sermonis huiusce Sta-
tilius, in qua minis sibi opus fore censebat
ad extorquendam facti confessionem:
cū femina (siue illam conscientia, siue
spes inducebat) paulatim annuere cœpit.
vsque adeò donec frons, oculi, os totum,
& corpus totum sua sponte rem eloqui vi-
sa sunt. Statilius etiam linguæ testimo-
nium, & totius rei ordinem seriemque co-
gnoscere voluit. In qua quidem referen-
da cum Mulier de suo in Publium odio
differeret, iussa odij causam atque origi-
nem aperire; friuola quædam ab se parum
aptè conficta respondebat. Venit ergo
Statilius ad minas, & strictum admouens
iugulo mucronem, id etiam expressit, vt
fateretur, ex fœdo amore odium natum.
Quo vir audito in pristinam rabiem furo-
remque reuolutus, primum feminam
adactō

adacto per pectus gladio transfodit, cor manibus extraxit, pede conculcauit: deinde infans vociferationibus aera rumpens ad cadauer filij reuersus eodem gladio se ipse transfixit, ceciditque super mortuum moribundus. Ancillam ex fuga retractam, flagitij consciam atque conuictam, sua poena secuta est.

DECADIS SECVNDÆ

Exemplum Octauum

Argumentum.

Blanca Maria per inconstantem & variam libidinem amatoribus suis graue periculum, sibi meritam mortem imprudens adsciscit.

Libet exclamare, inquit Rex; O mortaliū, ac precipuè senum intemperans libido! qua hominem natu grandem antea stupratorem, deinde parricidam, postremo interfectorem sui fecit, nec uno quidem sed triplici mortis genere multatum, Corporis, Anima, Honestatis. Super quo casu cum aliqua multa seniores disseruissent, conuersus ad Archelaum iunior Philander; Tuum, inquit, Exemplum me mirabiliter afficit, ei que iam dudum laboro vel apponere parallela, vel opponere contrarium. Agè hoc primum, quod

dixi ultimum: & Hispaniensis Matrone pulcherrimum facinus, idque rarum & insigne, consequatur Gallicanae mulieris æque rara, sed insignior turpitudine. Fructuosum utrumque iuuenilibus annis; at hoc arbitror fructuosius Exemplum.

IN Gallia Narbonensi, cuius pars Allobroges, Taurini, & Pedenmontani planè omnes fuere, Civitas est lauta atque ampla, quam hodie Casalem Monferrati appellant. Hinc nimirum oriundus fuit ex admodum ignobili, & obscuro genere Iacobus Scappardonius, qui quantum habuit copiarum ab avis hereditate relictum, præsentì argento vendidit: & pecuniam omnem fœnori commodabat, usuris adeo largis & inanis, ut multorum spatium annorum immensas opes confecerit, & iam senior nobilem duxerit uxorem, annis florentem, natione Græcam. Marchiones Gonzagæ maritarunt, ex Græcia nuper aduectam cum dote, ac mundo muliebri non pœnitendo. Una illis filia fuit Blanca Maria, nil amplius liberorum, & ea in primis facie honesta, viuido ingenio, moribus castigatis: tantum paulò promptior, & audacior, quam ingenuam Virginem decebat. Hæc non dum matura nubendo erat, cum Pater senio gravis decessit. Mater Græca impuberem honestè ac liberaliter educabat. Quoniam autem non solum pulcherrima & venustissima,

ma,

ma, sed etiam valde opulens erat puella, censu scilicet domestico supra centum & viginti aureorum millia: cum iam quintum decimum expleffet annum, Vir admodum illustris Hernes Vicecomes, quamquam tanto inparem natalibus, legitimo matrimonio sibi adiunxit, nuptiasque cum illa in Regalem modum celebravit. Antea tamen, quam sponsa Mediolanum ingrederetur, Franciscus Hermétis frater natu grandior, quadrigas illi obuiam misit (nuptiale donum) opere celatas elegantissimo, & quoquo versum fulgentibus gemmis exornatas. tegmen præterea, & stragulam vestem ostentabant auro argentoque intertextam, multo smaragdo alijsque magni ponderis vnionibus distinctam. Iugales candore niuem, cursu Eurum putasses æquatueros. qui tamen superbo incessu crura molliter explicantes, hanc velut Reginam ab sella eburna conspicuam undique, lætantem ac triumphantem Mediolanum induxerunt. Dixisses Cleopatram venire ad Triumvirum (sic ille voluit, sic iste imperavit) ad Capitolium Alexandrinum.

Sexennio post moritur Hernes, nulla in mortis solatium sobole relicta. Hinc scilicet effectum, ut cum suis omnibus copijs, cumque illa propemodum regia suppellectili Blanca Maria Casalem in suam patriam redierit. Vbi post paulum matre orbata, & illo tanquam freno laxata, in omnem

omnem vitæ licentiam ruere festinabat, nunc hos, nunc illos animo destinās amatores. Opportuna mentio insignium nuptiarum, quæ illi statim sese obtulerunt, audax feminæ propositum interpellant. Poscebatur instanter à compluribus. sed hi tandem complures ad duos redacti sunt nobiliores, quibus ceteri concesserunt Gismundum Gonzagam Ioannis filium, & Comitem Cellantis, sanè fortem virum, & inter Sabaudia Proceres insignem. qui valde locuples in Monferrato, multis præterea Castellis imperitabat, sitis in Valle Augustana, vnde quotannis aureorum, plura millia capiebat. Marchio ipsa Monferrati, vt genero suo Mantuæ Domino gratum faceret, omni ope conata erat, vt Blanca Maria Gismundo nubere mallet. Iam iamque negotium eò sagaciter adduxerat, vt nihil obstare videretur, quo minus res inter eos conueniret, ac nuptiæ fierent continenter. Verùm enimverò Comes Cellantius cum muliere ipsa collocutus, vir facundia pollens, & illam misere amans, blandiendo, adulando, pollicendo perpulit tandem, vt se Comite Marito diceret esse contentam. Neque hoc tantum: sed nulla interposita mora, conueniunt, desponsantur, corpora miscent clandestinò. Id postquam fuit auditum, indignari generosa Marchio Monferratensis, quòd sibi tam diu data verba, & se quodammodo habitam ludibrio sentiret. nec

est dubium , Blanca ob eam rem aliquid euenturum mali à Marchione irata , nisi Comiti honos habitus fuisset . Nuptiæ demum palam celebrantur , cum magnifico apparatu , & non exiguis sumptibus : at pessimis tamen auspicijs , vt postmodum comperta res est . quam , quò tandem esset euasura , satis dicebat vulgare verbum ;

QVAS nuptias , cupido conciliat , euenire infelicitè . & PER rabiem solere deponi , quod sumptum sit per amorem .

Paucis enim post mensibus noua Nupta , quæcumque capitalis diffidij causa fuisset , ira & furore inflammata , post atrox cum Viro habitum certamen , furtim ab eo discessit , nec vt antea Casalem , sed Ticinum rectà contendit : puto , extra patriam licentiùs atque impuniùs peccatura . Hic ergo ædibus longè magnificis & elegantibus conductis , vitam instituere cœpit , qualem semper optarat , scortatoriam , nec adeò publicam , nec adeò pudendam (vt quidem illa sibi videbatur) tantum , nobilissimis , eisque admodum paucis afuescens in consuetudinem receptis . Degebant illa tempestate in Aula Imperatoris Ardizinus Valperga , & Caròlus frater Masini Comites . quorum cum fortè Ardizinus Cæsaris negotia curans Ticini commoraretur , conspectam mulierem formæ eleganti , & parem formæ humanitatem lenitatemque præ se ferentem ; continuo incensus , perdite amare cœpit . Nec ipse
amori

amori defuit suo , sed humiliter adeundo , colloquendo , largiendo tādē voti compos est factus . Prope annum integrum Comes nobili scorto , tanquam legitima coniuge potitus fruebatur , nec vlla vnquam mutuo amoris suspicio , aut leuior simultas intercesserat : cum ecce tibi Robertus Sanseuerinus Guaiazzi Comes ætate , opibus , robore præstans Ticinium venit . cui Blanca furtiuos (vt solebat) adiiciens oculos , nouo indulgens amoris veterem paulatim animo expulit , totaque in eam curam incubuit , vt excluso Ardizino succederet Robertus . Nihil quicquam adhuc scire aut suspicari Ardizinus . quod rectè intelligeret ab se nihil esse commissum , quare mulieris consuetudine , aut amore priuaretur . Sed cum Blanca sensim refugeret congressus , nec iam hominem aut æquo animo , aut æquis oculis aspiceret , demum & ad se introitum negaret : post tertiam , quartam , plures frustrationes , ad extremum furore ardens Ardizinus , facto impetu , domum irrumpit . & quanquam minacibus iurgiis agere decreuerat , pactam fidem illi exprobrando ; tamen vbi notam , & coli solitam pulchritudinem in conspectu habuit , quæ non homines tantum in feras , sed ex feris leones in damas conuertit , tota penitus agendi ratio immutata est . Vidisses ad illum supercilij rigorem cadere impetum animi ferocientis , & extemplò māslescere iram ,
donec

donec hostem fugauit, amantem reduxit.

Reuerens igitur (vt antea consueuerat) muliere appellata ; humaniter rogabat , Cuius se criminis reum faceret , quem tot iam dies consuetudine priuabat sua. paratum se ad multam subeundam , deque suo corpore satisfaciendum , si qua forsitan in re illius animum offendisset . propterea se non poenam deprecatum , sed gratiam redemptum accedere supplicem . Ain' verò Supplicem ? inquit mulier amare subridens . Lepida ratio mecastor veniendi ad poenam subeundam , ad gratiam redimendam : effringere alienas fores , irrumpere furibundum , propellere custodes , si aut stent , aut resistant , occidere paratum . Volui paucos dies experiri amorem atque constantiam tuam . Experta sum . Habe tibi res tuas . Me posthac non inuisas , non obserues , non afflesteris , atque adeo , si gratum facere voles , nè aspicias quidem . Ad hæc , vt erat linguæ intemperans , facta etiam ex Comitæ humilitate ferocior , eodemum vecordiæ prouecta est , vt nè à conuicijs quidem atque scōmatibus abstineret . Habebat Ardizinus elegantem , corporis atque oris habitum cum iuuenili robore certantem , viriliter formosus . tantum ex pede nō nihil claudicabat . Atque id etiam naturæ peccatum iniqua mulier detorsit ad contumeliam . & nunc claudum pedetruncum , nunc monstrum hominis eundo saltans , Cælo inuisum appellabat .

labat. Comes Ardizinus quandiu feminæ leniundæ, ac sibi reconciliandæ spes fuit; patienter ac modestè respondens, partim se purgare, partim veniam poscere, atque omnibus verborum blanditijs mulcere furiosam. Vt vero animaduertit, quanto ille mitius ageret, tanto inelementius furere bestiam; & esse scilicet iracundiæ pabulum molles preces: ipse quoque tanto concitator, quanto iram diutiùs collectam tenuerat, longè grandius reddens conuicium, ab ingenio procacem, à moribus impudicam, à professione meretricem, à natalibus paganam & agrestem nominabat. Ferunt hoc feminæ vltimum conuicium, & si erat leuius, verius, notius, perpeffu grauissimum fuisse, *VT noster odimus mortales solida vitia, qua vitio nostro contracta sunt, quàm qua tantum vitij speciem habent, & vitia si sint, nostra non sunt à maiorum fonte derivata.*

Sic per mutuam altercationem à Blanca Maria diuulsus Comes Ardizinus, cum Ticini alia cum negotia non tenerent, Mediolanum reuertitur. Atque ibi quæcumque incideret occasio de Blanca Maria cum quopiam loquendi, frenum linguæ laxabat, fanda infanda sinè discrimine miscens atque diffamans. Id verò quispiam iuuenili animo, recenti contumelia exagitato, facile (sicut ego arbitror) condonaret, at illud clarissimo Comite, ac generoso Equite parum dignum est visum, quod

quod inter cetera mentiebatur, se à femina sponte appellatum, nihil tale requirentem aut cogitantem. Faciamus tamen vera dicere Ardizinum (& fortasse dicebat) quanquam contra illius temporis Historia, & pariter hominum opinio fuit: dico habuerit Ardizinus à Blanca Maria sponte donatum, quod alij seruitutis, & munerum pretio emerent: hoc magis feminæ deuinctus atque obligatus discesserat, quòd nullo dispendio benè fuerat acceptus. An non debuit in hoc saltem sibi temperare, vt nec palàm vulgò infamaret, nec adeò in longum? ille verò in triuijs, in coronis, in omni congressu lacerare absentem, quæ illi quoquo modo erat excusanda, saltem silenda. Et iam tertius exierat mensis, cum feminæ adeundæ finem fecerat, nec dum faciebat insectandæ. Venerunt igitur facile pluribus ex locis ad Blanca Mariæ aures Ardizini maledicta. pro quibus vt meritam inimico gratiam, referre posset, Comitum Robertum Sanseuerinum vltro in intimam cōsuetudinem admissum, & Cupidinis telo (vt apparebat) altè sauciatum, delicijs vt cum maxime quadam noctu ebrium institit, vt Ardizinum Masini Comitum, sibi multis nominibus infensum de medio tolleret. se pro tam singulari, & iam dudum exoptato beneficio in perpetuum illi deuinctam, ac velut nexu mancipem fore. Mirari admodum Robertus, vnde Veneris imbellis,

lusus

lusus sero negotio corrumpere Mars in-
tempestiuus : & quamquam prope men-
tem voluptas alienauerat, eo tamen postu-
lato, tanquam iaculo percussus ad se sta-
tim reuertitur. & prolixè ille quidem pol-
licetur, non se hoc tantum quod facile
putaret, sed quiduis longè difficillimum
in suæ spem gratiæ prompto animo aggres-
surum. aliqua tantum sese præberet simul
faciendi, simul latendi opportunitas : ne-
quando mutuos amores aut longius exi-
lium, aut durior casus interpellaret. id sibi
etiam atque etiam (nè dubitaret), cordi
futurum. Hæc aliaque tempori seruiens,
& suæ prospiciens voluptati spondebat
Robertus. Ceterum cognita mulieris im-
probitate, atque perfidia, secum ipse con-
stituit nè in minimis quidem officere, aut
quicquam nocere. Ardizino : tantum ab-
fuit vt meretriculæ causa mortem molire-
tur clarissimo viro, sibi familiariter amico,
à quo quidem nunquam factò, nunquam
dictò fuerat offensus. Imò ipse habet Ar-
dizinus (ita secum Robertus loquebatur)
satis honestam causam de me conqueren-
di, quod ad suos amores, illo pridem ex-
pulso fuerim admissus. Neque conqueri-
tur tamen, aut mihi quicquam eo nomine
succenset. nimirum arbitror quia hoc se-
cum recta reputat via, id inconstanti fe-
minæ, non constanti amico (præsertim
insciant, præsertim inuitato) esse tribu-
endam.

Pergebat

Pergebat igitur in suis voluptatibus Comes Robertus feminæ securus. Ardizinum verò adeò lædere non sustinuit, ut iterum iterumque Ticinum venienti epulas præbuerit, & palàm cum eo familiariter fuerit versatus. Id Blanca Maria iniquissimo ferens animo, cum se illa via desperaret ad effectum sui consilij peruenturam, aliud aliquid videndum sibi atque conandum esse decrevit, ut quoquo modo inimicum ulta rabiem suam satiaret. Interea Robertum per honestam causam domo expellere statuit, animo pridem expulsum abiectionisque. Nunc igitur morbum, nunc languorem, nunc alias occupationes causata, illi paulatim subtrahere sese, nec ut antea spectandam aut fruendam exhibere. At metuens tamen viri nobilissimi odium incurrere, nuper experta, quid periculi foret huiusmodi facere inimicos: hanc rei mitigandæ fabulam confingit. Venere dudum, inquit, à Comite Cellantis marito meo internuncij & litteræ, quibus inuitor ad gratiam cum illo recôciliandam. Quo mihi hoc tempore nihil contingere potest aut opportunius, aut exoptatius. Precor te, ut intermittas domum meam venire, ac mecum versari familiarius; ne quid minus honestum de me ad maritum referant commeantes, vnde illius à me animus fiat alienior. Crediderit, an non crediderit Robertus, incertum habeo: illud certum: præ se tulit quasi credidisset;

nec ad mulierem accessit amplius, exemplo reuersus Mediolanum. Hic Blanca Mariæ inconstantem, atque auidam libidinem agnoscere licuit. Quæ dudum supra omnes mortales oderat Ardizinum, mox excluso Roberto, ad pristinum amorem reuoluta, secum ipsa reputare instituit, quanto ei fuisset cum vetere amante, quam cum hoc proximo vita liberior. illius in se amorem, obsequium reuerentiam in Cælum tollere: contra huius insolentiam superbiamque detestari, & se incusare, quod eius dura imperia perpeti sustinuerit. Ergo illi bona omnia cupere, hunc si quando possit, acriter vlcisci parata. Nunc cogitare dumtaxat quibus artibus veterem amatorem sibi reconciliet. Ardebat nempe duplici libidine, alterius perdendi, alterius fruendi: sed vincebat feram cupidinem mitior Cupido.

Qui cum frequens & solito blandior in Blanca Mariæ oculis, labris, ore toto versaretur; inde quodam die notis flammis appetitus, & ante incogitās afflatus, quam se inuadi sensisset, totus iterum exarsit Ardizinus. Adeoque non opus habuit sequestribus litteris, aut captantibus internuncijs; vt se vltro pristinis laqueis irretitum, quasi fugitium Dominae redderet in antiquam seruitutem. Laudare femina consilium suum, & hinc expressius videre comparando, quanto esset Ardizinus, quam fuerat Robertus & modestior, & amabilior.

Omnia

Omnium igitur iniuriarum memoria de-
 leta, sine vllis querelis, aut suspicionibus
 genio indulgebant: cum hanc quoque
 tranquillitatem non diu post (vt solet) in-
 uidens fortuna conturbanit. Postquam
 femina primam libidinem arbitrio suo sa-
 tiarat satiabatque; Tempus est, inquit,
 iam aggredi secundam, & meis nunc mor-
 tuis ærumnis inimici sanguine parentare.
 Non effugies infortunium, si viuo adhuc
 plusculum, Roberte. imo viuere ipsa, &
 frui anima non possum, tu nisi prior ex-
 tinguere. Iam faxo intelligas, quàm con-
 tempseris; & seruire tibi volueris, dignam
 imperandi. Hoc igitur odio inflammata
 opportunum rei locum & tempus nacta,
 cum mollius voluptate disfluere amator,
 sic interspergit astuta blāditijs venenum.
 Anime mi, Complures elapsi sunt dies,
 cum te habebam, primò aliquid monere,
 dein aliquid rogare quod plurimum in-
 terest vtriusque nostrum. quare autem
 non fecerim, vera est causa, & vna causa:
 Non putavi esse opus, quod nunc video
 esse. Tantum scire antea velim, sis nè ala-
 critter ac strenuè facturus, quod rogauero.
 Tunc Ardizinus amore ebrius, omnia pro-
 mittens, nihil excipiens; Impera, inquit,
 effectum dabo. Hic rursus ferrina; Ro-
 bertus, inquit, Sanseuerinus quomodo
 nam dic obsecro tecum? Mirati Ardizinus
 in speratum exordium, & tanquam somno
 excitatus, Optimè, inquit, mea Domina.

fami-

familiaris inter nos amor à pueritia fuit. creuit cum ætate necessitas, quam vtrunque aluimus officijs. vt ego illum perinde ac fratrem diligam, & me ille nihilominus. At enim mea vita quam obrem istuc me rogas? Hic aliquandiu silens, & velut ambigua dicendi mulier, amatorem arctius complexa; O quam te, inquit, tua spes atque opinio fallit Ardizine! Superioribus mensibus, cum ille meam domum ventitaret, mecumque (vt nosti) familiariter versaretur, affirmavit non semel mihi te vnum esse inter mortales, aduersus quem ille odio capitali esset incensus, nec longo post tempore auditum iri, cum Ardizinum Robertus adacto in pectus pugione transfoderit. hoc tantulum in mora esse, quod nescio quid antea litiū haberet expedire. id autem vertente anno fore confectum. Oraui, obsecraui per omnia Numina, vt quandoquidem mecum non petente odium suum communicarat, non celaret nosse cupientem de odij origine & causa; hoc vero ille pertinax negare, tantum dicere insignem esse contumeliam, qua fuerit abs te affectus. eam tuo sanguine, non aliter expiari oportere. mox erumpere in conuicia, imprecationes, execrationes aduersus omne nomen Conritum Valpergarum.

Ego tametsi eram illo tempore tibi subirata, nec ille hoc ignorabat, imò me ob hanc causam dicebat, ab se amari vehementius;

mentiùs ; tamen egregie tutata sum partes
tuas , ab eoque omni studio contendi , vt
saltem in meâ gratiam desisteret incepto.
Subiunxi, hoc nisi faceret, mihiq; spon-
deret, iureiurando , haud illum deinceps
tam carum mihi futurum,quàm hactenus
fuisset . Quid multis verbis opus est ? In-
terminata ei sum , nisi parceret Ardizino ,
& mihi narraret odiij causam; fore illi me-
cum inimicitias æternas . Et vñ' confi-
tear ? fuit hæc inter præcipuas causas ,
quaprobre explori , & abiecti hominem,
detestata immanem crudelitatem . Nunc
si Comes Ardizinus me audire voluerit fi-
deliter (credo etiam prudenter) admo-
nentem ; non expectabit dum se inimicus
aggrediatur , sed maturo consilio præue-
niens occupabit imparatum . Id nimis
te Ardizine , tuis hucusque fortiter actis ,
& clarissima tua gente dignum est , ante-
uere proditorem , & paratas insidias in
caput reijcere molientis . Nemote non
sapienter fecisse dixerit, qui si o vltus laten-
tem hostem , pepereris tibi, & vitæ tuæ se-
curitatem . Hoc (quemadmodum vides)
tua causa facere debes, dignitate suaden-
te , periculo cogente . sed meam insuper
adiungas licet . quæ me abs te singulari &
æterno beneficio affectam putabo , si hûc
superbum atque immanem non homines,
non Deos metuentem de medio sustuleris,
& quò dignus est , in baratrum ad feros
Manes detruseris , confocios se dignos ,

Qui si forsitan dicas, te vitam tuam pro nihilo putare, ut vulgo facitis viri bellicosi, fortiter (ut vobis videmini) sed parum prudenter philosophantes: obsecro te, ut vitam respicias meam, quæ nec bellicosa, nec philosopha sum. & me certum est morituram, si diutius viuat Robertus. Potuit hanc fabulam callida mulier viro admodum eleganti, at non admodum astuto, & tunc amore disfluente facile persuadere: VT sumus omnes nimium creduli mortales, cum aliquod narratur, à quocumque narretur, impendens capiti discrimen: sed illa orationis clausula satis aperte ostendit, feminam de se, suaque vltione, non de Ardizini salute esse sollicitam. voluisse illam metu mortis iniecto, impellere Ardizinum ad facinus; sed nimio affectu concitatam ita prodidisse rabiem suam, ut facile apparuerit respectum amici aut nullum esse, aut post venire longo interuallo. Itaque iam nihil dubitat secum Comes Ardizinus, quin mulier de se omnia fuerit mentita. Robertum de se opprimendo cogitasse vnquam; nec si forsitan cogitauit cum Blanca Maria rem huiusmodi loçutum. Tamen tempori seruiens, & Amicæ obsecundans, non minus prolixè pollicetur, quam antea pollicitus esset Robertus, futurum sibi curæ supra omnia Dominae mandatum. Animus autem vtrique par, vtrique idem fuit, non nocendi amico propter meretriculam quotidie infamem

mem atque inuisam magis. Venit paulò post Ardizinus Mediolanum, & cum Roberto in hunc sermonem ingressus; Quæro, inquit, optime vir, expedieris necne, an nondum etiam lites tuas, vt possim me conparare ad Christianam & piam mortem. Satis enim scio, post quam causam ceciderit aduersarius, mihi tuo gladio cadendum fore. Miranti supra modum Roberto, & quorsum illa oratio spectaret requirenti, Ardizinus singula ordine percensuit, quæ illi dixerat, quæ cum illo egerat Blanca Maria. Tunc O perfidum, o impudens, o inhumane scortum exclamat Robertus. Nisi dedecori foret Equiti honesto fortem dexteram feminæ imbellis, & feminæ infamis sanguine maculare; quam vellem ei per occiput eruere mendacem linguam. at non antea tamen, quam confessi esset, quam instanter, quam frequenter obsecrauerit me, vt te insidijs aggrederer, tolleremque aut gladio; aut veneno. Nec alia dissidij causa intercessit, quam quòd id verbo a firmaueram, factò negabam: amicior tibi ac vitæ tuæ post promissam mortem.

Sic alter alteri dolos atque perfidiam, communis Amasiæ indicantes, quicquid dedecoris, aut probri de publico scorto illusi amatores solent, id illi conferre in Blancam Mariam, & palam omnibus in odium, in contemptum, in ludibrium adducere. Has illa voces atque conuicia,

tum rescisceret, multis deferentibus, tametsi admodum ægrè patiebatur, nec aliud dies noctesque agitabat, quàm quo modo vlcisci posset dicaces: tamen callidè simulabat, quasi contemneret, ac pro nihilo putaret. Interiectis autem diebus Ticinio transtulit se Mediolanum; cōductaque magnifica domo, vitam agitabat ut cum maximè splendidam, & femina principe dignam. Fuit illo tempore Mediolani Petrus de Cardona Præfectus cohorti militum relictus ab Artale fratre legitimo, nam ille spurius fuit Comitis Collisani filius, eius qui ad Bicoccam in prælio fortiter dimicans occubuit. Non excedebat Petrus annum alterum & vigesimum: color faciei nigricans: angusta & prominula frons: ceterum magnitudine corporis, & robore animi præitans: manu promptus, atque audax super ætatem. Hic cum forte Blancam Mariam carpento vehementer aurato, & regaliter instructo aspexisset; nobilissimam aliquam Mediolanensem, ratus, subitam flammam oculis hauriens transmisit ad pectus. à qua tantum requietis ac refrigerij dabatur, quamdiu illi assisteret, vel ex propinquo specularetur. Agnouit femina incautum, & adhuc rudem amandi adolescentem ruere ultro in eos laqueos, quibus ad illum diem grandes fecerat prædas: at nullam fore grandiore, sibi que idoneam magis putabat, quàm hunc vernanti lanugine, quasi plu-

nis enascentibus perdiconem. Itaque ad inescandum, illiciendumque non necesse habuit solennibus artificijs, & scortatorio lenocinio. Vix conspiciatus pulchritudinem æstimatione sua raram, vnicam, Cælo dignam; ecce totus inardescit, præcordia feruent, cor exæstuat periturum, nisi alter refrigeret ignis. Præsto fuit in tempore subsidium. amans redamatur, petens exauditur, veniens introducitur. tantumque in muliere fruenda sensum voluptatis hauriebat, vt se felicissimum amanti putaret prædicaretque in latissimo Cupidinis regno. Rursus tanta erga Venerem suam beneuolentia, & tam flagranti affectu erat inflammatus, vt dum se illi morigerum præberet, non laboris, non honoris, non capitis rationem esset habiturus. *A DEO qui cum ingenijs consistant huiusmodi, primum se ipsos amittunt: nam inde est, quòd reliqua tam facile disperdunt: retenturi, se si tenerent.*

His circumfluentem delicijs, ac sibi tanquam Numini deditum Cardonem, astutè in hunc sermonem ingressa, velut incidisset, aliunde aliò transiens, huc demum euasit Blanca Maria, vt oraret, atque obsecraret instantissimè pro nuper instituta, sed æternum mansura inter eos necessitudine, vt in suam gratiam, & honoris sui causa, duos sibi vehementer infensos de medio tolleret Ardizinum Valpergam, & Robertum Sanseuerinum: vulgo

illum Comitem Masini, hunc Comitem
Caiazzii solitos nuncupari. Cardona nihil
cupiens aliud, & nihil respiciens aliud,
quam quo modo Nympham ac Deam
suam demereretur; ceteris post tergum
proiectis: Vado, inquit, in præsens para-
re, quæ sunt opus. cras aut perendie re-
audies confectam. Fortè fortuna non
erāt Mediolani Sanseuerinus, biduo ante
Ferrariani, inde Mantuam petiturus, &
plurimos dies absuturus: Utinam cum eo
Valperga, qui aliquot passuum millia co-
mitatus exeuntem, ab eoque plurimum
rogatus, vt secum ire pergeret: vnà pro-
fecturus: cælum inuitare: negotia permit-
tere: quid illud sibi peregrinationis inui-
deret? homo contentius recusauit, & flens
tamen ab amico digressus, reuertit Me-
diolanum. Hæc fuerunt ad Cardonem
per fidos exploratores omnia relata. Igi-
tur ab Ardizino cædis initium facere festi-
nat. Postero die malus genius (quid enim
purem aliud?) & Ardizinum & Carolum
fratrem ab intimo amico, cuius ædes lon-
gule aberant, ad cenam inuitandos cura-
uit. Via erat, qua Fratres ierant, & qua
erant redituri circa medium perangusta,
quam non admodum alta, sed admodum
longa concameratio tegebat; illi arbitror
fissillima, quæ penes hos duo coniungit
Palatia largiora & ampliora, in quorum
altero Episcopus; in altero Decemviri ius
dicunt. sub hac iter est foro abeuntibus

ad Templum Virginis religiosissimum, quod vulgo Maiestatem Volte appellant. Et est locus inter cetera Urbis nostræ, homicidijs & oppressionibus infamis. Huic non absimile censeam fuisse opus arcuat-
 tum Mediolani, quod viam Valpergis fra-
 tribus remetiendam interfecabat. Inde
 namque aditus dabatur in regionem, quæ
 vulgo dicitur Maraueglorum, & in viam
 valde frequentem, cui ab S. Iacobo indi-
 tum erat nomen. quâ scilicet Valpergas
 transire oportebat, domum redituros. Igi-
 tur Cardona ex militum cohorte, cuius
 Ducatum tenebat, viginti quinque fortis-
 simos, ac sibi fidissimos legit: eosque lo-
 ricatos partim gladijs, partim hastis lon-
 gioribus instructos, apud infidum forni-
 cem conductâ casula, in insidijs locat.
 Firmè concubia nox erat (vt per hiemen
 cena producitur, & circa ignem teritur
 tempus) cum refert explorator venire Ar-
 dizinum, & Carolum fratres sinè omni
 metu, sex septem sequentibus pueris tan-
 tum gladio stipatis. Qui cum singuli ca-
 ueam cædi destinatam ingressi essent, fa-
 cile pauci à pluribus oppressi, & circum-
 uenti superantur. Fratres alter super alte-
 rum confixi hastis occumbunt. Famulo-
 rum aliqui sub ipsum tumultum capeffunt
 fugam, reliqui ad vnum confossi iacuere.
 Mediolanum totamque Insubriam illa
 tempestate Dux Borbonius pro Cæsare
 gubernabat. Huius imperio captus illico

Cardona, & in carcerem detrusus, ultro-
rem confitetur, & omnia indicat palàm.
se rædis fuisse auctorem: imperasse suam
Blancam Mariam; cui cum Ardizino gra-
ues inimicitie forent. Rea femina gnara
omnium, quæ facta essent, fierentque
inimicum mortuum, amicum in vinculis
teneri, palàm esse sua flagitia, se iam om-
nium præiudicio damnatam: & si spatium
fugiendi habebat (haud facile dixerim,
cuius gratia) subsistere maluit, & cohortem
prætoriam expectare. A qua cum in ius
raperetur, vnâ secum aduehi curauit gran-
de scrinium, in quod aureorum quindecim
millia coniecerat: per hæc sperans
(vt ego arbitror) corruptis Iudicibus in-
tami supplicio vindicari. Sed longè illam
spes atque opinio fefellit. pecuniam per-
didit, & vitam non retinuit. Nam faci-
nus confessa, & facinoris causam, carnifi-
ci permissa, & palàm morte multata, du-
pliciter infelix amisit cum animâ honesta-
tem. Cardona (vt Iudicum mos est ad-
uersus diuites gratiosos, potentes) facile
liber euasit, iudicio partim redempto, par-
tim obsecrato, Iustitia coniuente.

DECADIS SECVNDÆ

Exemplum Nonum

Argumentum..

Scytharum Imperator Cassanus admirando prodigio impulsus idolorum cultu: ejurato, Christianam Religionem sponte amplectitur cum suis..

Non est nobis consilium: Lector candide prodigia seu miracula transcribere, quorum plena volumina passim leguntur: & quanquam insignia sunt, tamen pra assuetudine mentem nec ita commouent, nec ita delectant. Quaecumque autem vulgò incognita, & euentu miranda nobis occurrent; ea si ab optimis, & fide dignis Auctoribus memorata fuere, non verebimur in Decadas referre. Huiusmodi per omnes partes praesens Exemplum videtur, de quo vera & incorrupta sui temporis Historia mentionem facit.. Vnde scilicet Malatesta mutuatum se proficitur, hoc antea praesatus, nè ab se nimium longas historias vel admodum exquisitè tractatas expectarent, homine tantum ab hoc genere nunquam alieno: ceterum ad studia longè dissimilima varijs casibus identidem distracto. Quam hominis excusationem, ut minime necessariam, non probare Fernandus, licet fateretur eam sibi cum illo esse:

communem. Satis enim, inquit, compertum Regi ac Sodalibus est, Martem nobis ab ipso ætatis primordio magis placuisse, quàm aut Mercurium, aut Musas. Quicquid autem facundia in nobis esse videatur, natura potius, quàm disciplina ac studio esse tribuendum. Parabat refellere Pamphilus, quod ab his diceret excusari artificiosam naturam & elequentem infantiam: cum Regis admonitu Malatesta in hunc modum exorsus est.

ANnis non adeò multis ante millesimum trecentessimum Rex erat Scytharum Cassanus Argonis filius, quem vulgò Canem, & Magnum Canem Tartarorum Historia vocat. Is cum præter consuetudinem Regum superiorum æquitate, liberalitate, magnificentia, & clementia insignior videretur, maiore quàm antea quisquam à suis populis charitate ac pietate colebatur, ut ultro illi Satrapæ regni, & clariores amici auctores fuerint, ut coniugem se dignam, & eisdem præditam moribus sibi adiungere studeret, unde Scythia persimiles Liberos Nepotesque in maiorem & dignitatem, & amplitudinem propagaret. Fortè fortuna sub idem tempus ad aures Regis fama pertulerat, esse in Armenia puellam, Regis ipsius filiam nomine Catharinam, quæ pulchritudine, honestate, prudentia omnes coæuas per Orbem terrarum longo intervallo superaret. Hanc si sibi coniugem amici conciliarent,

liarent, perficerentque vt illa maritum, non abnueret Christiana Idololatram. Rex promittebat se in amicorum potestate futurum, primo quoque tempore ducturum, & gratiam insuper non exiguam habiturum. Ergo cum in Regiam purpurati & Senatores conuenissent; re primum inter eos ipsos, deinde ante Regem diligentius maturiusque discussa; constitutum est omnibus ad vnum probantibus, vt ad Regem Armeniorum Legati mitterentur petitum filiam in Regale matrimonium, quo illa grauari non deberet, vltro expectandum, nisi offerretur. Stata die iter ingressi, & strenue progressi, ad Regem aduent, Imperatoris sui mandata exponunt, eo triduo poscunt responsum.

Rex Armenius latari ex vna parte, quod tantus Imperator non modo amicitiam, sed & necessitudinem sibi suam offerret. Ex altera tristis esse, quod suspicabatur nimium abhorrere à talibus nuptijs, & marito Cane infideli Virginem filiam Christianis sacris imbutam, super ceteras piam, & Cælitum reuerentem. Quæ si recusaret, haud dubie barbarum ægrius laturum: & grande sibi, ac regno suo periculum imminere à strenuissimo Imperatore, à ferocissima gente. Prius igitur quam Legatis responsum daret, rem cum Filia communicat, & impendens periculum exponit si forte barbaro non obsequantur. Catharina illo tanquam telo percussa improuiso,

nihil aliquandiu locuta, sic denum re-
spondit. Auertant Cælites, Pater mi ad-
modum obseruande atque colende secun-
dum Deum, vt tu mea causa quicquam
vnquam detrimenti aut incommodi pa-
riare. Mori me malim, quàm ex me quic-
quam tibiuenire, quod nolis. Fugiam
igitur tristem repulsam, nec istas detrecta-
bo, cetera dispares & mihi non optabiles
nuptias. Vnum oro, detur mihi facultas
in illa Regia Christiano rita viuendi cum
familiaribus, & pedisequis meis, hinc illò
transducendis. Ero in ceteris, vt sponsam
debet, Viro meo, Domino meo obsequen-
tissima. Placuit Parenti sapiens illud, &
modestum & amabile Virginis respòsum:
iussitque ad eam Legatos introduci, vt ex
ipsa cognoscerent, quid eos ad Regem
suum referre oporteret. Venerunt, expo-
suerunt, audierunt, comprobarunt, & se-
statim ad Regem suum scripturos affirma-
runt: nihil ambigentes, quæcumque illa
peteret, Regem libenter esse concessurum.
Atque ita prorsus est factum. Rex Virgi-
nis eximiam pulchritudinem venustatem-
que ab his etiam edoctus testibus ocula-
tis, antiqua flamma nouis auctibus cunu-
lata, duo statim diplomata dat, suo chiro-
grapho, & signo Regio munita. In horum
altero Catharinæ Regis Armeniorum filie,
iusto secum ac legitimo matrimonio con-
iungendæ amplissima conceditur facultas
retinendæ, ac palàm colendæ auitæ reli-
gionis

gionis cum quot quot vellet ex numero suorum suarumque. In altero mandatus Regio secretario, qui caput erat legationis, vt Catharinam in vxorem sibi destinatam, sponsalibus celebratis, quàm primum ad se in Scythiam ex Armenia curret deducendam. Omnia rite pauculis diebus cum magnificentissimo apparatu, & cum omnium incredibili plausu confecta sunt.

Catharina secum in Scythiam, præter familiam obsequio suo dicatam famulos, famulasque à cubiculis, à secretis; duxerat etiam Sacerdotes Armenios, qui sibi suisque sacra ministrarent, obirentque omnia, quæ ad cultum Dei; & ad expiationem animæ spectabant. Ea verò cum suis omnibus incredibile memoratu est quanta cum lætitia, & magnificentia, & apparatu ab ipso Rege atque Imperatore coniuge suo fuerit excepta, renunciata, & palàm coronata Imperatrix. Vbi autem non forma tantummodo, qua pulcherri-
mas quasque lōgè superabat, verum etiam formæ consimiles mores, regalesque ingenij dotes experiūdo patuere, felicissimum se omnium Regum & Principum Cassanus existimare: diem, horam, momentum pro sancto habere, in quo sibi de Virgine poscenda & ducenda venerat in mentem. hoc magis: quod mirificus quidam cernebatur non solum erga se Regem, sed etiam erga talem Reginam omnium cultus, & fauor populorum. Ecce autem non

diu post prægnans mulier inuenta, & marito, & cognatorum, & penitus omnium gaudia cumulauit. Certare cum Scythiis Armeni gratulando, & gratias agendo: hi quidem præpotenti omnium bonorum largitori Deo, illi verò ad inania simulacra steriliū Deorum. Vocem passim exaudiebantur comprecantium, ac renouantium vota, vt similis parentibus heres imperij puer nasceretur: O vere imperscrutabilem humanis ingenijs Diuinam mentem! O nec Angelis quidem in propinquo stantibus nota Domini arcana consilia! Mensibus exactis parit Catharina masculum infantem, sed adpectu adeo deformem, adeo per omnes partes monstruosum, vt vix formam agnosceres humanam. Est facile cuique cum animo reputare, quantum ea res primū Matri Reginae, tum Armenijs cum illa omnibus attulerit animi ægritudinem. Murmur illico percubuit ingens, triste, varium per Aulam, per Vrbeſ, per prouincias: alijs culpantibus, alijs extra noxiam putantibus Reginam. Vulgò autem sua leuitas & instabilitas constabat. qui paulò ante Regem suum summæ prudentiæ commendarant, quòd talem sibi adiunxisset vxorem; nunc eundem omnes incusare ac sinistris differre sermonibus, quòd peregrinam, & ab sua Religione alienam; non ciuem, non popularem, non saltem in Scythia natam, & prisciſ imbutam sacris ducere voluerit.

merito

merito illi Iunonem, Lucinam, & præsidem Scythiæ Martem succensere, quod corruperit Regalem atque auitum sanguinem Christiana ignobilitas. Censere igitur plerique amicorum & procerum, ut mulier repudiata cum infausto, quod pepererat, monstro in Armeniam ad Patrem remitteretur: Cassianus alterâ sibi desponderet, fortè filiam Regis Ægyptiorum, si minus pulchritudine, saltem prudentia æqualem; nobilitate, religione, fide superiorem.

Tales erant nobilium Scytharum opinioniones, rationes, coniecturæ. At Imperator non temerè suspicans fractam ab vxore matrimonij fidem, huiusmodi factum stupratori cuiquam non Marito esse tribuendum: ardētissimo amore in odium ter tanto atrocius conuerso, castissimam Reginam, velut adulterij conuictam, in medio foro viuam cremari cum suo pignore imperauit. Catharina post quàm incassum defensiones, & rationes omnes suas recidere vidit; vnū in primis à Christo Domino precata, ut abesse supplicio iuberet ignominiam, neuè idem perderet ignis & corpus, & famam: intrepido animo, ut Regina, ut innocente, ut Christiana dignum erat, sese ad crudam mortem comparabat. Et quia interim angustijs ædium clausa tanquam in carcere custodiebatur, nec ulli ad eam ingressus patebat præter familiares ancillas; harum vna
vtitur

utitur ad Regem internuncia, petitem,
 suppliciter hæc duo. primum vt sibi ani-
 mam repurgare per Confessionem, & cæ-
 lesti Ferculo recreare liceat. morituræ. ad
 hæc vt natus infans cum Matre arsurus in-
 nocens cum innocente, lustrali vnda per-
 fundatur, Christianis sacris initiandus.
 Vtramque rem facile concessit Imperator.
 Accessit Sacerdos Reginam Christiano-
 ritu expiatam, mox ad Cælum iter ingres-
 suram viatico munit ad fortitudinem &
 constantiam hortatus. Deinde ad infan-
 tem solemnibus ceremonijs eluendum,
 descendebant in Templum Beatæ Virgini
 dicatum, quod statim illò adueniens Ca-
 tharina concessu Regis extruxerat. Verum
 enimvero Rex natura curiosior suis ipse
 oculis aspicere cupiens Christianam hanc
 consuetudinem, at non propterea in illo-
 rum Tempia pedem sustinens inferre; su-
 bito edicto mandauit, vt solemnitas illa
 se spectante in medio foro celebraretur.
 Nempe visus est velle, vt in eodem infans
 loco reperiret & per flammam corpori
 mortem, & per vndam animæ salutem.
 Felix puer, cui foedum ac foetidum nasci
 bono fuit: cum ceteris idololatriis in Or-
 cum rapiendus, si natura indulgens peper-
 cisset, si Deus annuisset votis Parentum.
 Optanda crudelitas, licet ignibus expian-
 da! Te iterum ac tertio felicem, a quo
 temporarius ignis arcet æternum. Verè
 temporarius: cum hoc quoque Tyrannus
 indul-

indulſiſſet, vt breui compendio anima raperetur, nè ſegnes in longum diem teneret liſtores. præpoſterus punitor! à quo recens genitus puer ab vtero efferri iubetur, non cadauer ad ſepulchrum, ſed viuens ad rogam.

Iam omnia erant in forum collata, & vtendo expedita, quæ ad piam Luſtrationem requirebantur: forum ipſum valde amplum ſua ſponte, ligneis pegmatis laxabatur, velut in caueam magis capacem: multitudo è ſingulis Urbis partibus ad ſpectaculum confluxerat, cateruatim hæc illac circumfuſa: Rex ipſe amicorum & Principum agmine ſtipatus, prope Fontem confederat expectabundus. Nec mora procedit in medium. Rahac Armenius (vt ego ſuſpicio) nō ſimplex Sacerdos, ſed Antistes Sacrorum, tyara inſignis candente bifurcata. huic præter cetera ornamenta grandes humeros late fluens aurea palla honeſtabat. cuius luxuriam complexus Smaragdum, Berillus, initaque ſocietate, coniunctis viribus coercebant. Nec digitis atque bracchijs honos deerat: torques, armillæ, anuli, aurearum inſignia virtutum. pes quoque ſpecioſior gemmata oſtentabat ſandalia, & aureum ſolum, ſuperbus calcabat. Par erat, & Antiſtiti proportionem reſpondens circaſtantium ornatus & decor miniſtrorum. Ergo ſolemnibus ceremonijs, quæ Baptiſmum antecedunt, cum eximia pietate, ordine, decoro

decore finitis: ad quæ Rex nihil vnquam locutus, tantum pallens aliquando, & sæpe suspirans, intentis oculis adspexit. vbi tandem Sacerdos sublatum in vlnas infantem, liquido spargens argento, cælestem formulam elata voce pronunciauit, *EGO te baptizo in nomine Patris, & Filij, & Spiritus sancti*: rem visu mirandam, relatu incredibilem, nisi primum res ipsa palam ostenderet, nisi tot hominum fideles oculi probarent, nisi Rex ipse contestatus fuisset clarissimo incepto: puer antea turpissimus adspectu, & in omnem partem despicabilis extemplo in bellissimum ac venustissimum redijt infantem. lapsus in terram è Cælo Angelus nõ ex humanis parentibus natus videbatur. Inter cetera plurimus in vultu Pater, non adeo multa Mater eminebat. Attoniti miraculo tam insigni, tam euidenti, clamare omnes intentis vocibus, extra omnem culpam esse Reginam: habere illam suæ castitatis, & innocentiae testem præsentem Deum: videri æquissimum, atque adeo necessarium, vt à Rege in pristinum, eoque (si fieri possit) honestiorem gratiæ locum recipiatur. Sed non indiguit adhortationibus, vel admonitionibus cuiusquam sua sponte resipiscens Imperator. satis superque ad cor seriò poenitens, & suam detestans crudelitatem, diuina vox inclamabat. Ergo palam cum castissima coniuge reconciliatus, meliore spiritu afflante, IAM nunc do. nomen exclamabat

clamabat in vestram Religionem. me quoque o Armenia Sacerdos, purga ex Fonte Sacrosancto, & meæ maculas infidelitatis elue lustralibus undis. Nec mora: cum Satrapis, & Dynastis, cumque amicorum cohorte vniuersa, libentissimis omnes animis Regium infantem secuti, eodem ex Fonte, ab eodem Antistite lauantur. Et puer quidem corporeas etiam sordes lauans abiecit: illi tantum ad interiora fluente Flumine internam animæ pulchritudinem nacti, grates Cælo reddebant ingentes immortales. Ibi lepidè conuersus ad Regem Armenius Sacerdos: Non temerè, inquit, sed ex Diuina prouidentia factum puto, ut vnus infantis Baptismus non vulgariter in Templo, sed regaliter in foro quàm magnificentissimè celebraretur: ecce Regem ipsum, Regiamque familiam illustrior expectabat apparatus. Cum tantum puero scientes faceremus, etiam Imperatori faciebamus nescientes. Ilaud longo post tempore interiecto per omnes populos, Imperatori subiectos primum, miraculi fama, dein Christiana Religio se se diffudit, virebatque inter illas gentes Vineæ Domini post etiam Cassanum & Cassani filium non sinè fructu steriluit tamen paulatim, ac ferme penitus exaruit penuria colonorum.

Hic ille est Scytharum Imperator Cassanus, qui studio ductus perdendi Maumetismum, & Christianæ Fidei propagandæ,
cum

cum socero suo Armeniorum Rege in Italia societate, potentissimum exercitum comparauit. ducenta equitum millia secum in Iudæam adduxisse memoratur. Itaque facile hostibus partim trucidatis, partim fugere coactis sanctam ciuitatem Hierusalem & loca regionesque adiacentes ab iniusta Turcarum tyrannide vindicauit. Inde ad Bonifacium Octauum Pont. Max. & ad Regem Galliarum Philippum cognomento Bellum, honestissima Procerum suorum Legatione dimissa utrumque vehementer hortatus est, ut propere copias in Syriam traicerent ad eam prouinciã, quam ille totam armis subegerat, retinendam & custodiendam. sibi mox in Scythiam esse remigrandum, ad sedandos tumultus, se absente, ab aliquot perduellibus concitatos. tamen sese magnam partem copiarum suarum subsidio illic relicturum. Sed Bonifacius * non putauit alio esse conuertenda quæcumque illi suppeterent ex Pontificatu, haud tunc nimis abundante, vectigalia. Philippus verò Galliarum Rex meliore quidem animo, sed exitu pariter infructuoso Legationem excepit. * Mansit tamen adhuc plusculum, quam eius regno expediret nouellus Christi miles Cassianus. nec interim ab armis cessauit proutuenda Religione. Nam obuiam sibi prodeuntem cum innẽso exercitu Melesaimum Ægypti Regem (vulgò Soldanum vocant) fortiter excepit, fudit, profligauit, castris etiam.

etiam, atque impedimentis potitus. Fuisse in his aliquot talentorum millia cum spolijs longè pretiosissimis. Cassianus tantummodo ensē falcatum ex tanta praeda sibi vindicauit, reliqua omnia viritini in milites distributa. Horum ibi postea in subsidium non exiguo numero relicto in Scythiam iter moliens Christianos Principes iterata Legatione fatigauit. sed illorum cessantibus auxilijs destituta Scytharum præsidia, paulò post dilapsa sunt, Maumettanis, & Sarracenis duplicato exercitu Hierosolymam omnemque Prouinciā repetentibus cum magno detrimento, maiore infamia Christianorum.

DECADIS SECVNDÆ

Exemplū Decimum

Argumentum.

Fortis vxor ignauum maritum durius castigat. Hic desperans & properans mori, lepide vlciscitur crudelem, & demulcet iratam.

Malatestæ Narratione finita, continere se optimi Sodales non potuerunt, ab illius etiam clausula provocati, quò minus rem Christianam deplorarent fero Barbaro sacrosanctis Christi cunabulis

*bulis potito, & Principibus nostris alia omnia curantibus insultante. Graviter igitur in turpem desidiā * inuēcti, ab Rege castigari meruere, quod OS in Cælum, ut dicitur. Ergo sub istac Franciscus Coppetta nihil cunctatus.*

HAud facile dixerim, cui nam vsui futurum nobis sit, quod in præsens narrare aggredior *Exemplum* de Viro fatuo, de femina prudente. Nisi quod mirificus interueniens casus docere nos poterit, falli quandoque nimis cautos, nimis sagaces; nec esse rerum euenta omnium (vt quidam persuasum habent) in arbitrio Sapientis. Res est (quod magis miremini) coniugum adhuc viuentium in Pago Sabinate haud hinc longule sito, tametsi horum habitatio ceterarum frequentiam fugiens prope solitaria stat in confini siluarum atque camporum. eam mihi prætereunti senex cordatus, harum incola regionum digito monstrabat, & hanc mecum lentis ambulans passibus memorabat Historiam, non tantum sibi (vt aiebat) sed planè omnibus vicinis, compertam. Mihi est visum agreste facinus non indigium, quod inter urbana, & heroica vestra referretur: Vt dicebas heri vespere *Coppetta* sapidiores tibi visos post rapam leporinos lumbos, & selleros post anguillam. Nomina coniugum sunt, mariti *Blasius*, vxoris *Florentia*. sed vulgus deflorens capite truncato, reformat in *Renzam*.

Res illi domestica pro statu & condicione non angusta, soboles penitus nulla, nec heredes arcte propinqui. tantum domi alere pecuariam, eamdemque asinariam puel- lam. mulier nihilo minus ad rem attenta, non solum lanificio, sed etiam agricolatio- ni operam nauare. Vir natura simplex idemque ignauus, ac prope fatuus vxoris obsequens esse, non sponte ille quidem, sed metu virgarum, quibus sæpe tangebatur. Erant hæc hominis officia siue mu- nera, quæ ferox mulier iniunxerat, ædes verrere, aquam haurire, ligna conuehere. Ad hæc hortum repurgare, noxias herbas euellere, vtilis aquis rigare, in primis au- tem custodire gallinarium, quod illi vlti- mum super cetera molestum atque odio- sum fuit. Vxor contra in id potissimum, incumbibat, & hoc præcipue cûrari vo- lebat, quod pullariam artem factitabat in primis quæstuosam propter publicas nun- dinas, illinc non admodum distantes. Mansionem proprio vocabulo nominant Villam, haud procul ab Arcē Balionia, quo semel in hebdomada, die inquam Iouis, non solum ab agrestibus in propin- quo habitantibus, verum etiam a longin- quis, & ab Vrbe ipsa confluitur ad cele- brem mercatum. Huic ferme semper in- tererat Renza venum asserens oua, pulla- stros, capones, pipiones, agnos etiam hæ- dosque interdum; & præter hæc vertente anno genera omnia herbarum, fructuum, legu-

léguminum. Blasius domi ad custodiam rerum omnium relinquebatur, præcipuè pullorum, & ille præcipuè in pullis peccabat. Nunquam ferè à mercato, aut longius aliunde sub noctem mulier redibat, quin donni aliquid offenderet improbè factum, ignauius curatum, negligenter custoditum. Ac cetera quidem non valde iniquo animo ferebat, pullos verò identidem rapi, & decrefcere pullarium pati non poterat: dum alium Miluius subito deuolans, alium astu vulpes insidians, alium furunculus callidè subiens auertunt, captantes videlicet mulieris absentiam, & suam rati occasionem stolidi hominis inentem custodiam. Ergo potissimùm de pullis interceptis apud seuerum coniugis tribunal causam dicere infelix Blasius cogebatur: & vnus aliquis non compareret, sua tantum confessione reus, sine vllis testibus, sine vlla iudicij ampliatione, statim acriter vapulabat.

Sub æstatem ineuntem superioris anni credita illi cura recentium pullorum, sanè complurium sub matre pipilantium, circa quos in propinquo frequenter volans accipiter, nunc ampliores, nunc angustiores orbcs rotabat. Vidit hoc prouida mulier, & suo ab illis vnguibus pullario metuens, imperat Blasio, vt se in proximam villam abeunte, post paulum reditura, non discedat à pullario longius, arceatque rapacissimam volucrum ab infatibus pullis,

ingens

ingens atque atrox supplicium minata, si quem illi numero (& numerauit) rediens abesse sentiret. Pollicetur prompto animo Blasius, se ibi semper futurum, nec alias res acturum: iret, rediret sine cura. Verum enimvero postquam è conspectu mulier abiit, oblitus minarum, oblitus verberum, alio statim se confert, si quid in arca, si quid in armario, si quid alibi latens inueniat esui paratum, gustu suaue: tum se ad lusus ineptiasque cōuertit planè pueriles: illud habens in postremis, quod ei ante omnia curandum fuit. Tam supinam negligentiam puto accipiter ipse mirabatur: puto & ipsa crocitans querebatur, fidemque hominis plorabat pullaria mater-familias. cum interim Blasius omnium securus cantillabat, secum ludebat, huc illuc discursabat, nihil animo cogitans, nihil pensi habens omnino. Igitur accipiter solitudinē ex alto conspicatus, in pullum de grandiusculis, forte a ceteris longulè distantem ferox inuehitur, & momento arreptum, frustra fraternum maternumque subsidium clamantem extulit, viuumque deuorauit. Ad gemitum communem pignorum reliquorum, stridorēque lamentantis, & incassam minantis matronæ; tandem Blasius quasi somno experrectus clamare cœpit. Heu Ohe, Miluium, Miluium vicini. Postquam vero vnum de creditis custodiæ suæ pullis abesse intellexit, eumque ceteris grādiorem, ideoque instantius

commendatum; miser in lacrymas effusus, tanquam timida puella circumspicere latebras, huc atque illuc fugere trepidans, & nunc post armaria se abscondere, nunc sub lecto conquiescens latere, omnes angulos sibi capiundo idoneos tētare, locos tamen identidem mutare, nullis tenebris, nulli latibulo confidere: coniux in animo, in auribus, in oculis semper est, iurgio terrens, fuste castigans. Fecit hæc absentia nouam Miluio prædandi occasionem. Itaque tribus pauciores quam reliquerat inuenit, domum ante noctem regrediens Renza.

Quæ quidem tota errans & vociferans domo cum Blasium nō inueniret, primum suspicata est metu fustiū aufugisse, ac fors vsquam in proxima silua delitescere. mox recogitans hominem super lepores, & animalcula omnia meticulosum non potuisse huiusmodi consilium capere, vel longius ab domo fugiendi, vel noctu inter bestias latendi: Potius hæc, inquit, pecus in stabulo latet, vel pone domum in tugurio stramentario. Venit igitur hæc cogitans in stabulum, venit in tugurium: & neque hic, neque illic Blasius inuentus. Tum, Expectabo tantisper, inquit, dum redeat domū ancilla pecuaria capellas reducens. nam certè Blasius ad illam se contulerit, non ausus se mihi corā offerre soli solum; & hoc quicquid erit auxiliij captans ad me leniendam, minuendumque numerum
plagarum

plagarum. Sed hoc illi contra spem faxo
 eueniat. vberius vapulabit ob duplicem
 noxam, primum quia pullariam, deinde
 quia domum reliquit incustoditam. Quæ
 secum murmurans mulier irata, dum per-
 ambulat domū, vtenfilia disponens, ignem
 accendens, cenam festinās; ecce animadu-
 ertit stridentem per ædes quasi sua geme-
 ret funera, tribus vno die orbatam infan-
 tibus gallinam: sequuntur parui liberi tri-
 stem parentem, pariter ipsi conquerentes,
 edentesque similem gemitui pipilatum.
 quod magis mirandum erat, quacumque
 Domina iret, vbicumque consisteret, sem-
 per ponē illam, semper ante illam. imò
 mater gallina propius accedens insinuare
 se, vestem osculari, oggannire præter soli-
 tum, & rostro apprehensam, velle quopiam
 abducere videri. Stupescere mulier in-
 incredibilem modum, & consurgenti, nec
 vspiani eunti præire gallina, & visa iter
 ostendere in angulum domus, vbi ædicu-
 la perangusta, & depressa foris ostiolo clau-
 debatur. mox rostro & vnguibus conari
 ostium reducere, locum patefacere: quia
 id non posset, cruciari: crebro dominam
 respicere: vtcumque poterat, innuere,
 rogare, instare, vt ædem recluderet. Re-
 clusit: & (ò rem insperatam) offendit in
 latrina latentem Blasium. Ex eo apparuit
 quid mater gallina, quid fratres gallinacei
 vellent peterentque, vtrionem dico trium
 interemptorum vnius vitio custodis. Ad

quam protinus exequendam non egebat cuiusquam adulatione, aut blanditijs mulier. indicio tantum egebat. quod ut est factum, posthabitis omnibus, qua dudum facilitate ac celeritate accipiter pullos, hac Renza desertorem pullorum manu raptum in medio statuit; exutumque ad intimam tunicam nodoso fune tam diu, atque tam acriter flagellauit, donec corium quoquouerfus exaratum conspexit, sæpe ictibus, tanquam sulcis repetitis atque inuicem confusis. Clamare Blasius inter vapulandum miserabiliter, seseque polliceri post hac frugi futurum. & fuit ad dies pauculos, deinde ad ingenium redijt. Ut appareat verum esse vulgare verbum, *Ex correctione probum in melius, prauum in deterius mutare vitam.*

Ac iam nè faciam longius, ea persequendo, quæ me tacente facilia, & perspicua sunt ad opinandum; Blasiana stoliditas eò redijt tandem, vt pullorum numerus aliorum alio casu pereuntium, ex duodeuiginti ad duos fuerit reductus. Nec interim destitit insanus custos nunc flagello, nunc carcere, nunc inedia castigari: quousque tantulum promosse in ea cura, & diligentia videbatur. Duos igitur cum ferè semper haberet in cōspectu, nec tenere quopiam alio iret, metu sessionem, atque solitudinem docente; pauculis diebus ab insidijs, & volucrum, & quadrupedum factis feliciter defendit. Enimuero pertæsus aliquando

aliquando ignauam illam, & sedentariam tutelam, cupidus hac illac more suo vagandi, lepidum excogitauit commentum, per quod pulli nō discederent alter ab altero longius, & ipse interdum aliquousque transcurrere posset Miluij securus. Alligat alterum alteri per pedes funiculo longiore, vt circiter decem cubitos distare inuicem possent nil ferē amplius. deinde conatus est idem iniicere vinculum gallinæ grandiori, si quando alterutrum Miluius raperet, vtrumque filium Matris ope retenturus. sed illa pedicas renuit, & rostro pariter atque vnguibus armata, longē arcuit hostem. Ergo fraterculi, quos à colore Blancellum, & Nigellum Blasius vocabat, alter prope alterum tristes iacere, cibum non capere, tantum flebiliter conqueri, & quasi suum ipsi funus anteuertere plangendo. Blasius ea molestia liber (vt sibi videbatur) solutiore animo ad suas ineptias reditum fecit, seseque nunc lapillis iaciundis, nunc saltibus metiendis, nunc cicadis, aut muscis captandis oblectabat. iam passuum inde aberat circiter sexaginta, cum audit à tergo strepentes atque stridentes, quàm cum maxime gallinas. Vertitur trepidè in eam partem, & (ò spectaculum pullis funestum, sibi formidandum) videt accipitrem altero pullorū subrepto, in altum sese attollere conantem, & prædam infra pendulam funi annexam agrē molientem. Tum Blasius animo conster-

nato , multa Miluio imprecans mala , sic hortatur pendente pedibus à funiculo pullum . Mi Blancelle , mi Blancelle fac strenuè resistas , funem fortiùs trahere , captum libera N gellum . Tu quid stas ignauissima ? filios vides alterum rapi , alterum trahi ; nec openi fers libericida ? Et ille quidem quātū potuit cucurrit , minans , vultans , vociferans . Sed iam Miluius cum duplici præda , illam vnguibus , hanc funibus raptam trahens in solenni arborum vertice confederat , vtramque deuoraturus .

Quid tu obsecro in præsens , miserrime Blati ? certum habes instare tibi à Renza irata grande infortunium . Qua ratione , quo perfugio , cuius interuentu , aut deprecatione imminens malum vitabis ? Iam remedia omnia , consumpta sunt . iam nè ad Gloacinam quidem securus tibi relinquitur accessus . vltix gallina hunc quoque locum , ceteroqui communem tibi nunc clausit , quæ olim aperuit , corruptique in posterum non amplius profuturum . Consimili lamentatione secum Blasius loquebatur , consilij penitus expertus . Omnia autem potiora putabat , quam superbum coniugis vultum , & fuste armatas manus experiri . hoc magis : quod pridem erat minata deuincturam ad trabem per manus in tergum retractas , & sic nudum per diem noctemque habituram cum asperri-
ma , & certis horis repetenda verberatione ; cum interim gustare nihil ei licitum foret .

foret aut esculentum, aut poculentum. Hoc igitur formidans horribile supplicium, prius quam mulier à solemnibus nundinis rediret, mori destinavit. Mortis autem genus quale non nimis asperum & crudum eligeret, aliquādiu secum ipse deliberavit. Hoc, inquit, cultello ventrem, aut pectus transfodiam. (& fortè cultellum in manu habebat, quo diuideret, enuclearetque iuglandes recentes) At enim, inquit, pusillum vulnus immaniter dolet. Quid si altius infixerim tota transadigēs intestina? Non placet. Ibo potius in Turrin Columbariam, meque de illa specula præcipitem dabo. Sed afferet iste casus non mediocrem dolorem, si forte contingat (& continget facile) ad grande saxum infra stans allidere caput. Ad hæc horret in proximo spinis acutissimis obsita sepes, cui superincidens fœdè cruciarer antequam morerer. Ne hoc quidem satis placet. Scio quid faciam. collum laqueo innectam, meque de robusto propinquè ilicis ramo suspendam. Rectè. Sed forsitan ille Accipiter, cui dudum atrox conuicium feci, ad me statim deuolabit, mihiq; oculos effodiet in vindictam. Ut qui pransus est pullos meos, de me sibi conficiat cenam. Hoc minimè omnium probatur. Quid igitur faciam? quid obsecro? quid? Ah nunc redit ad memoriā misero mihi lenis & placida mors. hauriam scilicet venenum, quod in vase absconditum super armario mulier conseruat.

feruat. O Renza, o Renza! quò adigis cruda Blasolum tuum, vt tuam fugiat inhumanitatem. Cum hoc dicto superius cenaculum ascendit, & ad venenum recta contendit, certus hauriundi, certus moriendi. Quale autem hoc fuerit venenum, & cur palam expositum, antea breuiter memorandum est.

Renza, vt rem omnem familiarem diligenter curabat, domumque omnibus rebus abunde instructam habebat; inter cetera quotannis cétum, eoque plures aqua macerabat; & melle condiebat recentes nuces, alijs quoque pomulis intermistis. & quoniam Blasius cerebro insipiens, palato sapiens, cum cetera huiuscemodi, tum has maximè condituras appetebat, & furtim raptas quotidie vorabat. Ideò consulens valculo suo semina persuasit marito intra vas illud latere atrox venenum, ac si quis vnâ modo nukulam tangeret, paulò post haud dubiè moriturum. Facile stolidum hominem sagax mulier fefellerat. Itaque non ad vas tantum, sed ad armarium ipsum vadere, ac propiùs accedere Blasius formidabat. Id hodie recordans, & mori cupiens, intrepido animo ad arcam penuariam se contulit, vas manicatum foras extraxit, & totum hausit imaginarium venenum, nuces, amygdalas, cucurbitas, mala medica, id genus alia, hoc solo imitatus Virum. Porro tantum mentis atque consilio valebat, vt facile intelli-

geret,

geret, quanto plius veneni haussisset, tanto celerius & expeditius venturam mortem. ideo vas vxorium exhauriens vita priuauit, & suum ipse inferciens multa morte compleuit. Non adeo mendax fuerat Renza, cum dixit latere intra testam venenum. Ecce Blasius quasi venenatus ventre ampliter distento languet planè moribundus. pro veneno crapula est: ea parum absuit, quin extingueret Virum. Qui tamen spatijs aliquot factis, & sedato parumper intestino tumultu, sedens mortem expectabat, satur utrique moriturus. Redit interim Renza, & obuiam habens tristem volucram, omnibus liberis orbatam, crebro singultu poscentem vindicari; re ad plenum comperta, non amplius lorarijs flagellis, sed nodoso fuste armata, & rabie incitata fertur in Blasium, quem sicut antea plorantem, eiulantemque dum planè immisericorditer pulsat repulsatque antrosum retrorsum, quocumque cæca ira furentem dextram impelleret: clamare miser inter vapulandum: O mea vxor, mea dulcissima vxor parce infelici marito animam agenti, parce nunc ante tuos pedes, ante tuos oculos expiraturo. Dicam namque, dicam optima coniux. abstine interim paulisper, & da spatium Morti adeunti. quærit accessum, & non inuenit per flagella. Hem iam niorior miser: præcordia inuasit venenum, cor trepidat moribundum. Voca Voca Presbyterum

terum Renza, qui cantet Maraualde, Quiescatte'n pace. Nam ego, si nescis mea, vxor, propter desperationem mori cupiens, venenatas nuces armario deprompsi, & ad vnam omnes confeci. vide quantum vitæ super sit. Ad quod verbum tam insperatum, tam inopinum, & tam iudicio suo lepidum Renza, licet adhuc iracundia & furore prægnans, de repente in tam grande cachinnum erupit, & tam postea hilares effusosque risus continuauit, vt maiorem ridendo, quàm dudum ambulando, & nunc pulsando contraxerit fatigationem. Post eum diem nec verberibus, nec verbis asperè vnquam accepit, nec appellauit mulier Virum. puto edocta pluribus experimentis, huiusmodi fatua ingenia tanquàm pueros, aut bis pueros senes, blandiendo potius & adulando mulceri, quàm minando & castigando terreri, hoc est irritari oportere. Nunc in summa tranquillitate ac pace simul viuere dicuntur.

Finem fecerat dicendi Coppetta, at nondum faciebant ridendi elegans & lepida Societas: cum Philander; Vt ridicula, inquit, Narratio non sit penitus ridicula, sed aliquid nobis conferat ad civilem vitam; libenter ex vobis audierim seniores, quo nam modo cum his natura simplicibus, aut seruis, aut liberis agendum sit, vtrum leniter cum singulis indifferenter, an cum aliquo simplicium genere durius, asperius. Ego, inquit Archelaus, (nam hunc maxime Philander intuebatur) ita rem definierim, licet per Exemplum

plum paulò aliter videatur posse sentiri. Homi-
 nes simplices, idest qui humanas astutias igno-
 rant, & fallere quempiam nec volunt, nec si ve-
 lint, sciunt; si sunt fideles, laboriosi, obsequen-
 tes, diligentes, qualis nimirum est (nostis homi-
 nem) Menicus ille altor liberorum meorum; hi
 mihi non solum leniter tractandi, sed etiam ma-
 gis diligendi, & cariores habendi videntur, quàm
 magna pars astutorum, magis sagacium, melius
 curantium. sin autem simplicitati adiuncta est
 improbitas, facile noscenda ex eo, quòd simplices
 huiusmodi libenter pigrantur, otiantur, bellu-
 antur; nec ferè quicquam pensi habent, dum suas
 expleant cupiditates, & sibi iucundè faciant, ubi-
 cumque cœpia est: hos ego quidem, si liberi sunt
 arctè habendos, & usque fatigandos censeo, ut
 libidinem labor domet, & expellat ignaviam. de
 servis autem siue spuris, non ausim in genere
 idem consilium dare. Nam utrique, si natura
 nequam sunt, hi perquam raro, illi plane nun-
 quam frugi evadunt per disciplinam, siue inten-
 tam, siue remissam. Probato documento & plus-
 culis confirmato exemplis Rex conuiuij Forte-
 bracchius; Lator, inquit, beneuolere princi-
 pia recreationum nostrarum. Calitibus ex more
 actis gratijs, cubitum singuli discedamus.

FINIS.

Pag.	lin.		
20	5	testimonia	testimonio
29	27	vim debitum	iam debitum
47	17	flagrantium	fragrantiam
ibid.	30	Vtramque	Vtrarumque
70	4	affirmabat	offirmabat
133	32	fortunam	fortuna
151	14	concurrerat	cucurrerat
158	31	affectari	assectari
161	13	cuius	cuias
169	15	delicta	dilecta
185	11	honestate	honestā
199	22	optimam	opimam
229	12	numero	humero
233	5	farcundum	farcendam
287	7	natos	natus
ibid.	14	fama	forma
318	7	res	rem
326	7	vocem	voces
330	1	decoro	decore

Reliqua errata leuiores ac fa-
uens Lector facile agnoscat & ignoscat.



786334





